





p | A

~~L. IX. 28.~~
(7) ~~VI. 25~~
~~L. IX. 28.~~

14-9. G. 37

DE
PROVIDENTIA
NUMINIS

ET
ANIMI IMMORTALITATE
LIBRI DVO

aduersus Atheos & Politicos:

AVCTORE

LEONARDO LESSIO *Societatis IESV*,
S. Theologiae Professore.



ANTVERPIÆ,
EX OFFICINA PLANTINIANA,
Apud Viduam & Filios Io. Moreti.
CLC. ILC. XIII.

Collegii S. Pauli ad plateam Columnarum.

12 - 14 L 12

11 - 12 L 12

12 - 13 L 12

13 - 14 L 12

14 - 15 L 12

15 - 16 L 12

16 - 17 L 12

17 - 18 L 12

18 - 19 L 12

19 - 20 L 12

20 - 21 L 12

21 - 22 L 12

22 - 23 L 12

23 - 24 L 12

24 - 25 L 12

25 - 26 L 12

26 - 27 L 12

27 - 28 L 12

28 - 29 L 12

29 - 30 L 12

30 - 31 L 12

31 - 32 L 12

32 - 33 L 12

33 - 34 L 12

II
RÈVERENDISSIMO

DOMINO


D. HENRICO FRANCISCO

VANDER-BVRCH

EPISCOPO GANDENSI

LEONARDVS LESSIVS

Salutem & omne bonum.

 LVRIMAE hoc quo
sectæ, & Religio-
num diffidia infe-
stant orbem ; sed
nulla ex his vel
hominum multitudine, vel lo-
corum amplitudine, vel Regno-
rum & Prouinciarum diuersita-
te numerosior, quàm secta & Hæ-
reses, hoc est, eorum qui Numi-
nis prouidentiam & animorum
* 2 immor-

immortalitatem tollunt, vel cer-
tè de his ambigunt. Viget hæc
apud Iaponios, Sinas, Indos,
Tartaros, aliásque barbaras na-
tiones: viget apud Mahumeta-
nos, quorum plerique omnia fa-
to tribuunt, vt Chalcondilas &
alij auctores scribunt: viget &
apud hæreticos, quorum pluri-
mi de toto Religionis negotio
dubitant. Cùm enim contem-
pta Ecclesię auctoritate nihil fir-
mi remaneat, quo nitantur; ne-
cessè est eos, si suæ doctrinæ fun-
damenta attentius considerent,
instar arundinis fluctuare: quo
fit vt facili negotio religionem
commutent, & ex alia in aliam
se transferant, donec in merum
atheismum desinant. Denique
viget etiam hæc secta inter mul-
tos qui Catholici audire volunt,
&

& plus se omnibus Theologis sapere existimant : quorum Dux hoc tempore Nicolaus Macchiauellus. Tendit sensim mundus ad terminum, & quò lōgius procedit, eò fit sceleratior: vt ex Scripturis sacris manifestè colligitur. Sicut enim fraude diaboli, exordio mundi (præsertim post diluuium) genus humanum ex cultu vnius Dei in *πολυθεϊαν* sensim est deductum: ita sub finem in alterum extremū, eiusdem magistri operā, nempe in *ἀθεϊαν* flectetur. Ante Christum per tria pænè annorum millia mundus admirabili superstitione, & plurimorum numinum metu tenebatur constrictus: verū Christus Dominus suo aduentu discussis hisce tenebris, mundum superstitionibus, & vanorū numinum metu

liberauit, Idololatria sublata, & cultu vnius Dei restituto. Itaque cùm diabolus videret difficile fore in tanta luce veritatis Idololatriam pessumdatam restituere; omni ope sibi conandum existimauit, vt eum in alterius extremi barathrum (atheismum dico) præcipitaret.

Quare cùm hæc secta funestissima adeò latè pateat, vt maiorem pænè mundi partem occuparit; & totus diaboli conatus in eo versetur, vt eam promoueat: operæpretium me facturum putauit, si eam paulò penitiùs examinarem, eius rationes & argumenta discuterem, & contrariis rationibus cōuellerem. Conatus sum id præstare duobus hisce libris, breuiter & dilucidè, omissis infinitis, quæ à curioso scriptore
huc

IV

huc possent congeri; cū non admirationem & laudem, sed fructum quæram.

Hosego R^{ME} DOMINE tuo nomini multis de causis inscribendos iudicaui. Primò, vt gratuler tibi, & in primis Ecclesiæ tuæ (cuius commodo id factum) nouam dignitatem, quæ tibi nullo tuo ambitu, nulla præfatione, sed merito tuæ personæ (vt etiam Ill^{mi} Cardinales, visis informationibus, censuerunt) delata est. Constat enim, qua fide, prudentia, dexteritate, diligētia & zelo, Vicaria opera magnam illam Prouinciam Archiepiscopatus Mechliniensis plurimos annos administraueris: quibus dotibus ingenij, iudicij, doctrinæ anima tua sit instructa: qua morum suauitate in congressibus, qua fortitu-

* 4

dine

dine in negotiis, qua sagacitate
in detegendis administratorum
& quæstorum fraudibus, qua cir-
cumspeditione in cauendis peri-
culis: deniq; præsidia illa & or-
namenta quæ Apostolus in Epi-
scopo requirit, tibi præclare sup-
petere.

Omitto Aui tui, qui Præses
Concilij Flandriæ fuit, merita
omitto merita Parentis, summi
iudicij & dexteritatis viri, & suo
Principi in magna fortunæ va-
rietate semper fidissimæ, eamque
ob causam Regi Catholico Phi-
lippo II. glor. mem. charissimæ.
Qui etsi maximis honoribus &
officiis in Belgio, plurimis annis
sit perfunctus, quibus immane
quantum ditescere potuisset (fuit
enim nō solum in præcipuis Re-
giis Conciliis Senator, sed etiam
Præses

Præses , primùm magni Parla-
 menti Mechliniensis , deinde
 Concilij priuati) tamen rem fa-
 miliarem non auxit, grauissima
 in obsequio sui Principis perpes-
 sus. Anno enim 1572. hæreticis
 ex improviso Mechliniam occu-
 pantibus, in carcerem infamem
 coniectus est, & multis molestis
 affectus, grauem quoque fortu-
 narum iacturam pertulit: & nisi
 subito Dux Albanus cum exerci-
 tu superuenisset, iam erat morti
 destinatus. Anno verò 1580. cum
 eadem vrbs iterùm ab hæreticis
 occupata fuisset, domus eius rur-
 sus spoliata, omnisque supellex
 direpta, & insuper pro vxore,
 quæ fuga sibi consulere non po-
 tuerat, redimenda, multa millia
 florenorum dependere coactus
 fuit. Has aliasque molestias, &
 * 5 rerum

rerum suarum clades in obsequio
sui Principis fortiter sustinuit:
non tamen idcirco se ad sarcien-
dam rem familiarem, vt passim
fieri solet, contulit; sed ita sem-
per in bonum publicum inttēus
mansit, vt sua priuata negligere
videretur. Poterat sanè horum
omnium haberi ratio in dignita-
te illa deferenda; sed Serenissi-
mus Princeps noster, pro sua pie-
tate & prudentia, optimè intelli-
git, in dignitatibus Ecclesiasticis,
præsertim hoc tempore quo Re-
ligionis negotia turbatissima,
non tam parentum, quàm filio-
rum quibus deferuntur, spectan-
da merita. quod planè iudicium
in tua causa est secutus.

Est & alia causa, cur ad te ani-
mum conuerterim, nimirū mul-
torum annorū familiaritas, quæ
mihi,

VI

mihi, & multis nostræ Societatis
viris tecum intercessit; crebrum
hospitiū quo sæpè Mechliniam
transeuntes, amanter & liberali-
ter excepti, & alia beneficia in
nostrū Seminarium, & domum
Probationis collata. Ingrati si-
mus, nisi aliquo symbolo animi
gratitudinem & affectum decla-
remus.

Accipe itaq. R^{ME} DOMINE, hoc
munusculum eo affectu, quo of-
fertur, & nos solito fauore profe-
qui pergas. Nostrum erit assiduè
Dominum precari, vt tibi vale-
tudinem & vires ad ferendum
tantum onus suppeditet, & sin-
gulari fauore ac ope conatus tuos
in Ecclesiæ bonum prosequatur.
Hoc vnicum votum nostrū, hæc
omnium comprecatio. Vale in
Domino. Louanij, 20. Nou. 1612.
PRÆ-

P R Æ F A T I O .

D VAE nobis hinc quæstiones
discutiendæ : altera de Nu-
mine ; sitne aliquod Numen
quod sua providentia res hu-
manas gubernet , & post hanc vitam ra-
tionem factorum exigat : altera de anima
humana , sitne illa immortalis , an unâ cum
corpore extingatur . Res vtraque inquisi-
tione dignissima , & inter omnia cognita
maximè necessaria . Nam quod ad priorem
quæstionem attinet , si semel constituerit nul-
lum esse Numen , à quo istud Uniuersum
& res humanæ gubernentur , sed omnia
vel naturæ quodam impetu , vel fortuito
causarum concursu euenire ; magno futuro-
rum metu soluti , liberè secureque poterim-
us agere , quidquid animo fuerit collibi-
tum . Nemo enim post hanc vitam rationem
actorum exiget , nemo pro malè gestis pœnas
irrogabit ; nulla etiam pro benè actis præ-
mia erunt expectanda . Utcumque ergo vi-
xerimus , nihil mali nobis inde impendebit ,
aut

VI

aut boni. Nam & peccatum ipsum nihil
erit nisi falsa quædam opinio legis violatæ,
Naminiſque offenſi.

Si verò ſit aliquod Nūmen, cuius provi-
dentiā regantur omnia, magno nos eius ti-
more contineri par eſt; & maximopere no-
bis cauendum, ne illius leges & ſanctiōnes
violantes, illud offendamus. Certiſſimè enim
poſt hanc vitam rationem aſtorum exiget,
& meritas pœnas iis qui peccauerint in-
fliget. Nam ad providentiam Gubernantis
pertinet in primis, & malefacta ſuppliciis,
& benefacta præmiis compenſare. Conſir-
mant id omnes gubernationis, quæ inter
mortales in uſu ſunt, formæ: tam quæ vi-
tioſæ, ut Tyrannis, Oligarchia, & Demo-
cratia; quàm quæ probæ, ut Monarchia,
Ariſtocratia, Politia, & quidquid ex his
mixtum. Nam hæ omnes præmia & ſup-
plicia conſtituunt, quibus tamquam fun-
damentiſ nituntur, ſine quibus nullo modo
conſiſtere valerent. Si ergo eſt aliquis ſupre-
mus rerum moderator, neceſſe eſt etiam in
ius gubernandi ratione præmia & ſuppli-
cia

cia esse constituta, ut eorum consideratione
& à flagitiis absterreantur, & incitentur
ad virtutem. Valdè igitur hoc Numen mor-
talibus est formidandum, ne illius iram in-
currant, ne vindictam illius in caput suum
accersant. Nemo illi resistere valet; nemo
eius potentiam & dominatum effugere; ne-
mo extra imperij limites euadere.

Quare & hoc cauendum quàm maximè,
ne priusquam solidis rationibus planè &
perspicuè constiterit, tale Numen nusquam
existere, sed esse figmentum humanum ad
rem politicam (ut quidam volunt) excogi-
tatum, negetur esse in rerum natura, vel
prouidentia & mundi gubernatio ei detra-
hatur. Maximum enim in huiusmodi te-
meritate est periculum grauissimi sceleris. Si
enim tale Numen existit, atrocem blasphe-
miam, & grauissimum perduellionis crimen
in illam Maiestatem patraſti. Sicut enim
Regem maxima iniuria afficit, qui vel ipsam
esse Regem, vel Regnum ipsi negat esse sub-
iectum, estque reus læsæ Maiestatis, etiamsi
ex aliquibus coniecturis putet se vera di-
- cere:

tere: ita qui negat esse aliquod Numen supremum, quo mundus & omnia regantur, atrocem iniuriam irrogat Deo, estque reus læsæ Maiestatis diuinæ, quamvis ratiunculis aliquibus in hanc opinionem adductus sit.

Quid ergo illi aliud expectandum quam gravissima vindicta, si tale Numen extiterit?

Ex quibus constat, quantopere hæc res sit cognita necessaria. Neque multò minùs necessaria est notitia cõditionis animæ. Si enim deprehensum fuerit hanc esse mortalem in hominibus sicut in brutis, nihil est quod vereamur in posterum, sed securi futurorum pro arbitrio vivere poterimus. Si verò contrarium ostensum fuerit, meritò convenit nos esse anxios, ne post hanc vitam immortalis animæ in graves & immortales pœnas incurrat. Utrumque horum statui discutere. Prius de Numine, libro priore: posterius de anima, libro posteriore. Utriusque consideratio pulcherrima est, & magni solatiij. Nam præsentia diuini Numinis, eiusque providentia mirificè elucet, tum in ipsa mundi, & eorum quæ mundo continentur, fabri-

fabrica; tum in rerum cursu & gubernatione. Animi quoque immortalitas plurimis & apertissimis indiciis deprehenditur. Tractabo hac ea qua potero breuitate & perspicuitate, pratermissis multis curiosis & parum vtilibus, quæ Lectorem implicare & à primario scopo auertere possent. Non enim hæc ad ostentationem, sed ad fructum legentium comparata esse desidero.



DE

DE NUMINE

EIVSQUE

PROVIDENTIA

LIBER I.



PRIMO, recensebo quanam ex veteribus senserint nullum esse Numen, quo res humanæ temperentur, & potiora eorum argumenta proferam. Secundo, statuam sententiam contrariam, eamque multis argumentis confirmabo. Tertiò, rationes aduersæ partis dissoluam.

CAPVT I.

Quanam sustulerint Diuinitatem, & quanam ad hoc suppetant rationes.

INTER veteres quidam reperiuntur, qui sustulere prorsus Diuinitatem, negantes omne Numen à quo mundus dependeat. Quidam admissio tali Numine, negarunt

A ipsius

ipsius prouidentiam circa res in particulari spectatas, præsertim circa liberas actiones, coacti ratiuncula aliqua, quam soluere non poterant. Qui prorsus negarunt, pauci fuerunt; quorum præcipui Diagoras Milesius, & Protagoras Abderites, vterque Democriti discipuli, & Theodorus ille passim atheus dictus, sophista impurissimus pariter & impudentissimus, & Bion Borysthenites Theodori discipulus; de quibus consule Suidam in Lexico, & Laërtium l. 2. & 9. de vitis Philosophorum. His adiungi potest Lucianus omnium numinum irrisor, & acerrimus Christianorum hostis, qui ob impietatem à canibus discerptus, teste Suida. & Plinius, qui lib. 2. c. 7. dubitat an præter solem, quem principale naturæ regimen ac numen antè dixerat, sit aliud numen, seu Deus alius. *Quisquis, inquit, est Deus (si modo est alius) & quacumque in parte, totus est sensus, totus visus, totus auditus, totus anima, totus animi, totus sui.* Deinde refutatis gentilium dijs, ait: *Deus est mortali inuare mortalem, & hac ad aternam gloriam via: hac proceres iere Romani, hac nunc celesti passu cum liberis suis vadit maximus omnis aui Rector Vespasianus Augustus, fessis rebus subueniens. Hic est vetustissimus referendi benè merentibus gratiam mos, ut tales numinibus adscribantur.*

tur. Et infra: Irridendum verò agere curam rerum humanarum. istud quidquid est summum. Anne tam tristi atque multiplici ministerio non pollui credamus, dubitemusve?

Solam providentiam, concessio numine, negarunt Democritus, Heraclitus, Epicurus, & Lucretius: quia omnia putabant evenire aut vi naturæ, teste Lactantio lib. 1. de ira Dei cap. 9. & 10. aut fortuito atomorum concursu, ut aperte colligitur ex Lucretio. Item Aristoteles, ut multi putant. Nam lib. 12. Metaphys. cap. 9. dicit absurdum esse primam mentem de rebus quibusdam cogitare, & melius esse quædam non videre, quam videre. Contrarium tamen insinuat lib. 10. Ethic. cap. 8. quam ob causam illum ab hoc crimine malim vindicari. Cicero lib. 2. de diuinat. tollit præscientiam futurorum quæ pendent à libertate arbitrij; quia putat hanc præscientiam allaturam ipsis rebus necessitatem: unde etiam tollit diuinationem & providentiam. Inter recentiores plures reperias, qui ipsam diuinitatem è medio tollant, pauciores qui solam providentiam. Ratio enim providentiæ ita est coniuncta cum diuinitate, ut nullo modo separari possit, si quis rem paulò attentius expendat. Qualis enim esset ille Deus qui ignoraret etiam ea quæ nobis sunt perspicua? aut cui

Lib. 5. de
Ciuit. c. 9.

mens est adedò debilis & angusta, vt ad omnia, quę fiunt in mundo, attendere nequeat? Rectè à D. Augustino quodam loco contra Ciceronem dictum est, *cōfiteri esse Deum, & negare præscium futurorum, apertissima insania est.* Itaque vel admittenda est prouidentia, vel penitus Diuinitas è medio tollenda.

- 3 Et si autem complures sint hodie qui Diuinitatem omnino negent, non tamen ita passim sunt noti. Premunt enim silentio hoc mysterium metu legum, nec ausi euulgare nisi apud familiares. Occasionem maximam præbuere huius æui hæreses, quæ ferè omnes ad atheismum ducunt. Vbi enim discessum est à religione Catholica, nihil inuenitur solidi in quo animus possit acquiescere: quo animaduerso, statim incidit dubitatio de toto Religionis negotio, & incipit homo ambigere, sitne res conficta ad populum metu Numinis & prætextu pietatis in officio continendum. Hinc fit, vt plerique qui inter hæreticos sunt prudentiores, maioreque præditi ingenio, de summa Religionis ambigant, & vel nullum esse Numen putent, vel ancipites hæreant, parati ad quamlibet Religionem, prout ad statum suum retinendum vel augendum visum fuerit opportunius. Hos passim Politicos vocamus, quia omnem Religionem ad Politiam, siue statum

statum Politicum referunt; & quatenus Religio aliqua ad hunc conducibilis videtur, eatenus eam æstimant & vsurpant. Ex horum numero non postremas tulit Nicolaus Macchiauellus, vt ex libris, quos Italicè conscripsit, & in primis ex libro de Principe, qui multorum manibus teritur, constat.

Rationes præcipuæ quibus hæc sententia nititur, sunt istæ.

4

*Rationes
contra Pro-
uidentiam.*

1. Si esset aliquod Numen quo mundus regeretur, non sic inualesceret improbitas, non tam prosperos haberet successus, nec ita posset opprimere virtutis & innocentiae cultores; sicut omnibus sæculis factum videmus. Nam ad prouidentiam gubernantis pertinet, improbos non permittere dominari; sed coërcere pœnis, & varijs calamitatibus castigare, tum vt probos affligere desinant, tum vt vitam emendent, & ad virtutis studium se conuertant. Sit enim ciuitas aliqua, in qua pessimi quique perpetuò dominantur, impunè in aliorum fortunas inuolent, alienos toros violent, omniæque pro sua libidine gerant nemine impediente, quis dixerit hanc ciuitatem habere gubernatorem? sapientem, inquam, & prouidum? Quare cum in mundo tantam videamus ordinis perturbationem, quanta maior vix animo cogitari potest; nimirum Dei cultores

res opprimi, paupertate & varijs miserijs
conflictari, ab omnibus despici, & tandem
sæpè miserè mori; impios verò dominari,
triumphare, pios subijcere, opibus abunda-
re, voluptatibus & honoribus circumflue-
re, omnia illis ex voto cedere, denique tran-
quilla morte defungi; quis hîc putet præsi-
dere aliquam providentiam, qua omnia dis-
pensentur? Ex illa enim ataxia & confu-
sione rerum quæ apparet in opere, conijci-
mus nullum esse Rectorem, qui illi præsi-
deat. Hoc argumentum isti sententiæ ful-
ciendæ videtur præcipuum, quod etiam
olim multo turbavit, & etiamnum turbat.

- 5 2. Experienciâ constat, cuique ferè sua
negotia succedere pro ratione industriæ, &
virium quas adhibet, non pro ratione iuris
quod habet: vnde plerumque qui iniquissi-
ma bella gerunt, victoriam obtinent, vel
quia potentiores sunt, vel quia maiore in-
dustria vtuntur: & qui iniquam litem fo-
uent, sæpè Iudicum sententiam obtinent,
periurijs & falsis instrumentis instructi: de-
niq; in omnibus negotijs humanis magis in-
dustriam & vim humanam, quàm provi-
dentiam & dispositionem alicuius causæ su-
perioris dominari videmus. quæ omnia no-
bis videntur indicio, nullum esse numen à
quo omnia gubernentur, sed quemque
sua

suæ providentiæ ac industriæ relictum. —

3. Videmus res eas quæ natura constant, 6
semper eodem modo procedere, eundem-
que cursum & ordinem tenere; solem oriri,
occidere, remeare in suos circulos, suo ac-
cessu efficere ver & æstatem; recessu autum-
num & hiemem : res oriri & occidere, &
alias ex alijs sine fine procreari ad perpetui-
tatem speciei: quod signum est omnia natu-
ræ vi gubernari; nec aliud numen præter na-
turam rerum, qua hæc omnia efficiantur,
quærendam.

4. Præterea videmus homines gigni, for-
mari, nasci, crescere, adolescere, senescere,
& mori eodem modo, quo reliqua animan-
tia perfectiora; & ijsdem constare membris
ac organis: ergo idem quoque ipsis est finis
vitæ: & sicut illa funditus pereunt, ita &
homines.

5. Denique si est aliquod Numen supre- 7
mum, credibile est illud se rebus humanis
non immiscere, nec curare quid apud nos
agatur. Primò, quia id indignum videtur
eius maiestate: sicut magnus quispiam mo-
narcha nō immiscet se negotijs priuatis sin-
gulorum civium, aut agricolarum, aut man-
cipiorum; nec curat quid singuli cogitent,
aut dicant, aut agant; omnes enim tam mi-
nutam curam fastigio regali censent inde-

coram: sic etiam homines non immiscent se negotijs formicarum aut culicum; neque curant quam illi politiam habeant, quæ commercia tractent aut bella gerant. At nos ad illud Numen longè sumus formicis minores. Deinde, quia ipsum erit summè beatum, & sibi sufficientissimum, nec quidquam extra se quæret; cur ergo de rebus nostris sit sollicitum? Denique, quia per res humanas, vtcumque se habeant, nulla potest illi fieri accessio vel decessio. Alias rationes non inuenio.

CAPVT II,

Esse vnum supremum Numen, cuius providentia administrantur omnia, multis rationibus demonstratur.

- 8 **A**T contraria sententia tamquam certissima statuenda est, nimirum esse vnum supremum Numen, cuius providentia res humane, & cetera omnia gubernentur, quod Deum vocamus: idque non tantum credi ex revelatione diuina, sed etiam multis rationibus, ex iis quæ nobis nota sunt, & sensibus percipiuntur, solidè probari posse. Et si enim Diuinitas secundum se nobis sit planè inuisibilis, tamen tam multæ & perspicuæ illius in rebus sensibilibus elucet notæ, tot
vbi-

vbique impressa vestigia, tot illius lucis emicant stricturne, ut si quis hæc diligenter consideret, nullo modo de illa, eiusque providentia, possit ambigere.

Quatuordecim vel quindecim mihi occurrunt rationes, quibus hæc veritas probari, imò & clarè demonstrari posse videtur, quas breuiter explicabo.

1. Ex omnium gentium & sapientum confessione.
2. Ex motu orbium cælestium.
3. Ex eo quòd res corporales & aspectabiles non possint esse à seipsis.
4. Ex rerum pulchritudine, & structura partium respectu totius.
5. Ex structura partium mundi in ordine ad finem.
6. Ex structura partium in animalibus & plantis in ordine ad finem.
7. Ex eo quòd omnium operationes ordinatissimè ad finem tendunt.
8. Ex vultuum & vocum diuersitate, & mundi paupertate.
9. Ex miraculis.
10. Ex prædictionibus & occultorum reuelatione.
11. Ex spiritibus.
12. Ex morum & vitæ directione.
13. Ex eo quòd nihil debet manere inordinatum,

A 5

natum,

10 DE PROVIDENTIA NYMINIS
natum, & animæ immortalitate.

14. Ex variis diuinæ seueritatis & benignitatis exemplis.

15. Ex pœnis quæ blasphemis, sacrilegis, periuris repente & inuisibiliter irrogatæ.

Prima RATIO, ex gentium, & sapientum confessione.

10 OMNES gentes tam barbaræ quàm litteris cultæ, omnibus sæculis, quantum ex historiis constare potest, senserunt esse aliquod Numen, quod res humanas cognoscat & gubernet, quod nostri curam gerat, ad quod in periculis & afflictionibus sit confugiendum, à quo præmia pro rectè factis, & supplicia pro sceleribus sint expectanda. Ita Iudæi, Ægyptij, Æthiopes, Assyrij, Chaldæi, Græci, Romani, Germani, Galli, Indi, Chineses, Iapones, Tartari, & alij; non solum post Christum, sed etiam ante. Cuius manifestum signum est; nam omnes habuerunt sua sacra, suas cærimonias, sua templa, suos sacerdotes ad cultum Numinis institutos. Huic preces & vota faciebant, sacrificia & donaria offerebant, & variis modis illud placare, & sibi conciliare conabantur. Tribuebant ergo illi prouidentiam, & sentiebant omnia nostra ab eo cognosci; illudque posse

posse opem ferre, pericula propulsare, desiderata largiri, & malefacta vindicare. Frustrà enim supplicarent, & sacrificia offerrent illi qui non attenderet, qui rebus nostris se non misceret, nec nostri curam gereret.

Hinc sequitur hanc sententiam non esse traditione acceptam, sed à natura omnium mentibus insitam, cum omnes gentes in eam consentiant. Et si enim non omnes conveniant, sitne illud Numen vnum an plura, corporeum an incorporeum, finitum an immensum; omnes tamen sentiunt esse aliquod Numen, idque esse colendum: ut etiam Cicero testatur, cum ait: *De hominibus nulla gens est neque tam immansueta, neque tam ferrea, quæ non, etiamsi ignoret qualem Deum habere deceat, tamen habendum sciat.* Vnde idem alibi ait, *hoc omnibus esse innatum & insculptum.* Si omnibus hoc à natura est insitum, fieri omnino nequit, ut sit falsum. Natura enim non in seuit menti assensum falsi (alioquin prava esset, & mentem rationemque, peruerteret) sed solum veri. Nam verum est bonum intellectus, & veluti sanitas; falsum verò est malum eius & depravatio. Atqui malum & vitium rei non est ex inclinatione naturæ, sed contra illam: quare nec assensus falsus.

Addo: Si non esset verum *Deum esse*, non solum

Lib. I. De legibus.

De natura deorum.

solùm id esset falsum , sed etiam penitus ἀδυσίατον, & contradictionem implicans. Si enim Deus iam non est , aut providentiam non habet ; prorsus impossibile est , & contradictionem inuoluit , ipsum aliquâdo existere, & providentiam habere. In diuinis enim idem est esse actu , & posse esse : non esse actu , & esse impossibile , vt Aristoteles & omnes Philosophi docent. At quomodo fieri potest , id quod non solùm est falsum , sed penitus impossibile , ita omnibus gentibus esse persuasum , ita omnium animis insculptum , vt in illud consentiant omnes , & omnibus locis absque doctrina externa semper consenserint? Qua in re ostenditur vis huius veritatis , quæ tanta est , & tantam cum mente humana consensionem habet , vt omnium mentes sponte sua peruasit , & occuparit. Cuius etiam signum est , quòd omnes gentes in repentinis periculis naturæ quodam instinctu , absque deliberatione ad Deum recurrant , eiusque opem implorent: *O Deus succurre , ô Deus adiuna me , ô Deus miserere* , &c. Rursus quòd Deum dicant omnia scire , omnia posse : eius fauorem imprecentur amicis , vindictam inimicis , vt eleganter prosequitur Tertullianus libello De animæ testimonio.

- 13 Et quamuis hæc veritas non sit ita per se nota,

nota, & omnibus conspicua, ut nemo possit refragari; ita tamen lumini rationis est consentanea, ut & ex ipsis terminis statim appareat verosimilis, & mens in eius assensum inclinet, & lingua in eius confessionem erumpat occulto quodam instinctu, nulla deliberatione præiua. Vnde nemo unquam illam negavit, nisi cui naturale iudicium falsa aliqua ratiuncula, vel peruersa phantasia corruptum, & veluti prauo colore fuscatum fuit: quo modo etiam interdum accidit, ut quidam ea quæ ipsis sensibus sunt manifesta iuerint inficias. Sic Zeno negabat motum; Democritus statum, affirmans nihil esse permanens, sed omnia versari in assiduo fluxu; & mundum quotidie nasci, quotidie interire. Nihil enim est adeò absurdum, quod huic vel illi, corrupto mentis sincero (ut sic dicam) palato, & peruersa Imaginatricis natiua dispositione, verum & rationi consonum videri non possit. Qua ex causa etiam factum est, ut quidam ex Philosophis diuinitatem sustulerint, aut providentiam, ut suprà diximus. Verum non est curandum quid pauci aliqui senserint, sed quibus rationibus nixi ita senserint. Rationes esse nullius momenti, infra ostendemus.

Præter commune iudicium omnium gentium, habemus etiam sententiam præstantissi-

tissimorum philosophorum , qui vsquam gentium floruerunt. Hi enim pænè omnes diuinitatem & prouidentiam statuère , vt fusè ostendit Augustinus Eugubinus in opere De perenni philosophia. Ita docuere Patriarchæ, Prophetæ, & omnes sapientes apud Hebræos, Sacerdotes apud Ægyptios, Magi apud Chaldæos , Gymnosophistæ apud Indos, Druidæ apud Gallos , & præcipuè philosophorum sectæ apud Græcos ; nimirum Pythagoreorum, Platoniorum, Stoicorum & (vt probat Eugubinus) etiam Peripateticorum. Omitto sententias hac de re clarissimas & pulcherrimas, quæ ex Trismegisto, Orpheo, Musæo, Homero, Hesiodo, Pindaro, Sophocle, ex Platone & Platoniciis, ex Seneca, Plutarcho, & aliis adferri possent, quas qui cupit inspicere, Auctorem memoratum consulat.

- 15 Stant igitur ab hac sententia omnes gentes, omnes ætates, omnes religiones, omnes sacrorum ritus, omnes sacerdotes, omnes prophetæ, omnis magorum disciplina, omnes omnium gentium illustriores philosophi; denique ipsa natura rerum quæ hunc sensum humano generi insculpsit.

Cuius ergo vel amentię vel arrogantię fuerit, ob leues aliquas coniecturas contrā sentire? hoc enim nihil est aliud quàm iudicium

cium priuatum iudicio totius orbis & omnium sæculorum anteponere, & seipsum omnibus sapientiorum & perspicaciorum facere. Produunt ergo omnes athei suam amentiam & superbiam quamdam immensam, quæ eos dementauit.

Secunda RATIO, ex orbium cælestium conuersione.

ADFERAM nunc aliquot rationes philosophicas, sed perspicuas, omiſſis obscurioribus quæ ex Metaphysica peti possent. Primò, Videmus corpora cælestia rapidissimo motu in orbem rotari. hic autem motus non potest habere originem ab impetu aliquo naturæ cælis insito, vel à causa corporali; ergo ab aliqua substantia spiritali & intelligente. hæc autem erit Deus. Quòd hic motus non oriatur ex inclinatione naturali cælorum, videtur manifestum. Nam quæ ex naturæ inclinatione mouentur, tendunt ad aliquem terminum in quo quiescant, & conseruentur. Sic omnia sublunaria habent impetum ad motum, vt si fortè extracta loco suo natiuo fuerint, ad illum redeant, & in eo se locent ac firment. Nam in loco natiuo res omnes interitui obnoxia bene se habent & conseruantur: extra illum tabescunt, & natu-

naturæ statum amittunt. Nihil autem habet inclinationem ad motum, vt sine fine moueatur, & numquam ad terminum pertingat: quia motus est quid imperfectum, vtpote via ad terminum. Nihil appetit semper esse in via, sed omnia cupiunt venire ad terminum, & in eo conquirere. Quare cùm orbium cælestium motus non tendat ad aliquem terminum, vt ibi sit requies, consequens est hunc motum non esse ex naturæ inclinatione, sicut motus omnium rerum inanimarum, quas in mundo videmus.

- 17 Idem confirmatur ex eo quòd inclinatio naturalis ad motum sit propter bonum subiecti, nimirum vt illud suam perfectionem assequatur, & conseruetur; non autem propter bonum aliorum. Ideò enim res singulæ habent impetum ad motum, vt singulæ suum locum naturæ suæ congruentem assequantur, & in eo se firmiter locent; non vt aliis profint. Atqui motus orbium cælestium nihil perfectionis adfert ipsis orbibus aut cælestibus corporibus (quid enim soli vel astris illa gyratio prodest?) sed solum utilis est rebus inferioribus, dum astrorum vim & efficientiam per totum orbem differt ac distribuit, & omnia facit crescere, vegetari, perfici, conseruari. Constat ergo hunc motum non esse ex naturæ inclinatione. Non enim
cælo-

cælorum orbes cogitare potuerunt hunc motum vtilem fore mundo inferiori, vt ex affectu ac charitate illius sese hoc modo assidue rotarent. Nam hoc mentis est & intelligentiæ. Quare necesse est vt fit aliqua mens potentissima, quæ hanc vtilitatem animo conceperit, & propter illam hunc motum instituerit, certoque modo temperaverit, à qua assidue dependeat & continetur.

Præterea ipsa motuum cælestium varietas satis indicat, illos à natura, cuius inclinatio simplex & vniformis, non esse. Nam præter motum ex Oriente in Occidentem super polos mundi (qui omnibus est communis) singuli planetarum orbes habent proprium ex Occidente in Orientem, diuerso axe, diuerso tramite, differenti celeritate. Orbis enim Saturni periodum suam conficit annis ferè 30. Iouis 12. Martis circiter duobus, Solis vno, Veneris vno, Mercurij eodem ferè spatio, Lunæ 27. diebus, horis 8. Ecce quanta diuersitas? Neque refert, etsi loco motus planetarum in Occidentem, statuas motum in Orientem, sed tardiozem, iuxta quorundam sententiam; quia eadem cernitur varietas, idem motuum discrimen, eadem symphonia & proportio. Rursus planetæ interdum sunt terræ viciniore, interdum multò

B

remo-

remotiores, nunc stationarij, nunc directi, nunc retrogradi: ad quod demonstrandum excogitati sunt eccentrici & epicycli.

Præterea multa alia per fistulam dioptricam, recens à quodam Batauò inuentam, in cælo nuper animaduersa sunt prorsus admiranda, & toti antiquitati tot sæculis ignota. Nimirum corpus lunæ veluti spongiosum, & floccis quibusdam constans, variis locis intercisum. Sidus Veneris crescere & decrescere instar lunæ: curuatur, enim in cornua, eodem prorsus modo quò luna; dimidiatur, & impletur. Sed cùm plenus est eius orbis, non opponitur soli ex diametro sicut luna; sed parum ab eo distat. Vnde efficaciter colligi videtur sidus Veneris in vasto epicyclo moueri circum solem, ita vt aliquando sit multò altius sole, aliquândo multò demissius. Simili modo circa sidus Iouis notatæ sunt quatuor stellæ parvæ, quæ nunc ipsum antecedunt, nunc sequuntur; nunc omnes simul apparent: nunc aliæ apparent, aliæ non apparent. Vnde perspicuè sequi videtur illas moueri in paruis epicyclis circa illud sidus. Rursus in sole animaduersæ sunt multæ maculæ, quæ tamen non retinent eundem situm, sed assiduè locum mutant: & nunc pauciores, nunc plures apparent. Vnde facile colligitur eas corpori solis non inhæ-

inhærere, sed esse paruas stellas, quæ se inter aspectum nostrum & solem obiciunt, & circum corpus solis in epicyclis mouentur. Sæpè hæc omnia ipse instrumento conspexi, cum summa admiratione diuinæ sapientiæ & potentiæ, quæ motus astrorum tam stupendo artificio disposuit, vt mens humana eorum rationem & modum nullo modo possit assequi. Omitto innumerabilem stellarum multitudinem quæ adminiculo illius instrumenti distinctissimè in cælo notantur, omnibus Astronomis vsque ad hoc tempus irreperam.

Denique in sphaera octaua, in qua sunt 19 stellæ fixæ, triplex animaduersus est motus, Primus ex Oriente in Occidentem, qui totum cyclum horis 24. absoluit. Secundus ex Occidente in Orientem, qui centum annis putatur conficere gradum vnum. Tertius ex Austro in Septentrionem, & contrà, quo principium Arietis & Libræ sphaeræ octauæ describit paruulos circulos circa principium Arietis & Libræ sphaeræ nonæ, qui 7000. annis peragitur. Quis tam multiplicem varietatem motus localis dicat esse à natura, & non à mente aliqua præstantissima, hæc omnia sic moderante ob commoda sublunarium, præsertim humani generis, cui cetera seruiunt?

- 20 Neque refert, siue dicas hos motus fieri per varios impulsus transeuntes, sicut motus rotæ figuli efficitur à figulo, siue per vires stabiles & permanentes (vt quidam volunt) cælestibus orbibus impressas . Nam vtrouis modo fiat, necesse est procedere à causa aliqua incorporea, mente & intelligentia prædita, non ab inclinatione propria naturæ. Hanc autem causam tam potenti manu; tam miris modis orbes cælestes rotantem dicimus esse Deum, siue id ipse faciat immediatè, quod est multò verisimilius; siue ministerio inferiorum spirituum, vt multi sentiunt.

*Tertia RATIO, ex eo quòd res corporea
& aspestabiles non possint esse à seipsis,
nec à casu fortuito.*

- 21 **E**ST aliqua causa in rerum natura, à qua cetera omnia secundum suam substantiam dependent. hanc autè vocamus Deum. Esse talem causam probatur: quia res corporeæ vel sunt à seipsis, vel à casu fortuito, vel sunt ab aliqua causa incorporea mente prædita. Nullus enim Philosophorum aliud mundi principium efficiens statuit, nec aliud fingi potest, nisi quis dicat hunc mundum esse productum ab alio mundo, & istum ab alio,

alio, & sic deinceps absque termino: quod per se est absurdum, cum inducat processum in infinitum. Atqui constat res non esse à seipsis, nec à casu: ergo necesse est illas esse productas & formatas ab aliqua mente. Non esse à casu, nimirum ex casu fortuito atomorum seu minimorum corpusculorum, sicut Democritus, Epicurus, Lucretius & alij quidam censuerunt, patet tum ex mundi rerumque omnium structura & forma; tum ex summo ordine & constantia, quæ in motu calorum, & aliarum rerum functione conspicitur. Quis rationis compos ea quæ summa ratione constant, & artium omnium ingenia superant, sine ratione, sine arte, solo motu, & concursu fortuito atomorum producta existimet? hoc enim perinde est, ac si palatium quoddam pulcherrimum, non ab artifice aliquo summa arte constructum, sed fortuito extitisse dicas, terræ motu rupem disturbante, & fragmentis saxorum casu in hanc formam dispositis: aut annales Ennij, vel Liuij commentarios non à scriptoribus illis concinnatos, sed fortuito litterarum concursu perfectos. Si enim mundi partes, & partium dispositio, & corpora animalium ac plantarum, in quibus est summa ratio summumque artis ingenium, sine arte & ratione, solo fortuito cōcursu atomorum fieri

B 3

potue-



potuerunt ; cur simili modo non possunt fieri palatia, templa, ciuitates, vestes, gladij, libri, epistolæ, & similia in quibus longè minus est artis & ingenij ? Valeat ergo insana illa de atomorum concursu sententia, quæ nullum alium in finem à suis Auctoribus videtur excogitata, quàm ne cogerentur fatari mundum diuina prouidentia gubernari: quam prouidentiam tamquam formidabilem humanæ menti flagitiis mancipatæ, & omnis voluptatis turbatricem, exolam habebant; vt ex Lucretio & Plinio aperte colligitur.

Lucret. li-
bro 1. & 3.
Plin. lib. 2.
cap 7. & li-
bro 7. c. 55.

22

Homo &
animantia.

Non esse à seipsis, constat Primò, in rebus sublunaribus, inter quas ex quæ sunt perfectissimæ, (vt homo & animantia) non possunt esse à seipsis. Quæ enim tot causarum egent præparatione & concursu, vt nascantur, tot adminiculis externis vt viuant, quomodo possunt esse à seipsis? Quomodo à seipso esse queat, quod tanta facilitate extinguitur & perit?

Dices Indiuidua seu singulos homines à seipsis non esse, verùm ipsam humanam speciem à se esse, vtpote æternam; similiter & alias rerum species. Verùm hoc imperitè dicitur. Nam species non est quid separatum ab indiuiduis, vt Platonici quidam finxerunt, sed existit in ipsis, nec habet esse in rerum

rerum natura nisi per ipsa. Imò species humana nihil est aliud quàm tota hominum indiuiduorum tum existentium tum possibilitium multitudo, vt illi inter se quamdam naturæ similitudinem habent. Si ergo singuli homines indiuidui ab alio pendent, etiam tota species, quæ ab indiuiduis ex parte rei non distinguitur, ab alio pendeat necesse est.

Quod etiam ex eo clarè constat. Nam ²³ tota species deleri potest, & penitus extingui. Id autem quod à nullo pendet, sed à se esse habet, deleri non potest. Quod enim est à se, numquam incepit, sed semper extitit: ac proinde nec potest desinere. Numquam incepisse, ex eo constat, quia quidquid incepit, aliquando non fuit: est ergo productum à non-esse ad esse. Atqui non potest esse productum à seipso, cum produci debeat antecedere, vt id quod producendum est, ex non-esse ad esse trahere possit. Ergo quidquid incepit, ab alio productum est: ac proinde non habet esse à seipso. Habere enim esse à seipso, est habere per suam essentiam absque vllius causæ efficientis influxu. Perspicuum est ergo, omne quod à seipso est, numquam incepisse; ac proinde nec posse vmquam desinere. Et contrà omne quod incepit, non habere esse à seipso, sed ne-

Quod à se est, nusquam incepit.

B 4

cessa-

cessariò esse productum ab alio.

24. *Omnecom-*
positum. Præterea, quidquid est compositum ex materia & forma, non potest esse à se, sed necessariò est ab aliqua causa efficiente, quæ & materiam disponat, & formam producat, & eam materiæ coniungat. Materia enim neque illas dispositiones ex sua essentia obtinet, neque formam: possunt enim ab ea separari. Prouenit ergo illa vnio materiæ & formæ ab aliqua causa extrinseca. Idem dicendum de omni eo quod partibus constat: Cùm enim partes non sint vnitæ necessariò, possintque à se mutuò separari, necesse est earum vnionem, ab aliqua causa, quæ partes coniunxerit, procedere.

25. *Elementa.* Ex his patet etiam elementa, vt terram, aquam, aërem, non esse ex se, sed habere aliquod principium efficiens. Si enim ea quæ sunt perfectissima in rebus sublunaribus, non sunt à se, sed pendent ab alio; multò magis ea quæ sunt imperfecta, vt sunt elementa, ab alio pendere necesse est. Esse enim à se, seu à nullo dependere, maximæ est perfectionis, cùm ipsum quod tale est, sit sibi origo & fons totius boni, & nullo externo indigeat. Deinde elementa non sunt propter se, sed propter alia, nimirum vt sint partes mundi, & vt præbeant materiam corporibus mixtis: ergo non sunt à se. Quod enim

enim habet causam finalem ad quam ordinetur, habet etiam efficientem à qua ordinetur. Nihil enim est à se ut alteri seruiat, sed ut seipso fruatur. Itaque hoc ipso quo aliquid est non propter se, sed ob aliud, indicat se ab aliquo esse institutum, qui bonum alterius intendit. Præterea, quod elementa sint huius vel illius magnitudinis & mensuræ, in hoc vel illo situ respectu immensi spatij, non habent à se, cum essentia eorum nihil horum postulet: ergo habent id ab aliqua causa extrinseca, quæ singulis mensuram & situm constituit. Denique cum elementa tot subiecta sint mutationibus, & tantæ causarum extrinsecarum seruituti, qua ratione dicentur esse à seipsis, suisque iuris, & à nullo dependere?

*Quod est
propter aliud, non
est à se.*

Eadem rationes conuincunt etiam materiam primam non à se, sed ab alio esse. Hæc enim vel non distinguitur ab elementis, ut multi antiquorum Philosophorum putarunt: ut si elementa ponantur corpora planè simplicia, omnis compositionis materiæ & formæ expertia, & vltimum formarum omnium subiectum: vel si distinguitur (ut vult Aristoteles cum suis) est quid elementis longè imperfectius, utpote elementorum materies. Itaque cum sit imperfectissima & nihilo propinquissima, omnibus mutationibus

26

*Materia
prima.*

subiecta, omnibus causis naturalibus serua,
à se planè inops & informis, omnem per-
fectionem suam ab aliis mendicans, non
potest esse à seipsa, ab omni alia causa in-
dependens.

Ex his perspicuum est, nihil sublunarium
à se ipso, sed omnia ab alia quadam causa
effectrice esse suum obtinere.

27
*Esse cau-
sam incor-
poream.*

Hanc autem causam esse incorpoream &
intelligentem patet Primò, quia materia
prima non potuit produci à causa aliqua
corporea, cùm omnis actio rei corporeæ
supponat subiectum in quo recipiatur, vt
Aristoteles & omnes Philosophi docent.
Atqui ante materiam primam nullum sub-
iectum supponi potest, cùm ipsa sit primum,
& vt sic dicam, profundissimum & funda-
mentale subiectum. Deinde, si causa eius
esset corporalis, ea haud dubiè esset cælum.
Nulla enim alia superest causa corporea, cui
id possit affingi. Cælum autem non potuit
materiam primam produxisse, tum quia non
agit nisi lumine & influxu aliorum, quæ
duo requirunt subiectum in quo excipian-
tur: tum quia ante productionem illam, to-
tum spatium, in quo nunc sunt elementa,
fuisset vacuû, vtpote destitutum omni cor-
pore, & cælum debuisset materiam in va-
cuo producere, nullo subiecto supposito, ac
proin-

proinde ex nihilo creare : quod est supra vires omnis naturæ corporeæ. Necesse ergo est, vt causa materiæ sit incorporea & potentissima, vt quæ illam ex nihilo ad esse extraxerit.

Vnde etiam oportuit vt esset intelligens: 28
tum quia omnis substantia incorporea necessario intelligens est, vt Philosophi docent: tum quia non produxit illam cæco modo, sed certo consilio, nimirum vt ex ea res aliæ conficerentur, essetque formarum omnium subiectum : denique, quia causæ tam sublimi & potenti perfectissimus modus operandi tribuendus est : hic autem est per intellectum & voluntatem. Idem constat ex eo quod in causa debeat contineri omnis perfectio effectus, idque eminentius quam sit in effectu, quando causa est diuersæ rationis & naturæ. Quare cum humana natura quæ ratione prædita est, & animantium species quæ sensu vigent, sint effectus causæ incorporeæ, necesse est in ea omnem horum perfectionem, nimirum sensum & rationem, eminenti modo contineri.

Quod etiam cælestes orbes à seipsis non 29
sint, colligitur Primò ex eorum motu. Si enim eorum motus ab aliqua superiore causa, eaq; incorporea pendet, vt ostensum est, fatendum quoque est eorum substantiam & figu-

*Cælestes
orbes.*

figu-

figuram ab eadem causa productam. Quis enim adeo mentis inops est, ut credat causam illam in hunc mundum tamquam in vacuum & ἀδύνατον domum (in quam nihil ei sit iuris) ingressam, eius gubernationem sibi vindicasse? Adeone impotens erat, ut non posset sibi propriam extruere? Si propria non erat, cur eius regimen sibi assumpsit? Cur eam tantis omnis generis opibus, fossilium, metallorum, gemmarum, herbarum, virgultorum, arborum, avium, piscium, animantium terrestrium, & omni rerum varietate impleuit?

- 30 Deinde si potentiam consideres, quam in hoc motu demonstrat, dubitare non poteris, quin ipse totius operis sit auctor. Ersi enim sol sit incomparabiliter maior vniuerso terræ & maris globo, (ut ex cono seu pyramide umbræ terræ, quæ ad cælum Martis non pertingit, conuincitur) imò, iuxta Astronomos, contineat eius magnitudinem centies sexagies sexies: tamen tanta velocitate cum toto suo orbe rotatur, ut horæ vnius spatio supra centum myriades, seu decies centena millia milliariorū (millionem vocamus) conficiat. Vnde vna hora suo cursu ambitum terræ æquat quinquagies. Inter stellas fixas multæ sunt quæ 50. 70. 90. vel 100. partibus sunt maiores vniuersa terra;
- &c

et nulla est quæ non superet eam saltem 18. artibus, ut Astronomi tradunt; & tamen antea cum toto orbe suo pernecitate cientur, et illæ quæ circa Æquinoctialem sunt, singulis horis supra 40. milliones (sive quater nille myriades) miliariorum percurrant: et proinde ambitum terræ conficiant bis nillies vnâ horâ. Quis hanc potentiam, quæ tam vasta & immensa corpora tam immenso impetu torquet, non admiretur? Quæ maiora possint esse omnipotentis indicia? Si vel vnum ex astris iuxta terram tanta velocitate per aërem raperetur, repente omnia dissiparentur, montibus radicitus euulsis, & vnâ cum terra & mari in puluerem distractis & comminutis. Magna videtur celeritas globi tormento excussi; sed si quis bene rationem subducatur, hic etsi vniformiter volet, vix centum horis semel ambitum terre conficiet. Experiencia enim constat vno horæ minuto vix tria miliaria conficere. itaque vna hora percurreret miliaria 180. centum horis octodecim millia, quæ nondum impleant ambitum terræ, ut qui iuxta verioramententiam sit nouemdecim millium & 80. Quare longè plus sol vna hora conficit spaij, quàm globus tormenti quinque millibus iorarum absolueret. Celeritas autem stellarum fixarum circa Æquinoctialem est quadrage-

dragecuplo maior, quàm sit celeritas solis. Itaque illa vis incorporea, quæ ita præsidet & dominatur orbibus cælestibus, vt eos tanta facilitate, tam incomprehensibili velocitate, tanto tempore absque vlla fatigatione vel molestia circumagat; satis indicat suum opus esse, se illorum esse dominum & opificem, cui sic ad nutum obediunt: nec aliunde eos habere naturam, quàm vnde tam stupendum habent motum. Nemo profectò qui rem istam attentius perpenderit, de ea dubitare queat. Non enim maius potest esse indicium, rem non esse à se, sed ab alio pendere; quàm si ea non sit sui iuris, sed alteri subdit ac seruiat, & alius ei dominetur.

- 31 Idem colligitur ex diuersitate partium, quibus orbis isti constant. Hæ enim cum distinctæ prorsus sint, & diuersas qualitates habeant, non potuerunt in vnum coalescere, nisi aliquo eas vniente, & singulis suum situm, suam magnitudinem, mensuram, proprietates & vires assignante. Confirmatur, quia iste situs & dispositio illa partium, qua, verbi gratia, hæc stella est in hac parte cæli, illa in ista, &c. non est de essentia illarum, neque etiam ex essentia ipsarum necessario manat: ergo est ab aliqua causa extrinseca quæ eas sic disposuit.

Quar-

Quarta RATIO, ex rerum pulchritudine & structura partium respectu totius.

PSA rerum pulchritudo, quæ sita est in 32
 debita proportionem quam partes habent
 inter se, tum in ordine ad totum, mani-
 festè nobis indicat esse mentem quamdam
 sapientissimam, quæ hæc omnia apud se an-
 conceperit, expenderit, dimensa sit, con-
 sidererit; deinde exterius produxerit. Cum
 idemus palatium aliquod magnificum, om-
 nibus suis membris absolutum, & suis men-
 bris probè constitutum, in quo partium
 omnium summa proportio & symmetria,
 a ut ratio architecturæ nihil in eo deside-
 rare possit; nemo dubitat, quin à peritissi-
 mo architecto sit extractum: & dubitare
 quis poterit hunc mundum, cuius omnes
 artes adeo sunt perfectæ, & tanta inter se
 proportionem dispositæ, & sympathia qua-
 m deuinctæ; cuius tantus est ornatus &
 decor, ut inde nomen κόσμος (quod orna-
 um denotat) obtinuerit; artificem præstan-
 tissimum habere?

Cælum supernè instar amplissimæ testu- 33
 linis extensum, omnia ne diffuant operit,
 & intra se coercet, innumera stellarum velu-
 i gemmarum multitudine ad elegantiam
 &

& admirationem distinctum . Pulchrum planè & pretiosum lacunar huius mundani palatij. Quid colore isto cæruleo & purpurascente oculis gratius? Quid micantibus illis gemmis purius? Quid adamantina illa firmitate, quæ iam tot sæculis inuiolata perdurat, nusquam attrita, nusquam obsolescens, aut fatiscens, solidius? Quid solari globo lucis & caloris fonte mirabilius? Quæ natura rerum his omnibus hanc formam, hunc situm, hunc nitorem & splendorem, hanc cælestem & inuiolabilem pulchritudinem impertiit? Non enim eam à seipsis habent, cum à seipsis non sint, sed ab alio. Si ab alio habent esse: ergo & pulchritudinem. Hoc autem aliud non potest esse, quid corporeum: quia cælestibus illis nullum corpus potest esse potentius aut pulchrius. Erit ergo substantia quædam incorporea, cuius infinitam potentiam & pulchritudinem ex tali opere possumus æstimare.

Terra quoque etsi imo loco sita veluti pavimentum huius basilicæ, vel potius sentina in quam omnes elementorum sordes exonerantur, quantam tamen pulchritudinem habet? quantam gratiam in montibus & vallibus, in fontibus & fluminibus, in pratis, in siluis, in pascuis, in sativis, in hortis & campis omni colorum genere picturatis, in mul-
tiplici

iplici illo herbarum, florum, & arbuſtorum
eſtitu omnia tapetia & aulae vincente?
Quis dicat hæc omnia à natura rationis ex-
eſſe ſic diſpoſita, cum ne mens qui-
lem cogitando quidquam admirabilius &
pulchrius in hoc genere aſſequi poſſit?

Nec refert. quòd ſol & aſtra horum om-
nium cauſa eſſe videantur. Eſſi enim abſque
llorum influxu & calore, quo vis ſeminalis
excitatur, & humores vegetantes præparan-
ur, naſci, creſcere & perfici nequeant; tã-
nen cauſam ſuam originale & rationem
truſturæ ac conformationis à ſole non ha-
ent, ſed à mente aliqua quæ ſeminibus vim
quamdam veluti conceptus ſui imaginem
impreſſit, per quam, tanquam per inſtru-
mentum, ex humore terræ digerit, diſponit,
conformat rem totam, ut formæ conceptæ
omnino reſpondeat. Non enim ſol aut aſtra
ſcire poſſunt, qualis quæque arbor eſſe de-
beat, quo temperamento, quo colore, ſapo-
re, odore; quibus viribus ad uſus medicos,
qualibus veſtiri foliis, ornari floribus, locu-
letari fructibus; quæ radicum & ramorum
ad caudicem eſſe debeat proportio, quæ ſin-
gularum partium menſuræ, figuræ, exten-
ſiones, diſfuſiones, connexiones, & alia in-
numera, quæ in ſingulis admirabili ratione
exiſtunt. Tantum enim eſt in ſingulis na-

34

*Varietas
& pulchri-
tudo rerum
non poſſit
in Solem
referri.*

C

tura:

turæ (vt vocant) operibus artificium, tanta subtilitas, vt nulla ars ea vel millesima ex parte assequi; nullum ingenium comprehendere possit. Et quispiam erit adeò rationis inops, vt ea quæ tam eminenti ratione constant, sine ratione effecta esse putet?

- 35 Sol suapte natura diffundit lumen & calorem, & per hæc vniformi quodam modo omnibus feminibus cooperatur: nimirum terram calefaciendo, semina fouendo, vim & spiritum seminalem excitando, humores præparando. Itaque infinita illa rerum diuersitas, & quæ in illis cernitur proportio & pulchritudo, non potest esse à sole, cuius operatio circa omnia est vniformis; sed debet reduci ad aliquod principium, quod hæc omnia in se distinctè eminenti quadam ratione contineat: quod non potest esse aliud quàm mens aliqua præstantissima, horum omnium inuentrix & opifex.

- 36 Fiet hoc magis perspicuum si res singulæ
Animalia. considerentur. Inspiciamus animalia: quantum est in illorum structura artificij, quantum ingenij? singula innumeris ferè particulis constant, & tamen hæc omnes certam habent tum inter se, tum ad totum quod ex illis constat, proportionem, quæ in omnibus eiusdem speciei eadem reperitur, nisi aliquid vitij ex abundantia vel defectu materiæ, vel
 exter-

externæ causæ concursu interuenerit. Exem-
pli gratia, in corpore humano est ea propor-
tio, ut longitudo ad latitudinem sit sextupla, *Corpus hu-
manum.*
ad crassitiem (quæ spectatur à superficie dor-
ti secundum lineam rectam ad superficiem
pectoris) decupla: ad cubitum quadrupla, ad
extensionem utriusque brachij æqualis, ad
pedem expositum sextupla, ad palmum
vigecupla quadrupla, ad pollicis latitudi-
nem septuagecupla. dupla, ad latitudinem
digiti nonagecupla sextupla. Similes sunt
proportiones ad oculos, ad nasum, ad fron-
tem, ad auriculas, ad oris hiatum, ad singu-
los artus, ad singulas etiam partes internas,
ad ossa, ad viscera, ad nervos, arterias, venas,
musclos: similes & harum omnium par-
tium inter se, adeo ut plusquam centum mil-
lia proportionum in solius hominis fabrica
sint considerata. Non enim tantum in
longitudine, sed etiam in crassitie, in con-
formatione, in distantia & vicinitate, in ro-
bore, in temperamento proportio singula-
rum partium esse debet. In hac partium in-
ter se & cum toto symmetria consistit totius
corporis pulchritudo: adeo ut si vel una de-
bita proportione caruerit, aliquid de totius
pulchritudine detrahatur.

Similem partium symmetriam in omni-
bus animalibus reperiri oportet, ut formam *Reliqua
animalia.*

& structuram naturæ suæ congruentem obtineant; adeò vt neque muscæ, neque culices, neque vermiculi ea sint destituti. Quodlibet enim horum adeò iuxta suam speciem est perfectum, adeò pulchrum & admirabile, vt tota sapientia hominum; etsi in vnum conflata foret, non posset quidquam in his vel minimum emendare: imò ne cogitando quidem rationem structuræ assequi. Vnde etiamsi aliquis hominum tanta esset præditus potentia, vt solo nutu possit exterius facere, quidquid interiùs animo potest concipere, non tamen posset vel vnâ muscam formare (quâ totam structuræ illius internæ & externæ rationem comprehendere nequit) multoque minùs animare, vigoremq; sensus & motus tribuere, phantasiam & indolem inferere: quorum singulâ quid sint, multo minùs imaginari potest.

- 37 *Plantarum* *genus.* Iam quanta est pulchritudo in plantarum genere? Quàm decorè terrâ vestiunt? Quàm miro modo eas ex sinu suo terra sursum protrudit, & radicibus apprehensas tenet & firmat, né ventorum flatu prosternantur? Quanta in his est varietas, tot arborum, tot virgultorum, tot segetum & leguminum, tot herbarum hortensium, campestrium, & montanarû, tot florum, quibus prata & horti renident & fragrant? Et quidem in ceteris mul-

multiplex est cōmoditas vel ad ædificia, & aria instrumenta conficienda; vel ad alimenta hominū & animantium; vel ad funes, theas, indumēta, vela, aliāve huiusmodi; vel dignis fomēta, & alias vitę opportunitates.

In floribus autem id tantū spectari vide- *Flores.*
 ar, vt sua multiplici forma, colore, odore bleſcent, & nos in admirationem tanti artificis rapiant. Nusquam maior prouidentię usus, & profusio artis diuinę in materia deo vili, & mox tabescente. Quę non ibi orinę diuerſitas? sunt continui, dissecti, profundī, repandī, in cymbam cāuati, in crinem iurrecti, in lanam carminati, alati, rostrati, cornuti, caudati, apiformes, spicati, in sphæram radiatim dispositi, racematim stipati, umbellatim diffusi, circinatim digesti, folio implici, triplici, quadruplici, multiplici, conſtipato, in orbem extrorsum conuoluto, introrsum replicato, falcato, crispante, explanato, striato, crenato, fimbriato.

Nec minor colorum variatio, candidis, 38
 lauis, giluis, luteolis, sanguineis, puniceis, cyaneis, purpureis, ianthinis, colore simplici, miscello, multiplici, saturo, diluto, ex ruro pallescente, ex croceo rubescente, ex puniceo purpurascente, aurato vel purpureo inter puncti, virgati, stellati, segmentati: fundo gemmato, umbone medio, apicibus è

centro decorè prodeuntibus, quibus varius color, forma & dispositio multiplex. Denique singulæ species ad miraculum pulchræ. Singulæ particulæ in tanta varietate ita conformatæ & dispositæ ad elegantiam formæ pro natura & tempore cuiusque, ut nulla arte possint meliùs aut accommodatiùs. Quis ista considerans non agnoscat artificis sapientiam, eamque admiretur, laudet & veneretur?

De odoribus, quorum mira quoque varietas, & in multis suauitas, nihil dicam. Vix est vllum reperire flosculum, qui non suum odorem vel apertiùs, vel obscuriùs habeat. Sæpè tamen hic minùs gratus vel etiam grauis, quibus maior formæ dignitas, non obscuro mortalium documento: in quibusdam tamen, odoris & formæ præstantia copulatur & concertat.

- 39 Ex his luce meridiana clarius est, ista non posse ab aliqua natura, & causa ratione destituta originem habere; sed ab aliqua mente sapientissima simul & potentissima, quæ hæc omnia antè animo conceperit, quæ singularum partium mensuras, figuras, proportionem, temperamenta, vires, colores, odores constituerit, quæ omnia & singula exactissimè expendit, & inter se contulerit. Hæc suæ conceptionis veluti imaginem semi-

ninibus rerum, vel elementari miscellæ
impressit, per quam ista omnia sic format
& perficit. Vis enim seminibus impressa non
secus operatur, ac si ratione prædita esset:
nimirum quia est conceptionis diuinæ vesti-
gium, & veluti *ὑποσφράγισμα*, ac sigillaris
impressio. Ab hac igitur mente tamquam
prima inuentrice & formatrice causa, est
omnium rerum pulchritudo, proportio,
perfectio.

Neque solum ista pulchritudo visibilis, 40
quæ oculis cerni potest, & omnis eius varie-
tas in illam causam referenda est, sed etiam *Pulchritu-
do inuisibi-
lis anima-
rum.*
omnis pulchritudo inuisibilis, quæ in rebus
istis vilibilibus interiùs occultatur, & sola
ratione deprehendi potest. Ab hac enim illa
visibilis oritur. Quidquid enim in rebus istis
corporalibus exteriùs apparet vel formæ vel
proportionis, vel coloris vel speciei, id to-
tum provenit ab interna quadam & inuisi-
bili substantia, quæ eò quoque est pulchrior
& mirabilior, quò sublimiùs & simpliciùs
omnium illorum continet rationes. In ani-
ma vegetante, qua arbores, virgulta, herbæ,
flores, singula iuxta speciem suam constant
& viuunt, latet ratio structuræ, & totius for-
mæ, quæ in illis oculos nostros oblectat. In
anima sentiente singulorum animalium, la-
tet tota ratio fabricæ corporis animantis

cuiusque. Eadem quoque latet in vi genitali, qua ista formantur. Quanta igitur in animabus istis, quibus singula constant, & in quibus omnia ista simplici modo latent, est pulchritudo? Quàm sunt res istæ mirabiles & stupendæ, quæ vniformi modo tantam dissimilium formarum & figurarum multiplicitem continent.

41

*Anima
sentiens.*

Porro in anima sentiente continetur non solum tota ratio structuræ corporis, sed etiam ratio omnium sensuum, imaginationis, appetitus sensitivi, omnium instinctuum, & morum & operationum cuiusque: quorum singula adeo sunt mira, ut ea mens humana capere nequeat. Quanta enim est potentia sensuum? Quàm longè aspectus in momento penetrat, omnia lustrans, omnia suo radio tangens, omnium formas apprehendens & in se exprimens? Quanta est vis odoratus in canibus, vulturibus, multisque aliis? Iam imaginatrix numquam est otiosa, semper formas rerum, quas per sensus externos accepit, secum voluens, & variè componens. Appetitus ad ea quæ imaginatio concepit ut conuenientia animam trahit & impellit, à contrariis auertit. Denique potentia motrix incredibili celeritate appetitui obedit, ut etiam in muscarum cursu & volatu cernitur. Nimis longum esset omnia per-

ersequi. Singulæ vires habent sua obiecta, instrumenta, suas operationes, suum peculiarem operandi modum, adeò occultum & mirabilem, vt nullus mortalium possit eum comprehendere : & tamen horum omnium ratio, modus, mensura in animabus latet animantium; adeò vt qui has plenè comprehenderet, illa omnia perspecta haberet. Vnde mihi certò persuadeo si quis effectam vel vnus muscæ notitiam posset dipisci, plurius eum hanc notitiam æstimarum, quàm omnes regum opes, honores & delicias. Si enim Pythagoras inuenta demonstrationiuncula vna mathematica qua quadratum lateris longioris in Isosceli probatur quale duobus quadratis crurum, ita gaudio exiliit, vt seipsum non caperet: quantum audiam adferret clara notitia tot & tantarum rerum, quæ in musca continentur, quas ullus vnquam Philosophorum apprehendere potuit, & quæ ad multorum annorum iuissimam speculationem possent sufficere: Sanè quod ad me attinet, ego hanc longè prætulerim: & quotquot opera Dei attentè considerarunt, eadem mente fore non dubitem.

At omnium istorum animis longè pul-

rior est anima rationalis, in qua non solum ratio structuræ corporis, & omnium

42
*Anima
rationalis.*

sensuum; sed etiam facultas intelligendi, recordandi, & liberè quidlibet amplectendi vel repudiandi continetur. Per intellectum concipit totum mundum, & omnium rerum in se veluti picturas inuisibiles pingit. Per memoriam, omnes illas firmiter retinet; & cùm opus fuerit, in usum profert. Quàm vasti sunt illi sinus, tam innumerabilium formarum, & tot tantarumque rerum capaces? Per voluntatem omnibus uti vel frui, & de omnibus ad suum commodum disponere, imò sibi ipse scopum vitæ statuere potest.

Neque refert, siue hæc omnia possit anima per simplicem substantiam, siue per facultates distinctas; quia omnium ratio in ipsa simplici essentia continetur. Necesse igitur est animam rationalem esse substantiam miræ pulchritudinis & perfectionis; adeo ut si clarè cognosceretur prout est in seipsa, diuinitas quædam videri possit, & eius contemplatio incredibili voluptate mentē perfunderet. Est enim longè altioris ordinis, & celsioris pulchritudinis, quàm omnia corporalia, & omnes animæ ceterorum viuentium, siue plantarum, siue animantium.

- 43 Sunt igitur quatuor pulchritudinis gradus in mundo. Primus, qui & infimus est, corporum; qui oculis cernitur. Secundus est

est animæ vegetantis. Tertius, animæ sentientis. Quartus, animæ rationalis. Itaque non solum primum, sed etiam ceteros à mente aliqua sapientissima esse formatos conspicuum est. Si enim pulchritudo, quæ est in corporibus, ad mentem fabricatricem eferenda est, propter partium symmetrias & proportionem, ut ostensum est, multò magis pulchritudo, quæ est in animis, quæ rationem totius fabricæ corporis continet, & illa longè est mirabilior, ad eandem mentem fabricatricem referri debet. Deinde quomodo fieri potest, ut causa aliqua absque mente & sapientia primitus formaue-rit, & instituerit tot animarum vegetantium & sentientium diuersitates, cum quælibet idè sit mirabilis, & tanti opus ingenij, ut nullum humanum ingenium possit comprehendere, aut eius conceptum proprium & λόγον animo informare.

Denique in causa debet contineri omnis perfectio & pulchritudo effectus. non enim causa potest dare effectui suo quod non habet. Quare omnis perfectio animalium, omnis sensuum vigor & industria, debet in causa illa à qua primitus formata sunt, contineri; non quidem eodem modo, sed longè eminentiori: nimirum sicut opus continetur in arte & mente artificis. Confirmatur,

tur, quia nulla est causa in qua tanta rerum diuersitas & pulchritudo extare potuit, præter mentem: in mente autem distinctissimè & perfectissimè potest existere: sicut in mente artificis forma domus, & omnes eius mensuræ & proportionēs.

44

Addo, qui humanam formauit animam, ei que dedit intelligentiam, & arbitrij libertatem, non potuit ipse intelligentia, & libertate arbitrij carere: sed necesse est excellentissimo modo ista habuerit. Quomodo enim fieri potest ut intelligentia vel libertate careat, qui intelligentiam & libertatem fecit, & aliis dedit? *Intelligite*, inquit Propheta, *insipientes in populo, & stulti aliquando sapite: qui plantauit aurem, non audiet? qui finxit oculum, non considerat?* præsertim cum hæc talia sint, ut nulli maiori perfectioni ob sint. Melius enim est intelligentia & libertate præditum esse, quàm iis carere, aut aliquid habere quod his repugnet.

Psal. 93.

Ex his perspicuum est, esse quamdam mentem, quæ omnium istorum pulchrorum visibilium & inuisibilium sit inuentrix, auctor, & architecta; & in qua tamquam in causa, & primo fonte omnis pulchritudo eminenter præexistit, & anticipatur, quam Deum vocamus; qui est benedictus in sæcula.

Quin-

Quinta RATIO, ex structura & dispositione partium mundi in ordine ad finem.

I C V T nulla rerum istarum quæ sub 45

aspectum cadunt est à se, sed ab alia quam effectrice causa: ita nulla etiam est propter se, sed propter finem quemdam extrinsecum, ad quem tota ipsius structura, & omnes partes, & partium facultates aptissimè, & mirando modo sunt comparatæ & dispositæ. Necessè est ergo esse mentem quam sapientissimam, quæ omnes illos fines conceperit, & media ad singulos opportuna ordinaverit & instruxerit. Natura enim quæ ratione prædita non est, sicut non potest fines rerum concipere: ita nec potest idonea ad singulos media disponere. Hoc enim est artis & sapientiæ præcipuum opus. Declaremus id primùm in cælestibus. Sol iste omnium rerum visibilium pulcherrimus, non est propter seipsum (neque enim suam pulchritudinem sentire potest) sed propter bonum aliorum, nimirum ut mundum illuminet & aspectabilem faciat, & suo calore fovent: sicut in homine, & animantibus cor non est propter se, sed propter commodum totius corporis. quod enim est cor in animante, hoc sol in mundo isto inanimo. Debuit

Sol est propter aliud, non propter se.

buit itaque & luminis & quantitatis habere certam mensuram, & situm in mundo determinatum; ne si lumen esset maius, vel ipse propinquior, terras exureret; si lumen esset minus, vel ipse remotior, non satis illuminaret vel non satis calefaceret. Hæc autem certæ mensuræ & situs determinatio, nisi à mente aliqua quæ finem & media considerare, & congruentissimam inter illa proportionem constituere pøtest, fieri non potuit.

46

*Astra &
orbes &
tota corpo-
rea natura
propter na-
turam ra-
tionalem.*

*Quid di-
catur esse
sui gratia.*

Quòd si sol non sui causa, sed propter finem extrinsecum factus est, multò magis astra, cetera, & cælorum orbes, ac reliqua corporea natura. Idem hac ratione confirmari potest. Id quod est sui gratia, ita debet esse excellens, vt nihil eo sit præstantius in cuius bonum possit ordinari, vt per se notum est; alioquin non erit propter se, sed propter illud in cuius bonum destinatum est. Deinde debet esse tale, vt bonum suum sentire, eoque frui possit. Si enim nullum eius habet sensum, ei non prodest. Quid enim mihi prodesset dominium totius orbis, si nullam inde voluptatem capere, nullam huius rei notitiam habere possem? Signum ergo est, illud quod suum bonum sentire non potest, non esse propter se, sed propter aliud quod illud sentire, & inde aliquid com-

com-

ommodi vel honoris potest percipere. Atqui nulla natura corporea ita est excellens, ut non possit ad aliquid præstantius ordinari; gradus enim naturæ rationalis longè est præstantior gradu naturæ corporalis, & hic illi ad multa vsui esse potest. Deinde natura corporea nullum sui boni sensum habere potest, sed hoc totum alteri tantum est vtile. Nulla igitur natura corporea est sui gratia, sed ex essentia sua ad aliud ordinatur, nimirum ad naturam rationalem, in cuius bonum & commodum existit. quo fit, ut si natura rationalis non existeret, tota natura corporea sit frustrà & nullius utilitatis; cum neque sibi aliquid commodi posset adferre, neque alteri: sicuti possessio multarum oarum esset inutilis & nullius momenti, si illarum nulla esset notitia, nullus vsus, nullus sensus.

Idem conuincitur ex orbium cælestium motu, qui nihil commodi ipsis cælis adfert, sed totus ad hominum, & eorum quæ hominibus vsibus seruiunt, utilitatem est comparatus. Primum namque ita motus eorum imperatur, ut intra 24. horas omnes gentes per totum orbem diffusæ (exceptis paucis qui per polos ultra 66. gradum habitant) semel diem habeant & noctem, nimirum ad quietis & laboris gratissimam alternationem.

Dein-

47
*Motus cæ-
lorum pro-
pter natu-
ram ratio-
nalem.*

*Anni tem-
pestates.*

Deinde sol proprio motu sub ecliptica medium Æquinoctialem secans, & nunc ad Septentrionem, nunc ad Austrum 23. gradibus & medio declinans, quatuor anni tempestates, Hiemem, Ver, Æstatem, & Autumnum varia temperie, omnibus quæ tellus profert, accommodatissima, inducit. Hiems enim suo frigore efficit, ut spiritu & calore qui seminibus & stirpibus inest, introrsum recepto, omnia interiorius roborentur, humorem & alimenta colligant, radices figant, & omnia turgeant ad erumpendum foras. Ver suo blando tepore omnia foras euocat, & in culmos, in caules, in gemmas, in frondes, in flores elicit. Æstas suo feruore humorem superuacaneum absumit, cruda concoquit, crassa extenuat, meatus aperit, spiritum diffundit, fructus ad maturitatem perducit. Denique Autumnus suo humore & moderato frigore rursus omnia temperat, siccitatem ac feruorem, quem Æstas rebus impressit, corrigit, terram simul ad noua semina, nouasq; stirpes disponens, & corpora viuientium exhausta, ad reparandas vires, represso spiritu, & natiuo calore, (ne euanescant) afficiens & immutans. Ex quibus quis non videat, totum hunc solis & cælestium corporum motum, ad hominum commoda, ad viuientium, quæ homini ali-

quo

quo modo vſui eſſe poſſunt, ortum perpe-
uandum, & copiam ſuppeditandam, eſſe
nſtitutum? Nulla enim alia eius vtilitas af-
ignari poteſt, nulla cur ſic vel ſic fiat alia
atio adferri.

Iam verò ſi quis ventos, imbres, nubes, 48
ruiues, gelu conſideret, videbit hæc omnia *Venti, im-*
propter viuentia, & maximè propter homi- *bres, nu-*
nè eſſe inſtituta. Ventorum maxima ſunt *bes, &c.*
commoda. Primò vt aërent ventilent, & ſa- *Ventorum*
lubrem reddant inſpirationi: qui ſi immotus *commoda.*
taret, putreſceret, & peſtilentè qualitate
concepta, homines & animantia extingue-
ret. Loca enim concluſa quæ multo tem-
pore perflata non fuere, peſtifera reddun-
tur. Deinde vt nubes per aërem deferant,
ut regionibus diſpertiant. Abſque ventis fo-
ret, loca mediterranea & nubibus & imbri-
bus perpetuò deſtituerentur, pròfuſque red-
derentur retorrída, ſterilia, & animantium
habitationi inepta. Cùm enim ex locis à
nari remotioribus non poſſint vapores, qui
nubibus & imbribus ſufficiant, excitari; niſi
aliunde excitati eò deferrentur ventorum
beneficio, oporteret ea aſſiduo ſole torrerì,
& omni rigatione cęleſti priuari. Mare enim
potiſſimùm eſt quod nubibus materiam
ſubminiſtrat, è cuius vaſto ſinu directè &
aſſiduè ſoli oppanſo, magna vaporum copia

vi solis sursum attrahitur, quæ in nubes co-
acta vi frigoris, postea refunditur. Itaque
nisi venti has nubes aliò deferrent, omnis
pluvia directè in mare, vnde eius hausta est
materia, relaberetur, & vniuersa terra steri-
lis ac inutilis relinqueretur.

49
*Flumina
& fon-
tes vnde
oriuntur.*

Neque id solùm, sed etiam omnes fon-
tes, & omnia flumina breui exhausta cessa-
rent. Hæc enim ex niue & imbribus, qui in
mediterraneis & montosis locis decidunt,
colliguntur & perpetuantur. Nix enim quæ
per hiemem in montibus coaceruatur, calo-
re æstiuo sensim liquefcens, & per saxorum
commiffuras colata, variis locis ad montium
radices eruptione facta, fontes constituit.
Simili modo imbrum aquæ altioribus ter-
ræ locis exceptæ & combibitæ, perque va-
rios tractus tandem in vnum corruatæ, re-
perto exitu in fontes exiliunt. Ex fontibus
autem & aliis aquis, siue niualibus siue plu-
uialibus, in vnum alueum confluentibus,
flumina existunt. Hinc fit vt per æstatem
dum rarò pluit, flumina admodum minuan-
tur; &, nisi per niues montanas sustenten-
tur, pænè deficiant. Vnde si duobus vel tri-
bus annis nihil vel pluuiæ vel niuis cade-
ret, necesse esset omnia flumina, & omnes
pænè fontes inopia materiæ deficere. Sed
res ita sunt dispositæ, vt quibusdam tempo-
rum

rum interuallis tantum imbrium & niuium suppeditetur, quantum satis est ad eorum continuationem.

Præterea necessarij sunt venti ad inutilem terræ humorem absumendum, ad corpora viuientium recreanda, ad fructus maturandos, ad molas, ad haustia & similes machinas, denique ad vsum nauigationis. Ventis sublatis cessabit omnis pænè nauigatio. At quantum hæc commodi adfert mortalibus? Per hanc enim quidquid in aliqua regione est boni, quod vel ad vitæ commoditatem, vel ad medicos vsus, vel ad delicias pertineat, facillimè per totum orbem distribuitur: & quidquid singulis est præcipuum, toti humano generi fit commune.

Imbrium non minor ferè utilitas. Aërem enim refrigerant, corpora viuientium reficiunt, fontes & flumina perpetuant, potum animantibus suppeditant, terram irrigant & fructiferam efficiunt. Hæc enim sine imbribus prorsus esset arida, sterilis, informis, omni gratia & ornatu destituta, & hominum animantiumque habitationi inepta. Fecunditatem imbres habent duplici ex causa. Primò, misturâ materiæ pinguis, quæ vnâ cum vaporibus è terra & mari educitur. Mare enim fecundum est, & suam quamdam pinguedinem habet, qua etiam pisces aluntur.

tur. Dum ergo sol tenuiores eius partes sursum trahit, simul oleosum quiddam elicit, quod, vnà cum vapore cui miscetur, in pluuias frigore densatum, terras irrigat. Idem accidit dum è terra vliginosa, è pratis, campis & siluis ardore solis vapores & halitus excitantur. Deinde à spiritu incluso & calore per solis radios imbri impresso: spiritus enim & calor omnia oriri & crescere faciunt. Vt verò suâ ruinâ, tenera plantarum, & florem nascentem imbres non obliderent, cauuit Prouidentia, ne simul & confertim præcipitarent, sed sensim è sublimi stillarent per magnum aëris tractum, quo in minutissimas guttas dissecti & velut cribrati, blando illapsu terras adaspergerent. Deinde ne statim quod infusum est, rursus ardore solis euocaretur, priusquam ad stirpium radices pertingere posset; obtenduntur plerumque nubium infecundæ reliquæ, quæ solis radium intercipient, donec per otium terra humorem acceptum combiberit, & introrsus ad viscera transmiserit, suis fetibus alimentum recondens.

52. Niues etiam, quæ nubium veluti spuma
Niuis vtilitas. sunt, non modicam vtilitatem habent. Præterquam enim quòd maxima flumina & fontes qui ex altissimis montibus ortum habent, perennent, terram quoque instar velle-

velleris instrati fouent, eius calore intus cohibito; & ne gelu profundius penetrans vim feminalein extinguat, prohibent. Hinc maximam fertilitatem & segetum copiam adferunt. habent etiam in se fecunditatem propter aërem & halitum cælestem inclusum, qui illis candorem illum eximium impertit, infinitis veluti bullulis elucens.

Gelu quoque rebus est perutile. Nam spiritum & calorem terræ ac viuentium omnium repercutit, & introrsum agit, non sinens euanescere. Hinc fit vt non solum homines, sed etiam animantia in regionibus frigidis sint maiora & robustiora, magisque longæua quàm in feruidis. 53
Gelu.

Porro hæc omnia non promiscuè quouis tempore eueniunt, sed ita per anni temperates sunt distributa, vt aptissimè rebus gignendis, augendis, perficiendis, & earum perpetuandis speciebus congruant, & humanis vsibus commodissimè deseruiant.

Ex quibus omnibus manifestè colligitur, ista viuentium dumtaxat causâ, & in primis humani generis, cui cetera subiecta sunt, à quadam sapientissima & potentissima mente esse instituta & ordinata.

Sed & ipsa elementa ob eamdem causam esse facta, & hoc situ disposita, & in hanc formam digesta, terra & aqua satis indicant. 54
Elementorum dispositio mira.

Si enim natura rerum spectetur, terra deberet esse exactè rotunda, & aqua eam circumquaque ambire & operire. Omnia enim graua ad centrum mundi æquabiliter tendunt; & quò quid est alterò grauius, hoc centro vult esse propinquius, & altero inferius. Itaque totam terram sub aquis esse oporteret, & aquam sphæricè circumfundi. At modò res longè aliter habet. Immensa enim terræ portio, nimirum illud totum quod mari non est opertum, cum vniuersa montium mole, longè altius est, & à centro remotius quàm aqua. Nam per medium terræ ambitù depressus est ingens alueus, incomprehensæ profunditatis, vastis anfractibus & sinubus huc illuc ad latera excurrens, nunc latior, nunc angustior, relictis sparsim exochis variis quàm maioribus, quàm minoribus ad Insularum constitutionem. In hunc alueum, vniuersum aquæ elementum (præter id quod extenuatum abiit in auras) est compulsus, vt detecta terra habitationi hominum & animantium, rebusque gignendis seruire posset.

55

*Terra con-
formatio.*

Deinde ipsa eo modo est conformata, vt à mari versùs mediterranea sensim se attollat, donec vtrimque in montes & rupes, vt pierisque locis est videre, terminetur: mirabili sanè artificio. Primò, quia sic tuta reddi-

redditur ab eluuiionibus, quæ subinde longis temporum interuallis, vi astrorum, vel impetu ventorum aquas in vnam partem impellente, accidunt. Ab his loca humiliora, quæ altitudinem maris non multum superant, sæpè absorbentur, habitatoribus extinctis, & vniuersa substantia perditæ. Deinde sine hoc molli ascensu non possunt esse flumina. Si enim terræ superficies æquè distaret vndique à centro, vt in globo perfectè rotundo, nullus esset fluminū lapsus. Aqua enim fluere non potest, nisi assidue loca inferiora, centroque viciniora inueniat. Si intumorem repente attolleretur, lapsus fluminum esset iusto concitator, nec multum commodi hominibus adferre, nec etiam perpetuari posset materiæ defectu. Omitto periculum exundationum, quæ crebrò acciderent, magno mortalium damno, quando imbrium vel niuis liquatæ copia in vnum collecta subito ex alto præcipitaret. Sensim ergo attolli debuit, insensibilibus augmentis ab ostiis fluminum, vbi se in mare deuoluunt, vsque ad eorum origines, & mediterranea loca.

Iam si montes consideremus, nulla rerum 56
 natura hos postulat, sed hominum dumtaxat commoditas. *Montes.*
 Seruiunt enim ad vim ventorum frangendam, qui, si omnia plana es-

sent, nec quidquam inuenirent, quod eorum retardaret imperum, longè magis sæuirent, & grauia mortalibus damna inferrent. Hinc fit vt multò magis in vasto mari, vbi nulla obstacula, & omnia æquabilia, quàm in mediis terræ locis dominantur & vigeant. Deinde ad regiones & regna determinanda. Sunt enim veluti magnorum regnorum limites, quibus ambitio mortalium, & dominandi libido coërcetur, ne sine fine ad vexandos subiugandosque finitimos se effundat. Itaque singulorum regnorum consultiur securitati, & infinite bellorum clades per montium difficiles & inaccessos transitus impediuntur. Suppeditat quoque materiam structuris, saxa, calcem, lignum, regulas, aliaque plurima vitæ mortalium vel necessaria, vel peraccommoda. Nam & omnia pænè metalla, & varia gēmarum genera ex montium visceribus & venis eruuntur, vel ad eorum radices effodiuntur. Suggestunt quoque ad vsus medicos pretiosas radices, & infinitam herbarum varietatem: præstantissima quoque vina & oliuæ in montibus proueniunt. Postremò fontium & fluminum continent origines, illisque alimenta subministrant ad perpetuitatem.

57

*Terra maris
visque quali-
tas.*

Veniamus nunc ad terræ marisque qualitatem. Hæc non est talis, qualem ipsa elementa-

men-

mentorū natura per se spectata exigit, sed qualem viuentia & commoditas hominū requirunt. Si enim naturam rerum spectemus, elementa deberent esse simplicia, vni-
formia, eiusdem vbique virtutis, eiusdem affectionis. Terra quidem extremè sicca & moderatè frigida, aqua extremè frigida & humida: aër humidus & modicè calidus: omnia omnis saporis, coloris, odoris expertia. At longè aliter res habet. Terrarum enim sunt plurimæ diuersitates. Sunt enim calidæ, frigidæ, lentæ, friabiles, leues, ponderosæ, pingues, macræ, pullæ, gilvæ, flauæ, albican-
tes, rubescentes, varij saporis, varij odoris, variis rebus gignendis accommodatæ.

*Hic segetes, illic veniunt felicius vna,
Arborē fetus alibi, atque iniussa virescunt
Gramina. Nonne vides, croceos vt Tmolus
odores,*

India mittit ebur, molles sua thura Sabai?

Itaque singulæ peculiarem quamdam qual-
tatem & fecunditatem habent, ab eo qui hoc elementum condidit, variis locis im-
pressam. Neque enim in solem & sidera hanc totam diuersitatem referre possumus; cum sub eodem climate alia loca sint de-
serta, alia fertilissima: & quibus fertilitas in-
est, non idem vbique, etsi eodem modo à so-
le & astris aspiciantur, proferre possunt. Pari
D 5 modo

modo fossilia nō vno omnia loco terra producit, sed diuersis diuersa. Alibi enim saxum gignit, alibi cretam, alibi rubricam, alibi chalcantum, alibi lithanthracem, alibi sulphur, alibi ferrum, æs, plumbum, stannum, argentum, aurum, gemmas. Diuersas igitur diuersis locis vires obtinet, & diuersa temperamēta, vt mortalibus omne genus opum non solum ad necessitatem, sed etiam ad commoditatem, ad delicias, ad splendorem, ad benefici Numinis commendationem suppeditet.

- 58 Habet etiam mare suam fecunditatem prorsus admirabilem, eamque variis locis variam. Non enim in quauis parte maris quæuis genera piscium reperiuntur, sed quædam in hac parte, alia in ista vel illa. Alia nascuntur in Septemtrione, alia in plaga Australi, alia in Orientali & Occidentali.

*Salsedo
maris.*

Deinde vniuersum mare contra naturam illius elementi est miræ salsedinis. Vnde id contraxit? quæ vis hoc illi impertiit, & in quem finem? Ridiculum est quod quidam Philosophi excogitarunt, salsedinem ei provenire vi radiorum solis, quibus fundus maris aduratur: adustione enim salsedinem nasci, vt cinis indicio nobis est. Quomodo enim fundus maris tanta aquarum mole (quæ multis locis 500. vel 1000. cubitos superat)

perat) opertus, ita exuri à sole potest, ut inde immensa illa vis aquæ falsedinem contrahat? Non enim sol vrit nisi per lumen, quod ultra 15. cubitos non penetrare vrinatores testantur; estque ita languidum, ut eius calior paulo infra aquam sentiri nequeat? Ut adustione falsitas oriatur, debet esse tanta, ut rem dissoluat, & in sua principia redigat, ut experientia docet. Neque propriè adustio in aliis rebus salem efficit, sed latentem aperit. Vnde variarum rerum sal varium est, & proprias rei ex qua elicitur, vires obtinet, ut per Chymicorum constat experimenta. Pari modo spiritus cuiusque rei (seu oleum quod igne elicitur) antè in ipsis rebus diffusus latebat. Deinde si adustione ea falsitas orta esset, deberet mare continuò fieri salius; unde oporteret pisces tandem emori, tantam falsedine non ferentes; sicut in lacu Asphaltite, quod mare mortuum dictum est, accidit. Requirit enim eorù natura certam aquarum temperiem. Denique illud incrementum, ut minimum singulis sæculis posset notari. at nihil umquam tale est deprehensum. Paris probabilitatis est sententia de montium ortu; qua statuitur eos terræ motu extitisse, spiritu visceribus terræ incluso partem superiorem attollente, & in sublimi suspendente. Tolerari fortè ea sententia posset, si de

si de paucis aliquot monticulis ageretur; sed in tanta vastissimorum montium omnia pene mediterranea occupantium, & longissimè ad 800. vel 1000. leucas excurrentium multitudine, nullam veri speciem habet. Omitto rationes plurimas, quibus hoc figmentum refutari posset. Concludo itaque hanc falsedinem ab initio fuisse mari ab auctore suo communicatam: qui sicuti terræ, præter naturæ debitum, fecunditatem impertiit ad stirpium & animantium terrestrium procreationem ac sustentationem, ita mari ad productionem & vitam piscium.

- 59 Ex quibus omnibus constat, omnia ista quæ diximus, ab aliqua mente, hominum causa fuisse sic instituta & disposita. Omnia enim præter naturæ suæ conditionem hominum commodis seruiunt, & in hunc finem manifestè diriguntur; nec alia ratio, cur ita sint disposita & comparata, quàm ex ordine ad res humanas, reddi potest.

60
Calamitates.

Nec obstat quòd sæpè per ista magnæ clades & calamitates hominum generi inferantur, nimirum per turbines ventorum, per grandinem, per fulmina, per terræ motum, infectionem aëris, exundationes imbrium, siccitates. Hoc enim diuinam prouidentiam magis aperit, & reddit omnibus manifestiorem. Sicut enim sapientis & prouidi Principis

pis est leges, tribunalia, arcés, militiam, & cetera omnia in regno ita disponere, vt in commodum & quietem subiectorum cedant, quamdiu in fide & obedientia steterint; & easdem causas conuertere ad eorum punitionem, si rebelles vel inobedientes esse ceperint: ita supremum illud Numen et si cælos & elemēta in commodum hominum instituerit, tamen ita regit omnia vt subinde incommoda & damna per ea irroget, ad ipsorum peccata vel maiora, vel minora, si ne quibus non viuatur, castiganda. Quamuis & hæc ipsa castigatio in maximum commodum cedat omnibus, qui bona mente præditi, ea probè norunt vti, vt infra dicemus.

Obiiciat aliquis, ista quæ diximus, non 61
euenire ob aliquem finem ad quem ab ali- *Obiectio.*
qua causa intelligente sint destinata, sed
materiæ (vt Philosophi loquuntur) necessi-
tate. Ardore enim solis halitum è terra &
mari excitari, qui sursum elatus frigore me-
diæ regionis repulsus, ventos efficiat; coactus
in nubes imbris, niuibus, & grandini ma-
teriam præbeat. hinc fontes & flumina exi-
stere.

Fateor, quædam ex istis ita euenire, vt *Responsio.*
necessitate materiæ fieri videantur; hoc ta-
men maiorem & sublimiorem prouidentiam
dispo-

dispositionem indicat, per quam causa eorum vniuersalis (nimirum motus solis & astrorum) ita est instituta & temperata, vt absque alterius causę effectricis concursu faciat illa suis temporibus & locis, congruentissimè rebus gignendis & mortalium commodis, produci & existere. Itaque non sola materię necessitate, sed causę vniuersalis vario adspectu & applicatione ista proueniunt. Adde maris & terrę dispositionem, montium exortum & excursum, fluuiorum alueos, &c. non posse in materię necessitatem aut rerum naturam referri, sed necessariò ab arte & prouidentia esse profecta; vt ostensum est. Sic Ægyptus cùm pluuiis destituatur, inundatione Nili per æstatem ita rigatur, & limo pingui obducitur, vt sit fertilissima. Sic insulę cuidam Canarię quę *Ferri* dicitur, omni aqua dulci destitutę, subuenit diuina prouidentia arboris cuiusdam præsidio; cuius ea est natura, vt assiduè, instar fontis, dulci humore stillet, qui hominibus & pecoribus ad potum sufficiat.

- 62 Præter cælestia corpora & elementaria, de quibus dictum est, reperiuntur tria perfectè mixtorum genera, animantia, stirpes & fossilia. Hęc quoque hominis causa esse, dubitari non potest, cùm videamus ea homini subiecta, eumque illis dominari, & in
suum

suum illa commodum conuertere pro suo arbitratu.

Ex quibus consequens est totum hunc mundum aspectabilem cum omnibus rebus, quas intra se claudit, esse hominis causa constitutum; atque adeò esse veluti quamdam amplissimam & pulcherrimam domum omni supellectilis genere, omni deliciarum, opum & ornamentorum varietate & copia instructissimam, in qua homo constitutus est, ut vitam in ea degens, diuinum Numen suum mundi; totius auctorem cognoscat, amet, veneretur & dignè colat, rebusque omnibus iuxta rationis præscriptum, siue ad corporis fomentum, siue ad animi solatium, siue ad cognitionis præsidium utatur.

Homo enim omnium quæ in mundo sunt, longè est præstantissimus, eminentioris naturæ, eminentioris gradus & ordinis; cum classis intelligentium sit omnium summa præma in rebus. Itaque debuit ipse ceterorum esse finis, & cetera ipsius causa existere, ipsique seruire. Solus omnia considerat, omnia percipit, omnia discernit, omnibus uti & frui potest; omnium dulcedinem & pulchritudinem sentire, & veluti nouum quoddam & secundarium numen totum hunc mundum corporeum in seipso, incorporeo modo per intellectum producere & creare.

Absque

*Mundus
est conditus.*

*Homo est
finis rerum
visibiliū, & c
totius mundi
i
istius.*

Abſque homine fruſtrà eſſet in rebus tanta pulchritudo, tantum artificio, tam mira diſpoſitio, tam ſtupenda ſtrutura, tanta varietas formarum, colorum, odorum, ſaporum, temperamentorum. Nihil enim eſſet, quod iſta poſſet percipere, diſcernere, mirari, laudare, vti, frui, voluptatem ex illis capere. Nam cetera animalia ad paſtum abiecta ſunt, nec quidquam ſub boni ſpecie apprehendunt, niſi quod ventri aut venereis congruit, idque conſuſo brutoque modo. Sicut ergo domusea quam nullus incolit, quæ nullius vſibus aut commodis ſeruire poteſt, etiamſi opibus & omnigena ſupellectile ſit referta, nullius eſt momenti, nullius æſtimationis, & omnino fruſtrà eſt in mundo: ita mundus ipſe cum omni ſuo ornatu fruſtrà prorsus eſſet, ſi nulla exiſteret rationalis natura, cui ille ſit vſui, quæ illum incolat, inſpiciat, cognoſcat, ſcrutetur, & fructum ex eo capiat ſive commoditatis ſive cognitionis.

Peripicuum ergo eſt mundum eſſe propter hominem: eſt ergo aliqua prouidentia, quæ mundum in hunc finem condidit. Non enim à ſeipſo in hunc finem exiſtere potuit; neque à ſe totam illam diſpoſitionem, qua vſibus hominum accommodatus eſt, habere, vt oſtenſum eſt. Habet ergo ſuum

suum esse, suamque formam, dispositionem, motum, vires ab alio, quem Deum dicimus.

*Sexta RATIO, ex structura animalium
& plantarum in ordine ad finem.*

PORRÒ eius providentiam non solum 64
esse generalem & confusam, nimirum
quatenus supradictas causas generales instituit ad rerum sublunarium productionem;
sed etiam particularem & perfectissimam ad
minima quæque distinctè pertinentem, ex
ipsa structura animalium & plantarum clare conuincitur. Tam enim exquisito artificio, tanta proportionē singulæ partes sunt conformatæ, & ad suas functiones ac fines aptatæ, ut nulla ars, nulla sapientia vel minimum possit adiicere aut emendare: quod certissimum est signum, ista omnia à sapientissima quadam mente esse excogitata, quæ singula distinctissimè considerauerit, & stупenda arte exterius curiosissimè effecerit.

Id aliquot exemplis ostendamus. Non 65
poterat homo vnico osse constare; quia se *Consideratio humani corporis.*
flectere, & membris suis ad varios motus & functiones uti nequiuisset. Itaque ex plurimis ossibus partim maioribus, partim minoribus, partim minutissimis constructus est, quorum singula eam habent magnitudinem,

E

dinem,

Ossa.

dinem, figuram, firmitatem, connexionem,
 quam corporis robur, facilitas motus, &
 membrorum vsus postulabat. Capitis ossa
 sunt octo. Maxillæ superioris duodecim, in-
 ferioris vnum. Dentes triginta duo. Spina
 cõstat vertebriis triginta duobus; os pectoris
 entiforme ossibus tribus. Costæ sunt viginti
 quattuor. ex quibus quatuordecim à spina
 dorli ad os pectoris pertingunt, in eoq̃ue fir-
 mantur ad cordis & pulmonum custodiam;
 decem nõ pertingunt, vt stomacho & ventri
 laxitas relinquatur. Singuli digiti constant
 ossiculis ternis, pollex binis. Manus verò
 ipsæ, iunctis ossiculis carpi per quæ ad ossa
 cubiti nectuntur, constant ossiculis vicens.
 In pedibus verò non est minor ossiculorum
 multitudo. hæc autem miro modo inter se
 sunt connexa. Quædam enim instar clauo-
 rum sunt infixa, vt dentes maxillæ; quædam
 ferratim commissa & veluti consuta, vt vi-
 dere est in ossibus cranij; alia pyxidatim im-
 missa, & validis ligamentis reuincta, sicut
 os femoris in coxæ acetabulo; alia in mo-
 dum cardinis se mutuò subintran, (γυγλυ-
 μίδη συναφει vocant;) alia alio modo con-
 nectuntur, prout ratio firmitatis & motus
 membri postulat. Quanto artificio ossicula
 minutissima quæ scelamina dicuntur, certis
 locis interponuntur ad faciliorem articulo-
 rum

rum motum? Denique tanta ratione singula ad suum finem sunt aptata, ut nihil possit fingi accommodatius. Nihil ibi frustra, nihil redundans, nihil minus quam oporteat, nihil non necessarium vel maximè expediens ad suum finem.

Pari modo hæc ossa non poterant vna aliqua & continua carnis massa contegi; nam & hæc quoque inepta ad motum viumque membrorum fuisset: sed oportuit varias carnis particulas, quas musculos vocamus, aptari, & ex illis vario modo dispositis ossa contegi, corpusque formari. Sunt itaque musculi plusquam sexcenti, longi, breues; lati, angusti; crassi, tenues; recti, curui; acuti, obtusi; teretes, plani, angulosi, figura simplici, multiplici: alij super alios, iuxta alios, in directum, in obliquum, in transuersum, stupendo prorsus artificio dispositi, quorum beneficio singula membra suum motum obtinent. Scribit Galenus esse in corpore humano ossa supra ducenta; & singula ossa habere scopos supra 40. qui in illis formandis, disponendis, connectendis considerandi sunt. Itaque ut sola ossa corporis humani aptè formentur plusquam octies mille scopos esse spectandos. Musculos esse supra sexcentos, quorum singuli scopos habeant decem, ac proinde in solis musculis sex millia

66

*Musculi.*Lib. De
format.
fœtus.Cl. Doctor
Viringus
ponit 224.

scoporum considerari. *Eadem*, inquit, *ars circa omnia viscera existit, & omnino circa quamlibet partem, adeò ut si quis structura scopos consideret, in aliquot myriades eorum multitudo excrescat.* Hinc concludit corpus humanum à sapientissimo & potentissimo artifice esse formatum.

67 *Spiritus.* Non satis erat corpus humanum ossibus constare & musculis, sed calore opus erat ut posset viuere, & sanguine quo posset ali, & spiritu quo posset moueri ac sentire. Constat enim sine spiritu animam nec sentire, nec corpus suum mouere posse. Spiritus enim cum tenuissimæ sit substantiæ, tamquam medium quiddam inter animam subtilissimam & corpus crassum, est proximum animæ instrumentum, quo motum & sensum efficit, sine quo etiam alimenti distributio fieri nequit. Fabricata est igitur Prouidentia tria viscera principalia in homine, quibus hæc perficerentur, cor, hepar, cerebrum. Cor ad totius corporis calorem & spiritum vitalem; hepar ad sanguineum & spiritum naturalem; cerebrum ad spiritum animale. His cetera viscera, & organa externa seruiunt. Hepati seruiunt dentes, œsophagus stomachus ad suppeditandam sanguini materiam, seu succum probè subactum, quem chylum vocamus. Intestina partim ad hunc

*Viscera
tria prin-
cipalia.*

hunc chylum per venas meseraicas ad hepar transmittendum; partim ad feculentam ciborum materiem educendam. Deinde hepatis quoque seruit folliculus fellis, ut chylo in sanguinem conuerso, acriorem materiam corpori noxiam attrahat, & excipiat; lien, ut crassiores & feculentas sanguinis partes ad se alliciat: renes, ut serum crudum & redundans sanguini mixtum exugant, probeque colatum, per vtreteres in vesicam transmittat, opportuno tempore excernendum. Pulmo seruit cordi, noua aura crebro attracta & expirata ad refrigerium, & spiritus vitalis recreationem.

Porro spiritus gignuntur hoc modo. 68
 Cibo concocto optimus eius succus transmittitur ad hepar. Spiritus optimus.
 Fit hæc transmissio partim vitali stomachi compressione, partim vi venarum intestini ieiuni, & aliarum innumerabilium quæ in mesenterio positæ habent vim sugendi. Hepar corpore fistuloso chylum excipiens, transmutat illum sua vi in sanguinem, & sanguinis tenuiores partes in vaporem, quem spiritum *naturalem* putamus, qui venas & corporis poros distendat, & aperiat, &c. Sanguinis partem vnam per venam cauam, quæ ex ipso oritur, transmittit ad cor. Ibi calore cordis primum in dextro, deinde in sinistro ventriculo mirè extenua-

tenuatur, & bonam partem in tenuissimum vaporem conuertitur; cuius portio aliqua per arteriam maiorem à corde ad cerebrum transmissa, ibi per plexum retiformem probè elaborata, clarificata, & temperata efficitur spiritus *animalis*, idoneus qui ad sensum & motum, functiones animanti proprias, seruiat; reliquam portionem spirituum cor per arterias vnà cum tenuissimo sanguine in totum corpus distribuit, vt illius calorem natium conseruet & foueat: hunc spiritum *vitalem* appellamus. Nunc breuiter expediendum quomodo spiritus vterque & sanguis per totum corpus distribuatur; vt intelligatur quàm admirabili sapientia hæc omnia sint disposita.

69 Corpus nostrum constat calido & humi-

*Quomodo
per totum
distribuatur
corpus.*

do. Calor assidue humidum absomit & in auras dissipat, vt patet exemplo aquæ soli expositæ, vel calefactæ, quæ sensim tota euanescit. Hinc omnia membra & viscera exarescerent, nisi per alimentum fieret instauratio. Alimentum propinquum corporis est sanguis. quare hunc per totum corpus distribui oportuit, vt omnes partes ex eo ali possent. Officina sanguinis est hepar. Iraque ex hepate ducuntur duæ venæ ingentes, altera sursum, altera deorsum, quæ deinde in varios diuiduntur ramos, & singuli rami rursus

*Distributio
sanguinis.*

fus in alios minores, & hi in alios, donec tandem in minutissimas & inuisibiles venulas facessant: tendunt hæ venæ in viscera & in musculos omnes, & in eos terminatur. Itaque cum muscoli sint supra sexcentos, & plerumq; multæ venulæ in singulos abeant, fit vt præter venas inuisibiles (quas capillares vocant) sint aliquot venarum seu potiùs ramorum ex gemina vena ductorum chiliades.

Hac ratione efficitur vt nulla sit particula corporis tam parua, quin ad eam alimentum deferatur. Venarum mira structura & vis. Constant enim fibris directis, obliquis & transuersis. Directis, vt sanguinem attrahant & sugant; obliquis, vt retineant; transuersis, vt vlteriùs ad musculos & extimas vsque partes transmittant. Eadem ars in fistulis intestinorum seruata. Habent vim sanguinis conseruandi, qui extra illas erumpens statim putrescit, & morbos efficit, vt in pleuritide, contusionibus & inflammationibus videmus. Miscetur sanguini serosus humor ad faciliorem distributionem, qui postea vel calore in halitum dissipatur, vel sudore excernitur. Miscetur & modicum bilis ad tenuitatem, ne crassescat, & quasi coaguletur. Miscetur & spiritus quem naturalem dicimus, vt poros aperiat, & alimentum inducat.

cat. Nulla enim est corporis particula , quæ porosa non sit.

In ossibus , musculis , visceribus , nervis , venis , arteriis , membranis , cartilaginibus est vis assimilatrix , per quam hæ partes singulæ alimentum ad se transmissum in suam naturam & speciem conuertunt.

71
*Distributio caloris
& spiritus
vitalis.*

Sicut hepar omnibus partibus corporis sanguinem quo alantur , & spiritum naturalem suppeditat ; ita cor calorem & spiritum vitalem , quo calor natiuus assidue foueatur & ventiletur : in quem finem à corde ducuntur duæ arteriæ , altera sursum , altera deorsum , quæ rursus in multos ramos abeunt , & hi rursus in alios minores , donec in tenuissimas veluti fibras terminentur ; eo prorsus modo quo venarum genus. Pertingunt arteriarum ramusculi ad omnes musculos , & ad viscera omnia , vt calorem & spiritum illis infundant.

Ventilatio.

Porro sicut in iis quæ manifestè calidum habent sanguinem , cor assidue per systolem & diastolem sese agit , vt per diastolem seu dilationem sui nouum aërem attrahat ad caloris temperiem & spirituum recreationem ; per systolem seu compressionem sui , fuliginosum vaporem expellat : ita arteriæ omnes per totum corpus iisdem momentis mouentur , perpetua vicissitudine sese dilatando

tando & contrahendo, ob eosdem fines. Estque hæc ventilatio tanti momenti, ut ea prohibita (quod interdum per affluxum humorum accidit) statim accendatur febris.

Cerebrum suppeditat spiritum anima-
lem, qui, sicut sanguis & spiritus naturalis per venas, & sicut calor ac spiritus vitalis per arterias, ita diffunditur per nervos. Verum quia è cerebro, quod capite continetur, non poterant sufficientes nervi procedere, qui ad omnia viscera & musculos omnes pertinerent, Providentia opifex hominis, substantiam cerebri unà cum suis membranis à capite per colli vertebrae, & per totam spinam dorsii protendit, ita ut medulla spinalis non sit aliud quàm continuatio quædam & productio cerebri. Ne autem spiritus evanescat, & animal subito moriatur, inuolutum est cerebrum duplici membrana, altera tenuiore, quæ interior est, altera duriore & robustiore, quæ exterior, & ossi cranij proxima. Simili modo inuoluitur medulla spinalis.

Nervi procedunt à cerebro, & à medulla spinali, & horum duplici membrana. A cerebro sex nervorum paria; quinque quidem paria ad quinque sensuum organa, ut spiritum suppeditent, potissimum quidem ad sensum; deinde etiam ad motum musculorum capitis: sextum par extra caput protenditur.

E s

ditur

72
Distributio spiritus animalis.

Productio cerebri & membranae eius.

Nervorum sex paria à cerebro.

*Triginta
neruorum
paria ex
spina dorsi.*

ditur ad musculos aliquos ceruicis, laryngis, pectoris, & ad stomachi orificium cui summa cum corde sympathia. Ex medulla spinali eiusque membranis oriuntur paria nervorum triginta, quorum singuli in plurimos ramos diuisi, tandem in musculos, sicut de venis & arteriis dictum est, terminantur: ubi autem ad musculos pertingunt, in nervosam abeunt materiam, quam tendinem vocant, & muscoli caput constituit. Spiritus itaque à cerebro & spinali medulla per nervos hoc modo in sensuum organa & musculos transmittitur; quo spiritu anima veluti instrumento quodam mouet musculos, & mediantibus musculis membra singula, & eiusdem spiritus adminiculo sensuum externorum & internorum operationes perficit.

*73
Nervorum
compositio.*

Nervorum mirabilis est compositio. Sicut enim cerebrum integrum tribus constat, nimirum medulla, & duplici membrana qua inuoluitur: ita etiam singuli nerui qui ab ipso oriuntur. Nam intimum nervorum medulla est cerebri substantiæ similis, quæ duabus tunicis tegitur; adeò ut nihil aliud nerui esse videantur quàm illius medullæ, & illarum membranarum, quibus cerebrum constat, productio & continuatio. Hac ratione fit ut cerebrum quodammodò sit per totum corpus, & in singulis corporis particulis,

culis, quæ sensum & motum habent. Primariò enim locatum est in capite, in quo omnia sensuum organa. A capite vnà cum suis membranis protenditur per spinam dorsû: à spina dorsû abit in neruos qui sparguntur per totum corpus, in omnes diffusi musculos.

Simili modo cor per arterias quæ cordis naturam imitantur, & hepar per venas, quæ ipsius vim & indolem retinent, per totum corpus diffunduntur, & in minima quauis particula existunt. Quo mirabili artificio tria illa principalia viscera quibus sensus, motus, pulsus & nutritio perficitur, nempe cerebrum, cor, hepar, per totum corpus extenduntur, & in singulis eius partibus quodammodò existunt. Omitto alia innumera quæ de structura singulorum & vsu dici possent.

Recensui hæc pauca de vsu & fine istorum trium primariorum viscerum, quia mihi sæpè summam admirationem diuinæ sapientiæ, quæ ista tam mirificè excogitauit & disposuit, commouerunt. Conueniat omnis sapientia omnium hominum & Angelorum, nihil vmquam simile, nihil adeò ordinatum & aptum ad suum finem, & naturæ rei ita congruum excogitare poterunt.

Neque

74
Quo modo
tria princi-
palia visce-
ra sint in
singulis
corporis
partibus.

75
*In ceteris
 animanti-
 bus tria il-
 la reperiri.*

Neque solùm in homine, sed etiam in reliquorum animantium speciebus artificium istorum trium viscerum reperitur. Cùm enim omnia sensum & motum habeant, opus habent spiritu animali, ac proinde cerebro sui generis, quod spirituum sit officina; & neruis è cerebro ductis, per quos spiritus ad organa sensuum & musculos decurrant. Quia aluntur, opus est hepate, quod alimentum præparet; & venis, per quas ad singulas partes deferatur; & spiritu naturali, cuius beneficio per omnia penetret; quia suo quodam calore fouenda sunt, ut vivere possint, opus est corde à quo calor vitalis & spiritus in totum corpus deferatur, & arteriis per quas deferatur. Aptissimè autem hæc in singulis sunt disposita non eodem modo, sed infinita quadam varietate, pro natura & specie cuiusque. Itaque etiam in muscis, in culicibus, in pulicibus, in vermiculis ista reperiuntur. Habent enim etiam hæc animalcula suum cerebrum, suum hepate, suos neruos, suas arterias, & venas miræ subtilitate concinnatas. Non sunt interiùs res confusæ & vniformes, sed organa habent perfecta, discreta, impermixta, diuersi temperamenti, diuersæ facultatis, diuersi vsus, diuersæ formæ, diuersæ connexionis, diuersi situs, initio & fine diuerso, sed tenuitate inui-

inuifibili & humana induftria incomprehenfibili. indicant hoc manifefte fenfum acrimonia, velocitas motus, multiplex induftria ac fagacitas eorum.

Iam fi externas partes animantium confi-
deremus, quàm fingulæ funt accommoda-
tæ ad proprios vfus? quàm faciles & expe-
ditas habent functiones & motus? Quanta
earum pro varietate fpecierum varietas?
Aues capite minuto & in roftrum acumina-
to, ad aërem facilè findendum, pedibus ad-
uncis ad ramufculos arborum, quibus infideant, complectendos; plumis auerfis ne obfint volatui, quæ inter volandum ita corpori applicantur, vt aër minimè subintret. Alæ leuiffimæ, & ita conformatæ, vt facillimè explicari ad volatum; & rurfus contrahi poffint, molli cavitæ idoneæ ad aërem in motu colligendum, & in quiete ad corpus decorè arctèque tegendum. Quæ carniuoræ, rofthro funt valido & adunco ad difcerpendum, vnguibus firmis & acutis ad apprehendendum. Quæ ex aquis paftrum habent, collo oblongo, vt in profundum poffint caput immergere. Denique quanta in auium genere colorum pigmenta? quanta pennarum pulchritudo? quanta vocum diuerfitas? Quàm fuavis & artificiofus quarundam cantus? in exiguo corpufculo quàm

76

*Externa
partes ani-
mantium.**Auium con-
formatio.*

quàm acuta & longè penetrans vocalitas?

77
Quadrupedum.

Quadrupedum alia est formatio, quia per terram ambulant. Quæ carniuora sunt, & ex præda viuunt, his membra ad capturam accommodata. In riùu supernè & infernè dentes gemini, longi, validi ad tenendum & discerpendum; ungues acuti & falcati ad apprehendendum, quos incedendo condunt in vaginas ne atterantur: ad capturam exerunt instar digitorum, & prædæ iniiciunt.

Quæ herbis, frondibus, fructibus vescuntur, aliter dentes & ungulas dispositas habent. Dentium series non ferrata vt carniuoris, sed continua & æquabilis: quorum priores acuti ad gramina incidenda, ad viuentia prata & virgulta tondenda; posteriores obtusi & lati ad pabulum comminuendum. Ungulæ firmæ instar calceorum, vt firmiùs insistant, & ne facilè pedes lædi possint in tanto corporis pondere. Colli ea longitudo quæ necessaria, vt erecta in pedes pastum è terra capiant. Hinc camelis ob corporis altitudinem collum longissimum. In elephante alia inita ratio. Deformis enim fuisset tanta colli proceritas, & vastam illam molem imbecillam reddidisset ad sui tutamen. Itaque habet collum breuissimum, & data est ei proboscis, qua tamquam manu omnia

omnia facillimè apprehendit & ori admo-
uet. Quis non videat hæc omnia de indu-
stria mira sapientia & consideratione sic ef-
fe disposita?

Piscium quoque genus quàm aptè, ad de- 78
gendum in illo elemento, formatum! Ca- *Pisium.*
put plerisque angustum ad secandam faci-
lius aquam: cauda lata & expansa, qua tam-
quam gubernaculo motum suum in om-
nem partem mira celeritate dirigunt. Pin-
nas habent ad ventrem alij binas, alij qua-
ternas vel plures, quibus tamquam remis
motum impellunt & sistunt. in dorso quo-
que pinnam instar membranæ productam,
quam intendunt ut prona natent, nevé faci-
le in tergum resupinentur. Branchiæ quas
utrimque ad fauces habent, seruiunt ad e-
missionem aquæ, tum erus quam assidue
hauriunt ad cordis refrigerationem, tum il-
lius quæ confertim influit, dum escam ca-
piunt. Vnde qui branchiis carent, habent
foramina vel fistulas, per quas hanc aquam
emittant. sine hoc subsidio suffocarentur,
omni respiratione impedita, ut harum re-
rum curiosi scribunt. Squamas habent auer-
sas, ne obliant natatui, quæ inter meandrum
stringuntur arcuüs. Qui non valide respirant
pulmone carent, & cor prope fauces habent,
tenuiter obtectum, ut facile aqua uero attactu
refri-

refrigeretur. Qui validam habent respirationem, pulmone quo cor obtegitur, præditi sunt, & ceteris organis ad hoc opportunis. Denique innumerabilis est ibi specierum & formarum varietas, quarum singulæ omnes partes internas & externas decentissimè formatas habent, & ad proprium vsum aptissimè; adeò vt nihil omnino ibi deprehendi possit, quod summa ratione non sit constitutum. Neque solum in piscium corporibus hæc varietas formæ, & structuræ elegantia cernitur, sed etiam in ipsis testis, quibus concharum genus, etsi maximè imperfectum, tegitur & inuoluitur. Harum enim stupenda pulchritudo & varietas, etsi ad nihil aliud quàm ad vsum integumentis teneris concharum corpusculis muniendis seruire videantur. Nusquam alibi maius diuinæ artis specimen, præsertim absque semine, informi elemento seminales omnium rationes in se continente, & omnem illam

Plinius li. 9. c. 33. *varietatem producente. Tot ibi colorum differentie, tot figura planis, concavis, longis, lunatis, in orbem circumactis, dimidio orbe cassis, in dorsum elatis, laevibus, rugatis, denticulatis, striatis, vertice muricatim intorto, margine in mucronem emisso, foris effuso intus replicato: iam distinctione virgulata, crinita, crispa, canaliculatim, pectinatim diuisa, imbrica-*

bricatim undata, cancellatim reticulata, in obliquum, in rectum expansa, densata, porrecta, finnata: breui nodo ligatis, solo latere connexis, ad plausum apertis, ad buccinam recuruis. Nitore & puritas in plerisque incredibilis, omnia vincens auri & argenti metalla, nisi longissimo auro non obsolescens.

Hoc etiam in animantibus dignum con-

79

Arma, tegumenta.

sideratu. Homini, ratione prædito qua sibi consulere potest, neque vestes, neque arma data, sed horum loco tributæ manus, quibus omne sibi vestium & armorum genus conficere, confecta assumere, & deponere pro arbitrio posset. Brutis verò, quia sibi ista parare non poterant, neque pro re nata assumere & deponere, vestes & arma semper ad hærentia concessa, quæ etiam cum crescentibus crescerent, nec opus haberent interpolari & refici. Pro armis data sunt aliis cornua, aliis dentes, aliis ungues, aliis robur in calcibus, aliis spiculum in cauda, aliis vis pernicialis in dente, ungula, salina, contactu, afflatu; aliis præsidium in fugæ celeritate & astu, vel testæ qua includuntur duritie, vel echinata cute, & spinarum quibus vestiuntur horrore, quas etiam in hostem vibrare norunt aliqua. Loco vestium alia habent pilos, plumas, squamas, crustas, testas, cutem glabram, quæ tamen sua duritie & fir-

F

mitate

mitate illis sufficiat. Est in singulis animantibus vis, quæ hæc omnia locis congruentibus, figura, & colore accommodo, formantur & crescant; idque ex terrestri parte alimentum, naturæ alioquin inutili & excernenda: ut etiam in eo providentiam miremur, quæ materiam corpori alendo noxiam in tam necessarios usus dispensat.

Omitto insectorum & vermiculorum diuersissimas formas, quibus & aer & terra & campi & flumina & stagna per æstatem scintillant & personant. Omnia ad miraculum pulchra, omnia suis numeris absoluta, & ad functiones sibi congruentes instructissima. Nihil in his adeò vile, quod non summam admirationem moueat attentius consideranti. Quinimò quod quid est minus & abiectius, eò magis in eius structura diuinæ providentiæ elucet artificium.

80

*Fabrica
plantarum.*

Eadem providentia cernitur in fabrica plantarum, quæ ex terra erumpentes, terræ affixæ manent; quarum plurima sunt genera & diuersissimæ structuræ. Nihil in his sine summa ratione constat. Omnes partes aptissimè ad suos fines comparatæ. Radices, ut totam plantam (siue arbor sit, siue virgultum, siue herba) terræ alligent; & ex ea humorem sugant, ad totius & omnium partium alimentum. Mira earum vis, quæ etiam vastissi-

vastissimæ & ramis longè lateque diffusæ arbores ita se terræ affigunt, vt nullus ventorum impulsus eas possit prosternere. Cortex instar vestis contra frigus & æstum, & rerum incurrentium læsiones. Rami ad fructuum multiplicem prouentum. Frondes ad ornatum, & in primis ad fructuum tutamen, ne sole vel imbribus vastentur. Fructus ad seminis custodiam, & in plerisque potissimum ad hominum & animantium escam: ideoq; adeò torosi & succosi, longèque maiores quàm seminis defensio postulet, vt in pomis, pyris, melonibus, peponibus, aliisque multis fructuum generibus, est videre. Plantæ carent musculis: quia non habent motum vt animalia, sed terræ adhærent immobiles. Constant itaque fibris rectis, quæ omnes poris plenæ, per quos alimentum sugant. Omnes omnino partes à primis radicum capillamentis vsque ad foliorum extrema porosæ sunt, & vim sugendi habent, & succum attractum assimilandi. Frondes & fructus ex tenui pedunculo pendent, qui in fibras innumeras facessit. per hunc omnis succus transit, qui deinde per fibrarum poros in totum corpus frondis & fructus diffunditur, arte stupenda. Pedunculi non adhærent ramis per fibras continuatas sed incisas, & humore quodam adglutinatas, quo exsiccato

fructus & folia, vel sponte decidunt, vel facile carpuntur. In medulla est vis genitalis, vnde & μήτρα siue matrix dicta, & ea exempta, etsi arbor fructum proferat, hic tamen semine destituitur. Sicut radix, caudex, & rami singuli tribus constant, cortice, ligno, medulla: ita fructus cortice, pulpa, semine. Succo terræ per radices attracto, & per fibras in caudicem & ramos disperso, probeque concocto, partes aquosæ inutiles nutritioni arboris seu lignosæ substantiæ; extremis oris ramorum formantur in folia; partes aëreæ in flores; quod verò crassum & probe temperatum, partim in substantiam ligni, partim in fructus; sicque nihil ibi superflui (sicut in animalibus) quod excerni debeat. Quæ in altum excresecunt tamen imbecilla sunt; vel se circa aliquid conuoluunt, vt lupulus, hederâ periploca, & multa conuolutorum genera; vel capreolos habent, quibus veluti manibus pedamenta apprehendunt ne corruant, vt vitis, labrusca, pepones, cucurbitæ, & alia quædam. Infinitum esset omnia diuinæ artis, quæ in plantarum structura elucet, recensere miracula.

81 *Conclusio.* Ex his concludo, cum partes omnium animantium & plantarum duplicem finem habeant; alterum quatenus sunt partes, ex quibus forma & structura totius coalescat; alte-

alterum vt sunt organa ad certas functiones salutis totius necessarias destinata; & ad vtrumque ita sint aptatę, commensę & proportionatę, vt non possint exactius aut mirabilius; perspicuum esse eas omnes summa quadam mente & sapientia, quę fines omnes iam antę conceperit, & media omnia considerauerit, esse perfectas. Omnino enim impossibile est, vt tam innumerabilem mediorum ad tam innumerabiles fines sit tam eximia stupendaque proportio & conuenientia, nisi singula antę fuerint exactissime perpenſa & inter se collata.

Hęc ratio perspicuę conuincit diuinam prouidentiam etiam ad minima pertingere, vt quę etiam in minimis, vt in culicibus, in muscis, in vermiculis, in herbulis innumeras particulas & innumera organa ad totius animalculi vel plantulę completam formam, & omnes functiones salutis ipsius congruentes, disposuit. Prouidentia enim in nulla re magis cernitur, quàm in apta mediorum ad finem dispositione. Quare cùm hęc dispositio etiam in minimis cernatur perfectissima, luce meridiana clarius est, prouidentiam eximiam & distinctissimam ad illa pertinere.

*Septima RATIO, ex eo quòd omnia agant
ordinatissimè ob certum finem.*

- 82 **O**STENDIMVS diuinum Numen ex natura & dispositione partium mundi, & ex structura animantium & plantarum; nunc idem demòstremus ex eo quòd omnia operentur propter finem. Nihil est in mundo otiosum; omnia habent suas vires & operationes: hæ autem operationes tendunt ad aliquem finem, idque vel in commodum aliquod operantis, vel alterius. Tendunt autem ita ordinatè, & tam congruis viis ac mediis, vt nulla arte possint aptius. Quare cum neque hunc finem ad quem tendunt, neque media, aut mediorum per quæ tendunt proportionem concipiant; necesse est vt ab aliqua mente superiore, cui omnia ista perspecta sint, dirigantur. Impossibile enim est vt aliquid ordinatè ad aliquem finem sua operatione tendat, nisi illum, & media ad illum idonea cognoscat, vt suam operationem hac notitia dirigat; vel certè vt ab alio, qui illa omnia cognoscit, dirigatur. Sic horologia, quæ ordinatè tendunt ad horarum spatia indicanda, quia neque hunc finem cognoscunt, neque se ad illum disponere valent, necessariò ab aliqua mente omnia illa cognoscente dirigi & disponi debent.

Omnia

Omnia ad aliquem finem tendere constat, Primò in motu cælorum, & illuminatione influxuque astrorum, in maris & terræ fecunditate: de quibus suprà dictum est. Secundò, in partibus omnium animalium & plantarum, quorum singulas suum vsum, suamque propriam functionem saluti totius necessariam, vel congruentem habere ostendimus. Tertiò, idem ostendendum in omnibus feminibus. Quartò, in industria animalium.

Primum igitur vis formatrix quæ est in feminibus, manifestè ob finem operatur: nimirum ut extruat corpus animantis vel plantæ. Facit autem id tam multiplici & stupenda arte, tam longo & ordinato opere, ut sapientiori modo sit impossibile. Et sanè si vis seminalis mens esset sapientissima, non posset magis ordinatè vel artificiosè procedere. Vnde Hippocrates libro *ᾧ ἐπὶ ἀφροδισιατικῇ νόσῳ* n. 1. putat illud calidum quo omnia generabilia formantur, esse mente præditum & æternum. *Videtur*, inquit, *sanè mihi id quod calidum vocamus immortale esse, & cuncta intelligere, & videre, & audire, & scire omnia tum præsentia, tum futura.* Nimirum quia videbat sine summa arte & intelligentia fieri non posse, quæ vi illius calidi fiunt.

Primum crassior seminis portio vi huius

*Modus op-
erans vir-
tutis semi-
naria.*

calidi & spiritus extenditur in fibras, quas spiritus subiens partim in fistulas excavat, partim spongiosas efficit, alibi teneriores, alibi solidiores, & variis locis incidit, amputat, format extrema, coaptat, & diuersis modis committit & colligat, vt ratio ossium & membrorum requirit: ex reliqua seminis portione & sanguine format viscera, nempe hepar, cor, & cerebrum, ex singulis fibras deducens in venas, arterias, nervos fabricandas. Has penetrans spiritus cauas efficit, dilatat, protendit, diuidit in ramos plurimos, deducit tum per viscera, vt inter se communicent; tum per corpus vniuersum, vt alimentum, spiritum vitalem & animale ad omnes partes deferant. interea singulae portiunculae sanguinem attrahunt, & in suam substantiam conuertunt, spiritu interim singulas sensim formante, & debitam figuram, mensuram, proportionem, & cum aliis connexionem tribuente; adeo vt septimo die à conceptu totius corporis forma, & distinctio omnium membrorum etiam digitorum appareat. Quàm multiplex est ista molitio in formatione & colligatione tot ossium, tot venarum, tot arteriarum, tot neruorum, tot musculorum: in singulorum apta distributione, diductione, terminatione, seruata cuique sua debita forma, temperie,

Hippocr.
lib. πη α' f-
χωρ. n. 20.

erie, mensura, situ, nexu, insitione? Quæ
mens ad tam multa simul posset esse inten-
ta? Quænam ars huic operi par esse queat?
Quis ergo ista considerans dubitare possit,
quin sit aliqua mens sapientissima & poten-
tissima, à qua tota ista operatio dirigatur, in
quam totum hoc artificium sit referendum?
si cumulus informis saxorum, tegularum,
cementorum, lignorum seipsum dirigere in-
ciperet, & singulas confusi partes polire, or-
line disponere, connectere in formam pul-
cherrimi palatij, ut ratio architecturæ post-
ulat, quis non diceret mentem quamdam ar-
chitecturæ peritam inuisibiliter ibi adesse, &
omnia tam artificiose disponere? Pari modo
si penicillus variis coloribus infectus se mo-
vere inciperet, & lineamenta faciæ humanæ
primum rudia ducere, deinde singula exple-
re, formare oculos, attollere genas, figurare
nasum, designare oris hiatum, appingere au-
res, addere eam, servata in singulis debi-
ta proportione, & congruis coloribus adhi-
bitis, ut ratio picturæ desiderat; nemo dubi-
aret quin penicillus ille à spiritu aliquo in-
telligente regeretur. At in formatione cuius-
vis animantis longè plus est artis & ingenij,
quàm in omnibus operibus industria huma-
na factis: eaque formatio longè procedit
ordinatiùs quàm ullius artis operatio. Deni-

que attingit summam perfectionem, adeò vt opus illud non possit in sua specie esse perfectius, nec singulæ partes internæ & externæ meliorem habere proportionem & connexionem. Cui ergo ambiguum esse possit, hanc totam molitionem à mente quadam sapientissima dirigi?

84

*Proportio
inter ani-
mā & cor-
pus; inter
corpus &
vim semi-
nalem.*

Porro tria sunt hîc consideranda, inter quæ summa debet esse proportio: anima ipsius animalis, corpus, & vis seminalis. Inter animam & corpus summa debet esse proportio. Tale enim debet esse corpusculum cuiusque animalculi, quale ipsius anima ad functiones sibi proprias postulat. Vnde quanta est diuersitas animarum, tanta est & corporum, si figuram & temperiem, & organorum conformationem spectes. Quare in natura animæ cuiusque, tota ratio formationis corporis continetur, adeò vt si quis naturam animæ planè perspectam haberet, ex ipsa posset statuere & referre, qualis totius corporis habitus, figura, & temperies esse debeat. Qui autem naturam illius animæ non plenè comprehendit, fieri nulla ratione potest, vt vñquam statuere possit, quale corpus ipsius esse debeat. Semper enim in aliquo deficiet, neque debitam proportionem assequetur: vt si agatur, verbi gratia, de corpusculo muscæ, quot pedes habere debeat,

at, quot crurum internodia, quæ singulis internodiis mensura, temperies, proportio, connexio; quot nerui in singula crura deducuntur, quot venæ, quæ mensura bifulcis vnguiculis, quæ pænè sensum fugiunt, & alia innumera. Possent enim vel in vnius muscæ corpusculo multa proportionum millia referri necessaria vt suæ animæ illud aptè respondeat; quas omnes nemo assequi potest, nisi naturam animæ, in qua omnium ratio elut in radice latet, mente penetret.

Vis seminalis summam debet habere proportionem ad corpus, vt tale quoad omnia formare possit, quale anima illa postulat. itaque qui vim seminalem instituit & fecit, debuit antè perspectam habere totam corporis structuram, vt vim effectricem illi proportionatam & exactè commensam repræsentaret. Sicut enim in anima, tamquam in causa finali, latet tota ratio structuræ corporis, & ideo corpus debet illi exacta proportionem esse commensum: ita in vi seminali totius eiusdem structuræ ratio, vt in propria & adæquata causa effectrice. Vnde debet inter structuram corporis & vim seminalem esse exacta proportio, qualis est inter causam effectricem & effectum illi adæquatum.

Ex quibus clarissimè demonstratur, hæc
 ia, animam cuiuslibet animantis, corporis
 fabri-

8)

*Hæc tria
 ab eodem
 principio.*

fabricam, & vim seminalem ab eodem principio originem habere : quod principium non potuit fuisse aliqua natura ratione destituta. Hæc enim non potest inter diuersa congruas proportionales constituere, nedum tam exactas & multiplices, quales sunt inter corpus & animam, inter vim seminariam & corporis fabricam. Nam istud summam & distinctissimam cognitionem requirit. Fuit ergo mens aliqua sapientissima simul & potentissima, quæ per sapientiam ista potuit excogitare, & per potentiam exequi.

86

*Est impressio
sive artis diuina.*

Causa cur vis seminaria tanta arte operetur, vt mente prædita videri possit, est; quia est impressio quædam, & quasi vestigium artis diuinæ: hinc perinde operatur, ac si arte prædita esset. Sicut si pictor artis suæ vim permanentem posset imprimere penicillo, penicillus perinde moueretur & per se pingeret formaretque totam imaginem, ac si ars ipsa & mens ei inesset. Accedit quod diuina mens assiduo influxu illam impressionem conseruet, & ei operanti vniuersali concursu cooperetur. Sicut in animantibus tria ista, anima, corpus, & vis seminalis mira proportionem inter se respondent & commensata sunt: ita etiam in toto plantarum genere. In anima plantæ cuiusque, tota ratio structuræ corporis ipsius plantæ, & frondium,

diūm, & florum, & fructuum continetur. Similiter in vi seminali. Res simplex est forma seu anima plantæ, & vis seminalis; sed infinita latet ibi varietas, causali ratione. Totum enim discrimen & tota multitudo figurarum, colorum, odorum, linearum, proportionum quæ exterius vel in corpore plantæ, vel in foliis, vel in floribus, vel in fructibus, vel in radicibus, vel in cortice, vel in medulla, vel in succo cernitur, ea omnis à vi seminali, & ab ipsa forma seu anima proficiscitur, ac proinde in utroque simplici quodam & inuisibili modo stupenda ratione interiorius continetur. Itaque si flores exterius apparent oculis pulchri, & admirabiles tanta figurarum, colorum & proportionum varietate; quantò pulchrior ipsa forma & vis seminalis, à qua tota illa visibilis pulchritudo promanat, & in qua miro, singulari & ineffabili modo ea tota continetur?

Neque solum rerum semina, quæ naturali modo & absque cognitione vlla operantur, sua operatione in finem aliquem tendunt, sed etiam animantes ipsæ cum agunt per imaginationem. Hæ enim omnes & ad 87
Animantium operationes in finem tendunt.
 pastum, & ad generationem mouentur, & has functiones peragunt; nihil omnino cogitantes aut concipientes de fine, ad quem illæ tendunt & sunt institutæ. Non enim
 amore

amore prolis concitantur ad concubitum; neque desiderio conseruandi sui, & vitam producendi, mouentur ad pastum; sed confuso dumtaxat modo apprehendunt concubitum & pastum sub specie conuenientis aut delectabilis, & idcirco ad hæc incitantur. Certum tamen est has actiones ulterius tendere. Non enim pastus aut concubitus est institutus ob voluptatem; sed hic ad conseruandam speciem communem, ille ad tuendam vitam priuatam. Necessè ergo est ut sit mens aliqua superior; quæ hos fines cognoscat, & animalia bruta ad illos dirigat; quæ etiam instrumenta & organa idonea, quibus ad eos perueniretur, in singulis pro conditione & natura cuiusque, disposuerit.

88

*Industria
animantium.*

Deinde elucet in multis singularis quædam industria, qua vel cibos captant, vel cubilia & nidos construunt, vel prolem educant & tuentur, vel vitam suam conseruant, adeo ut etiam si ratione prædita essent, non posset ista sagaciùs præstare; & tamen finem, ob quem ista faciunt, non apprehendunt.

Araneus.

Aranea mira arte telam texit, & tamquam venator muscis captandis retia pandit. Stamina primùm decussatim extendit, paribus in medio angulis, & extrema in ambitum ad opposita alligat & firmat. Deinde à medio

dio

oorsa texere, circinato orbe subtegmina
 Inectit, maculasque paribus semper inter-
 illis, sed subinde crescentibus, indissolubi-
 nodo implicat. Quanta subtilitate celat
 edicas scutulato reti grassantes, pexitate &
 olitura quadam telæ tenacem tramæ ratio-
 em occultans? Extrà, specum sibi conca-
 verat ad insidias, aucupum more, ne con-
 iciatur. Vbi musca inciderit, accurrit citis-
 mē, apprehendit, alas glomere ventris im-
 licat, ne auolare possit; necat, aufert, re-
 ondit in tempus famis. Possētne si ratione
 rædita esset, singula facere ordinatiùs, & ad
 lum finem aptiùs?

Apiculæ fauos construunt tenerrimos, 89
 hexagonis vtrimque distinctos cellulis, quas *Aper-*
 enis pedunculis in orbem commeantes for-
 mant. Deinde longè lateque per sata flores-
 que camporum dispersæ, dulcem cæli ro-
 em colligunt, & in istos alucolos condunt,
 d hiberni temporis, cū egredi non lice-
 it, annonam. Mira inter eos operis distri-
 utio. Aliæ flores aggerunt pedibus, aliæ
 quam ore, guttasque lanugine totius cor-
 oris, aliæ struunt, aliæ poliunt, aliæ sugge-
 unt, aliæ aduentantes exonerant. Cū cel-
 e fuerint plenæ, tenuem membranam ob-
 endunt, ne liquor effluat. Ruentes ceras ful-
 iunt pilarum intergerinis, quas solo in for-
 nicem

nicem struunt, tum ad firmitatem, tum ne desit aditus ad sarcendum. communiter quiescunt, communiter laborant, in commune conspirant opus, & in vicem pro sua quæque facultate ad hoc perficiendum se iuuant. Omitto quæ de mira earum politica auctores scribunt, à pluribus euriôsè obseruata.

90

Formica.

Iam in formicis quanta sedulitas? quanta futuri cura, quibus tamen nulla futuri cognitio? In cauernulis habitaculum variis anfractibus sinuosum parant, terram emolientes. hîc oua vere pariunt, huc omnem annonam inferunt, & in hiemem condunt; laborem communicant vt apes. Est enim & in illis Reipubl. ratio & cura. Semina antè arrodunt, ne condita rursus in fruges exeant, miranda planè prouidentia. Madefacta imbre proferunt, & siccant ad solem: deinde rursus condunt; onera forcipe oris apprehensa gerunt. In tanta exeuntium, redeuntium, obuiantium concursatione, & quidem angusto calle, inuicem se non impediunt; ita dextrè norunt cauere. Sepeliuntur inter se viuientium solæ præter hominem.

91

Bombyces.

Bombyces sepulchrum sibi concinnant ex suis visceribus; lanigera vteri fertilitate materiam suppeditante, quo inclusi, veluti morte functi, tandem alia forma eicersi & in

in

in lucem prodeuntes, palingenesiam æmulantur, metamorphosi stupenda. Forma illis erucarum hortensium: pabulum carpunt pænè assidue, duobus tantum interuallis interquiescentes ad concoctionem, donec adoleuerint. Iustam adepti molem, & pastu corpore distento rursum quiescunt, ut materia concoquatur. Deinde texere incipiunt opere continuato, labore indefesso, donec se incluserint. Mira staminis huius tenuitas & tenax firmitas. Pedum vnguiculis fila diducunt, & in glomum vacuum, ouali figura, conuoluunt, intus se claudentes. Quanta in hoc opere industria & prouidentia? hinc tanta bombycini panni copia, quo nunc mundus ad luxum abutitur.

Erinaceus vites subit, acinos maturos in terram excutit, ubi magna copia exciderit, in sphaeram se contrahit; deinde per illos huc illuc sese voluens, acinos illos spinis confixos, & in formam racemi collectos in specum asportat, catulis se legendum præbens. Idem facit in pomis. Neque parua in felibus industria. quo silentio, quàm leuibus vestigiis obrepunt aures? quàm occulto speculatu in musculos exiliunt? excrementa sua, effossa humo obtegunt ne odore prodantur.

Multiplex quoque in piscibus rationis & prouidentiae specimen, etiam illis, quibus
Piscium industria.
 G maxi-

maximè stupida natura. Polypus conchis marinis infidiatur, vt earum se carne pascat; hæ vt brachia illius intra biforem testam immissa senserint, valuas validè cõprimunt; & brachia illi amputant: quod vt præcaueat, arreptum lapillum inter valuas interponit; ne claudi possint; & ita securè inclusam carnem populatur.

94

Oppianus
lib. 5. De
piscaru.
Ælianus
lib. 10. c. 6.
Plutarch.
De pru-
dentia ani-
mal.

Balenæ, vt multi veterum scribunt, cùm visu sint hebeti, habent pisciculū oblongum ducem qui præeat, ne in scopulos, brevia, aut arcta impingant. Multi pisces quibus minor velocitas ad venatum, appendices habent circa labra vermiculorum instar, vt minores pisculi escæ specie illecti, facilius ab illis capiantur. Sepia, vt se tangi senserit, atramento suo aquali infuscat, vt obiectis tenebris, se occultet. Pinna conchæ genus nascitur in limosis surrecta semper, nec vquam sine comite quem pinnoterem seu pinnae custodem vocant: is est parua squilla, vel cancer dapis assëctator. Pandit se pinna ad capturam, luminibus orbum corpus intus minutis pisciculis præbens. assultât illi protinus ad escam, eo numero vt tandem impleant: quod tempus speculatus index, leui morfu significat. Illa compressu quidquid inclusit exanimat, partem socio epulandam tribuens. Torpedo merfa limo se occultat,

vt

vt pisces non diffugiant: hos igitur securè supernatantes & obtorpescentes corripit. Plura huiusmodi recensent Plinius, Plutarchus, Oppianus, & alij.

Nec minor providentia in auibus. 95
 Quanta ratione & cura nidos sibi cōstruunt, quic- *Auim in-*
 ti captandæ per noctem, & soboli educandæ *dustria.*
 idoneos? Fabricant eos in arboribus vel dumetis, procul ab hominum & fectarum incursibus. Extima materia rudis ex spinis & sarmentis, quæ magno studio vndique comportant. Hanc in formam repandi galeri dispositam argilla probè subacta oblinunt, vel ita implicant, vt facilè dissolui nequeat. Mox vestiunt interiùs materia molliore, feno, stipula, musco; cavitatem sensim arctantes in orbem versus centrum. Postremò ad mollitiem & calorem obducūt textum plumarum, pilorum, lanuginis, quantum corpore incubantes contingere queunt. Et quamvis omnes hanc rationem seruent in dispositione materiæ, singulæ tamen suam habent formam, & propriam architecturæ rationem; sicut apud nos in opere Corinthio, Dorico, Tuscano, Gothico.

Est præterea in auibus & aliis animalibus, 96
 quorum fetus recentes non possunt sibi *Educatio*
 consulere, ingens cura sobolis educandæ, *soboli.*
 donec adoleuerit. Vndique pastum accom-

modum conquirunt , & in nidos illatum pullis offerunt , etiam illis quæ iam deuorant refusis, propria appetentia repressa, stomachoque fraudato.

Defensio. Iam quibus animis sobolem teneram tuentur aduersus hostem? Statim se arri-
gunt, corpus interponunt, intumescunt, hor-
rent pilis plumisque ad terrorem , arma ex-
pediunt, rostrum , dentes , ungues , cornua,
calces , sua quæque tela hosti opponunt .
Quædam, ubi vis maior ingruerit , vtuntur
dolīs vt insidiatorem auertant à nido; osten-
tata spe sui capiendi , minutis & intercisis
volatibus illum aliorum ducentes. Inuento
nido quanta in multis comploratio? quantis
aërem implent questibus ? quàm insolabilis
mœror, donec hunc dies ipsa absterferit?

97
*Industria
conseruan-
da vita.*

Denique in omnibus est industria qua se
conseruent. Multis est præsidium in fuga,
aliis in armis , aliis in dolīs. Lepores in peri-
culis cum aliquo loco quiescere volunt, ma-
ximos saltus postremos habent , vt canes
odorem vestigiis intercisis amittat. Ob eam-
dem causam aquas interdum & flumina
transmittunt : quia odor in aqua non figi-
tur. Similia & plura faciunt vulpes.

In Ægypto magna est aspidum copia.
huic pesti Prouidentia opposuit ichneumo-
nem , gliris instar animalculum . hic cum
aspi-

aspide pugnaturus, se in limo probè voluntat, & obuoluit; quo ad solem siccato, veluti lorica munitus hostem ex antro ad pugnam prouocat, & congressum conficit. Idem etiam in fauces crocodili per somnum hiantes se coniicit, & intrò penetrans illum, visceribus erosus, interficit.

Norunt etiam noxia pabula, & morbo- 98
rum vulnerumque suorum remedia. Canes *Norunt
noxia &
remedia.* nauseabundi graminis esu vomitum prouocant, & bilem reiiciunt. Palumbes, graculi, merulae, perdices lauri folio annuum fastidium purgant. Chelidonium visui saluberrimam hirundines monstrauere, vexatis pul-
lorum oculis illà medentes. Cerui sagitta confixi dictamni pastu illà ejiciunt; & à phalangio vel serpente percussi, caneros edendo sibi faciunt medicinam. Pantheras carne aconito tincta barbari venantur: at illae cum fauces vi veneni intercludi sentiunt, humana inquirunt perittomata, vnicum illis veneni istius remedium. Mustela se ruta præmunit ad conferendum cum venenatis. Omitto alia innumera quæ diligenti hominum inuestigatione, vel crebra experientia de moribus animantium innotuerunt, & à probatis auctoribus referuntur.

Ex his perspicuum est, animantium operationes, etiam illas quas interuentu imagi- 99
G 3 natione-

nationis peragunt, ordinatissimè ad certum finem tendere. Si ad certos & proprios fines tendunt, necesse est eò ab aliqua causa destinari & dirigi. Hæc autem causa non potest esse ipsum brutum: quia bruta suarum operationum fines non cognoscunt, nec cogitant hoc esse ad illud utile, aut hoc propter illud esse faciendum. Non enim norunt araneæ, ad quid textus telæ sit utilis, aut quo ordine in illa concinnanda sit procedendum. Nec apiculæ, cur tali forma struant fauos, aut quid inde commodi percipient. Nec vllum animal, cur comedat, cur bibat, cur generet, cur sobolem alat, cur fugiat, cur se suaque defendat. Denique nullius rei quam gerit, finem aut rationem nouit: & tamen tanto ordine, tanta industria & ratione omnia gerit, ac si perfecta ratione præditum esset. vnde aliqui veterum putarunt omnia animalia ratione esse prædita, etiamsi sermone nobis noto destituta essent: qua de re Plutarchus libellum conscripsit: sed falsa & ridicula est sententia.

100

Necesse est ergo, sit mens aliqua omnibus brutis prædens, omnium actiones gubernans, quæ quid singulis ad vitam & incolumitatem, & ad naturæ propagationem conueniat, optimè nouerit, & quibus mediis & functionibus ad illa sit perueniendum: per quam

quam mentem omnium actiones in proprios ac distinctos fines sint ordinatæ. Exacta enim & distincta notitia opus fuit tum omnium eorū quæ cuique iuxta speciem suam congruunt; tum mediorum per quæ ad ea foret pertingendum. Deinde quænam cuiusque medij ad suum finem sit proportio & utilitas. Denique qualis instinctus ad singulas functiones, vel functionum series, sit necessarius. Hac cognitione supposita ut omnino necessaria, facile fuit mēti illi Architectici singulis animalibus proprios & accommodatos instinctus ad omnia ista inferere.

Quadruplex cognitio necessaria.

Quòd autem per istos instinctus, in suis actionibus ita procedant, ac si mente prædita essent; ratio eius est, quia sunt impressiones quædam rationis diuinæ & providentiæ. Vnde ita dirigunt operationes, sicut ipsa ratio & providentia diuina, si animantibus insita esset, vel illis ut instrumentis vteretur, dirigeret. Duobus enim modis potest res aliqua ratione & arte in operando dirigi, & in finem tendere. Primò, proximè tamquam instrumentum ab artifice motum; sicut penicillus à pictore. Secundò, mediante vi impressa, quæ rationis sit quoddam vestigium & imitatio. Hoc modo mouentur & diriguntur animalia à diuina providentia. Diriguntur itaque ratione in omnibus non in-

101

Cur instinctus dirigat instar rationis.

hærente, sed inuisibiliter assistente, & præfidente; non sicut nuda instrumenta proximè ab artifice mota, sed mediante vi impressa, quæ vis artis formam retinet in operando. Hoc sensu dixere Philosophi *opus natura esse opus intelligentia*: quia ab intelligente per vim impressâ, natura in omnibus dirigitur.

102

Ars humana sui specimen brutis imprimit.

Simile quid efficit in brutis ratio & ars humana. Videmus canes & simiâs doceri fieri hominis industriâ, vt numerosè tripudiant ad spectantium voluptatem, & quæstum heri. Hoc tripudium arte regitur; non quæ bruto illi inhæreat, sed quæ præsideat, quæ illius phantasie quoddam sui vestigium crebro vñu impressit: & dirigitur in finem non à bruto, quod non cogitat de spectantium oblectamentis, & quæstu magistri; sed ab ipso qui præest, qui artis imaginem ad eum finem illi indidit. Multa alia docentur canes, præsertim ad venatum, & aues, aliaque animalia; quæ ipsa pulchrè præstant, nec tamen sciunt quid faciant; aut cur sic potius quàm aliter agant, aut ob quem finem. Sed hæc omnia nouit is, qui illa dirigit, & docuit. Si homo artis sue vestigium in quædam animantia ad certas functiones certosque fines potest transfundere: quantò facilius mens illa sapientissima & potentissima potuit artis & prouidentie suæ vestigium omnibus

imprimi-

imprimere, ad ea quæ singulis ad vitæ conseruationem & propagationem essent congrua.

Homo quia ratione & prouidentia quadam vniuersali præditus est, qua seipsum regere, sibi finem in singulis operibus statuere, & media ad illum opportuna disponere potest, huiusmodi instinctibus opus non habebat. Et quamuis plurimi ratione peculiaris temperamenti peculiare instinctus habeant, tum ad varios animi affectus, tum ad varias artes, tamen his se regere non debent, sed rationis iudicio, quod eis pro regula vitæ concessum. Animantia cetera quia ratione destituta, non poterant se ipsa gubernare, & singulas actiones ad fines sibi consentaneos dirigere, instinctu quodam prudentiali opus habebant, quo dirigerentur, tum in operis cuiusque confectione, tum intendentia ad finem. Itaque homo habet prudentiam vniuersalem, qua omnia ad suum finem potest disponere: singula animalia quamdam prudentiæ veluti particulam, vel potius peculiarem in paucis quibusdam operibus instinctum prudentiæ similem. Hic instinctus quatenus conficit opus artificiosè (vt in aranea telam, in ape fauum) est participatio quedam & vestigium artis diuinæ, non vniuersè, sed speciatim, vt consideratur in isto opere.

Vt autem facit accommodatè ad finem , est simili modo specimen quoddam & vestigium diuinæ prouidentix.

*In quo cō-
sistat iste
instinctus.*

Consistit autem primariò in dispositione phantasix, qua fit vt ipsa certo modo , pro tempore & loco, quando res postulat, aliquid vt conueniens aut noxium apprehendat; secundariò tum in appetitus inclinatione, tum in quadam dexteritate ac habilitate exequendi.

104

Ex his clarè demonstratum esse arbitror, esse quamdam mentem sapientissimam & potentissimam, à qua non solum primariæ mundi partes formatæ, & ad suos fines sint dispositæ, sed etiam omnium animalium & plantarum membra ac particulæ, & omnia rerum semina : cuius prouidentia omnes rerum viuentium operationes in certos fines congruentissimè & ordinatissimè dirigantur. Ex quo rursus perspicuum est, eius prouidentiam se ad omnia etiam minima extendere, & nihil omnino sine eius prouidentia fieri; cùm nihil possit fieri sine virtute, vel instinctu ab ipso rebus communicato & impresso.

105

Obiectio.

Dices, Esto, omnes vires ad operandum rebus contulerit, hinc tamen non conficitur eius prouidentiam ad omnes earum operationes se extendere. Sicut qui canem docuit artem

artem saltandi, vel psittacum Græcè loquendi, non idcirco cognoscit omnia quæ illi postea per hæc agunt. Verùm respondeo esse magnam disparitatem. Homo enim potest procul recedere ab opere suo; tunc autem scire nequit quid illud agat. Deus autem ab opere suo discedere nequit, sed semper intra illud manet; tum quia est ubique & omnia implet, ut nullus locus superfit, quod se conferre possit: tum quia opus suum assiduo influxu sustinere & conseruare debet: alioquin statim corrueret, & instar umbræ euanesceret. Non enim sicut faber domum extruit, & illo cessante & abeunte, ipsa per se stat: ita mundus, aut aliqua res mundi Deo cessante stare potest. Primò, Quia faber facit opus suum in aliena materia, quam ipse non fecit, nec conseruare debet, sed quam Deus fecit & conseruat: in ea autem nihil facit nisi aliqua addendo vel detrahendo, & omnia certo ordine collocando. Deus autem operatur in materia quam ipse solus fecit, & solus potest destruere & conseruare. Secundò, Quia Deus fecit omnia ex nihilo, sua omnipotenti virtute inde omnia veluti extrahens, & ad esse eleuans. Hinc fit ut omnia rursum in suum nihilum propendeant; sicut res quæ vi è terra in sublime elata est, suo pte nutu in terram propendet. Quare
sicut

Deus semper operi suo præsens

sicut hæc assidue sustineri debet, ne deorsum ruat: ita creata omnia diuina virtute continue sustentanda, ne rursus in nihilum corruant. Nutum in nihilum non intelligo inclinationem aliquam positiuam, qualis est grauitas terræ; sed defectum virtutis retinendi suum esse: quia non habent vllam vim qua se absque Deo in esse conseruent. Tertiò, Quia omnia dependent à Deo perfecto modo, sicut lumen aëris à sole, & sicut species colorum intentionales (vt vocant) ab obiectis; & sicut vmbra à corpore soli opposito: vt docent passim Philosophi antiqui, præsertim Platonici. Non enim putandum est, minorem esse depēdētiā rerum creatarum à Deo causa vniuersalissima, quàm sit istorum effectuum à causis particularibus & creatis, sed longè maiorem. Omnia ergo egent assidua conseruatione & assiduo influxu; adeò vt si vel ad momentum Deus hunc substantificum radium (ὑποποιοὺν ἀκτῖνα Dionysius vocat) cohiberet, omnia in nihilum euanescerent. Omitto alias rationes. Exactior enim huius rei probatio alij loco reseruatur, sicut & de concursu. Sufficit nobis modò illum non posse ab opere suo abesse. Ex quibus patet, fieri non posse, vt diuinam prouidentiam aliquid lateat, cūm omnibus semper intimè sit præsens.

Octaua

*Octava RATIO, ex vultuum & vocis
diuersitate, ex hominum paupertate.*

NON paruum ista quoque vim habent 106
ad diuinæ prouidentiae curam nobis
persuadendam, si accuratè considerentur.

Ac primùm *diuersitas vultuum* adeò mul- *Diuersitas
vultuum.*
tiplex, ac propè infinita in genere humano,
non paruum est prouidentiae signum. Sine
enim tali varietate nec posset iustitia inter
homines conseruari, nec Reipublicae forma
consistere. Finge homines vultu similes, sic-
ut oues, corui, passerres, & alia plurima eius-
dem naturae animantia inter se sunt similia;
grauissima sequetur omnium rerum pertur-
batio. Neque enim mariti poterunt discer-
nere suas vxores, neque parentes suos libe-
ros, nec creditores suos debitores, nec amici
suos inimicos, nec magistratus maleficos,
nec subditi suos principes: ac proinde om-
nia plena erunt adulteriis, incestibus, fraudi-
bus, prodicionibus, cædibus, omniaque ma-
leficia impunè committi poterunt. quiuis
enim poterit se fingere quemlibet, nec vllò
indicio facilè poterit deprehendi. Res per se
est manifesta attentius intuenti, & decla-
rant exempla eorum qui similitudine vul-
tus confusi, alienos toros, patrimonia, &
regna inuadere ausi sunt: interdum felici
euen-

euentu, interdum irritò conatu: semper tamen cum ingenti perturbatione, multisque incommodis. Perspicuum igitur est vultuum discrimen in hominibus necessarium esse, vt iustitiæ & Reipubl. ratio inter eos constare possit, & pax ac tranquillitas conseruari.

107 Dicet fortè aliquis, Discrimen istud casu euenire, non aliqua prouidentia ita disponente & procurante. Verùm absurdum illud à casu pendere, quod tantopere ad iniurias cauendas & iustitiam tuendam in genere humano est necessarium, alioquin tota iustitia & ratio politix quæ inter homines reperitur, casu niteretur, & fortuna omnium rerum publicarum esset fundamentum. Deinde quod casu fit non est perpetuum, nec passim reperitur in omnibus, sed rarius fit, & in paucis: vt Aristoteles & alij Philosophi tradunt. Quòd enim homo nascatur quinis digitis, non casu fit, cùm passim vbique sic nascatur; sed quòd senis. Atqui discrimen vultuum non est res rara sed ordinaria, quæ ferè semper & vbique ortui hominum coniungitur. Non ergo casui assignanda, sed prouidentix, quæ genus humanum ad iustitiam & vitam ciuilem, quæ sine hac varietate non poterat probè consistere, instituit. Si natura humana eiusque propagatio ita esset

set instituta, ut homines plerumque nascerentur similes, raroque interueniret dissimilitudo: meritò hæc dici posset casu provenire. Sed contrà fieri videmus. nam dissimilitudo est ordinaria, similitudo valdè rara. Vnde quòd homines nascantur similes, potius casui imputandum: quòd dissimiles, providentiæ. *Casum* intelligo rarum quemdam & extraordinarium causarum concursus, qui tamen divinæ providentiæ manu regitur. Nihil enim illi providentiæ ad omnia se extendenti casuale, sed causis dumtaxat secundis, quarum & cognitio & vis agendi limitata.

In plerisque brutorum animantium generibus tanta est individuorum eiusdem naturæ paritas, ut vix aliquod discrimen notari queat. Cum enim nihil intersit similitudine sint an dissimilia, natura sequitur id quod est facilius, facitque similia, ita ut exterius non appareat notabilis dissimilitudo. Proclivius enim est ut ea quæ eiusdem naturæ & substantiæ sunt interius, exterius quoque similibus prædita qualitatibus edantur, quàm diuersis. Quòd si interdum usus postulet aliqua horum internosci, ut in ovibus, capris, equis; facile est imprimere notas quibus discernantur.

Neque solum est vultuum varietas in homini-

108

109

minibus ad discrimen, sed etiam vocum; adeò ut non minùs sono vocis quàm forma vultus homines differant & internoscantur. Cùm enim distincta notitia personarum ad iustitiam & pacem tuendam esset omnino necessaria, non solùm in vultu, sed etiam in voce discrimen notabile constituit providentia, ut duplici sensu, nempe visu & auditu, tamquam gemino teste, cuilibet de persona alterius constaret. Seorsim horum alterum subinde falli contingit; sed ut uterque fallatur quando consentiunt, vix fieri potest. Sola vultuum discretio satis non erat: quia sæpè agitur res in tenebris; sæpè acies oculorum retusa ut exactè lineamenta faciei non discernat: interdum quoque magna est vultuum similitudo, ita ut in ea distinguenda oculus decipiatur. Hic succurrit discrimen vocis & soni locutionis humanæ: & qui ex vultu internosci non poterant, faciliè cognoscuntur & discernuntur ex voce.

- 110 Sed & in paupertate, qua ferè totus mundus conflictatur, non modicum est Providentiæ rectoris argumentum. Paupertas enim est quæ genus humanum servat, & omnibus ornamentis, rebusque laude dignis excolit & ornat: sicut è contrario affluentia perdit, & ad dedecus, turpitudinem, ac pecudum vitam abiicit. Fingamus omnia

omnia, quæ ad vitam transigendam necessaria abundè omnibus absque labore suppetere, nec ullius rei quemquam inopia premi; mox duo grauissima mala consequentur. Nimirum omnium artium ac rerum pulchrarum totiusque splendoris, qui in rebus humanis cernitur, interitus: & morum extrema corruptela, ac turpitudine. Nemo amplius artes mechanicas aut discere volet, aut si quas didicerit, factitare: nemo laboriosa opera subire: nemo alteri seruire. Nemo enim hæc præstat nisi paupertate quodammodò compellente. Cessabunt itaque omnes hominum industriæ, omnia artificum opera, omnia priuata & publica ciuitatum ornamenta. Nullæ amplius fient pulchræ vestes, nulla pretiosa supellex, nullæ splendide domus, nulla magnifica templa, nulla oppida, nullæ arces. Conquiescet agricultura, nauigatio, aurigatio, piscatio, aucupium, mercimonium. Nulli erunt viri nobiles & potentes, utpote famulitio & obsequiis destituti. Graduum ac ordinum, qui in Republica sunt necessarij, discrimen omne peribit, ac proinde reuerentia pariter & obedientia. Quidquid igitur in genere humano est pulchrum, splendidum, magnificum, admirabile, id omne paupertate sublata tolletur, nihilque præter barbariem &

H

vasti-

vastitatem belluinam erit reliquum.

- III Huic malo coniunctum erit aliud etiam maioris momenti, morum summa corruptio, omnibus in comestiones & libidines effusis. Vbi enim otium & rerum abundantia suppeditat, aliud sequi non solet. Indicio nobis sunt homines illi qui ante diluvium vixerunt, quos otium & luxus perdidit: & gentes quædam barbaræ apud Brasiliis, quæ cum paucis rebus ob clementiam cæli opus habeant, & annona abundant, ventri penitus sunt mancipatæ, & assidue abdomini seruiunt, omnibus vitiis inquinatissimæ.

Duo sunt quæ mores hominum maximè corrumpunt, otium & rerum affluentia. Hæc materiam omnibus vitiis subministrat; illud animum ad eis vacandum expeditum efficit. Vtrumque submouet paupertas. affluentiam quidem proximè & per se, cum ipsa nihil aliud sit quàm affluentia absentia & priuatio: otium verò dum suis quibusdam aculeis homines pungit, & molestiam infert; quam ut euadant, ad opus excitantur. Itaque se habet instar stimuli, quo pigra natura & otio amica, ad industriam laboremque excitatur & compellitur; quæ cum tota intendit operi, à noxiis cogitationibus arcetur, nec vacat comestioni-

tionibus & impudicis actibus dare operam.

Ex his perspicuum est, quàm salutaris hominum generi sit paupertas: ut quæ fomitem malorum abscindat, & mentem innocuis curis & cogitationibus occupet, & orbem omnibus ornamentis & commodis impleat. Quidquid enim in rebus humanis præclari, pulchri, admirandi cernitur, id omne paupertatis est opus, & huic maximè acceptum ferendum. Rectè quidam: *Ἡ πτωχὴ καὶ σοφία ἐλάττει*. Tractavit hoc argumentum Aristophanes in Pluto. Nos in eo insignem Dei providentiam, qua genus humanum gubernat, manifestè conspiciamus.

112

Nona RATIO, ex miraculis.

MIRACULA etiam diuinum numen aperte demonstrant. Si enim constiterit multa fieri, aut esse facta, quæ in nullam causam corporalem referri possunt: perspicuum erit esse vim quamdam maiorem & inuisibilem, à qua ista processerint. hanc Deum vocamus. Plurima autem sunt huiusmodi; quæ cum vim omnem creatam superent, aliquando tamen facta esse constat, vel perspicua ratione, vel historiarum fide dignissimarum testimonio, & omnium gentium confessione. Recensebo quædam præcipua & illustriora, tum eorum quæ

113

ante Christi aduentum, tum quæ pòst fue-
re patrata.

Primum fit, Mundi ex nihilo creatio. hic enim cùm non sit à se, vt suprà Ratione 3. & 4. ostensum est, necesse est vt ab alio factus extiterit. Ingens planè fuit ac immensum miraculum tanti operis ex nihilo excitatio, solaque potentia & sapientia infinita patrabile.

Secundum fit, Tot animalium & plantarum formatio; tot seminum quibus illa propagarentur institutio: tanta terræ & mari collata fecunditas; qua cooperante fit, vt vnum semen breui tempore propagetur in millia.

- 114 Tertium, Cælorum ocysissima vertigo, & mundi inferioris per hanc vertiginem gubernatio. Per hanc enim efficit dierum & noctium gratissimam alternationem, & tacita vtrorumque decrementa & incrementa. Per hanc ordinat anni tempestates, & omnia nasci, crescere, maturari & perfici suis facit periodis. Per hanc ornat campos floribus, pascua graminibus, agros segetibus, siluas frondibus, arbores fructibus. Huius interuentu efficit maris æltum, ventorum flatus, nubium velamina, imbrium opportunitates, niuium fecunditatem, fontium scaturigines, fluminum lapsus, auræ salubritatem,

tatem, aëris serenitatem, tonitruum bombos, fulminum iactus, & mille ætheris phasinata.

His adde mundi cataclysmum, hominum & animantium per arcam salutem, ardentis sulphuris nimbum quo Pentapolis euerfa, plagas Ægyptiacas, maris diuisionem, Ægyptiorum submerfionem, columnam nubis & ignis, escam cælestem quadraginta annis populo exhibitam, fontes virgæ percussu è rupibus elicitos, coturnicum infinitam multitudinem castris immissam, tot numinis apparitiones omnibus conspicuas, tot rebellium & incredulorum castigaciones, nunc terra dehiscente, nunc igne irruente, nunc serpentibus immissis: tot mirandas victorias. Adde solem in medio cursu inhibitum, & decem circiter horis detentum; & alias retrorsum actum: ignis vim compressam, & Dei veri cultores in ardenti fornace illæfos seruatos: leonum rabiem coërcitam, ne iusto nocumentum inferrent: mortuos ad vitam reuocatos: impios miris modis diuinitus sæpissimè punitos. Ex quibus perspicuum est, esse quoddam numen quod omnia videt, omnia gubernat, omnia æqua lance trutinat, & peccata mortalium acriter punit: quod peculiarem gerit curam eorum, qui ipsum sanctè colunt;

H 3

quod

quod multa miranda supra naturæ vires eorum causa sæpenumerò perpetrat.

- 116 Neque in his potest vlla fictionis aut imposturæ subesse suspicio. Auctor enim, qui, exceptis paucis, omnia illa scripsit, erat & sapientissimus & grauissimus, & omnibus sæculis ab iis qui sanctitate vitæ vel sapientiæ laude floruerunt maximus propheta & plenus numine semper habitus. Deinde, quia plurimæ in eius opere sunt prædictiones (vt Genesis 12. & 49. Numerorum 24. Deuteron. 32. & 33.) quas cum sciamus ex euentu esse verissimas, non possumus dubitare, quin in ceteris quoque verax fuerit. Tertio, Singula eorum quæ commemorauimus, ita minutim conscripta sunt, cum omnibus circumstantiis temporum, locorum, personarum, nominum, occasionum, effectuum, tanto ordine, tanta rerum consequentia, tam accommodatè rerum naturæ, tam cõgruenter pietati, & morum probitati, vt rerum gestarum inspector non possit exactius & cõgruentius. Qui fingunt, multas circumstantias declinant, vel si addiderint, faciliè detegitur impostura. Non enim congruunt vel tempori, vel loco, vel naturæ rerum, vel aliis certioribus historiis, vel sibi ipsæ non constant, vt in confictis historiis Homeri, Nonni, Virgilij, Ouidij, Amadis, & similium cernitur.
- Quartò,

Quartò, Auctor plerisque non solùm interfuit, sed etiam præfuit, eaque gessit tamquam numinis instrumentum : itaque ea optimè nosse potuit. Quintò, Si falsa scripsisset, præsertim de plagis Ægypti, de maris diuisione, de gestis in deserto, à sexcentis millibus testium, qui interfuerunt, conuinci potuisset falsitatis. Nam coram tota multitudine hæc omnia lecta fuere, & in posterum legi septimo quoque anno omnibus congregatis debebant : vt constat Deut. 31.

Sextò, Eadem omnia à Dauide maxima Rege & Propheta (qui Moyse. solùm 450. annis posterior fuit) carmine Hebræo celebrata fuere, tamquam in toto Oriente notissima : quæ carmina ab eo tempore vsque in hanc diem assiduè in sacris & solemnitatibus toto pænè orbe canuntur, ab Hebræis, vbi liberum habent religionis suæ vsum, & à Christianis iam ab annis ferè mille sexcentis. Imò post Moysen in illo populo singulis pænè sæculis extiterunt Prophetæ, & viri admirandi, qui numine afflati populum regerent, docerent, & aberrantem à iustitia & cultu diuino, ad legem per Moysen traditâ reuocarent : qui omnes Moysen tamquam diuinum Vatem & supremi numinis interpretem ac organum suspexere. Quales verò & quanti viri isti fuerint, constat ex eorum

tum gestis, tum scriptis. Gesta omnem humanam industriam longè superant, & manifestè diuini numinis directionem & opem demonstrant: qualia sunt quæ patrauit Iosue, Debora, Gedeon, Sampson, Samuel, Dauid, Nathan, Salomon, Ahias Silonites, Elias, Elizeus, Esaias, Ieremias, Daniel, Ionas, Iudith, Elther, Machabzi, & alij plurimi. Scripta plena sunt futurorum prædictionibus, quæ longo sæculorum decursu, manifestè sunt cōsecuta. Nihil simile in aliarum gentium historiis aut scriptis inuenitur.

Septimò, In ipsa lege Iudaica, iam inde à Moyse temporibus, fuit quotannis istorum mirabilium gestorum, quæ à Moyse descripta, per varias cerimonias, festos dies, sacrificia, aliosque ritus professio; ne vnquam eorum memoria mortalibus excideret. Festum Paschæ, & sacrificium agni paschalis agebatur in gratiarum actionem pro beneficio liberationis ex Ægypto, & seruatis Hebræis in cæde primogenitorum Ægypti. Ob eandem causam offerebantur Domino omnia primogenita. Festum Pentecostes in memoriam datæ Legis diuinæ, die quinquagesimo post egressum. Festum Tabernaculorum, cò quòd in deserto per annos quadraginta habitassent in tabernaculis. Seruabatur arca fœderis, quam ipse Moy-

Moyſes iuſſu Dei & præſcripto fecerat, in qua virga Aaron, quæ fronduerat, & vna manna, & Lex diuinâ manu in tabulis duabus lapideis incifa & Moyſi tradita: variifque canticis omnia illa Dei beneficia, & opera miranda celebrabant. Ipſi quoque libri ſumma diligentia, publica auctoritate in loco publico, ſacro, & ſecuriſſimo, tamquam oracula diuina adſeruati fuere, ne qua fraude poſſent corrumpi.

Oſtaud, His accedit ſcripta illa eſſe plena ſapientiæ, ſanctitatis & grauitatis. nulla in eis vanitas, nulla inutilis curiositas. Omnia ſeria & animis formâdis ad omnem virtutē aptiſſima. Omni ope id in eis agitur, vt homines ab omni flagitio deterreantur, & ad omnem pietatem, iuſtitiam, benignitatem, manſuetudinem, patientiam, & temperantiam inſormentur; propoſitis ad hunc ſcopum non ſolùm admirandis documentis, ſed etiam præſtantiſſimorum virorum quos imitemur exemplis. Nihil ſimile in ſcriptis philoſophorum, in quibus multa ſæpè vana & curioſa, nihil vtilitatis animo adferentia: multa impia, iniqua, & impura. Nam permittunt idolorum cultum propter communem uſum; etſi ſentiant vnum dumtaxat eſſe ſupremum numen: & contemptum, odiaque occulta in inimicos, & fornicationem, &

H ſ

fœdas

foedas libidines, & inanem gloriæ cupiditatem, aliosque vitiosos affectus, præsertim internos. Et quamvis subinde aliquid boni dicant dum virtutem commendant, & vitia reprehendunt: tamen nihil solidi adferunt, quod animos efficaciter stimulet & concutiat, quod eos à malo absterreat, & ad iustitiam impellat. Pulchritudo enim virtutis, & peccati turpitudine (quæ sola ab eis allegantur) parvam vim habent ad animos permouendos. Longè maioribus opus est stimulis. Hinc nulli, vel paucissimi ex scriptis illorum meliores effecti, superbiores certè innumeri. At ex Moyſis scriptis & disciplina, aliisque libris sacris, infiniti ad summam sanctitatem, & numinis diuini familiaritatem peruenere, adeò vt etiam admirandis operibus illustres fuerint.

Denique, si quis mysteria religionis Iudaicæ & Christianæ penitiùs inspexerit, eaque inter se contulerit, clarè perspiciet, ea quæ apud illos gesta, fuisse typos & umbras mysteriorum Religionis Christianæ. vt enim Apostolus 1. ad Corinth. 10. ait, *Hæc omnia in figura contingebant illis, scripta autem sunt ad nostram instructionem (ὡς εἰς ἡμᾶς) in quos, fines sæculorum deuenerunt.* Quare ex iis quæ apud nos geruntur, possumus cognoscere etiam ea, quæ apud illos facta narrantur, esse

esse consentanea veritati. Ex quibus constat libris Moyſis fidem eſſe habendam, non ſolum vt commentariis Cæſaris, aut hiftoriæ Liuij, alteriufve auctoris profani; ſed vt oraculis afflatu numinis conſcriptis. Idem de aliis libris ſacris ſiue hiftoricis, ſiue Prophe-
ticiſ ſentiendum; quia eadẽ rationes lo-
cum habent.

Veniamus nunc ad miracula noui Teſta-
menti. Quàm multa & præclara Dominus 117
hic in carne cum hominibus degens, per
carnem patrauit? leproſos mundauit, pa-
ralyticos erexit, dæmoniacos liberauit, mor-
borum & languorum omne genus diſpulit;
cæcis viſum, ſurdis auditum, mutis ſermo-
nem, claudis greſſum, mortuis vitam reſti-
tuit. Imperauit ventis, compelſcuit tempe-
ſtates, ambulauit ſuper vndas maris; multa
hominum millia pauit, modico cibo in mil-
lecuplum repente multiplicato. Fecit hæc
non clanculum, ſed palàm coram toto mun-
do, ita vt per totam regionem Iudææ eſſent
notiſſima, nec æmuli poſſent negare. Fecit
non multa molitione, non magno apparatu,
ſed ſolo verbo, vel leui contactu. In eius
morte ſol obſcuratus, terra contremuit, ru-
pes & ſaxa diſſilierunt, ſciſſum templi ve-
lum, monumenta reuulſis oſtiis patefacta.
Teſtes horum omnium multę myriades ho-
minum,

minum, qui Euangelistas ista diuerſis temporibus & locis ſcribentes, ſacrilegæ vanitatis arguere potuiſſent, ſi falſa narraſſent. Mendacium enim in negotio religionis ingeſt eſt ſacrilegium.

118

Verùm vt cetera prætermittam, quantum eſt miraculum, quòd per duodecim homines eoſque ignobiles, pauperes, rudes, piſcatores conuerterit mundum, tota mundi potentia, ſapientia, eloquentia repugnante; obnitente ſimul carne & ſanguine; obnitente natura corrupta, & inueterata conſuetudine? Non enim ad religionem facilem & ſenſibus blandientem, ſed ad arduam, ſeueram, moribus humanis insolentem, traduxit mundum: quæ hominem cruci affixum Deum ſtatuit: quæ diuitias, honores, voluptates, & quidquid magni penditur in vita, docet aſpernari; quæ carnem domare, cupiditatibus repugnare, crucem ferre, inimicos diligere, bonum pro malo reddere, ſanguinem & vitam pro Chriſto profundere, maledicentibus benedicere, perſecutoribus benè precari. Quàm difficile fuit, mundo idololatria excæcato, & omnem felicitatem in opibus, honoribus, & voluptatibus reponenti, perſuadere iſta eſſe acceptanda, contra morem & auctoritatem maiorum, contra omnium gentium uſum, contra commune

mune generis humani iudicium, contra omnium philosophorum sententiam, contra Principum minas & edicta, contemptis omnibus huius vitæ commodis & incommodis, honoribus & contumeliis, illecebris & tormentis? Et tamen id Christus per Apostolos suos, homines pauperes & ignobiles, perfecit, & mundi potentiam ac sapientiam sub iugum misit. Erant illi antea rudes, timidi, pusilli animi, ignari rerum diunarum, ignari linguarum, & planè ad istud munus inepti: & ecce accepto Christi munere Spiritu sancto, repente facti sunt sapientissimi, imperterriti, magnanimi, omnium linguarum periti, & ausi sunt tantum opus aggredi; quod & gloriosissimè perfecterunt. Nemo hæc negare potest: plenæ sunt veteres historię: toti orbi notum est, orbem per piscatores & rudes homines ad Christianismum traductum; & omnia tyrannorum tormenta (quibus ipsi & innumerabiles alij erogati & consumpti) non potuisse id impedire. Nihil umquam simile in vlla religione accidit. Planè hoc miraculum suis momentis expensum, satis est non solum ad numinis prouidentiam, sed etiam ad Christi diuinitatem, nostræque Religionis veritatem asserendam.

Fuerunt Apostoli etiam dono miraculorum

minum, qui Euangelistas ista diuersis temporibus & locis scribentes, sacrilegæ vanitatis arguere potuissent, si falsa narrassent. Mendacium enim in negotio religionis ingens est sacrilegium.

118

Verum vt cetera prætermittam, quantum est miraculum, quod per duodecim homines eosque ignobiles, pauperes, rudes, pisces conuerterit mundum, tota mundi potentia, sapientia, eloquentia repugnante; obnitente simul carne & sanguine; obnitente natura corrupta, & inueterata consuetudine? Non enim ad religionem facilem & sensibus blandientem, sed ad arduam, seueram, moribus humanis insolentem, traduxit mundum: quæ hominem cruci affixum Deum statuit: quæ diuitias, honores, voluptates, & quidquid magni penditur in vita, docet aspernari; quæ carnem domare, cupiditatibus repugnare, crucem ferre, inimicos diligere, bonum pro malo reddere, sanguinem & vitam pro Christo profundere, maledicentibus benedicere, persecutoribus benè precari. Quàm difficile fuit, mundo idololatria excæcato, & omnem felicitatem in opibus, honoribus, & voluptatibus reponenti, persuadere ista esse acceptanda, contra morem & auctoritatem maiorum, contra omnium gentium ysum, contra commune

mune generis humani iudicium, contra omnium philosophorum sententiam, contra Principum minas & edicta, contemptis omnibus huius vitæ commodis & incommodis, honoribus & contumeliis, illecebris & tormentis? Et tamen id Christus per Apostolos suos, homines pauperes & ignobiles, perfecit, & mundi potentiam ac sapientiam sub iugum misit. Erant illi antea rudes, timidi, pusilli animi, ignari rerum diuinarum, ignari linguarum, & planè ad istud munus inepti: & ecce accepto Christi munere Spiritu sancto, repente facti sunt sapientissimi, imperterriti, magnanimi, omnium linguarum periti, & ausi sunt tantum opus aggredi; quod & gloriosissime perfecterunt. Nemo hæc negare potest: plenæ sunt veteres historiæ: toti orbi notum est, orbem per piscatores & rudes homines ad Christianismum traductum; & omnia tyrannorum tormenta (quibus ipsi & innumerales alij erogati & consumpti) non potuisse id impedire. Nihil umquam simile in vlla religione accidit. Planè hoc miraculum suis momentis expensum, satis est non solum ad numinis prouidentiam, sed etiam ad Christi diuinitatem, nostræque Religionis veritatem asserendam.

Fuerunt Apostoli etiam dono miraculorum

rum instructi. Non enim tam mira & exotica mundo persuadere potuissent, nisi ea miris quoque & diuinis argumentis confirmassent. Itaque & illi cæcos illuminarunt, resolutos seu paralyticos roborarunt, claudos erexerunt, omnia morborum genera depulerunt, mortuos ad vitam reuocarunt, & alia miranda, ut ex eorum actis constat, perpetrarunt.

119

*Singulis
faculis mi-
racula
adita.*

*S. Grego-
rius Thau-
maturgus.*

Ex illo tempore nullum sæculum effluxit, quod miraculis fuerit destitutum, ut ex historiis Ecclesiasticis, & Sanctorum gestis est notissimum. Et ut alios præteream, Gregorius Neocæsariensis, qui à miraculorum magnitudine Thaumaturgus dictus, montem qui ecclesiæ ædificandæ obstabat, aliud transtulit: paludem inter fratres causam discordiarum siccauit: Lycum fluuium perniciose agros inundantem defixo ad ripam baculo (qui mox virentem creuit in arborem) coercuit: sæpissimè dæmones ex idolorum simulachris & hominum corporibus eiecit: multa futura prædixit, & alia plurima supra naturæ vires, numen diuinum per eum effecit. Testantur Basilii lib. de Spiritu sancto cap. 29. Gregorius Nyssenus in vita Gregorij, Hieronymus, Rufinus, Socrates, Nicephorus, & alij. Sanctus Benedictus, vas in quo venenum ei propinabatur, signo crucis con-

*S. Bene-
dictus.*

con-

confregit: fontem ex rupe oratione elicit: mortuum puerum excitauit: futura prædixit, & multa alia miranda perfecit. Testatur Gregorius Magnus libro 2. Dialogorum. B. Bernardus innumera patrauit. Nam quocumque locorum pergeret, occurrerant populi, & omne genus ægrorum offerebant, quos ille signo crucis, breuique oratione curabat. Plurima huiusmodi per Germaniam, præfente Imperatore Conrado, multisque Principibus, & infinita populi multitudine, patrauit. Plurima per Galliam præfente Legato Apostolico, aliisque Episcopis, & quædam præfente Summo Pontifice Eugenio. Multa per Italiam, Romę præfertim & Mediolani, conscia tota ciuitate. Denique res erat ei pænè quotidiana miracula facere; ut eo nomine vbique tamquam Angelus cælo demissus exciperetur & coleretur ab omnibus. Scribit auctor vitæ illius (qui eodem Lib. 4. c. 4. tempore vixit) certis testibus qui præfentes inspexerint, constare, in territorio Constan- tiensi circa vicum quem Doingnet vocant, vna die per manus impositionem ab eo illuminatos cæcos vndecim, sanatos mancos decem, claudos erectos decem & octo. Nar- rat idem alia plurima particulatim signato loco, tempore, nominibus personarum, occasione, modo, & aliis circumstantiis; ut non

non possit esse suspicio fraudis vel mendacij.

120
*Miracula
nostri sa-
culi.*

Nec minora facta hoc sæculo, tum apud Indos & Iapones per eos qui fidem Christianam illis populis annuntiarunt, tum in Europa variis locis à viris sanctitate conspicuis, quæ diligentissimè publica auctoritate sunt examinata, & testibus iuratis probata. Deniq; plerique eorum qui in Ecclesia iam inde à temporibus Apostolorum sanctimonia vitæ illustres habiti sunt, miraculis quoque illustres fuere; ut ex vitis Sanctorum quæ à viris fide dignissimis conscriptæ, & probatis historiis, est perspicuum.

Porro miracula quæ ad inuocationem Sanctorum cum Christo regnantium, & præsertim beatissimæ Virginis, toto orbe facta sunt, hodieque fiunt, sunt infinita. quæ omnia apertissimè vim numinis ubique præsentis, & omnia cernentis ac gubernantis, testantur. Patrantur hæc publicè in oculis omnium, in omnibus prouinciis Catholicis; ita ut omnes ea videre, & manibus palpare possint, ne qua possit de veritate subesse dubitatio. Vidimus superioribus annis multa huiusmodi in Belgica, quæ auctoritate publica ritè discussa & approbata in lucem typis sunt edita.

121 Nihil ad hæc responderi potest, nisi hæc omnia esse conficta, vel ope dæmonum perfecta.

fecta. At quo colore, qua veri specie dici *Refutatio*
 potest illa esse conficta, cum id nulla ratio- *eorum quæ*
 ne probari possit? Vnde enim tibi fictionis *dicunt illa*
 huius notitia? An quia miracula illa tibi vi- *esse con-*
 dentur impossibilia? At ostendendum erat *fecta.*
 ea impossibilia esse, cum nihil ἀνύστατον &
 repugnans implicent. Nam quod viribus
 naturæ fieri non possint, nos ipsi dicimus; &
 inde probamus esse aliquod numen inuisi-
 bile naturâ potentius, cuius vi ista fiant. De-
 inde illa ponere conficta, est tollere omnem
 fidem historiarum, omnem memoriam an-
 tiquitatis, omnem notitiam superiorum sæ-
 culorum. Omnes enim antiquæ historiæ
 meritò confictæ dicentur; & omnes vt fa-
 bulæ erunt reiiciendæ, si miracula Sancto-
 rum conficta dixerimus: quia nullæ historiæ
 accuratiùs, aut maiori fide conscriptæ: præ-
 fertim cum Ecclesiæ semper maximè curæ
 fuerit ne incerta miracula prædicentur. De
 his enim solis loquimur, quæ ab Ecclesia tam-
 quam certa & explorata sunt recepta. Ter-
 tiò, Qui ita loquuntur, fatuitatis condem-
 nant & amentię omnes Principes Christia-
 nos, omnes magistratus, & nobiles, & to-
 tum populum Christianum; vt qui innume-
 ras fabulas pro rebus verè gestis tibi permit-
 tant obtrudi; nec tantum habeant iudicij vt
 valeant imposturam deprehendere. Con-
 dem-

demnant sacrilegę imposturę omnes Ecclesię Pręlatos, omnia Concilia Oecumenica, omnes Theologos, omnes sapientes quod huiusmodi commentitias narrationes & fabulas pro veris miraculis commendent & venditent, & orbi tam sceleratę illudant.

122

Quartò, Pleraque à tantis auctoribus, tanta doctrina & sanctitate pręditis, tam minutim, cum tot circumstantiis scripta sunt, vt non possit esse suspicio fraudis. In rebus confictis studiosę vitari solet notatio nominum, cognominum, & maximę temporum & locorum, ne fraus facile possit deprehendi. Quintò, Nullam causam habuerunt ista fingendi. Cur enim tanto sacrilegio se voluissent obstringere? qua spe, quo pręmio tam infamem mendacię & imposturę labem suo nomini inurere? Nemo enim sine causa quidquam facit. Quę igitur causa omnes illos scriptores, Eusebium, Socratem, Sozomenum, Ruffinum, Gregorium Nyssenum, Basilium, Hieronymum, Augustinum, Sulpitium, Gregorium Turonensem, Optatum Mileuitanum, Theodoretum, Damascenum, Gregorium Magnum, Bernardum, Bonauenturam, & alios plurimos qui miracula scripsere, impulit ad tam immane & nefandum facinus audendum? Sanę nulla causa fingi potest. Quis enim

enim vir grauis & religiosus non malit potius mori, quam vel vnum mendacium scribere, maximè in iis, quæ ad religionem pertinent: cùm id non solum sit infame apud homines, sed etiam sceleratum & abominabile apud Deum? De hæreticis quidem huius temporis, quibus per fidem specialem nullum scelus ad culpam vel poenam imputatur, meritò potest esse fictionis suspicio, cùm de suis multas laudes, & de Catholicis multa probra scribunt. At Catholicis graue scelus est, & æternis ignibus piandum, si quis vel falsa miracula suæ religionis sociis tribuat, vel falsa probra in hostem confingat. Sextò, Si illa essent conficta, facile potuissent auctores ab eiusdem æui hominibus conuinci vanitatis; quia vitæ & res gestæ Sanctorum plerumque orbi eo tempore quo vivebant, erant notissimæ, cùm tanta lux virtutis non possit manere occulta. At nemo eorum qui illa ætate vel paulò post vixerunt, deprehensus est, qui eos falsitatis argueret, aut illorum scripta in dubium vocaret. Septimò, Ingenium humanum suspicax est & incredulum, cùm de nouis miraculis agitur. Hinc studiosè omnia examinat, ne fortè fraus aliqua subsit, aut error. Numquam desunt æmuli, qui aliorum inuident celebritati & gloriæ. Hi curiosissimè

omnia excutiant vt aliquid deprehendant, quo totum negotium in dubium vocent, vel saltem eleuent. Denique adhuc talia crebrò fiunt, qualia apud Scriptores leguntur, quorum multa innumeris testibus probantur. Itaque non est quòd illorum fides in dubium vocetur, aut ea à scriptoribus conficta quispiam suspicetur.

123

Si dicas ope dæmonum facta : Iam hoc ipso fateris esse spiritus, qui rebus istis visibilibus sint præstantiores : & consequenter fatendum tibi est esse aliquem supremum spiritum sapientia & potentia omnibus præstantiorem, quem Deum vocamus ; vt infra ostendetur. Verùm nulla probabili ratione ista in vim dæmonum referri possunt. Nam illuminare cæcos, erigere claudos, firmare verbo solo paralyticos, excitare mortuos, longè vim dæmonum superat ; qui morbos curare nisi per causas naturales, applicitis herbarum vel aliarum rerum viribus, non possunt : vt passim Theologi & Philosophi docent. Deinde sancti viri, quorum ministerio ista facta sunt, dæmonibus fuere infensissimi ; & tantum abest vt eorum adminiculò uti voluerint, vt eos passim ex corporibus hominum expulerint, eorum cultum euerterint, fraudes detexerint, disciplinam contutauerint, artes & præstigias rilerint, regnum

S. Augustinus lib. 3.
de Trinit.
cap. 8.

S. Thomas
1. p. q. 110.
a. 2.

regnum & imperium destruxerint. Tales in primis fuere Apostoli omnes, & Apostolorum multi successores : tales Gregorius Thaumaturgus, magnus Antonius, Hilarion, Paulus Eremita, Martinus, Benedictus, Bernardus, Dominicus, Franciscus, Xaverius, & alij innumeri. Nulla potentia dæmonum, nullæ artes magicæ, nullæ spirituum machinationes, nullæ præstigiæ, nulla terribilia quidquam valent aduersus Sanctos, sed instar fumi ad signum Crucis euanescent omnia : quod præter historias antiquas à probatissimis scriptoribus relatas, quotidiana docet experientia.

Præterea ad eone stupidi sunt omnes Catholici Doctores, omnes Prælati, omnes Principes, omnes sapientes & prudentes, qui Catholicam religionem colunt, ut non possint vera miracula distinguere à falsis, genuina ab adulterinis, proba ab assimilatis; & innumera falsa pro veris acceptent, & tot diaboli præstigias opera diuina esse putent? Scilicet soli Pharisei, & persecutores Ethnici, & hæretici hoc donum discernendi acceperunt; soli videre potuerunt fucum in illis diabolicum? Catholici omnes cæci sunt, amentes, fatui, & omni sano rationis iudicio destituti?

Athanas.
lib. de In-
carnat.
Nazianz.
orat. 1. in
Iulianum.
Epiphani.
hæres. 30.
Greg. l. 3.
Dial. c. 7.

Fuit hæc olim calumnia Phariseorum in 124

I 3

Domi- Lucæ 11.

In Actis
Mart.

Dominum , & Ethnicorum in Martyres, qui cū ipſorum miraculorum claritate eſſent conuiſti (vt quæ ſuis oculis palam coram omnibus patrari viderent) furore perciti erumpebant in blaſphemias, dæmonum viribus & arti magicæ ea quæ manifeſta Dei virtute patrabantur, assignantes. Sed ſicut tunc innocentia vitæ, grauitas morum, & operum magnitudo ſatis erat ad eam calumniam refutandam, ita & modò.

- 125 Cauſa cur numen diuinum variis ſubinde locis miracula faciat, eſt multiplex. Primò, Vt ſuam præſentiam & prouidentiam mortalibus declarèt. Si enim multis ſæculis nihil ſupra naturæ vires eueniret; facilè inducerent in ànimum credere nullum numen, cui res humanæ ſint curæ, extare, ſed omnia naturæ quodam impulſu euenire. Et ſi enim illud infinitis ſe modis prodat, in motu ſiderum, in rerum fabrica, in directione ſingulorum ad certos fines, vt oſenſum eſt; tamen multi iſta non penetrant, nec attentè conſiderant, ipſa conſuetudine oculorum quodammodò occæcati. Quàm mirabile eſt ex paucis granis breui tempore tantam conſurgere ſegetem? ex informi ſemine tam pulchra & varia tum animalium tum plantarum formari corpora? ex minuta glande tantas excreſcere arbores? Et tamen
pauci

pauci hæc mirantur, pauci considerant, pauci in his mirandam Dei potentiam & prouidentiam intuentur. Itaque ne mentibus hominum suspicio subrepat, nullum supra rerum corporalium naturam esse numen; opus fuit, ut illud subinde per opera quædam rara, & naturæ vires ac ordinem superantia, se ostenderet. His enim ob raritatem & insolentiam excitantur homines ad considerandum auctorem; eiusque religione ac reuerentia commouentur. Secundò, Ut hominum animi etiam in aliis fidei capitibus confirmentur, omni prorsus dubitatione absterfa; & ut illis ritè, debitaque cum reuerentia vrantur. Sic multa facta sunt per Eucharistiam, Baptismum, Extremam unctionem, Ordinem, inuocationem Sanctorum, &c. vel horum occasione, nimirum ut homines intelligerent, quo loco ista sint habenda, qua reuerentia usurpanda. Tertiò, Ut doctrinam eorum per quos ista facit, & vitam nobis commendet. Sunt enim miracula diuina quædam testimonia tum veritatis doctrinæ, tum sanctitatis vitæ, præsertim si vita conformis doctrinæ. Quartò, Ut Sanctos suos hoc modo honoret. Nihil enim est quod ita celebres faciat viros sanctos per orbem, & populos ad eorum amorem, cultum & imitationem excitet, ut miraculorum

effectio. Sicut enim Deus vult se amari ab hominibus supra omnia, proximum autem non supra omnia, sed in suo gradu, propter Deum: ita vult ipse se coli supra omnia, nimirum tamquã primam omnium causam effectricem & vltimum finem; Sanctos autẽ non hoc modo, sed in suo gradu, & propter respectum quem habent ad Deum, tamquam filios adoptiuos, participes regni, amicos charissimos, &c. Vnde nulla hĩc vmbra idololatriæ, vt hæretici calumniantur. nam per idololatriam supremus honor, quo ni mirum aliquid æstimatur & colitur tamquã numen & primum principium, impenditur: hoc autem modo non coluntur Sancti. Quintò, Vt occasione beneficiorũ corporalium, quæ populus sperat obtinere, excitetur ad pœnitentiam & vitæ emendationem. Vbi enim miracula fiunt, sæpè multa hominum magnis sceleribus inquinatorum millia confluunt: qui ibidem graui præteritæ vitæ concepto dolore, suisque peccatis salutaris confessione expiatis, seriam vitæ emendationem suscipiunt; sicque fit vt multa millia hac ratione saluentur, qui alioquin erant perituri. Denique per miracula omnes excitantur ad reuerentiam & laudem numinis, ad gratiarum actionem, & gaudium spiritale; omnium animi eriguntur, & bonam spem ad-

futu-

futuri auxilij in afflictione concipiunt: vt superioribus annis hîc in Belgica vidimus.

Decima RATIO, ex prophetiis.

126

PROPHETIAM voco futurorum, quæ à libertate arbitrij pendent, prædictionem. Hæc prædictio est manifestum signum diuinitatis. Mens enim quæ vi sua nouit futura, multò magis omnia præsentia & præterita perspecta habebit: ac proinde noscet absolutè omnia; omnia, inquam, intelligibilia, id est, quibus non repugnat intelligi. Si omnia intelligibilia vi sua nouit, etiam omnia possibilia: ac proinde est omniscia & omnipotens. causa enim rerum est scientia, seu Idea & notio rerum. vnde qui ex se habet omnium notitiam, necessariò etiam est omnipotens. Deinde esse præscium futurorum, longè excedit facultatem omnium mortalium, vt experientiâ constat. *Τῶν μελλόντων τετύφλον*) φράσαι, ait Pindarus: *Ad futura cacutiunt mentes humane.* Est ergo aliqua mens superior mente humana, & inuisibilis, cui vi propriâ hæc prænotio competit. ea ergo erit Deus: præsertim cùm hæc prænotio aded sit sublimis & difficilis, vt vim intelligendi infinitam postulare videatur. Nam res futuræ neque in se determinatæ existunt, neque in suis causis; neque

quidquam est vnde certò colligi possit eas potius euenturas quàm non euēturas. Quomodo ergo mens illa potest determinatè & certò videre quid euenturum sit, quid non; nisi tanta sit vis eius intuitus, tanta efficacia luminis, vt se ad omnia futura, vt in seipsis suo tempore erunt, extendat, perinde ac si modò determinatè existerent, vel ab æterno extitissent? Oportet ergo hanc vim esse infinitam; tum quia maior & sublimior intuendi modus fingi nequit, tum quia ad omnia futura se extendit. Eadem enim est omnium cognoscendi ratio, idem modus, eadem sublimitas. Vnde hoc ipso quo mens illa vi sua cognoscit vnum futurorum, cognoscit omnia. Prænotio itaque futurorum est apertum signum diuinitatis: vnde prædictio, *diuinitas* vocatur, quasi prædicere futura, sit opus proprium diuinitatis. Sic Esaïæ 41. refutantur dij gentium, quòd futura prædicere non pollint. *Annuntiate*, inquit, *qua ventura sunt in futurum, & sciemus quia dij estis vos.*

127

Esse autem *prænotionem futurorum*, clarissimum est ex prædictionibus innumeris, quas ex euentu constat esse verissimas. Prædictio enim prænotionem supponit. Hanc prænotionem non habuerunt Prophetæ ex seipsis; suæque industria & perspicacitate, cum

cū longè captum humanum superet; sed acceperunt ab aliqua mente superiore, quæ vi sua, & à se illam habet, non ab alio. Porro tales prædictiones plurimæ sacris litteris continentur: ex quibus aliquas proferam, quas esse impletas clarè ostendi potest.

Genesis 3. prædicitur semen (prolem) mulieris contritum caput serpentis, hoc est, diaboli potentiam & imperium euerfurum: quod partim iam impletum est per Christum, dæmonum cultu, quò antè tenebatur orbis, plerisque locis abolito; partim restat implendum per eundem in extremo iudicio, cū diaboli & impiorum dominatus funditus delebitur. Genesis 18. & 22. prædicitur Abraham nasciturus filius, cuius beneficio omnes gentes benedictionem & felicitatem consequantur. quod constat impletum in Christo, per quem orbis ab idololatria & perniciosis erroribus, ad cognitionem veri Dei traductus est, & iustitiam ac salutis æternæ spem consecutus. Rursus cap. 40. eiusdem libri extat mirabilis prædictio Ioseph intra triduum complenda, & obscurissimorum somniorum de tribus propaginibus vitis, & tribus canistris, interpretatio. Et cap. 41. interpretatio somnij Pharaonis de bis septem bobus, & bis septē spicis. Vbi considerandum quàm expeditè, & quanta cum

cum securitate illa exponat & minutim declararet, & euentum afferat. Somnia illa futurorum indicia, non nisi à numine, cuius providentia res humanę disponuntur, provenire poterant: nec eorum intelligentia aliundè quàm reuelatione eiusdè numinis, obtineri.

- 128 Cap. 49. Iacob patriarcha moriturus prædicit filiorum singulis, quid eorum posteris euenturum, præsertim quod ad propagationem, opes, industriam, sortem in diuisione terræ promissæ, attinet. quæ omnia sensim longo sæculorum decursu impleta esse, ex sacra Scriptura constat. Sed in primis illud memorabile quod ibidem habet: *Non auferetur sceptrum de Iuda, & Dux de femore eius, donec veniat qui mittendus est, & ipse erit expectatio gentium.* Quibus verbis tria prædicuntur. Primò, Potestatem regiam fore in tribu Iuda. Hoc impletum, cùm in Dauidem translata: cuius in familia mansit per 520. annos. Secundò, Hanc potestatem semper futuram in tribu Iuda, donec veniret Christus. quod etiam impletum est: quia mansit in illa tribu donec translata est in Herodem Ascalonitem (qui non erat Iudæus) quo regnante natus est Christus. Tertiò, Christum reprobandum à Iudæis, & à gentibus recipiendum: idè enim dicitur *Expectatio gentium.*

Nume-

Numerorum 24. Balaam spiritu diuino correptus multa prædicit, inter cetera hæc tria. Primò, Propter Agag regem Amalec, è medio tollendum regem Israel. Vbi exprimit nomen illius regis, qui post quatuor sæcula nasciturus erat, & cuius causa Saul regno priuatus: quod impletum est 1. Reg. 15. Secundò, Ex Israel oriturum Regem, qui totum mundum instar stellæ illustret, & omnibus mortalibus dominetur. hoc in Christo impletum. Tertiò; Venturos Romanos cum triremibus & vastaturos Hæbræos. factum istud sub Tito & Vespasiano, annis plusquam mille quingentis post illam prædictionem.

Deuteronomij 18. Moyse prædicit Deum 130
ex Iudæis excitaturum Prophetam ipsi similem, quem omnes audire debéant: & non audiant, Deo ultore plectendos. Vbi aperte prædicit aduentum Christi, eiusque munus insinuat, & Iudæorum incredulitatem & excidium. Erat Christus similis Moyse sicut corpus vmbra, veritas figura, exemplar imagini: quia Moyse typus Christi. Moyse liberauit populû ex seruitute Ægyptiæ: Christus mundum e seruitute diaboli. Moyse traduxit eos per mare rubrum submersis Ægyptiis: Christus traduxit per Baptismum (cuius tota vis à Christi sanguine) submersis

sis ac deletis peccatis. Moyſes dedit illis legem veterem; Chriſtus mundo legem novam & euangelicam. Moyſes in deſerto pavit populum manna cælitus, ſeu ex loco ſublimi æris delapſo, & potavit aqua de petra: Chriſtus in Eccleſia pascit ſuos vero panẽ & potu cæleſti, corpore & ſanguine ſuo: ipſe enim panis de cælo descendens, & manna abſconditum: ipſe petra ſalutis æternæ, potum ſuis profundens. Illi operâ Moyſi vicerunt inimicos, & tandem peruenērunt ad terram promiſſionis: nos auxilio Chriſti vincimus hoſtes ſalutis noſtræ, & perducimur ad cælum. Ob has & ſimiles comparationes Chriſtus dicitur Propheta ſimilis Moyſi.

131

Deuteronomij 28. 29. 30. 31. & 32. prædicatur idololatria Iudæorum, aliæque peccata, & multæ clades ob eam cauſam iſtis obuenturæ. Deuteroni. 33. ſingulis tribubus ſuam ſortem, & varios euentus, quos in ſua benedictione Iacob non expreſſerat, prædicat Moyſes.

Mirabilis quoque eſt illa prædictio quæ narratur 3. Reg. 13. Vbi cùm Ieroboam thus adoleret idolis, quidam Propheta exclamavit: *Altare, Altare, Hac dicit Dominus: Ecce filius naſcetur domui David Ioſias nomine, & immolabit ſuper te ſacerdotes excelſorum, qui*
nunc

nunc in te thura succendunt, & ossa hominum super te incendet, &c. Quæ omnia exactè completa esse patet 4. Regum 23. idque post annos 361. tot enim annos intercessisse inter illam prædictionem & eius euentum scribit Iosephus lib. 10. antiquit. cap. 5.

Isaiæ 45. prædicatur regnum Cyri post ducentos annos nascituri, expresso eius nomine; & simul eius potentia, bella, victoriæ, spolia, opes, & beneficentia in Iudæos insinuantur. Quem locum cum Iudæi Cyro ostendissent, admiratus est ipse vatis diuinitatem, & incensus cupiditate exequendi quæ legerat, magnis eos beneficiis affecit, ut testatur Iosephus lib. 11. Antiquitatum cap. 1. Omitto alias innumeras prophetias, quæ apud eundem Prophetam leguntur.

Apud Daniele extant multæ stupendæ prædictiones, & obscurissimarum rerum interpretationes. Cap. 2. Cum Regi Chaldæorum mirabile quoddam somnium ostensum esset, illudque memoria excidisset, Daniel ei distinctè & per partes visum aperuit, nimirum per quietem ostensam ei statuam quamdam grandem & terribilem, cuius caput aureum, pectus & brachia argentea, venter & femora ærea, tibiæ ferreæ, desinentes in pedes partim fictiles, partim ferreos. Deinde vidisse lapidem abscindi e monte sine manibus,

nibus, & ferire statuam in pedibus; quibus contritis corruisse statuam & in puluerem redactam: & lapidem illum creuisse in montem magnum, qui replet totā terram. Exposito somnij viso, adiecit eius interpretationē: præsignari hac statua quatuor monarchias, quarum prima iam exstabat, ceteræ suis temporibus alia post aliam erant exorituræ. Caput enim aureum designabat regnum Chaldæorum, quod tunc amplissimum erat & opulentissimum. Pectus argenteum monarchiam Persarum & Medorum, quæ illi successit, & duobus regnis, veluti brachiis, constabat. Venter & femora ænea monarchiam Græcorum. Tibiæ ferreæ monarchiam Romanorum potentissimam, in imperium Orientale & Occidentale diuisam. Pedes partim fictiles, partim ferrei, indicant illam monarchiam extremis temporibus partim firmam fore, partim imbecillam. Lapis excisus de monte sine manibus Christum Dominum deï monstrat, qui absque virili opera de Virgine sanctissima, stirpeque Abrahamitica natus; qui in montem magnum excreuit, excitato regno quod totam terram erat occupaturum: qui in fine mundi omnia alia regna deleturus, & solus regnum æternum obtenturus. In huius somnij indicio & expositione tam clare diuini numinis

minis potestas, sapientia, & prouidentia eluxit, vt Rex superbissimus in faciem procidens Danielem seruum suum adorauerit, & numinis maiestatem luculentè fuerit confessus.

Eadem quatuor monarchiæ ordine successuræ, & singularum conditiones ac proprietates alio mirabili viso Danieli fuere præmonstratæ cap. 7. sub specie quatuor bestiarum. Deinde illi ostensum regnum sanctorum, quod deletis omnibus mundi regnis æternum florebit: ita enim Angelus hanc visionem Danieli est interpretatus. *Ha quatuor bestia magna, quatuor sunt regna, qua consurgent de terra. Suscipient autem regnum sancti Dei altissimi, & obtinebunt regnum vsque in saculum, & saculum saculorum*, id est, in omnem æternitatem. Videmus nunc impleta quæ de quatuor monarchiis exorituris ipsi ostensa fuere: vnde non debemus dubitare, quin ea quæ de regno sanctorum & iudicio diuino ibidem prædicta sunt, suo tempore certissimè complebuntur.

Rursus cap. 8. adhuc florente Monarchia Chaldeorum, aliæ monarchiæ huic successuræ, eidem Danieli ostensæ: Medorum quidem & Persarum specie arietis bicornis; Græcorum hirci vnicornis: modus item quo illa

K

ab

ab hac foret delenda; & hæc post primum Regem mox in quatuor reges diuidenda. Ex quorum regum posteris vnus esset venturus (nempe Antiochus Epiphanes) qui ex modico magnus effectus, Iudæos grauiter affligeret, Sanctuarium profanaret, iuge sacrificium è medio tolleret, & cogeret omnes ad idololatriam; idque per dies 2300. hoc est, per sex annos, tres menses, & dies viginti. & illum tandem absq; hominum opera, vltione diuina conterendum. Quæ omnia impleta esse tempore persecutionis Antiochi constat ex libris Machabæorum; nimirum quadringentis & octo annis post hæc Danielis prædictionem: vt refert Iosephus lib. 12. Antiquitat. cap. 11. Qui lib. 11. cap. 8. etiam narrat hoc vaticiniû Danielis de rege Græcorum qui Persarum imperium euerteret, Alexandro, cùm esset Ierosolymis, à sacerdotibus ostensum: illumque magno gaudio affectum, eò quòd ipse de se illud interpretaretur, nempe se esse illum regem Græcorum (sicuti verè erat) qui Persarum imperium esset obtenturus.

- 134 Cap. 11. multa prædicuntur. Primò, progressus imperij Persici. Secundò, expeditio Xerxis in Græcos. Tertiò, Alexandri Magni imperium Persico successurum. Quartò, huius diuisio in quatuor regna. Quintò, bel-

bella atrocissima inter duos Alexandri successores, reges nimirum Syriæ & Ægypti, quibus inter se collisis, Iudeam in medio positam, vtrique miserè afflicendam. item fœdera, matrimonia, fraudes, proditiones, & varij successus inter eosdem, adeò vt non tam prophetia videatur, quàm historia. Sextò, persecutio Antiochi Epiphanis aduersus Iudæos. Septimò, occasione illius persecutionis transit ad persecutionem quæ futura est sub Antichristo, cuius typus erat illa Antiochi. Porro omnia illa impleta esse præter vltimum (quod in fine mundi implendum expectatur) constat ex scriptis Ethnicorum, Iosephi, & libris Machabæorum. Stupenda planè fuit tam exacta, minuta, & multiplex futurorum prophetia.

Sed infinitum esset omnia persequi, quia omnes libri Prophetarum huiusmodi vaticiniis pleni: vnde ipsi & *Propheta* & *Videntes* ab omnibus appellati. Solùm breuiter ostendam ea quæ ad Christum Dominum nostrum pertinent, & ab Euangelistis commemorantur, sigillatim plurimis retrò sæculis fuisse præuisa & prænuntiata.

1. Ac primùm, Deum in specie humana cum hominibus versaturum plurimis locis insinuatur. sed clarissimè Baruch 3. *Hic est Deus noster, & non asstimabitur alijs aduers-*

ſus eum. Hic adinuenit omnem viam diſciplinæ, & tradidit illam Iacob puero ſuo, & Iſraël dilecto ſuo. Poſt hac in terris viſus eſt, & cum hominibus conuerſatus eſt. Item Iſaïæ 35. vide infra .7.

2. Nſciturum ex virgine. Iſaïæ 7. *Ecce virgo concipiet & pariet filium, & vocabitur nomen eius Emmanuel. quo nomine inſinuatur illum fore Deum & hominem: quia Emmanuel idem eſt quod Nobiscum Deus.*

3. Nſciturum in Bethlehem. Micheæ 7. *Et tu Bethlehem terra Iuda nequaquam minima es in principibus Iuda. Ex te exiet Dux qui regat populum meum Iſraël, & egreſſus eius ab initio à diebus æternitatis. Vbi rursus eius diuinitas inſinuatur.*

4. Tempus quo venturus eſſet, deſignauit Iacob Genetiſ 49. *Non auferetur ſceptrum de Iuda, & Dux de femore eius, donec veniat qui mittendus eſt, & ipſe erit expectatio gentium. Et magis diſtinctè Daniel cap. 9. vt paulò poſt dicemus.*

5. Habiturum præcurſorem qui animos populi ad illum excipiendum præparet, prædicitur Malachiæ 3. *Ecce ego mitto Angelum meum, & præparabit viam ante faciem meam: & ſtatim veniet ad templum ſuum dominator quem vos quaritis, & angelus teſtamenti, quem vos vultis. Quem locum ipſe Dominus*

nus de suo præcurfore Ioanne intelligendum docuit Matth. 11. & Luc. 7. Rursus Isaïæ 40. *Vox clamantis in deserto, parate viam Domini, rectas facite semitas Dei nostri.* De quo loco vide cap. 3. Matth. & 3. Lucæ.

6. Prædicatio Domini. Isaïæ 61. *Spiritus Domini super me, eò quòd vnixerit Dominus me: ad annuntiandum mansuetis misit me, ut mederer contritis corde, & predicarem captiuis indulgentiam, & clausis apertionem: ut predicarem annum placabilem Domino, & diem ultionis Deo nostro: ut consolaber omnes lugentes, &c.* Quam prophetiam ipse Dominus in se completam docet Lucæ 4.

7. De miraculis Isaïæ 35. *Dicite pusillanimes; Confortamini, & nolite timere. Ecce Deus vester ultionem adducet retributionis: Deus ipse veniet & saluabit nos. Tunc aperientur oculi cecorum, & aures surdorum patebunt. Tunc saliet sicut ceruus claudus, & aperta erit lingua mutorum, &c.* Quem locum de se intelligendum ostendit Dominus Matthæi 11. cùm ait: *Ite & renuntiate Ioanni quæ audistis, & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur.*

8. Ingressus Domini in Ierusalem. Zachariæ 9. *Exulta satis filia Sion, iubila filia Ierusalem: Ecce Rex tuus veniet tibi iustus &*

Saluator: ipse pauper & ascendens super asinam, & super pullum filium asinae. Hoc impletum constat ex cap. 21. Matth.

9. Proditio per discipulum. Psal. 40. *Etenim homo pacis mea, qui edebat panes meos, magnificauit super me supplantationē.* Quem locum ipse Dominus Ioannis 13. de suo proditore interpretatur.

10. Triginta argenteis vendendum. Zachariae 11. *Appenderunt mercedem meam triginta argenteos. & dixit Dominus ad me, Proice illud ad statuarium decerum pretium quo appretiatus sum ab eis. Et tuli triginta argenteos, & proieci illos in domum Domini ad statuarium.* Hic aperte prædicitur Dominum triginta argenteis appretiandum; & illos triginta argenteos abiiciendos in templum, & agrum figuli seu statuarij ex illis coëmendum. Quæ omnia impleta esse patet Matthæi 27.

11. Fuga discipulorum. Zachar. 13. *Percutiam pastorem, & dispergentur oves.* Ita hunc locum interpretatur ipse Dominus passione imminente Matth. 26.

12. Multiplices ipsius dolores per flagella, coronationem, crucem. Isa. 53. *Non est species ei neque decor. Et vidimus eum* (Prophetica visione) *despectum & nouissimum virorum, virum dolorum, & scientem infirmitatem, &c.*

13. Quod

13. Quodd sponte & summa cum modestia ac mansuetudine, & sine vlla contradictione, nostrâ causâ ista passurus esset. Isa. 53. *Verè languores nostros ipse tulit, & dolores nostros ipse portauit. Et nos putauimus eum quasi leprosum & percussum à Deo & humiliatum. Ipse autem vulneratus est propter iniquitates nostras: attritus est propter scelera nostra: disciplina pacis nostræ super eum, & liuore eius sanati sumus. Omnes nos quasi oves errauimus; unusquisque in viam suam declinavit, & posuit Dominus in eo iniquitatem omnium nostrum. Oblatus est quia ipse voluit, & non aperuit os suum. Sicut quis ad occisionem ducetur, & quasi agnus coram tondente se obmutescet, & non aperiet os suum, &c.* Hæc omnia apertissimè in Domino impleta esse constat ex Euangelistis.

14. Crucifixio. Psal. 21. *Foderunt manus meas & pedes meos, dinumerauerunt omnia ossa mea.* Eadem præfigurata in serpente æneo in sublimi suspenso, cuius aspectu morsu à serpentibus sanabantur. Num. 21. sicut ipse Dominus declarat Ioan. 3.

15. Quodd inter latrones crucifigendus, & pro suis persecutoribus esset rogaturus Patrem. Isa. 53. *Ideo dissipetiam ei plurimos, & fortium diuidet spolia, pro eo quodd tradidit in mortem animam suam, & cum sceleratis repu-*

tatus est. Et ipse peccata multorum tulit, & pro transgressoribus rogauit.

16. Iudæorum iritiones & blasphemiz in Christum cruci affixum. Psal. 21. *Ego sum vermis & non homo, opprobrium hominum & abiectio plebis. Omnes videntes me deriserunt me, locuti sunt labiis, & mouerunt caput. Sperauit in Domino, eripiat eum, saluum faciat eum quoniam vult eum.* Ecce ipsissima verba Scribarum & Phariseorum Matthæi 27.

17. Vestimentorum diuisio & sortitio. Psal. 21. *Diuiserunt sibi vestimenta mea, & super vestem meam miserunt sortem.* Alteram enim vestem diuiserunt in quatuor partes: pro altera, quia scindi non poterat, miserunt sortem. Ioannis 19.

18. Quod felle & aceto in cruce potandus. Psal. 68. *Dederunt in escam meam fel, & in siti mea potauerunt me aceto.*

19. Ossa eius non confringenda. Exod. 12. & Num. 9. *Os illius non confringetis.* Lancea latus eius perforandum. Zach. 12. *Adspicient ad me quem confixerunt.* Vtrumque locum exposuit nobis S. Ioannes Euangelista c. 19.

20. Resurrectio. Psal. 15. *Non derelinques animam meam in inferno, nec dabis sanctum tuum videre corruptionem. Notas mihi fecisti vias vite, adimplebis me letitia cum vultu tuo.*

tuo. Hunc locum de Domini resurrectione intelligendum ostendit Petrus Spiritu sancto iam recens accepto illustratus, & repente ex rudi & indocto piscatore sapientissimus orbis doctor effectus. Act. 2.

21. Die tertia resurrecturum. Osee 6. *Vivificabit nos post duos dies, & in die tertia suscitabit nos, & vivemus in conspectu eius.* Huius rei typus (iuxta Domini explicationem, Matth. 12.) fuit Ionas, qui tribus diebus fuit in ventre ceti, & tertio die vivus exiit. Ionæ 2.

22. Ascensio in cælum. Psal. 23. *Aperite portas principes vestras, & elevari portæ æternales, & introibit Rex gloria.* Et Psal. 67. *Ascendisti in altum, cepisti captivitatem, accepisti dona in hominibus.* Ita hunc locum intelligendum docet Apostolus ad Ephesios 4. Micheę 2. *Ascendet pandens iter ante eos.*

23. Missio Spiritus sancti. Ioëlis 2. *Effundam spiritum meum super omnem carnem, & prophetabunt filij vestri, & filia vestra. Senes vestri somnia somniabunt, & iuvenes vestri visiones videbunt, &c.* Quam prophetiam impletam esse constat Actorum 2. Petro interprete.

24. Excidium Iudæorum ob necem Christi. Psal. 68. *Fiat mensa eorum coram ipsis in laqueum & in retributionem, & in scandalum.*

lum. Obscurentur oculi eorum ne videant, & dorsum eorum semper incurua. Effunde super eos iram tuam, & furor iræ tuæ comprehendet eos. Fiat habitatio eorum deserta, & in tabernaculis eorum non sit qui inhabitet: quoniam quem tu percussisti persecuti sunt, & super dolorem vulnerum meorum addiderunt, &c.

25. Tempus quo hæc omnia debebant fieri exactè descripsit Daniel angelicâ reuelatione edoctus: Ita enim loquitur Angelus cap. 9. *Tu animaduerte sermonem, & intellige visionem. Septuaginta hebdomades abbreviate sunt super populum tuum, & super urbem sanctam tuam; ut consummaretur prauaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia; & ungatur Sanctus sanctorum.* Sensus est, Deum definiisse spatium annorum 490. (tot enim annos continent septuaginta hebdomades annorum) intra quod spatium (nempe sub finem illius) venturus est Messias auctor omnis sanctitatis, qui peccatum generis humani delebit, & homines Deo reconciliabit, & iustitiam sempiternam adducet; cuius aduentu visiones & prædictiones Prophetarum implebuntur. Deinde declarat quomodo hebdomades istæ sint inchoandæ, & ubi termi-

terminandæ. Scito ergo & animaduerte: Ab exitu sermonis, ut iterum adificetur Ierusalem, usque ad Christum ducem hebdomades septem & sexaginta duæ erunt, hoc est sexaginta nouem, seu anni 483. Exitus sermonis (id est completio mandati Regij de ædificanda Ierusalem, nempe quâdo ciuitas completa & dedicata est, ut viri doctissimi interpretantur & probant.) factus est anno vigesimo tertio Artaxerxis, siue ut Iosephus libro 11. Antiquit. cap. 5. ait, anno vigesimo octauo ab exordio regni Xerxis computando, hoc est Olympiadis octogesima anno tertio, qui fuit annus septimus Artaxerxis solitariè regnantis. Porro ab anno illo tertio Olympiadis octogesimæ usque ad baptismum Christi, quando Christus à Patre dux populi declaratus est, & ipse se ducem doctrina & miraculis præbere cœpit, sunt præcisè anni 483. seu hebdomades sexaginta nouem. Et rursus adificabitur platea & muri in angustia temporis. Hoc sæpius concessum & tentatum, sed bis impeditum, & demum perfectum à vigesimo anno Artaxerxis usque ad vigesimum tertium Olympiade octogesima. Et post hebdomadas sexaginta duas (quæ sequuntur post septem hebdomadas primas) occidetur Christus, id est, post annos 483. seu in hebdomade septuagesima. Et non erit eius popu-

Ioan. Dec-
kerius in
Thesib.
Iac. Tiri-
nus, & qui-
dam alij.

populus, qui cum negaturus est. Iudaicus populus non amplius censebitur populus Dei. Et ciuitatem & sanctuarium (templum) dissipabit populus cum Duce venturo; exercitus Romanus cum Tito & Vespasiano. Et finis eius vastitas: & post finem belli statuta desolatio, nempe quam Deus statuit & prædixit. Confirmabit autem pactum multis hebdomada una. Legem Euangelicam multis miraculis, aliisque modis confirmabit Christus dux hebdomada vltima, nempe septuagesima. Nam per tres annos & aliquot menses post baptismum prædicauit. In dimidio hebdomadis deficiet hostia & sacrificium. Christo enim in dimidio hebdomadis vltimæ mortem subeunte, cessabit ratio veterum sacrificiorum, quæ ad sacrificium crucis præfigurandum erant instituta. Et erit in templo abominatio desolationis. Quibus verbis vel insinuat detestabilis factio zelotarum, quæ totius desolationis & excidij causa extitit: vt narrat Iosephus lib. 6. De bello Iudaico cap. 16. lib. 7. cap. 4. & alibi. vel significatur quod exercitus gentilium desolationem & vastitatem inferens non solum ciuitatem, sed etiam templum occupabit & vastabit. Et usque ad consummationem (sæculi) & finem perseuerabit desolatio. Videmus hæc omnia completa præter istud vltimum. Verum non dubi-

dubitandum, quin & hoc quoque perfectè complebitur, cum iam pænè sedecim sæculis illa desolatio & Iudæorum dispersio durauerit.

26. Gentium ad fidem Christi conuersio. Genesis 18. *In semine tuo benedicentur omnes gentes.* Psal. 21. *Reminiscetur & conuertentur ad Dominum vniuersi fines terra: & adorabunt in conspectu eius vniuersa familia gentium: quoniam Domini est regnum, & ipse dominabitur gentium, &c.*

Isaiæ 49. *Parum est ut sis mihi seruus ad suscipiendas tribus Iacob, & facies Israël conuertendas. Ecce dedi te in lucem gentium, ut sis salus mea ad extremū terra. & c. 66. Mittam ex eis qui saluati fuerint ad gentes in Africam & Lydiam, in Italiam & Graciam, ad insulas longè, ad eos qui non audierunt de me, & non viderunt gloriam meam: & annuntiabunt gloriam meam gentibus, & de cunctis gentibus adducent donum Deo.*

Hæc & alia plurima de Domino multis sæculis ante eius in carnem aduentum à Prophetis prædicta, quæ clarissimè constat esse completa. Ipse verò Dominus, tamquam omnium præsciens, miras quoque prædictiones edidit, quibus suam diuinitatem patefecit: ex quibus nonnullas referam.

I. Prædixit minutim & ordine totam
suam

Marci 10. suam passionem Matth. 20. *Ecce ascendimus Ierosolymam, & Filius hominis tradetur Principibus sacerdotum, & Scribis, & condemnabunt eum morte: & tradent illum gentibus ad illudendum, & crucifigendum, & tertia die resurget.* Eadem sæpe aliàs insinuauit Matthæi cap. 16. 17. & 26. Marci 9. Lucæ 9. Ioannis 3. &c.

2. Negationem Petri. Marci 14. ait illi Iesus: *Amen dico tibi, quia tu hodie in nocte hac, priusquam gallus vocem bis dederit, ter me es negaturus.* Stupenda prorsus fuit ista adedò distincta & minuta prædictio, præsertim cùm Petrus videretur omnium firmissimus, & tempus esset adedò breue, & illa præmonitio posset illum ad sibi cauendum excitare. Vnde Dominus non solùm præsciebat illud ita euenturum, sed etiam nouerat hanc suam reuelationem non impedituram euentum.

3. Proditionem Iudæ & fugam discipulorum. Matthæi 26. Marci 14. Lucæ 22. Ioannis 13.

4. Occursum hominis amphoram aquæ baiulantis, &c. Marci 14. & Lucæ 22. *Mittit duos ex discipulis suis, & dicit eis: Ecce introeuntibus vobis in ciuitatem occurret vobis homo quidam amphoram aquæ portans: sequimini eum in domum in quam intrat, & dicetis*

dicetis patrifamilias domus: Dicit tibi magister, ubi est diuersorium ubi pascha cum discipulis meis manducem? Et ipse ostendet vobis cœnaculum magnum stratum; & ibi parate. Euntes autem inuenerunt sicut dixit illis, &c. Similis est prædictio de pullo asinæ Luc. 19. Matth. 21.

5. De statere in ore piscis qui primus occursum. Matth. 17. *Vt autem non scandalizemus eos, vade ad mare, & mitte hamum: & eum piscem qui primus ascenderit tolle: & aperto ore eius inuenies staterem; illum sumens da eis pro me & te.* Vbi non solum ostendit se præscium futurorum, sed etiam se esse Dominum maris & piscium; qui omnia etiam longinqua & absentia habeat in potestate.

6. Euerfionem Iudæorum. Matth. 24. *Videtur hac omnia? Amen dico vobis, non relinquetur hic lapis super lapidem, qui non destruat. Lucæ 19. Videns ciuitatem fleuit super eam, dicens: Quia si cognouisses & tu, & quidem in hac die tua, qua ad pacem tibi: nunc autem abscondita sunt ab oculis tuis! Quia venient dies in te, & circumdabunt te inimici tui vallo, & circumdabunt te, & coangustabunt te undique: & ad terram prosterment te, & filios tuos qui in te sunt, & non relinquent in te lapidem super lapidem,*
cò

ed quòd non cognoueris tempus uisitationis tue. Lucæ 21. Cùm uideritis circumdari ab exercitu Ierusalem, tunc scitote quia appropinquauit desolatio eius. Tunc qui in Iudæa sunt, fugiant ad montes; & qui in medio eius, discedant; & qui in regionibus, non intrent in eam: quia dies ultionis hi sunt, ut impleantur omnia quæ scripta sunt: & cadent in ore gladij, & captiui ducentur in omnes gentes, &c. Quæ omnia sic impleta esse constat ex historia Iosephi.

Omitto alias plurimas Domini prædictiones, ut de Apostolorum prædicatione & miraculis, de illorum persecutionibus, de Petri crucifixione, & Ioannis permanfione, de gentium conuersione, de Euangelij in toto orbe prædicatione, de Ecclesiæ in finem mundi duratione; & similia.

Omitto etiam innumeras prædictiones sanctorum virorum qui post Christum singulis sæculis extiterunt, & diuino spiritu afflati futuros euentus prænuntiarunt, & alia occultissima patefecerunt.

- 138 Ex iis quæ dicta sunt, tria manifestè colliguntur. Primò, Esse aliquod Numen omnium futurorum & occultorum conscium, à quo res humanæ gubernantur, quod suis eximiis cultoribus arcana pandit, & futura, quorum nullæ causæ determinatæ extant, reue-

reuelat. Secundò, Christum, cuius omnia gesta & euenta à Prophetis tot antè sæculis prædicta sunt, quique ipse adeò mirabilis, & ortu, & operibus, & prædictionibus, & doctrina, & vita, & exitu, & successibus fuit, esse verum & vnicum mundi Saluatorem. Tertiò, Fidem Christi ad salutem esse necessariam. Nemo de istis dubitare poterit, qui prædictiones suprà commemoratas iudicio & ratione expendit.

Vndecima RATIO, ex spiritibus.

INFINITIS exemplis & experienciis constat 139
esse spiritus, hoc est, substantias quasdam inuisibiles, mente præditas, subtilitate naturæ omnia peruadentes, quæ longè humanam omnem pòtentiam, sapientiam & industriam superant.

Id manifestum est, Primò, ex oraculis & responsis quæ per idola apud omnes gentes reddi consulentibus consueuerunt. Non enim statux inanimæ supplicantes intelligere, aut responsa dare poterant, sed subibant eas spiritus, seu dæmones, & per illas respondebant. Aliis locis responsa dabantur per sacerdotes idolorum, qui certis ceremoniis inuocato dæmone, ab eo correpti, tamquam numine afflati oracula fundebant, dæmone per os eorum, aut ventrem & vmbilicum,

L

aut

aut pudenda, loquente. Hinc ἐγλασφόμοι, siue ventriloqui, & Pythonem habentes. Notissima sunt ista non solùm ex sacra, sed etiam ex prophana historia. Celeberrimum multis sæculis fuit oraculum Apollinis Delphici, & Iouis Ammonis vltra Cyrenem, & Dodonæum in Epiro, & alia nonnulla. Hac impostura dæmones idololatriam propagarunt, & se ipsi in statuis toto ferè orbe plurimis sæculis tamquam numina coli fecerunt; & etiamnum apud Indos, Chineses, Iapones, Tartaros, Brasilijs, Peruanos, & alias nonnullas gentes coluntur: vt meritò dixerit Propheta Plalmo 95. *Quoniam omnes dū gentium demonia; Dominus autem calos fecit.*

140

Secundò, Idem perspicuum est ex disciplina Necromanticorum & Magorum, qui apud omnes gentes reperiuntur. Hi enim certis ceremoniis & carminibus norunt dæmones euocare, & efficere non solùm vt mirabiles edant effectus, qui eorum indicent præsentiam; sed etiam vt ipsi se præsentis vilibili forma sistant, & cum hominibus sermones misceant, seseque familiares exhibeant. Formam huius euocationis describit Homerus lib. 11. Odyssæ: vbi Vlysses excitat Tyresiam & vmbra Orco, vt ab illis de reditu suo scisciteretur. Similis Necromantica excitatio facta legitur à Scipione apud Silium,

lūm, à Tiresia apud Statium, ab Oesone apud Flaccum, à Canidia apud Horatium, ab Erichthone apud Lucanum. Vnde patet hāc rem etiam apud veteres fuisse vſitatam; imò antiquiſſimam eſſe conſtat ex *Historia* Exo. 8. & 9. 1. Reg 18. ſacra, quæ de magis Pharaonis, & pythoniſa commemorat. & hoc ſæculo ex actis iudicialibus & multiplici experientia paſſim conſtat de ſagarum cum dæmonibus commercio & conuiſſu.

Tertiò, Ex iis quæ cernuntur in obſeſſis, 141
quos energumēnos vocamus. Duo enim in illis videmus, quæ vim humani ingenij longè ſuperant. Alterum eſt, quòd ſæpe loquantur linguis peregrinis, quas ipſi proſus nec intelligunt, nec vñquā didicerunt. Alterum quòd pandant occulta, vel procul poſita annūcient, perinde ac ſi corā vidiffent. Vtrūque manifeſtum eſt indicium ſuperioris cuiuſdā & inuiſibilis naturę, qua tunc aguntur.

Denique idem conuincitur ex plurimis ſpirituum apparitionibus, quæ probatiſſimis hitoriis ſunt conſignatæ.

Ex his perſpicuum eſt, eſſe in mundo ſpiritus, & quidem ingenti numero. Nam ubique terrarum ab omni æuo ſæpiſſimè ſe manifeſtarunt: aded vt nullum ſit regnum, nulla prouincia, nullum oppidum, nullus pagus, ubi apparitionis eorum non ſit memoria, 142

ria, aut non extent vestigia. Pythagoras, vt refert Laërtius, *Totum hunc aëra plenum esse replebat animis; & eos daemones ac heros existimari.* Eadem ferè fuit aliorum veterum sententia: qui singulis hominibus suum genium vel dæmonem assignatum à Deo statuebant. ita Hesiodus, Homerus, Menander, Trismegistus, Plato, & Stoici. Quòd si multi sunt spiritus, necesse est vnum esse spiritum summum, cui ceteri subsint, cuius nutu & imperio regantur. Omnis enim multitudo nisi ad vnum principium & rectorem reuocetur, parit confusionem. Vnde etiam inter corpora est certus ordo, & alia sunt superiora, alia inferiora; omniaque tandem vni supremo subsunt, cuius & complexu coercentur, & motu cientur. potiore ratione debet esse ordo inter spiritus, ita vt omnes ad vnum supremum reducantur. Quàntò enim aliquid est præstantius, tantò debet esse magis ordinatum, & rectè dispositum in mundo. at, spiritus sunt longè omnibus rebus corporeis præstantiores: debet ergo inter illos esse maximus ordo, subiectionis nimirum & prælationis. Absurdum planè est in suprema ac nobilissima Vniuersi classe *ἀταξίαν* & confusionem admittere, cum inferiorem tam præclarè videamus distributam & dispositam.

Idem

Idem confirmatur ex grauissimis incommodis, quæ inde sequerentur. Si enim inter spiritus non esset ordo, nec omnes vni supremo subiicerentur, cuius nutu ac potentia contineantur; quilibet eorum pro sua libidine posset mundum turbare, homines excitare, bona diripere, incendere, vastare, corporibus dolores, morbos, mortem immittere; denique totum genus humanum perdere ac profligare: nec ullum esset remedium, cum ille non habeat superiorem à quo coerceretur. Itaque non posset mundus ullo modo consistere. Quàm enim spiritus demoniorum sint proni ad malefaciendum, & ad calamitates hominibus inferendas, constat tum ex historia Iob, cuius vniuersam substantiam satan perdidit, filios & filias interfecit, corpus grauissimis vlceribus afflixit: tum ex innumeris sacrificiis Ethnicorum, in quibus humanas hostias sibi dæmones iuebant offerri; delecto eo quod cuique erat charissimum, nempe filio vel filia, vel eo qui in Republica præstantissimus: tum ex bellis & cædibus, ad quæ illi specie numinum mortales concitabant. Si ita sæuierunt in homines, Deo illis habenas propter hominum peccata nonnihil laxante; quid non facerent, quas calamitates non irrogarent, quos cultus & honores ab illis non extorquerent,

si sui prorsus essent arbitrij, & nullius superioris vi & imperio cohiberentur?

Sed & inter ipsos discordiæ & bella facillè concitari possent, nemine eos coërcente. Sicut enim inter Principes, qui nullum superiorem agnoscunt, passim videmus bella moueri, quibus orbis grauissimè concutitur; eò quòd nullius potentioris, qui eorum controuersias dirimat, ius dicat, & iniqua molientes coërcat, imperio contineantur: ita inter spiritus necesse erit dissensiones, similitates, & bella concitari, quibus mundus planè pessum ibit, si nulli superiori subduntur. Quisque enim suo honori studebit, & omnia ad suum nutum & imperium trahere conabitur. Vnde meritò Homerus:

Οὐκ ἀγαθὸν πολυκοιρανίη, εἰς κοίραν ὅς τις ἔστω,
Εἰς βασιλεύς.

Non est bonum multos esse in regno Principes, unus Princeps esto, unus Rex. & ex Homero Aristoteles: Ταὐτὸν οὖν ἐβούλεται πολλαί τε καὶ κακῶς. Natura rerum non vult male gubernari, sed optimè.

12. Metaphys. c. vlt.
in fine.

Denique cùm multi sint spiritus, vt ostensum est; vnde hæc multitudo ortum habuit? quis eos in hunc mundum introduxit? Non enim orti sunt ex corporibus, cùm ipsi omnibus rebus corporalibus sint eminentiores: & corpus non pariat nisi corpus. Neque
etiam

etiam alij ex aliis, sicut animalia, propagati: hoc enim proprium est rerum corruptioni obnoxiarum; nimirum ut hac ratione species earum perpetuentur, dum natura extincta in parente, conseruatur in sobole. Neque singuli habent esse à seipsis, ita ut à nulla causa dependeant: quia si aliquid statuendum sit quod esse à se habeat, fatius est illud esse vnum quàm multa. Magis enim consentaneum est, esse vnam quamdam naturam à nullo dependentem, in qua tota plenitudo essendi eminenter & vnite existat, & à qua in reliquas omnes pro cuiusque gradu & captu esse descendat, quàm multas naturas, quæ à nullo dependeant. Vbi enim est multitudo vel specierum vel indiuiduorum, ibi quoque est limitatio & imperfectio, cum illa multa sint omnino distincta, nec alterum alterius perfectionem & vim contineat. Hinc fit ut nihil illorum sit propter se, sed propter aliud, & omnia illa conspirent, & coalescant in vnum, sintque veluti partes vnus integri, quod ex ipsis consurgit. Sic multa corpora constituunt vnum mundum, & multi homines vnam Rempublicam, & multi spiritus vnum regnum, seu Rempubl. spirituum. At verò quod est à se, debet esse omnino perfectum, & sibi planè sufficiens, nullius egens consortio. quid ita?

quia quod à se est, id etiam est propter se: quod caret principio effectiuo, etiam caret fine: ac proinde ipsum sibi est finis ac omne bonum, ita vt extra se nec consortium, nec auxilium, nec complementum, nec lucem, nec veritatem, nec gaudium, nec beatitudinem quærere debeat, sed omnia hæc in se ipso, & à seipso plenissimè habeat. Itaque id quod est à se, à nullo dependens, solum vnũ esse potest, non multa, nempe ipsum esse illimitatum & primordiale, per se sufficiens, fons omnis entis & naturæ limitatæ.

145 His accedit quòd ponere multos spiritus à nemine dependentes, nihil est aliud, quàm introducere *πολυθεϊαν*, seu deorum confusam turbam, & multa prima principia: sicut olim faciebat cæca Gentilitas, singulis negotiis & rebus humanis proprios & particulares deos assignans, qui illarum essent auctores, directores, & supremi præsides, à nullo dependentes. Sic Venerem faciebant præsidem amorum & libidinum; Dianam, venationis; Cererem, frugum; Mercurium, negotiationis; Æsculapium, curandorum morborum; Martem, belli; Palladem, sapientiæ; Apollinem & Musas, poëtices; Fortunam, euentuum fortuitorum; & ita in aliis innumeris: stulto planè iudicio: quasi vnum nomen non valeat tantæ negotiorum multitudi-

dini

dini attendere; nec tantum habeat sapientia aut potentia, ut illa possit simul dirigere ac moderari, vel saltem non absque tædio & molestia. *Fragilis & laboriosa mortalitas in partes ista digessit, infirmitatis suæ memor, ut portionibus quisque coleret, quo maxime indigeret.* Plinius libro 2. c. 7.

Ex his satis demonstratum, esse vnum supremum spiritum, cui omnes alij spiritus subsint, cuius nutu & imperio gubernentur, à quo ceteri omnes sint procreati & formati; quem Deum vocamus.

Duodecima RATIO, ex absurdo.

SI nullum est numen, nullaque providentia, qua res humanae gubernentur; multa profectò sequuntur absurda, & ab omni ratione, sanoque iudicio aliena; quæ clare conuincunt illud nullo modo statui posse. 146

Nam primò sequitur, Primam ac supremam veritatem de numine & providentia, aperire portam mortalibus ad omnem vitæ impuritatem, ad omnem iniquitatem & iniustitiam, ad omnem superbiam, arrogantiam, tyrannidem, denique ad perfidiam, periuriam, sacrilegia, & omne scelerum genus. *Si nullum est numen, prima veritas aperiet viam ad omnia scelera.*
Nihil enim est tam immane, vel iniquum, vel impium, quod metu numinis sublato, mens humana non auit aggredi, & perficere,

Psal. 52.

cere, iuxta illud Psalmistæ: *Dixit insipiens in corde suo, Non est Deus. Corrupti sunt, & abominabiles facti sunt in iniquitatibus, &c.* Ecce fructum illius doctrinæ & persuasio- nis; omnium scelerum turpitudine & abomi- nabilis enormitas. Illud sequi est manife- stum. Sicut enim, si est aliquod numen, pri- ma & suprema veritas est *esse Deum qui mun- dum regat*: ita si nullum est numen, prima & suprema veritas erit *nullum esse Deum qui mundum regat*. Erit enim veritas de eo, quod apprehenditur ab omnibus esse supremum ac primum omnium principium. Hæc au- tem veritas extinguet in animis hominum omnem numinis metum & reverentiam: sublato autem metu, patet via ad omnia sce- lera. At quid absurdius dici vel cogitari po- test, quam primam & summam veritatem, & maximum diuinitatis arcanum ab homi- nibus cognitum vel apprehensum, ad omne nefas & flagitium viam aperire, eosque sce- leratissimos & impurissimos efficere?

147
*Impossibile
 fingentium
 esse causa
 omnis vir-
 tutis.*

Secundò sequitur, id quod est falsum & impossibile, & mera chimæra, esse causam omnis religionis, pietatis, iustitiæ, tempe- rantix, modestiæ, benignitatis, patientiæ, de- nique omnis virtutis & honestatis: pacis in- super & tranquillitatis in Republica, & om- nis boni in genere humano. Persuasio enim
 numi-

numinis, eiusque amor & timor, hæc omnia bona pariunt : & quò illa maiora & vehementiora fuerint, eò maiora bona ex illis in animis hominum, & statu politico oriuntur. Vnde numquam extitit Respublica bene instituta, in qua Religio, & persuasio providentiæ numinis non viguerit : & priuatim quò quisque fuit erga numen reuerentior & religiosior, eò probitate & vitæ innocentia fuit illustrior. E contrario quò quis numen minoris æstimavit, eò fuit sceleratior : ut ex utraque historia tam prophana quàm sacra constat. At cuius amentia est credere, falso & impossibili figmento tantam inesse vim ad omnem virtutem ; solidæ autem veritati tantam illecebram ad omne flagitium & perniciem ?

Tertiò sequitur, Veram & summam sapientiam 148
 extinguere omnem virtutem, & homines efficere pessimos : summum verò errorem & amentiam excitare ad omnem virtutem, & homines efficere optimos. Si enim nullum est numen, summus error & amentia est, certò credere esse numen, & providentiam, summa sapientia, credere hæc nihil esse nisi hominum figmenta & chimeras. Item consequitur, veritatem & sapientiam esse homini & Reipublicæ maxime perniciosam ; errorem verò maximè salutem.

*Sapientiam
 extinguit
 omnem vir-
 tutem; er-
 ror verò
 suscitabit.*

lutarem: veritatem & sapientiam esse maxime occultandam tamquam venenum animorum & omnis Reipublicæ, errorem verò omnibus modis promouendum tamquam omnis boni fontem: lucem summam intellectus summas adferre tenebras animorum, & summas tenebras intellectus gignere summam lucem & pulchritudinem animorum. Quæ omnia plenâ sunt furoris & amentia.

*Optimi
fuisse
stultissimi;
pessimi sapientissimi.*

Quartò sequitur, Omnes eos qui sapientia, vitæ sanctitate, miraculis, prophetico spiritu maxime illustres vniquam fuisse, deceptos fuisse in re maxima, nec potuisse veritatem circa numinis rationem assequi; hi enim omnes diuinitatem & prouidentiam agnouere, & summe venerati sunt: qui verò impietate, turpitudine vitæ, & omni scelerum immanitate erant infames, eos solos hoc arcanum deprehendisse; tales enim fuerunt omnes numinis cōtemptores. Omnium ergo mortalium pessimi fuisse sapientissimi, omnium verò optimi insipientissimi, & tenebris maximis ignorantia, & errorum obsiti.

149
*Optima
virtutum
officia esset
pessima.*

Quintò sequitur, Amare Deum, timere vindictam, offerre sacrificia, orare nomen, hymnis & laudibus illud celebrare, feruere iusiurandum, non esse bona, sed inania, stulta, impia, & rectæ rationi aduersa: non scus

eūs ac amare, timere, colere, laudare chimæram; vel aliud humani capitis figmentum. Si enim diuinitas est figmentum sicut chimæra, manifestum est non amplius illi deferendum quàm chimæra.

Sextò sequitur Esse impium, sacrilegum, *blasphemum*, numinis contemptorem, non *blasphemia non esset mala* esse malum, aut rectæ rationi aduersum; sed hæc esse bona & laude digna, cùm veræ doctrinæ de numine sint consentanea. Si enim nullum est numen, omnes illi actus quibus contemnitur, & ignominia afficitur, boni sunt: tum quia sunt protestationes quædam arcanæ veritatis: tum quia valent ad falsam persuasionem hominibus de prouidentia & numine eximendam. Sicut contumeliæ in idola gentilium sunt laudabiles: quia illis testamur nullam idolis inesse diuinitatem. nihil contemptibilius eo quod nec est, nec esse potest.

Septimò sequitur, Mundum esse instar 150
pauis in salo fluctuantis, quæ gubernaculo & gubernatore est destituta. Item instar maximæ Reipub. ex omni hominum genere conflata, in qua nullæ sunt leges, nullus Iudex, nullus rector, nullus tranquillitatis & boni publici curator. Si ita est, quomodo mundus potest consistere, præsertim cùm rebus tam disparibus, & contrariis, & pugnantibus
con-

constet? Sicut enim navis absque gubernatore huc illuc fortuito impetu iactatur, donec allidatur in scopulos, vel impingat in brevia, vel fluctibus hauriatur; & Respublica absque rectore cædibus & seditionibus se ipsa conficit: ita necesse erit mundum inordinatissimè ferri, & contrariorum pugna dissolui, si nullus est rector, qui dirigat, & pugnancia in concordiam conspirare faciat.

*Vniuersum
casu factū.*

Octauò sequitur, Hoc vniuersum, & partium eius formationem ac dispositionem casu extitisse, & in hanc formam ac speciem coaluisse. Si enim nulla est mens, quæ singulas eius partes formauit, & in hanc structuram, quam videmus, digessit ac composuit; necessariò fatendum est casu id totum accidisse, iuxta sententiam Democriti, qui ex fortuito impetu & cōcursu atomorum omnia formata statuebat. At quid hoc est aliud quàm mera fatuitas & rationis inopia? Quomodo quod summa ratione constat, casu fieri potuit? Videt quispiam splēdidissimum & summa arte perfectum palatium, cuius structuram omnes Architecti mirantur; querit, quis artifex hoc extruxerit: responderetur ei, à nullo artifice exstructum, sed olim ibidem extitisse montem arboribus consitum, quo per terræ motum corruente partes dissilierint: & hoc lapsu ac collisione singulas
partes

partes ita formatas, in hanc speciem substructionis & palatij formam, loco informis cumuli, repentè coaluisse. quis adeò vecors erit, vt hoc credat?

Hæc & alia multa, eo principio posito, manifestè consequuntur. quæ omnia quàm ab omni specie veri sint aliena, rationis luci aduersa, & dictu horrenda, nemo non videt. Quare & illud principium, quod fons est talium scatebrarum, oportet à veritate esse alienissimum.

Dicet aliquis falsam persuasionem in religionibus sæpè maximam vim habere ad 151
Obiectio.
 hominû animos à sceleribus absterrendos, & ad probitatem ac iustitiam impellendos. Ethnici enim qui plures deos pro multitudine & diuersitate rerum humanarum statuebant, eorumque prouidentia res humanas geri, & mortalibus præmia vel supplicia pro meritis decerni putabant (quæ tamen omnia falsa erant, & impossibilia) nihilominus ex hac animi conceptione abstinebant à multis iniuriis & sceleribus, quibus illa numina credebant offendi, ne in illorum iram incurrerent, & pœnas siue in hac vita, siue in futura darent. Itaque argumentum illud quod suprà secundo loco numero 141. adduximus, alicui videri possit minimè firmum.

Respon-

Respondeo , Persuasionem Ethnicorum fuisse quidem falsam in particulari (quatenus sentiebant hos vel illos esse numina , & curare res humanas) non tamen in genere , quatenus sentiebant esse aliquod numen , cui res humanæ sint curæ , quodque factorum exigat rationem. Vnde quando vel metu numinis offendendi , vel affectu placendi , abstinebant à malo , vel faciebant aliquid boni , impellebantur non vi persuasionis quæ falsa erat de tali numine , sed quæ vera in genere. Solùm enim errabant in re subiecta , tribuentes rationem numinis & providentiæ illis quibus minimè oportebat , eamque in illis venerantes. Itaq; non tollebant ipsam rationem formalem numinis & providentiæ , sed eam statuebant : ac proinde retinebant aliquo modo iustitiæ politicæ verum fundamentum. At verò si nullum est numen , nulla providentia , ipsum fundamentum in genere penitus est falsum & fictitium : ac proinde fieri non potest ut aliquam vim habeat ad vitæ probitatem : aut si aliquam vim habet , ut experienciâ constat habere maximam , perspicuum est non esse rem fictitiam , sed veram.

Deci-

*Decima tertia RATIO, ex anima
immortalitate.*

SI anima rationalis statuitur non extingui 152
scum corpore, sed viuere immortalis,
nulla est ratio tollendi numinis & prouidentia. Si enim est infimus aliquis spiritus incorporeus, viuus, intelligens & immortalis, cur non sit aliquis summus? Vbi enim sunt varij gradus naturarum, necesse est inueniri supremum, non minus quam infimum, & medios. Ostensum autem est supra, esse aliquos spirituum gradus longè anima humana præstantiores. Infra tamen animam nullus est gradus, sed ipsa natura rationalis vltimus est terminus. Brutorum enim animas cum corpore interire constat.

Deinde si est immortalis, non est dubitandum, quin post hanc vitam sit factorum retributio, & virtuti constitutum sit præmium, flagitio supplicium.

Absurdum enim est eas animas quæ sceleratè & in omni bonorù affluentia vixerunt in corpore, & nullam scelerum pœnam dederunt, post hanc vitam pares esse illis, quæ hic graua sunt perpessæ, & nihilominus iustitiæ tramitem non deseruere: nullamque haberi rationem eorum, quæ gesta in hac

M

vita.

vita. Oportet ergo esse aliquam prouidentiam, cui hæc curæ sint, & singulis pro meritis compenſet. Vnde omnes philoſophi, & omnes religiones quæ animam poſt corpus ſuperſeſſe cenſent, ſimul ſtatuunt præmia & ſupplicia, & prouidentiam nūminis, qua hæc iuſtè diſpenſentur. Pulchrè hoc argumentum proſequitur Chryſoſtomus ſerm. 4. De prouidentia. *Si nihil eſt poſt hanc vitam* (ſi anima cum corpore extinguitur) *ergo neque Deus eſt. Nam ſi Deus eſt, iuſtus eſt: ſi iuſtus eſt, iuxta merita unicuique diſtribuit. Si autem nihil eſt poſt hanc vitam, ubi accipient ſinguli pro ſuis meritis? Multi hic benè habent, & in honore degunt, licet mali: alij verò affliguntur, licet iuſtè uiuant. Si ergo poſt hac nihil eſt, emigrabunt iuſti affecti iniuria, & iniuſti immerita felicitate potiti. Vbi manebit ergo iuſtitia? Si enim nemo quæ meritis eſt accipiat, neque Deus ſecundùm ſe iuſtus eſt. Si autem Deus non eſt iuſtus, neque Deus eſt, &c. Et infra: Atqui Deum eſſe, creatura clamitant: igitur & iuſtus eſt. Quòd ſi iuſtus eſt, tribuit unicuique quod iuſtum. Si unicuique quod iuſtum eſt tribuit; neceſſe eſt poſt hanc vitam eſſe tempus, in quo ſinguli iuxta merita accipient. Hæc ille. Itaque conceſſa animi immortalitate, neceſſe eſt fateri numen, cuiusque prouidentiam: & ſublata
animi*

animi immortalitate, etiam tollitur iustitia & prouidentia numinis, atque adeò ipsum numen. Probanda igitur nobis est animorum immortalitas: verum quia ea res est prolixior, commodius in secundum librum differetur, vbi ex professo id acturi sumus.

Decima quarta RATIO, ex variis diuina ultionis & benignitatis exemplis.

ET SI præcipua peccatorum vindicta re-
seruetur sæculo futuro, quando fiet om-
nibus iusta meritorum compensatio; tamen
in hoc sæculo interdum nonnulla eduntur
exempla, vt homines intelligat, Deum non
dormire, sed excubare in rebus humanis, &
omnia aduertere, secumque reputent quàm
grauia post hanc vitam omnes iniquos ma-
neant supplicia. Itaque etsi laxæ admodum
habentæ, & magna viuendi pro arbitrato li-
centia mortalibus sit concessa, & pleraque
ita perturbatè geri ferrique videantur, vt
nulla subinde numinis prouidentia in rebus
humanis appareat, impiis omnia pro sua li-
bidine agentibus, & iustis miserè oppressis:
ramen si quis temporum decursus conside-
ret, videbit eam non ita quiescere & abdi,
quin sæpius post aliquod interuallum (men-
surâ peccatorum in aliqua gente completâ)

153

M 2

fesc

fese prodat graui & notabili supplicio in eam gentem vindicando. Cuius rei plurima extant exempla, tum in Sacris litteris, tum apud profanos scriptores. Nos aliquot illustriora in medium proferemus.

154

Primum sit diluuium generale, quo totum genus humanum (exceptis octo hominibus) propter sua scelera est deletum. Descripsit hoc supplicium cum suis peristasis elegantissimè magnus propheta Moyses, Genesis 6. 7. 8. Multis modis hîc se aperuit diuina prouidentia. Primò, cùm in vindictam peccatorum sanxit humani generis internecionem, eamq; prædixit ipsi Noë centum & viginti annis ante euentû. Secundò, cùm ad seminarium mundi iussit fabricari arcam, præscriptâ formâ & mensurâ, quæ omnium animantium terrestrium & volatilium species capere posset, & ab interitu seruare; trecentis cubitis in longum, quinquaginta in latum, & triginta in altum designatis. Eam verò mensuram fuisse sufficientem, non solum omnibus animantibus, sed etiam pabulo quantum in annum opus erat, facile demonstrari potest, & à viris doctissimis ostensum: vt liqueat rem eam non humano consilio, sed diuina sapientia constitutam. Tertiò, cùm miro modo effecit vt pluvia ingruente omne genus animantium ad
arcam

Gen. 6. v. 3.

arcam conflueret, & se per mansiunculas aptatas distribui sineret. Quartò, cùm pluuiam assiduam, quadraginta dierum & quadraginta noctium spatio, per totum orbem induxit, qua globus aquæ terram vndique cingens ita excreuit, vt altissimos montes quindecim cubitis superaret. Porro eam pluuiam potuisse tantum aquarum intra illud tempus efficere, partim ratione, partim experientia facilè ostendi potest. Quintò, cùm intra vnius anni spatium tantum aquarum in terras effusum, & rursus in auras dissipatum. Nam quadraginta diebus aqua ad summum excreuit, centum quinquaginta diebus in eadem altitudine & copia constitit: reliquo tēpore anni, hoc est centum septuaginta quinque diebus ita absumpta ac dissipata, vt vltimo die terrâ iam siccata, Noë cum vniuersa familia & animantibus omnibus sit egressus. Itaque annum integrum solarem in arca fuit, hoc est dies 365. ingressus enim est anno sexcentesimo vitæ suæ, mense secundo, die decimo septimo: egressus verò anno sexcentesimo primo, mense secundo, die vigesimo septimo: quare duodecim menses lunares & vndecim dies, qui efficiunt annum solarem. Sextò, cùm pœnæ lentitudine miseris illis tribuit spatium pœnitentiæ, ne vnà cum corpore perirent etiam

animæ. Non enim dubitandum est quin innumeri, diuinam manum in tam horrenda castigatione sentientes, pœnitentiam egerint, & veniam peccatorum cum ingenti dolore à Domino petierint & obtinuerint. sicut fieri consuevit in periculis naufragij, vbi etiam sceleratissimi quique magno pietatis affectu ad Deum confugiunt, pectora tundunt, dolorem malefactorum concipiunt, emendationem promittunt, & veniam obtinent, animæque salutem, corporibus peruentibus, consequuntur. Diluuij istius & Arcæ meminerunt omnes barbaricæ historiæ scriptores, teste Iosepho lib. 1. Antiquit. Iudaicarum cap. 4. vbi & hoc addit, etiam suo tempore reliquias arcæ apud Armenos ostendi solitas.

- 155 Secundum sit excidium Sodomæ & vicinarum trium ciuitatum, quando Deus imbre sulphureo cœlitus immisso totam illam regionem cum omnibus suis habitatoribus propter eorum peccata deleuit. Hanc cladem ita describit Moyse Genesis 19. *Sol egressus est super terram, & Loth ingressus est Segor. Igitur Dominus pluit super Sodomam & Gomorrhæm sulphur & ignem à Domino de cælo: & subuertit ciuitates has, & omnem circâ regionem, vniuersos habitatores urbium, & cuncta terra virentia. Vix quadringenti anni*

anni elapsi erant à diluvio, cùm hoc accidit: quò minùs excusatione digni erant, qui in tam recenti memoria tantæ punitionis, rursum in omnia flagitiorum genera, & præsertim in fœdissimas libidines (quarum causa potissimum prior illa internecio irrogata fuerat) se ingurgitarunt. Mirificè in hoc Dei opere eluxit tum misericordia, tum iustitia, *Misericordia*, cùm deprecante Abrahamo ostendit Dominus se paratum parcere Sodomæ, si vel decem iustitiæ cultores in ea reperirentur. Quid benignius, quàm parcere decem millibus impiorum propter decem iustos illis permixtos? Tanti est apud Deum iustorum vita. *Iustitia*, cùm eos ex inopinato, & nihil tale metuentes opprimit, vix modico ad pœnitendum concessio spatio, idque supplicio adeò immani & horrendo. Quid enim terribilius quàm ardētis sulphuris immersa vis cælitus confertim effusa? Hac repentè omnia longè lateque arlere, & ipsum solum in profundum ita exustum, ut alueum ingentem excipiendo mari mortuo per septuaginta duo milliaria in longum, & tredecim in latum præbuerit. Aquæ huius amarissime nihil viuum retinent, halitu adeò tetro, ut vicina reddantur sterilia, nec quidquam in hodiernum diem proferant præter poma quædam putenti cinere plena, iræ di-

uinæ symbola. Ostendere voluit Deus hoc exemplo quid peccatoribus post hanc vitam sit expectandum, nempe sulphureum ignem & æternam vastitatem.

156

Exodi 7.8

9.

Philo lib.1.

De vita

Moyfis.

Iosephus

lib.2. Anti-

quitatnm.

Tertium sit multiplex illa Pharaonis & Ægyptiorum castigatio, cum populum Dei nollent dimittere. Descripsit illam Moyfes luculentissime, qui vbiq; non solum interfuit, sed etiam præfuit, omnium arbiter & moderator: quo Deus vt instrumento in omnibus illis cladibus tum irrogandis, tum continuandis, tum desinendis vsus est. Primum, Conuertit omnes aquas Ægypti, quæ vel flumine, vel lacubus & paludibus, vel puteis & cisternis continebantur, in sanguinem. durauit ea plaga per septem dies. Secundò, Eduxit repente infinitam ranarum copiam, quæ totam terram, & domos Ægyptiorum impleuit, omnia suo tabo contaminans. Tertio, Ranis succedere ciniphes, vniuerso puluere Ægypti subito in ciniphes conuerso. Erant ciniphes culicum genus minutissimum, spiculo acutissimo intra proboscidem armatum, cutim acri cum dolore terebrans & sanguinem sugens. Iosephus tamen lib. 2. cap. 5. putat fuisse pediculos è corporibus Ægyptiorum infinita copia prorumpentes, & eorum carnem depascentes. Quarto, His ad preces Moyfis sublati, sicut &

& prioribus plagis , persistente in contumacia Pharaone, immissa muscarum omne genus & insectorum agmina , quibus Ægyptij mirum in modum diuexati. Quintò, Muscas excepit pestis animalium: qua vno tempore omnes equi, asini, cameli, oues & boves quæ in agris erant per totam Ægyptum (saluis iis quæ erant filiorum Israel) perierunt. Sextò, Hanc cladem mox secuta est scabies, hominum & iumentorum superstitum corpora gravissimè exulcerans & affligens. Septimò, Scabiem sequitur grando immanis (qualis nunquam in Ægypto visa) fulminibus permixta, qua omnia viuientia, quæ foris erant, & arbusa protrita, confRACTA & vastata, fuere. Octauò, Grandinem secuta immensa locustarum agmina. Hæ, quidquid grando & fulmen reliqui fecerant, deuorarunt, adedò vt nihil virens relictum fuerit. Homines quoque crebro assultu & diro morfu, & acutis vnguibus, & alarum strepitu, & fœdis excrementis, & tabo abominabili mirè discruciabant. Hoc quoque malo ad preces Moylis repentè sublato, cùm Pharaon non staret promissis, inductæ tenebræ horribiles per totam Ægyptum (excepto loco vbi habitabant Israelitæ) exque triduo continuatæ: nemo alterum poterat videre; nemo se præ metu audebat loco, in

quo constiterat, mouere. Decimò, Post tri-
duũ, restituta luce, cùm Rex in obstinatione
persisteret ingens clades immissa, occisis
per Angelum media nocte, vna hora, omni-
bus hominum & iumentorum primogeni-
tis: adeò vt nulla domus esset sine funere &
luctu, perempto eò quod in quaque dignis-
simũ & charissimum. Accidit ea clades de-
cima quarta luna mensis primi nocte inse-
quente. Eius rei memoriam præcipuâ cere-
moniã quotannis ab eo tempore vsque ad
hanc ætatem Iudæi celebrant, nempe sacri-
ficio agni Paschalis, & vsu azymorum, &
oblatione primogenitorum.

Tantis calamitatibus fracti Ægyptij, tan-
dem illis abitum liberum permisere: verũ
paulò post ducti pœnitentia eos ingenti ex-
ercitu sunt persecuti, vt retraherent in serui-
tutem. quibus inter mare & montes depre-
hensis, cùm nullum esset effugium, Domi-
nus mare aperuit, latissima via in fundo à vi-
cino littore in littus oppositum patefacta,
quæ immenso exercitui ad celerem transi-
tum sufficeret. itaque per siccum medij ma-
ris alueum transeunt in aduersam solitudi-
nem, Ægyptiis properè sequentibus. qui cùm
omnes in eundem alueum descendissent, &
Israëlitæ iam euassent in continentem, Do-
minus relaxat manum, & Moyse aquam
eius

eius iussu feriente, immensa illa moles aquarum, quæ veluti muris vtrinq; coërcita sublimis steterat, subitò cum ingenti fragore concidit, & in consuetum præcipitans alueum magna vi collisa, Ægyptios omnes vnà cum suis equis, curribus, armis ita inuoluit & obruit, vt ne vnus quidem euadere potuerit. Clades istæ Ægyptiorum populum Dei persequentium, typus quidam & adumbratio earum fuere cladium, quibus sub finem mundi (quando Deus populum suum ab impiorum tyrannide liberaturus est, & in promissam terrâ traducturus) impij conflictabuntur. Postquã enim multas eis calamitates, vt resipiscant, irrogauerit, & illi nihilo inde meliores effecti in cõtumacia perstiterint, tandem omnes immisso igne, terraque dehiscente delebuntur.

Quartò, Occurrunt plurima diuinæ prouidentię exempla (benignitatis præsertim & seueritatis) populo Israelitico exhibita in deserto. 1. Cùm enim tantam hominum multitudinem, in qua facilè ad vicies centena millia capitum censebantur, eduxisset in vastam solitudinem, & alimenta, quæ ex Ægypto secũ detulerant, iam essent absumpta, nouo & inaudito miraculo illis de annona prouidit; quotidie (sabbatis exceptis) per noctem cœlitus illis manna instar pruinę, vel

Exodi 16. vel minutissimæ grandinis effundens: quo cibo per annos quadraginta sustentati.

Ibid. 15. 2. Deinde cum aquæ ibidem essent amaræ, eas mox in dulces conuertit, & potabiles fecit.

3. Quinquagesimo ab egressu die, omnibus inspectantibus & audientibus legem dedit; omnium oculis in vertice montis Sinai sub specie maximi ignis, & caliginosæ nubis, se conspicuum exhibens, cum ingenti sonitu buccinæ crebrisque tonitruis & fulminibus, terra tremente, & monte crebro subsultante.

Exodi 40. 4. Per quadraginta annos assidue suam præsentiam illis exhibuit, per diem ingenti nubis columnâ ab æstu solis castra protegens, & noctu eâdem columnâ instar ignis tunc fulgente, castra illustrans. Hæc columna, quando castra mouenda, in altum se leuans lento motu præcedebat, ut scirent quâ esset eundum, & rursus quando & ubi quiescendum, sistebat: adeo ut omnis castrorum metatio, & commoratio, & mutatio, & profectio ex directione solius numinis ageretur.

Ibid. 40. 5. Iussu & præscripto Dei Moyses primo anno egressionis extruxit tabernaculum, illudque anno secundo, mense primo, prima die mensis in medio castrorum erexit: quo erecto statim columna illa se directe supra taber-

tabernaculum stitit, ei perpetuò incumbens; præter cùm esset proficiscendū : tunc enim in altum se efferens præcedebat. Cùm Moy-
ses Deum deprecaturus, tabernaculum in- Exodi 33.
grederetur, descendebat Deus sub illa nube
omni populo inspectante super tabernacu-
lum, illud operiens : oratione peracta rursus
nubes in consuetum locum ascendebat.

6. Cùm populus siti laborasset mansione Exodi 17.
vndecima in Raphidim, iussu diuino Moy- Num. 20.
ses rupem asentem soleque exultam virga
percussit, & egressæ sunt aquæ largissimæ.
Idem factum mansione trigesimatertia in
Cades. vbi cùm Moyles propter incredu-
lam plebem nonnihil hæsitasset, ambigens
an Deus aquam esset daturus, punitus est,
hac poenâ ei à Deo inflictâ; Populum in ter-
ram promissam non introduces, sed antè è
vita decedes.

7. Cùm populus carnes appeteret, eam-
que ob causam aduersus Moylen concitare-
tur, ollas Aegypti suspirans, Deus, etsi iratus,
promisit carnes, & postridie tantam cotur-
nicum multitudinem in castra immisit, vt
ad mensem integrum omnibus sufficerent.
Vix toto mundo tanta huius generis auium
copia cõtineri putabatur. Verùm mox Deus
hanc ingratißimi populi importunam cre- Num. 11.
phagiam seuerè vindicauit, plurimis eorum
inter-

interfectis: vnde & locus *Sepulchra concupiscentia* appellatus.

8. Exploratoribus reuersis, & robur aduersariorum extollentibus, terramque promissam calumniantibus, populus timore correptus promissis diuinis diffidere cœpit, adeò vt terræ promissæ renuntiaret, & in Ægyptum reuerti vellet. Quam ob causam iratus Dominus omnes à viginti annis & suprà (qui erant sexcenta tria hominum millia & quingenti) morte damnauit, præter duos, Caleb & Iosue, qui Domino confisi populum animarant. Statuit enim vt nullus illorum terram promissam ingrederetur, sed omnes in solitudine (vti murmurando præoptarant) morerentur. Quam ob rem quadraginta annis illos in deserto detinuit, huc illuc circumducens, donec omnes consumpti: filiis eorum qui infra vigesimum annum erant in vita conseruatis, & loco parentum substitutis. Vnde etsi anno quadragesimo, cùm terra illa erat occupanda, omnes illi murmuratores essent mortui, inuenta tamen sunt ex filiis eorum sexcenta millia, mille septingenti triginta: & præter eos viginti tria millia Leuitici generis: adeò vt plures tunc fuerint terram promissam ingressuri, quàm primo anno fuerant.

Num. 26.

9. Core, Dathan, & Abiron primarij
viri

viri inter Israëlitas, adiunctis sibi aliis ducentis quinquaginta ex nobilioribus seditionem contra Moysen & Aaron concitarunt, auerso ab ipsorum obedientia populo, quasi ipsi sibi principatum & pontificatum per ambitionem & malas artes vsurpassent, non diuino iussu & decreto suscepissent. Itaque ob rei indignitatem Moyse diuinum iudicium appellante, Deus causam diiudicauit, horrendo supplicio omnibus inspectantibus in illos animaduertens. Vix enim Moyses verba minacia finierat, cum terra sub illis contremiscere, & instar maris fluctuare coepit: mox vasto hiatu cum ingenti fragore dehiscens, Core, Dathan & Abiron cum suis tabernaculis & vniuersa substantia absorpsit, & rursus ita se clausit, ut nullum hiatus extaret vestigium. Reliquos verò ducentos quinquaginta socios seditionis, ignis maximus diuinitus accensus in eos irruens subito consumpsit, ita ut ne cadauerum quidem extarent reliquiae. Postridie cum ob hanc causam populus aduersus Moysen & Aaron insurgeret, quasi ipsi eius cladis auctores fuissent, & Deus in eorum gratiam viros innoxios (ut ipsi ferebant) morte affecisset, iratus in rebelles Deus, ignem in eos immisit, quo statim quatuordecim millia septingenti inter necione deleti.

Num. 16.
& 26.

Num. 16.
Iosephus
lib. 4. c. 3.
& 4

10. Alio

10. Alio item tempore, populo contra Dominum ob laborem itineris murmurante, rursus Deus in eos ignis flammam immisit, quæ deuorauit extremam castrorum partem, longius etiam progressura, nisi Moyse deprecante fuisset cohibita: cuius precibus terra se aperiente ignis ille absorptus.

Num. 10.

11. Aliquanto tempore post, rursus ob itineris molestiam populus contra Deum impiè murmurauit. Quamobrem Deus ignitos serpentes in eos immisit. ad quorum plagas & mortes plurimorum uenerunt ad Moysen peccatum suum confitentes. Itaq; Moyses iussu diuino erexit serpentem æneum, è sublimi furca suspendens; cuius solius aspectu curabantur quicumque à serpentibus illis nocentissimis læsi erant. Fuit hoc illustris typus Christi Domini in cruce suspensi, cuius solius fide antiqui serpentis ictus curantur, & salus æterna restituitur.

Ibid. 21.

Ioan. 3.
v. 14.

12. Denique totis illis quadraginta annis quibus in illa solitudine & arenis circumducti, nec vestes eorum nec calceamenta fuerunt detrita, aut vetustate consumpta, diuina prouidentia ea conseruante, quòd aliorum non suppèteret copia.

Deut. 19.

13. His adde tot opitulationes in præliis, tot illustres victorias diuinitus obtentas; toties cæsos hostes nullo vel certè quàm minime

nimo Israëlitarum damno. Exercitus Amalec ad internecionē cæsus, Moyse ad Deum manus leuante. quamdiu eas leuabat, vincebat Israel; si paululum remisisset, vincebat Amalec: magno planè mysterio. Iordanis ad præsentiam Arcæ diuisus (superiore parte instar montis intumescente, inferiore prorsus deficiente) vniuerso populo transfretum præbuit. Muri Iericho validissimi ad sonitum buccinarum, & populi clamorem, funditus in circuitu corruerunt. Exercitus quinque Regum Amorrhæorum victus ab Israëlitis, cum fugeret, in ipsa fuga lapidibus grandinis diuinitus immissis, magna ex parte contritus. Sol & luna ad imperium Iosue (Deo eius petitioni obsequente) ad decem vel duodecim horas inhibito cursu steterunt immobiles, donec ille hostes suos deleret. Omitto alia plurima illi populo, vt terram promissam assequeretur; eo tempore diuinitus præstita, quæ assiduam numinis præsentiam & prouidentiam clarissimè demonstrant. Fuerunt ista omnia figuræ quædam & typi eorum, quæ tempore noui Testamenti gerenda in Ecclesia, & illius prouidentix, qua Deus in populo suo tum è seruitute diaboli liberando, tum ab inimicis defendendo, tum in cælestem patriam introducendo, tunc vsurus erat.

Exodi 17.

Iosue 3.

Ibid, 6.

Ibid. 10.

N

Quintò

158

Quintò, considerata quæ eis obuenerint sub Iudicibus postquam terram promissam occuparunt. Quotiescumque enim relicto Dei cultu ad idola, more aliarum gentium, conuersi sunt, grauius à Deo fuere afflicti, & in potestatem hostium ac seruitutem traditi: quoties verò pœnitentia ducti ad Deum ex animo redierunt, mox illorum calamitatē miseratus, excitauit illis Ducem, qui eos ab hostium oppressione eriperet, & in libertatem vindicaret. Septies id eis (mirum dictu) intra spatium quingentorum annorum, cū sub Iudicibus agerent, accidit; septies illo temporis interuallo idololatriæ se manciparunt; septies in seruitutem traditi; septies ad Dominum redeuntes liberati.

Judic. 3.

Ac primū mortuo Iosue & senioribus, qui mirabilium Dei operum spectatores fuerant, eosque in vera religione continuerant, recesserunt à Deo, cultui idolorū Baalim & Astaroth se mancipantes. Quamobrem tradidit eos Deus in manus Chusan Rasathaim Regis Mesopotamiæ, cui seruiuerunt octo annis. tandem cū illis ea oppressio grauis admodum esset, & monitu virorum sanctorum cognoscerent eam propter peccata à Deo inflictam, pœnitentia ducti veniam & opem flagitant. Itaque Dominus illorum misertus suscitauit illis Othoniel, qui coacto exercitu

citu Regem Mesopotamiæ cecidit, eiusque
ingum excussit: & quieuit terra annis 40.

Mortuo Othoniel, rursus illi, aliarum gen- Iudic. 3.
tiû consuetudine veluti æstu pelagi abrepti,
ad idola rediere, omnium beneficiorum &
mandatorum Dei immemores. Quare ad
eos castigandos suscitavit Dominus Eglon
regem Moab, cum Ammonitis & Amaleci-
tis, à quibus vehementer afflicti annis octo-
decim. Vnde cum rursus peccata sua dete-
ctati ad Deum confugerent, excitavit illis
Aod, qui occiso Rege & exercitu Moabita-
rum deletis, populum liberauit: & quieuit
terra à bellis annis octoginta.

Post mortem Aod iterum ad idolola- Ibid. 4.
triam reuersi. Quare tradidit eos Dominus
in manus Iabin regis Chanaan, à quo op-
pressi annis viginti. Vexatione iterum illis
intellectum dante, rursus pœnitet scelerum,
& ad opem diuinam confugitur. Iterum
Dominus misericordia motus suscitavit eis
Deboram prophetissam & Barac virum stre-
nuum, qui coacto exercitu deleuerunt exer-
citum regis Iabin, occiso eius duce Sisara,
per feminam nomine Iahel. hinc quies à
bellis annis quadraginta.

Quiete potiti, rursus ad idola conuersi Ibid. 6.
sunt. Quam ob causam traditi à Domino in
manus Madian annis septem, grauissime ab

his afflicti fuere, Madianitis quotannis cum infinita multitudine redeuntibus, & omnia absumentibus. Vnde rursus opem à Domino flagitantes, primùm per Prophetam grauiter corripuntur, quòd toties à Domino liberati, & tot beneficiis affecti, ab ipso desciscerēt. Deinde cùm illi perstarent Deum obnixè precari, suscitauit illis Gedeonem, misso ad eum Angelo specie humana, qui illum ad tantum opus animaret. Hic cùm miris indiciis diuinitus ei ostensis certior esset redditus de victoria, trecentis viris inermibus, sola buccina, & vase fictili facem continente instructis, rem tantam est aggressus. His per circuitum castrorum, tribus locis buccina perstreptentibus, & fictilia complodentibus, tanta inter hostes orta est perturbatio, vt veluti furore perciti partim se mutuis gladiis confoderent, partim in effusam fugam raperentur, interfectis ex ipsis amplius centum millibus.

Judic. 7. 0. Mortuo Gedeone iterum ad idola relapsi. Quam ob causam tradidit illos Dominus in potestatem Philisthinorū & Ammonitarum, à quibus afflicti & oppressi annis decem & octo. Itaque cùm rursus ad Dominum refugerent, & veniam opemque postularent, excitauit illis Iephthe; qui mox comparato exercitu conflixit cum hostibus, &

& vno impetu viginti ciuitates Ammonitarum cepit, eorumque iugum, Israelitis in libertatem vindicatis, excussit.

Vix à morte Iephthæ vigintiquinque anni effluxerant, cum Israelitæ rursus ad vomitum redeunt; Deo vero, cuius beneficia toties fuerant experti, relicto, idolorum cultui (qui tot malorum eis causa fuerat) se mancipantes. Itaque traditi in manus Philisthinorū annis quadraginta, à quibus cum grauiter affligerentur, Dominus misericordia motus excitauit eis Sampsonem; cuius tantum erat corporis robur, diuino spiritu illum agente, vt nihil ei posset resistere. Nam & leonem in ipsum ferocientem manibus discerpfit, & portas vrbs Gazæ, vbi inclusus ab hostibus obsidebatur, cardinibus reuulsas, vnà cum seris & vectibus in montem suis humeris asportauit; & inermis multorum millium armatorum exercitum, sola asini mandibula instructus, inuasit; mille ex illis eo instrumento interemptis, reliquis in fugam actis: & ædem Dagon, concussis vi laceratorum duabus primariis columnis, euerit, multis millibus Philisthinorum, qui ibi præsentés erant, ruina oppressis. Quibus claudibus afflicti Philisthæi Israelitis dedere spatium respirandi.

Qui rursus longa pace corrupti, cum pec-

N 3

catis

1. Reg. 4.

catis veteribus assidue noua adiicerent, traditi sunt iterum in manus Philisthinorum, à quibus cæsa Israelitarum triginta quatuor millia, Arca capta, & primarij sacerdotes Arcæ custodes Ophni & Phinees (prout Dominus per Samuelem futurum prædixerat) interfecti. Accidit ea calamitas anno quadagesimo Heli. Verum hinc ita puniti sunt Israelitæ victi, vt longè grauioribus plagis affecti fuerint Philisthæi victores. Cum enim arcam Dei idolo suo, tamquam victori spoliū, obtulissent, Deus in vindictam iniuriæ multis eos eladibus affecit : nam non solum ipsum idolum bis terræ afflictum coram Arca, & capite palmisq̃ue fuit mutilatum, sed etiam corpora Philisthinorum per omnes ciuitates acri & fœdissimo morbo percussa, extremo intestino putrescente forasq̃ue prominente, vnde mortui innumerabiles. Deinde infinita vi murium ex agris & villis ebulliente, omnes terræ fructus vastati, omnisq̃ue annona absumpta vel corrupta. Longè acerbiora hæc erant, quàm si ab Israelitis in seruitutem redacti fuissent. Itaq; vel inuiti coacti sunt potentiam Dei Israel confiteri, & Arcam cum donariis, malorum à Deo inflictorum testibus, honorificè remittere. Hæc sub Iudiciis.

159

Sextò, consideranda quæ illis accidere sub

sub Regibus. 1. Saul mirabili modo, & ^{1. Reg. 15.} singulari Dei beneficio (nimirum electione & 15. diuina pariter & sorte populi) euectus ad regnum, cum mandatis diuinis non obtemperasset, rursus à Deo iure regnandi cum tota posteritate priuatus est, & tandem in prælio vnà cum filio primogenito, amisso exercitu, cæsus, regnumque ad Dauidem translatum.

2. Dauid, etsi maximus Dei cultor esset, tamen eius peccata (vnum videlicet adulterium & vnum homicidium) grauissimè à Deo, etiam post peractam pœnitentiam, fuisse vindicata. Nam & proli susceptæ, magno eius dolore, vita ablata, & filiarum ipsius pulcherrima à primogenito infami incestu violata: & idem primogenitus à fratre proditoriè interfectus: & ipse à filio turpiter regno deiectus, eiusque vxores in oculis totius ^{1. Reg. 11.} populi à filio constupratæ. Hæc omnia ei ^{12. &c.} obuentura in ultionem illius adulterij & homicidij prædixerat iussu diuino Nathán Propheta.

3. Rursus cum Dauid peccasset animi elatione numerando populum, Deus in ultionem, misso ad illum Gad Propheta, è ^{2. Reg. 24.} tribus flagellis ei optionem dedit: nimirum vt vel septem annis fame regnum affligeretur; vel tribus mensibus superaretur ab hostibus;

stibus; vel tribus diebus vastaretur pestilentia. in quas angustias cum se videret coniectum David, respondit: *Coarctor nimis: sed melius est ut incidam in manus Domini (multa enim misericordia eius sunt) quam in manus hominum.* Itaque elegit pestilitatem; qua repente diuinitus immissa, triduo absumpta sunt septuaginta hominum millia: & oblato sacrificio clades illa subito est cohibita.

4. Dauidi successit Salomon. hic cum sapientia supra omnes mortales à Deo esset ornatus, insuper opibus, gloria, diuitiis, & longa pace præ reliquis illius populi Regibus cumulat^{us}, tandem mulierum amoribus, quibus effusissimè deditus erat, ita deprauatus est, ut idolorum cultui in earum gratiam se manciparet. In ultionem tanti sceleris Deus statim ipso mortuo scidit regnū ipsius, decem tribubus ad Ieroboam translatis; & duabus tantum filio Salomonis Roboamo relictis, sicut Salomoni ante mortem fuerat minatus. Mira in executione huius diuisionis apparuit Dei providentia: sicuti cap. 11. & 12. libro 3. Regum est videre.

5. Ieroboam ex humili statu euectus ad regnum, nihil habuit antiquius, quam ut sibi per fas & nefas imperium stabiliret. itaque cum metueret ne si populus sacrificij causa quotannis adiret templum Domini in Ieru-

3. Reg. 11.

Ierusalem, sensim conuerteretur ad Ro-
boam Regem Iuda, & ipse regnum amitte-
ret, astutum in speciem excogitauit consi-
lium quo hoc impediret, formatis & in
deos erectis duobus vitulis aureis, & excita-
tis phanis in Dan & Bethel, addito edicto
quo iuberetur populus non adire Ierusalem,
sed in Dan & Bethel illis idolis sacrificare.
Videbatur hoc consilium ad statum politi-
cum tuendum salutare; sed re vera nihil ad
illum labefactandum & funditus subuer-
tendum excogitari poterat accommoda-
tius. Nam propter hanc causam *euersa est
domus Ieroboam, & deleta de superficie terra:*
vt habemus 3. Regum cap. 13. Regnauit ipse
annis vigintiduobus, non sine multis dolori-
bus & incommodis. quo mortuo cum Na-
dab filius successisset, & vix biennium obtri-
nuisset imperium, vita pariter & regno à ser-
uo suo, Baasa nomine, priuatus est. qui mox
omnem familiam Ieroboam ita deleuit, vt
ne vnus quidem esset reliquus. Hoc ipsum
Dominus ei per Prophetam minatus fuerat.

Talia ferè sunt consilia Politicorum (quo-
rum iste Ieroboam clarissimum exemplar)
qui Religionem seruire faciunt politicæ, &
talem fidem ac religionem amplectuntur,
qualem regno vel obtinendo vel retinendo,
vel augendo, aliisque scopis sibi propositis
N 5 putant

putant commodiorem. Etſi enim eorum cōſilia initio videantur ſpecioſa & vtilia, tamen plerumque ſucceſſu temporis maximis difficultatibus Principes inuoluunt, & eis perniciem adferunt: ita diſponente diuina prouidentia, quæ omnibus hominum cōſiliis dominatur.

6. Poſt Ieroboam, cuiusque filium, imperium Iſraeliticū tenuit Baafa. Mira huius hominis fatuitas. Cū enim ſciret Ieroboam cū vniuerſa familia ob idololatriam penitus exciſum, nihilominus ipſe eam non deſeruit. quapropter & ipſi per prophetam Iehu excidium ſimile denuntiatum: & euentus non ita diu poſt eſt ſecutus. Cū enim viginti & duos annos regnaſſet ſicut Ieroboam, & Ela filius ei ſucceſſiſſet, anno ſecundo Elæ, vnus ex ducibus, Zamri nomine, aduerſus Elam inſurrexit, eoque occiſo regnum inuaſit, & mox omnem familiam Baafa internecione deleuit.

7. Idem poſt aliquot annos accidit Regi Achab, & vxori eius impiſſimæ Iſabel. Nam & ipſe Achab poſt triennalem & ſeſtrem ſiccitatem, aliasque calamitates, in prælio contra Syros eſt occiſus; & poſt mortem eius, Iehu dux militiæ à Deo exciſus, filium Achab Ochoziam regni ſucceſſorem interfecit, & omnem progeniem eius è medio

dio sustulit, & Iesabel Reginam è sublimi præcipitatum canibus deuorandam obiecit. Hęc omnia propter idololatriam, aliaq; scelera, illis obuentura Deus per suos Prophetas illis prænuntiarat.

8. Tandem post tot minas, tot Prophetarum monitiones & increpationes, tot clades à Deo inflictas, cum Reges Israel & eorum populus nullum peccandi, & præsertim idola colendi finem facerent, spoliati sunt regno, vrbibus, domiciliis, agris, possessionibus, libertate, & in perpetuam seruitutem traditi, & translati in Assyriam.

9. Simili modo diuina prouidentia se gessit cum regibus Iuda & populo illorum. Nam quotiescumque ad idololatriam deflexerunt, variis bellis & calamitatibus attriti sunt, donec resipiscerent: quando verò Deum piè colebant, magna prosperitate vti sunt, multisque victoriis & opibus aucti: vt Abia, Asa, Iosaphat, Ezechias. Cõtra Abiam Regem Iuda venit Ieroboam cum octoginta millibus: ille se imparem videns tantæ potentiæ, cum suis ad preces confugit; quibus diuinam opem inclamantibus, Deus immisso terrore exercitum Ieroboam in fugam compulit, quem infecutus Abia, quinquaginta millia occidit, & multas ciuitates hosti ademit. Maiorem longè victoriam obtinuit

tinuit Aſa. Mouerat illi bellū ZaraÆthiops, maximo exercitu, in quo decies centena milia armatorum, in eum præducto. Huic tanto exercitui Aſa etſi viribus longè inferior, 2. Par. 14. obuiam prodit diuino fretus auxilio: cumq; inſtructa acie Deum ſupplex inuocaret, exterriti ſunt diuinitus Æthiopes, & in fugam acti. Fugientes perſecutus Aſa cum ſuis vſque ad internecionem deleuit, infinitis ſpoliis ditatus. Nec minùs miranda victoria Ioſaphat, qui ſua pietate maximum exercitum ex tribus gentibus numeroſiſſimis, Ammonitis, Moabit & Idumæis conflatum abſque armis deleuit. Eductis enim ſuis contra hoſtes copiis, iuſſit cantores qui diuinas laudes concinerent, aciem antecedere, quibus concinentibus, & contra hoſtilem exercitum canendo procedentibus, hoſtes ſubito veluti in rabiem acti ſe mutuis vulneribus confecere, & Iudæis immenſam vim ſpoliorum reliquere. His meritò adiungi poteſt victoria Ezechia, qui ab Aſſyriis ad extrema redactus, cum ſuis ad diuinam opem confugit; quem Deus exaudiens, miſit Angelum qui vna nocte centum octogintaquinque millia Aſſyriorum interfecit. 4. Reg. 19. 2. Par. 32.

Omitto captiuitatem Babyloanicam, hiftoriam Eſther, hiftoriam Iudith, hiftoriam Tobia, prælia Machabæorum, obſidionem
Roma-

Romanorum, excidium Iudæorum, in quibus omnibus mirificè diuina prouidentia eluxit. Infinitum esset omnia diuinæ prouidentia exempla quibus pios iuuat & extollit, impios humiliat & castigat, persequi. Nihil enim ferè aliud historiis sacris continetur, cum omnis earum narratio eò tendat, ut homines intelligant res secundas & aduersas à diuina prouidentia pendere, easq; hominibus plerumque, pro ratione operum, dispensari, nec posse quemquam eius vim & dispositionem effugere, qua in re differt historia sacra à prophana. Illa enim cum spiritu diuino conscripta sit, narrat res humanas ut à diuina prouidentia gubernantur: hæc verò spiritu humano composita, refert eas ut ab hominum prudentia & industria proueniunt. Itaque illa docet prudentiam diuinam, qua mens pio cultu Deo adhæreat, eiusque ope potissimum nitatur: hæc verò prudentiam humanam, & minutas quasdam cautiunculas hominum industria inuentas, quæ plerumque parum habent virium, & sæpenumerò adferunt perniciem. Quamobrem nihil congruentius Principum institutioni, quàm sacræ historiæ, præsertim libri Regum, explicatio. Inde clarè intelligent fundamentum regni & politiæ, totiusque prosperitatis in vera religione & iustitia col-

locan-

*Discremen
historia sa-
cræ & pro-
phana.*

locandum: extra hæc nihil Christiano principi fore firmum aut tranquillum. Profuit id plurimū Carolo V. cui adolescenti Adrianus Institutor datus prælegit libros Regum. Vnde ille ea hausit gubernandi documenta & principia, quæ illum non solum Catholicum & pium præstiterunt; sed etiam in maximum & potentissimum Principem, successibus felicem, euexere. Porro libros illos esse fide dignissimos, & diuini spiritus afflatu ac directione scriptos, supra numero 109. ostensum.

Decimaquinta RATIO, ex occulta punitione blasphemiae, periurij, sacrilegij.

- 161 **H**ÆC peccata potissimum sunt contra diuini numinis reuerentiam. Vnde cum variis exemplis constet ea præ ceteris inuisibili manu sæpè vindicari, manifestè colligimus esse aliquod numen quod illorum iniuriam sentiat. Si enim nullum esset numen, nullum in illis esset peccatum: sicut nullum peccatum est si maledicas chimeræ, aut per illam peieres, aut si eius signum violes & proteras. Si nullum esset peccatum, nulla deberetur pœna, nulla castigatio. Atqui contrarium multis exemplis est perspicuum. Rex Ægyptius Pharao cum Deum vili-

vilipenderet, & contemptim de eo loqueretur (*Quis, inquit, est Dominus, ut audiam* Exo. 5. & seqq. *vocem eius, & dimittam Israël? Nescio Dominum, & Israël non dimittam*) maximis calamitatibus affectus est, & tandem cum exercitu suo funditus deletus.

Sennacherib Rex Assyriorum potentissimo exercitu Iudæam inuadens, Ezechie Regi per suos duces renuntiari iussit, frustra ab ipso spem in ope diuina reponi. Aliarum gentium Deos non potuisse suos cultores aduersus Regis Assyriorum potentiam tueri: quare nec Deum Israel posse. Ob quam blasphemiam Deus exercitum Regis vna nocte pænè totum ad internecionem deleuit, cæsis operâ vnius Angeli armatorum centum octogintaquinque millibus. Et ipse Rex post tantam cladem in suam ciuitatem Niniuen reuersus, dum studet placare idola, quæ illum iuuare non potuerant, à propriis filiis interficitur. 4. Reg. 19. 1. Par. 31. Tobia 1.

Nabuchodonosor Rex Chaldæorū, cum ira incensus tres pueros, qui statuam ab ipso erectam adorare recusabant, in ardentem fornacem immitteret, simili modo Deum blasphemauit, suam potentiam illius potentix præferens: *Quis, inquit, est Deus, qui vos eripiat de manu mea?* Agnouit tamen paulò post, & confessus est diuinam potentiam Dan. 3. viso

Dan. 4

viso stupendo illo miraculo, quo illi in mediis ignibus illasi mansere. Verum cum postea rediret ad ingenium, & rursus superbe se efferret, suam potentiam & gloriam tamquam nulli subiectam vel obnoxiam iactando, subito à Deo punitus est; huiusmodi voce cœlitus ad eum ruente: *Tibi dicitur Nabuchodonosor Rex: Regnum tuum transibit à te, & ab hominibus eicient te, & cum bestiis & feris erit habitatio tua: fœnum quasi bos comedes, & septem tempora mutabuntur super te, donec scias quòd dominetur Excelsus in regno hominum, & cuicumque voluerit det illud.* Hac voce completa è vestigio ille mente captus est, & in furorem versus. Vnde ab humano contubernio expulsus, inter feras in silvis commorari cœpit, & ferarum more per septennium vixit. quo exacto, mens illi restituta est, & ipse potentiam diuinam præclare confessus. Hoc illi obuenturum Deus mirabili viso in somnis ante annum præmonstrarat, Daniele visum interpretante.

Actor. 12.
Iosephus
lib. 19. An-
tiquitatū,
cap. 7.

Agrippa senior, cum Cesareæ in splendore amictu & sublimi sella ad populum verba faceret, ei ab adulatoribus, tamquam Deo cuidam, acclamatum est: quas voces cum ille libenter admisisset, sibi que de tali honore in animo blandiretur, repente ab Angelo percussus est, & putrescente carne ac visce-

visceribus, morbo pediculari consumptus.

Syri prælio ab Israelitis in locis montanis superati, cladem suam Diis montium referebant acceptam, quos aiebant Israelitis fauere. Itaque in vallibus cum illis pugnandum, in quas Deo Israel nihil iuris competeret; ibique se fore victores. Quam ob causam Deus per Prophetam ita locutus est ad Regē Israel: *Quia dixerunt Syri, Deus montium est Dominus, & non est Deus vallium; dabo omnem multitudinem hanc grandem in manu tua, & scietis quia ego sum Dominus.* Itaque directis utrimque aciebus, Israelitæ etsi exiguo numero, percusserunt de Syris centum millia peditum una die. Remanserant in loco vicino viginti septem millia, qui omnes, cum in ciuitatem confugerent, muri ruinâ oppressi perierunt; manifestâ blasphemiae vindictâ.

Ductor exercitus Demetrij Regis Nicanor cum Iudæos sabbato pararet inuadere, monitus ut in honorem Dei omnia conspicientis sacro die abstineret, arroganter respondit: *Estne potens quispiam in calo, qui imperauit agi diem sabbatorum?* Cui cum diceretur: *Est Dominus uiuus, ipse in calo potens, qui iussit agi diem septimam.* subiecit: *Et ego potens sum super terram, qui impero sumi arma, & negotia Regis impleri.*

O

pleri.

pleri. Quam ob causam commissio prælio, etsi maximum & omni genere armorum instructissimum haberet exercitum, à paucis cæsus est, triginta quinque millibus armatorum amissis, eiusque lingua blasphema excisa, & auius particulatim obiecta, & manus quam contra templum extenderat, è regione templi suspensa.

Lev. 24. Leuitici 24. Dominus filium mulieris Israëlitis qui in iurgio blasphemauerat, iussit lapidibus obrui: ibidemque lex ista sancitur, & bis repetitur: *Qui blasphemauerit nomen Domini, morte moriatur: lapidibus opprimet eum omnis multitudo populi, siue ille ciuis siue peregrinus fuerit. Qui blasphemauerit nomen Domini, morte moriatur.* Repetitio illa momentum rei & firmam legislatoris voluntatem insinuat.

Iudith 6. Cùm Achior potentiam Dei cæli commendaret, diceretque Iudæos ea tutos fore, si Deum piè colerent: indignatus Holofernes respondit: *Quoniam prophetasti quòd gens Israël defendatur à Deo suo; ostendam tibi quòd non est Deus nisi Nabuchodonosor, cùm omnes quasi unum hominem percusserim, &c.*
 Ibid. 13. quæ blasphemia illi carè stetit. Nam & ipse manu feminæ abscisso capite ibidem periit, & exercitus in fugam actus magnam partem à Iudæis concisus.

Antio-

Antiochus ob superbiam & blasphemiam 1. Mach. 9.
 inuisibili & insanabili plaga à Deo percussus
 est. Nam repentè dirus viscerū dolor illum
 inuasit: mox curru excussus grauitè ad ter-
 ram affligitur: insuper fœda phthiriasi cor-
 pus computrescens, & intolerabilè fœtorem
 exhalans, viuum à vermibus absumptum.

Philisthæi maximis calamitatibus diuini- 1. Reg. 5. & 6.
 tus oppressi fuere, quòd Arcam Domini in-
 dignè tractassent: & nisi eam breui remis-
 sent, periculum erat, ne omnes vsque ad in-
 ternecionem delerentur. Vnde post septem
 menses eam cum honore restituere: quo fa-
 cto plaga cessauit.

Cum Bethsamitæ Arcam Domini curiosè Ibid. 6.
 & parum reuerenter contra præceptum di-
 uinum cap. 4. Numer. expressum intui-
 sent, interfecti ex primoribus septuaginta
 viri, & ex plebeiis quinquaginta millia; di-
 uino numine etiam conspectum curiosum
 morte ylciscente.

Balthazar Rex Chaldæorum cum sacra Dan. 5.

*proferri iussisset, & ex illis cum suis optima-
 tibus & concubinis potaret, repentè vltio-
 nem diuinam sensit. Nam in medio conui-
 uio, & comessantium lætitia, apparuerunt
 digiti quasi manus hominis scribentis contra
 candelabrum, in superficie parietis aula regia,
 omnibus intuentibus & vehementer con-*

sternatis. Scripta sunt autem hæc tria verba, MANE, THECEL, PHARES: quorum, interprete Daniele, hæc erat sententia: MANE, *numeravit Deus regnum tuum, & complevit illud*: hoc est, cōplevit annos quibus regnum tuū durare constituit. THECEL, *appensus es in statera, & inuentus es minus habens*. PHARES, *diuisum est regnum tuum, & datum est Medis & Persis*. Denique eadem nocte & ciuitas capta est, & Rex cum infinita hominum multitudine, & magna nobilitatis parte interfectus. Tria ex hoc facto colligimus. 1. Omnibus regnis certam periodum à diuina prouidentia constitutam, qua expleta cōmutentur, & ad alios transferantur. 2. Singulorum Regum opera expendi, & inde plerumque statui de spatio regnandi. 3. Regnorum ortus, interitus, durationes & translationes à diuina prouidentia disponi.

1. Mach. 3. Heliodorus cum sacrum ærarium violato templi azylo spoliare conatur, Iudæis diuinam opem implorantibus, non solum ipse virtute numinis est prohibitus, sed etiam grauiter ob sacrilegium attentatum verberibus mulctatus, & milites quos secum duxerat ingenti pauore concussi. Apparuit enim illis eques vultu terribili, amictu splendido: cuius equus in Heliodorum impetu facto prio-

prioribus calcibus insiliens, illum grauer affligit. Deinde conspecti duo iuuenes robore & pulchritudine excellenti, qui Heliodorum vtrunque inuadentes, flagellis ita excipiunt, vt de vita ipsius desperaretur. Verum sacrificio pro illius salute oblato, subito curatur. Hæc breuiter ex sacris. Nam exempla, quæ ex prophanis & aliis Ecclesiæ scriptoribus in hanc sententiam adduci possunt, sunt infinita. Nulla enim est natio, nulla prouincia, nullum oppidulum, vbi blasphemix, sacrilegia, & periuria non fuerint à numine sæpius vindicata: adeò vt hic metus vbique gentium plerumque homines ab istis flagitijs deterreat.

Mirum fortasse alicui videatur, quòd non 162
solum vnus veri, summiq; Numinis, sed etiam falsorum numinum contemptores & sacrilegos legamus diuinitus fuisse punitos. Milites enim Xerxis qui fanum Cabirorum apud Thebanos (vbi Ceres colebatur) spoliandi causa intrare ausi fuere, omnes infamia correpti, partim se in mare abiecere, partim è rupibus præcipitarunt: vt refert Pausanias in Bæoticis. Cum Alexander Macedo Miletum urbem Ionix munitissimam expugnasset, & quidam è militibus in templum Cereris, illius spoliandi causa irrupissent, repente omnium oculos obiectus ful-

O 3

gor

regeretur ; sed omnia vel fatali necessitate , vel temeritate fortunæ geri. Qua ratione doctiores plerique apud Iaponios & Sinenfes etiam hoc tempore vel sunt Athei & omnis numinis contemptores , vel certè de negotio diuinitatis animo fluctuant.

Itaque cùm Ethnici in exemplis suprâ commemoratis (dùm in sacris suorum numinum sacrilegè agunt) peccent vel contra conscientiam , qua credunt ipsis aliquid diuinitatis inesse ; vel contemptu generali numinis , mirum non est , si pœnam subinde senserint.

Neque his obstat , quòd inter blasphemos , sacrilegos , & periuros multò maior sit eorum numerus qui in hac vita non puniuntur , quàm qui puniuntur. Id enim non est signum defectus prouidentix , sed dilationis pœnæ. Ad prouidentiam pertinet non hîc omnia punire , sed sinere res agi suis motibus , præcipuâ vindictâ in futurum dilata : alioquin & genus humanum breui exhaustum foret , & virtutis officia seruiliter coacta , non libera , non ex ingenuo in bonum virtutis affectu profecta viderentur. Satis prouidentia se prodit , dum subinde miris & insolitis modis in hoc sæculo peccatoribus pœnas irrogat , idque in media hominum luce , omnibus animaduertentibus & obstu-

obstupescantibus, ac diuinæ potentie manum ea in re agnoscentibus. J

CAPVT III.

*Dissolutio argumentorum quæ contra
Prouidentiam obiiciuntur.*

Primum argumentum contra Prouidentiam.

SI prouidentia Numinis mundus regeretur, non sic inualesceret improbitas, nec tam prosperos haberet successus aduersus innocentiam & probitatem. Nam ad prouidentiam Gubernantis maximè pertinet, improbis non dare licentiam grassandi, sed eos coërcere, & ad virtutem compellere: probos verò tueri, & ad honores ac opes euehere. Si in aliqua magna ciuitate pessimi quique perpetuò dominarentur, & impunè aliis iniurias inferrent, & probi ciues ab eis oppressi iacerent; quis dixerit eam ciuitatem à prouido iustoque Rectore gubernari? Quare cum in mundo tantam videamus ordinis perturbationem, quanta maior vix animo concipi potest, improbis ubique dominantibus, & omnia pro arbitrio gerentibus, probis miserè afflictis & oppressis; quis credat illum prouidentia aliquà suprema, quæ omnia iuste disponere deberet, regi?

O s . Respon-

regeretur ; sed omnia vel fatali necessitate, vel temeritate fortunæ geri. Qua ratione doctiores plerique apud Iaponios & Sineses etiam hoc tempore vel sunt Athei & omnis numinis contemptores, vel certè de negotio diuinitatis animo fluctuant.

Itaque cùm Ethnici in exemplis suprà commemoratis (dùm in sacris suorum numinum sacrilegè agunt) peccent vel contra conscientiam, qua credunt ipsis aliquid diuinitatis inesse ; vel contemptu generali numinis ; mirum non est, si pœnam subinde senserint.

Neque his obstat, quòd inter blasphemos, sacrilegos, & periuros multò maior sit eorum numerus qui in hac vita non puniuntur, quàm qui puniuntur. Id enim non est signum defectus providentiæ, sed dilationis pœnæ. Ad providentiam pertinet non hîc omnia punire, sed sinere res agi suis motibus, præcipuâ vindictâ in futurum dilatâ : alioquin & genus humanum brevi exhaustum foret, & virtutis officia serviliter coacta, non libera, non ex ingenuo in bonum virtutis affectu profecta viderentur. Satis providentiâ se prodit, dum subinde miris & insolitis modis in hoc sæculo peccatoribus pœnas irrogat, idque in media hominum luce, omnibus animadvertentibus & obstu-

obstupeſcentibus, ac diuinæ potentie manum ea in re agnoſcentibus. J

CAPVT III.

*Difſolutio argumentorum quæ contra
Prouidentiam obiiciuntur.*

Primum argumentum contra Prouidentiam.

SI prouidentiâ Numinis mundus regere-
tur, non ſic inualeſceret improbitas, nec
tam proſperos haberet ſucceſſus aduerſus
innocentiam & probitatem. Nam ad prouidentiam Gubernantis maximè pertinet, improbis non dare licentiam graſſandi, ſed eos coërcere, & ad virtutem compellere: probos verò tueri, & ad honores ac opes euehere. Si in aliqua magna ciuitate peſſimi quique perpetuò dominarentur, & impunè aliis iniurias inferrent, & probi ciues ab eis oppreſſi iacerent; quis dixerit eam ciuitatem à prouido, iuſtoque Rectore gubernari? Quare cùm in mundo tantam videamus ordinis perturbationem, quanta maior vix animò concipi poteſt, improbis vbique dominantibus, & omnia pro arbitrio gerentibus, probis miſerè afflictiſ & oppreſſiſ; quis credat illum prouidentia aliquâ ſuprema, quæ omnia iuſte diſponere deberet, regi?

O S

Reſpon-

166

Respondeo, hoc argumento potissimum Atheos niti: eodemque etiam fideles interdum conturbantur; & ipse Propheta David se commotum insinuat Psalmo 72. Verum facilis est solutio. Sicut enim duplex est finis, alter ad hanc vitam temporalem pertinens, nempe tranquillitas Reipubl. alter ad futuram, nimirum æterna gloria in cælis: ita quoque duplex est providentia consideranda, quarum altera disponit media ad obtinendum finem temporalem, altera ad finem æternum. Illa est humana & politica, utpote sapientia humana nitens, & ad bonum politicum tendens: ista verò est diuina, ut quæ diuina sapientia constet, & æternum bonum spectet.

¶ Cum ergo dicitur, ad providentiam pertinere coercere iniquos, non finere eos dominari, &c. verum est si loquamur de providentia politica, & coercitione temporali, &c. Cum enim hæc providentia instituta sit ad conservandam pacem temporalem, eius munus est impedire (quantum fieri potest) omnia scelera, quibus pax temporalis turbatur. Vnde si aliqua sit Respublica in qua flagitia impunè committantur, rectè iudicamus illam Gubernatore destitui, vel certè hunc iniquum esse, ac tyrannum.

167

Si verò loquamur de providentia illa summa,

prema, falsum est ad illius munus spectare, *Cur prouidentia in hac mundo sinat plerumque res ferri suis motibus.* vt non permittat impios temporaliter dominari. Quinimò contrarium planè ad illius munus spectat, nimirum vt res omnes suis facultatibus instructas sinat ad certum tempus ferri suis motibus: idque ob multas causas.

Primò, Vt sponte ad virtutem feramur, non amara necessitate compulsi. Virtus enim coacta non est virtus, sed seruitus. Vera virtus non formidine pœnæ, sed honesti amore officium præstat. Itaque vt vera virtus ac perfectum meritum locum habeat, necessarium fuit, vt diuina prouidentia homines non cogeret, sed suo arbitrio & libertati relinqueret.

Secundò, Quia dignitas æterni præmij tanta est, vt abundè sufficiat, si benè consideretur, ad nostros affectus sui amore inflammandos, & ad omnem virtutem ac sanctitatem excitandos. Itaque contra dignitatem illius boni foret, si homines ad illud prosequendum compellerentur.

Tertiò, Pari modo æterna supplicia, si benè suis pendantur momentis, abundè satis sunt ad hominum animos ab omnibus flagitiis deterrendos. Vnde etiam si Deus non castigaret homines in hac vita, non tamen eius prouidentia essent destituti. Suffi-

cit

cit enim vt promittat præmia, & minetur supplicia in futurum.

Quartò, Si diuina prouidentia semper pro meritis flagitia plecteret in hac vita, sicut facit prouidentia politica, breui mundus foret exhaustus. Vnde & paucissimi essent virtutis cultores, & hominibus sceleratis non pateret aditus ad salutem.

Quintò, Malignitas iniquorum non frustrà à Deo permittitur, quia per illam excitatur, & exercetur, & illustrius apparet virtus iustorum; & datur occasio maioris meriti & coronæ. Tolle sæuitiam tyrannorum, non erit gloria martyrum: tolle iniurias iniquorum, non apparebit patientia iustorum. Infinita seges bonorum mundo deerit, si Deus iniquos in hac vita semper coërceat. Eadem malignitas seruit ad punienda peccata tam iustorum (quæ ipsi subinde committunt) quàm iniquorum: vt ex Sacris literis constat. Sic Deus sæpè malitia & ambitione Assyriorum, Chaldæorum, Persarum, Ægyptiorum, Romanorum, & aliorum impiorum vsus est, ad populum Iudæi, cum aliasque gentes castigandas, permittens eos iuxta certam temporum, locorum, personarum, calamitatum & suppliciorum mensuram in populum Dei aliasque nationes grassari. Et hanc rationem omnibus sæcu-

ſæculis ſeruauit, & ſeruabit vſque ad mundi
conſumationem.

Sextò, Prætereà diſcimus ex hac proui-
dentia, non eſſe magni pendenda iſta tem-
poralia, vt quæ bonis & malis ſint commu-
nia, & quibus mali magis abundant quàm
boni. Deinde quanta ſint ea bona quæ Deus
ſuis cultoribus promiſit. Si enim inimicis
ſuis, qui ipſum aſſiduè iniuriis afficiunt, tri-
buit iſta temporalia, quæ multis adeò viden-
tur ſplendida: qualia & quanta ſunt ea, quæ
ſuis amicis & filiis toto corde ipſum colen-
tibus reſeruauit?

Denique hæc ratio prouidentia maxime
commendat diuinam benignitatem, quæ
dum lentè procedit ad vindictam, expectat
peccatores ad pœnitentiam. Neque tamen
omnino expers eſt iuſtitia & ſeueritatis; quia
ſæpè miris modis etiam in hac vita peccata
punit, vt homines intelligant illum non dor-
mire, ſed ſuo tempore omnium rationem
exacturum. Ex quibus patet, hanc prouiden-
tiam, quæ tantam perturbationem in rebus
humanis permittit, eſſe perfectiſſimam, &
ſumma ratione ſubnixam. Illa enim pertur-
batio ordinis eſt temporalis, & quaſi mo-
mentanea, breuiq; æterna quiete & *Αρετή*
commutabitur. Qui hoc conſiderat, non
ſolùm hac rerum humanarum iactatione
non

non offendetur; sed admirabitur, & laudabit diuinam prouidentiam, quæ tam sapienti consilio illam permittit.

*Secundum Argumentum contra
Prouidentiam.*

168 **E**XPERIENTIA docet, cuique sua ferè negotia succedere pro ratione industriæ quam adhibet, non pro ratione iuris quod obtinet: vnde plerumque qui iniquissimas causas fouent, superiores euadunt. Quod est indicium quemque suæ relictum prouidentia, nec aliam homini quærendam. Vide supra cap. 1. num. 5. Hoc argumento vsus est ante aliquot annos quidam Dux hæreticorum multis victoriis clarus: cui cùm quidam Princeps Catholicus ab illo in bello captus, diuinam prouidentiam commemoraret, ille subridens, manu ensis sui capulo admota, respondit, Hac prouidentia nitendum.

Respondeo huius argumenti solutionem patère ex superiore. Idcirco enim plerumque negotia hominibus secundum industriam quam adhibent, succedunt: quia suprema prouidentia statuit permittere, vt res, durante hoc æuo vitæ mortalis, suis agantur motibus, laxissimis habenis in vtramque partem naturæ humanæ concessis. Itaque vbi maior industria vel potentia, ibi plerumque suc-

successus felicior : non vbi maior iustitia vel æquitas. Cur autem hoc ita statuerit , suprà multæ rationes allatæ.

Adde , Etsi plerumque conatus iniquo- 169
rum videantur ipsis ad tempus ex voto suc-
cedere , cùm potentia prævalent : id tamen
non est diuturnum , & illa prosperitas sæpè
multis aduersitatibus & afflictionibus tem-
peratur. Nam plerique vel in ipsis exordiis ,
vel in progressu , cùm se planè firmos & se-
curos existimant , miserrimè euertuntur. Vi-
dere id est Primò in celeberrimis monar-
chiis , quæ suis temporibus maximè floue-
rūt. Nam Assyriorum monarchia euersa est
à Chaldæis : Chaldæorum à Persis & Me-
dis : Persarum à Græcis : Græcorum à Ro-
manis : & Romanorum nunc mitè accisa ,
& ad magnas angustias redacta. Deinde in
singulis monarchiis quantæ extitere calami-
tates , & clades etiam eorum qui potentissi-
mi videbantur ? Nabuchodonosor in sum-
ma prosperitate post tot gentes subactas &
euerfas , repentè cælesti sententia perculsus ,
ad loca deserta & ferarum vitam ablegatur.
Balthazar eius nepos epulis & lætitiæ dedi-
tus , eadem nocte capta ciuitate , occiditur.
Cyrus post tot victorias , miserrimè à Scy-
this , amisso exercitu , trucidatur. Xerxes cum
exercitu in quo tricies centena millia pugna-
torum ,

torum, à Græcis turpiter vincitur & pænè deletur. Alexander Magnus, deleto Persarum imperio, & aliis plurimis regnis breui tempore subactis, absque herede moritur; & suis Ducibus regna parta diuisit: qui paulò post mutuis cladibus se confecere, & Romanis in prædam cessere. Ipsi verò Romani quantis laboribus & incommodis creuere? Quot cladibus sæpè attriti, & pænè vsque ad internecionem deleti? Quot bellis intestinis afflicti? Quantas suorum Ducum & Imperatorum crudelitates perpeSSI? Quot eorum Duces & Imperatores post infinitas curas & labores tandem crudeliter occisi, & ignominiosè tractati? Infinitum esset omnia persequi. Si quis enim historias tum veteres, tum recentiores lustret, singulis sæculis inueniet plurimos, quorum iniqui conatus, etsi potentia & armis essent instructissimi, infelices exitus habuere, prouidentia numinis manifestè se inferente, & iniquas molitiones disturbante; iuxta illud Psalmi: *Domini dissipat consilia gentium: reprobatur autem cogitationes populorum, & reprobatur consilia Principum. Consilium autem Domini in æternum manet: cogitationes eius in generationem & generationem.*

Psal. 32.

Ter-

Tertium Argumentum.

VIDEMVS res eas quæ natura constant, 170
semper eodem modo procedere, eundemque cursum & ordinem tenere; solem oriri, occumbere, remeare in suos circulos, suoque accessu & recessu solitas anni tempestates efficere: item sublunaria omnia oriri & occidere, & alia ex aliis sine fine procreari ad speciei perpetuitatem. Atqui hæc omnia vi naturæ, quæ tantum raturum ordinem tenere consuevit, ita procedunt: ac proinde præter naturam nulla alia providentia requirenda; nulla præmia aut supplicia expectanda.

Respondeo: Hoc argumento nouissimis temporibus homines Atheos vsuros, insinuat S. Petrus Epist. 2. cap. 7. *Venient, inquit, in nouissimis diebus in deceptione illusores* (qui mysteria fidei nostræ irrident) *iuxta proprias concupiscentias ambulantes, dicentes: Vbi est promissio aut aduentus eius? Ex quo enim Patres dormierunt, omnia sic perseverant ab initio creaturae.* Ad quod ipse respondet: Promissiones diuinas quibus æternum regnum promisit, non esse idcirco vacuas putandas, quod videantur in longum differri: quia quod nobis longum, Deo est breuissimum: cum mille anni, apud eum qui æternitatem

P

com-

complectitur, sint instar diei vnus, imò instar momenti. Deinde omnem illam moram procedere ex illius benignitate, qua omnes ad salutem expectat. Errare verò eos, qui mundum in eodem semper statu perseuerare existimant: nam & olim aquis deletum, & in futurum igni delendum reseruari: tunc novos cælos & nouam terram exhibitum iri. His adde, omnia ea quæ naturæ vi effici videntur, esse opera intelligentiæ & prouidentię: tantum abest vt hæc inter se pugnent. Nam & cælorum motus, & astorum situs, & terrarum, montium, fluminum, marium dispositionem; & animantium ac plantarum formas, ortus, incrementa, propagationes, opus esse prouidentię, supra luculentè demonstratum. Neque constantia rerum prouidentiam excludit, cum hanc ab ipsa prouidentia acceperint, vt seruiant humano generi, donec terminus huius æui mortalis à Deo præstitutus aduenerit.

Quartum Argumentum.

- 171 **Q**UARTVM Argumentũ sumitur ex similitudine nascendi, crescendi, senescendi, moriendi, quæ hominibus intercedit cum bestiis: & ex membrorum conformitate. Hinc enim videtur rectè colligi, ita homines funditus extingui per mortẽ, sicut cetera animatia.

Respon-

Respondeo id pessimè colligi. Etsi enim corporis affectibus homo sit similis bestiis, animi tamen conditione illis infinitè est præstantior: adeò ut animo sit sublimior magisque affinis Deo & spiritibus incorporeis, quàm corpore bestiis. Itaque nihil mirum si corpore tabescènt animus superstes maneat, & spiritibus aggregetur. Verùm hoc argumentum potius ad librum secundum pertinet, ubi ex professo de animorum immortalitate agitur: secundariò tamen & ex consequenti oppugnat etiam Providentiam.

Quintum Argumentum.

SI est aliquod numen, credibile est illud 174
 Serebus humanis se non miscere, sed seipso beatum & contentum, æternum ævum ducere, semotum à curis mortalium. Tum quia indignum videtur eius maiestate, ad tam vilia & minuta descendere: tum quia seipso beatum, nihil extra se quærit: tum quia per res humanas, utcunque se habeant, nulla potest ei fieri accessio, aut decessio. Vide suprà num. 7.

Respondeo ita ratiocinari Epicurum, Lucretium, Plinium, & alios quosdam veterum, qui diuinam mentem angustiis suæ mentis metiebantur. Et sanè si mens diuina foret limitata, neque vim intelligendi infi-

nitam haberet, ratio illa esset valdè probabilis. Tunc enim longè melius esset ipsam rebus humanis non attendere: tum quia sine molestia tam *multiplici & tristi ministerio* (vt Plinius loquitur) non posset vacare, tum quia à melioribus & iucundioribus auocaretur. Sed nimis rudis, Deoque indigna est ista imaginatio. Sicuti enim essentia diuina est infinita, & vniuersum ens in se eminenter continet: ita etiam intelligentia infinita est, & ad omne intelligibile se extendit, idque absque labore & conatu, sola naturæ necessitate. Neque multiplicitas rerum impedit attentionem ad singula: quia tam perfectè considerat singula, quàm si ea sola proposita haberet, cum ad singula lumen infinitum conferat. Insinuat illud præclare Scriptura sacra, tum aliis locis plurimis, tum Ecclesiastici 23. *Ὁ φθαλμὸς κυρίου μυριοπλασίως ἡλίου φωτενότερος, ὁπβλέποντες πᾶσας ὁδοὺς ἀνθρώπων καὶ κατανόουντες εἰς ὑπόκρυφα μέρη. Oculi Domini decies millies (infinities) sole lucidiores, inspicientes omnes vias hominum, & considerantes in absconditis partibus;* id est, omnia quæ in penitissimis cordis recessibus latent. Itaque hæc consideratio minimorum non est indigna diuina Maiestate, sed maximè digna; imò necessaria: quia alioquin in Deo esset infinitarum rerum ignoran-

norantia. Et quamuis res & actiones humanae viles sint; non tamen est vilis earum intelligentia, & diiudicatio: neque vilis est iustitiæ ratio, qua illis congrua merces persoluitur.

Nec obstat quòd Deus seipso sit plenissime beatus. Hoc enim solum probat, ipsum extra se nihil agere, neque curam rerum gerere eo fine, ut inde beator reddatur, aut sibi aliquid commodi acquirat: non autem probat absolute, eum nihil extra se moliri. Quia cum sit summum bonum, atque adeò totius bonitatis plenitudo, totum vniuersi bonum eminenter in se continens; congruentissimum erat, ut illum fontem apud se conclusum non retineret, sed sineret emanare in creaturas secundum varios gradus & species rerum, & mensuram capacitatis cuiusque, singula in suo ordine creando, formando, conseruando, & suum in finem dirigendo. Bonum enim est sui diffusiuum. Nulla itaque inopia, nulla propriæ utilitatis aut commodi ratio Deum impulit ad res moliendas, & gubernandas; sed supereminens ipsius bonitas: nimirum, ut ea in res creatas pro earum captu diffunderetur, & cum eis communicaretur. Denique rerum etiam minutissimarum: ut muscarum, culicum, vermiculorum notitiam & prouidentiam gerere, su-

prà copiosè demonstratum est : quantò magis hominum, qui animo ei quàm simillimi.

Dicer aliquis, Deum quidem scire quid homines agant, dicant, cogitent, nihil tamen curare : sicut magni Principes, quorum status in tuto est, parum curant, quid plebs de illis dicat. Sed hoc absurdissimè dicitur.

Cùm enim homo sit opus Dei, cuius menti ipse leges iustitiæ omniq̃ue virtutis imprefit; maximè ad illum pertinet illius curam gerere, vt secundùm illas leges viuat. Ad opificem enim pertinet curare suum opus, vt perfectum euadat : ad legislatorom, vt leges, quas suis subditis imposuit, feruentur. Parentis interest quomodo se gerant filij. Deus autem omnium parens. Nemo architectum probauerit, qui palatium à se constructum, impolitum relinquit, & conseruare negligit, ita vt nemini sit commodum : nemo legislatorem, qui conditis optimis legibus, nullam curam adhibet vt executioni mandentur, sed omnia permittit subditorum arbitrio : nemo parentem, cui nulla de filiorum moribus & vita est cura. Quàntò minùs probandus esset ille Deus, qui tam eximium opus à se factum negligeret, & nullam rerum humanarum curam gereret, præsertim cùm facillimè, & absque omni labore possit eas optimè gubernare? Denique

que quis est Principum, qui non magnopere curet, quomodo subditi in sua præsentia & conspectu se gerant, quid dicant, quid agant; an leges seruent, an eas violent & contemnant; honorem an contumeliam, laudes an conuitia ingerant? Imò quis priuatus adeò brutus est, qui iniurias & honores non sentiat? Atqui Deus vbique præsens est: omnia audit, omnia videt, omnes cordis latebras intropicit; omnia in eius oculis & præsentia geruntur. Fatuum itaque est, putare eum dictis, factis, & cogitatis hominum non tangi, non exacerbari, non delectari. Quò maior est illa maiestas, illa sapientia & potentia, & quò maiora eius in nos beneficia: eò magis & acrius omnes iniurias & legum suarum præuaricationes sentit & ponderat, & suo tempore vindicabit.

Haëtenus de prouidentia numinis: atque hîc esto finis lib. I. Sequitur liber secundus, qui de animi immortalitate.

D E
IMMORTALITATE
ANIMORVM
LIBER II.



IBRO superiore demonstraui-
mus diuinam prouidentiam ;
hoc veiò probanda nobis ani-
mi immortalitas. Sunt quidem
hæc duo dogmata. adeò inter
se connexa, vt se vicissim statuunt & tollant.
Si enim est prouidentia, necesse est animum
post hanc vitam superesse, vt pro meritis ac-
cipiat. Et si animus post hanc vitam manet
superstes, oportet esse prouidentiam, quæ
illi pro meritis compenset, vt suprà ex Chry-
sostomo obiter ostensum est. Rursus sublata
prouidentia, tollitur animæ immortalitas: &
sublata animæ immortalitate, necesse est
tollì prouidentiam ; qua de re plura suo lo-
co dicturi sumus. Quia tamen dogma im-
mortalitatis multis aliis rationibus stabiliri
potest, nec pauci sunt qui de eo ambigant,
etsi numen non omnino negare videantur;
operæpretium censui hanc rem accuratius
& seorsim discutere.

Agi-

Agimus de anima hominis, non brutorum. Hanc enim mortalem esse constat, cum nihi appetat, nec vlla re delectetur, nisi quæ ad corporis commodum aut voluptatem pertineat. Igitur animam humanam (quæ & *animus* & *mens* dicitur, quatenus intelligentia & libertate prædita est) immortalem esse, multis argumentis ostendi potest, quæ breuiter & dilucidè in medium adferemus.

Ac primùm si auctoritate agendum sit, 2
quicumq; sapientia maximè fuere illustres, statuerunt animos hominum esse immortales. nimirum sapientes Hebræorum, Chaldæorum, Ægyptiorum cum suo Trismegisto Mercurio; Indorum, Gallorum, quos Druidas vocabant; Pythagorici & Platonici cum suis antesignanis: Stoici quoque animum post funera superstitem esse voluerūt: etsi in eo plerique eorum hallucinati sint, quòd existimarent omnes animos esse particulas ex anima mundi (quam Deum esse arbitrabantur) delibatas, & certa specie insignitas: quam speciem in mundi conflagratione essent perdituri, eaque amissa in simplicem formam, nimirum in animam mundi, reuersuri: sicut corpora mixta resoluntur in elementa ex quibus formata. Quid Aristoteles hîc senserit, est satis ambiguum:

P 5

quia

234 DE IMMORTALITATE ANIMORVM
quia variè loquitur. Libro tamen secundo
De ortu animalium cap. 3. apertè dicit *solam mentem foris subire corpus, & solam quid
diuinum esse: eò quòd ipsius operationi corpo-
ralis operatio non communicet.* Ceteras ani-
mas vult in materia vi feminis ingigni, eò
quòd omnis earum operatio à corpore pen-
deat. Hic manifestè docet animum huma-
num à corpore non pendere, ac proinde vi
feminis non nasci, sed foris venire. Vnde ple-
rique Aristotelis sectatores hanc sententiam
illi tribuunt. Denique eandem sententiam
clarè & indubitanter tenuere omnes qui vi-
tæ sanctitate, vel insigni probitate, vel pro-
phetiæ dono, vel miraculorum patratiōe
celebres extiterunt. Qui illam negarunt, fe-
rè improbi fuere & impij; vt Epicurei, &
Athei.

Præcipua
ratio sen-
tentia ad-
uersa.

Si verò rationibus philosophicis hæc res
discutiatur, parum quoque aduersæ senten-
tiæ prælidij. nam ratio præcipua qua aduer-
sa sententia nititur, est valdè infirma. Ea ex
similitudine corporum, quæ hominibus
cum brutis animantibus intercedit, desumi-
tur. Videmus enim homines & bruta simi-
liter concipi, formari, nasci, ali, augescere,
senescere, mori: similibus constare partibus
tum internis, tum externis, quæ singulæ si-
miles vsus in vtrisque habeant. Sicut ergo
mo-

moriente & expirante bruto, in nihilum euanescit eius anima, nec quidquam illius post corpus superest: ita dicendū videtur, moriente homine, animam eius in nihilum redire.

Verū hęc ratio nullius est momenti. *Soluitur ea ratio.*
 Etsi enim inter homines & bruta magna sit affinitas, si corporis structura, & singularum partium vsus spectetur: inter animam tamen hominis, qua parte ratione prædita est, & Mens dicitur, & animam brutorum, infinita est distantia: ex qua meritò colligimus, illam utpote superioris & diuini ordinis, non interire; etsi hęc vnà cum corpore extinguatur.

Nam bestię nullo modo percipiunt ea ⁴
 quæ ad homines pertinent: nec vlla est inter *Brutorum cognitio & appetitio valde angusta.*
 hos & illas negotiorum & cōsiliorum communicatio. Nesciunt canes & equi, an dominus sit diues an pauper, nobilis an ignobilis, senex an iuuenis, sanus an æger, matrimonio iunctus an cælebs, pius an impius, Italus an Germanus; nihil horum distinguunt, aut apprehendunt: vnde nec gaudium, nec inœrorem ex iis quæ hominibus obueniunt, concipere possunt. Vident solem & lunam, arbores & domos, vrbes & villas: sed non cogitant quid illa sint, aut quem vsu habeant, aut vnde proueniant. Tota eorum notitia ad pauca est restricta & limi-

limitata, nempe ad ea quæ ad pastum & veneria pertinent, vel naturæ eorum sunt amica aut inimica : de his solis pro suo captu iudicant, idque confuso & bruto modo, sub imagine commodi vel incommodi, convenientis vel aduersantis, ea concipiendo. Non alia ratione amant herum, nisi quia per phantasiam apprehendunt illū specie commodi, quod pabulum illis suppeditet, vel corpus benè afficiat : nec alia ratione ovis fugit lupum, nisi quia naturæ instinctu concipit ut sibi aduersum : causas commodi & incommodi non cogitant.

*Brutorum
animantium
animas esse
mortales.*

Itaque cum bruta animantia habeant notitiam adeò rudem & restrictam, nec quidquam norint, nisi quod ad corporis & vitæ conseruationem pertinet, nec vlla re delectentur aut doleant, nisi quatenus ea res corpus benè aut malè afficit : manifestè colligimus, animam eorum simul cum corpore interire. Si enim anima cognoscendo & appetendo non potest se eleuare ad aliquid quod est supra corpus, & propriè ad naturam spiritalem pertinet, perspicuum est ipsam non esse spiritalem, nec supra corpus eleuatam, sed naturæ corporæ penitus immerksam. Substantia enim rei cognoscitur ex operatione : operatio verò ex obiecto circa quod fit. Quæ cum hoc obiectum eiusque ratio

ratio formalis (quæ est commodum vel incommodum corporis) corpus tantum respiciat; necesse est substantiam animæ corpori adstrictam esse.

At longè aliter se res habet in homine.

Prima RATIO.

QUIA cognitio eius est omnino illimitata. Concipit enim omnia rerum genera, omnes gradus naturarum; neque solum ea quæ sunt, sed etiam quæ non sunt. Fingit animo quidlibet, & novos in mente sua architectatur mundos: concipit rationes rerum vniuersales, à singularibus, à materia sensibili, à loco & tempore abstractas, easque per se contemplatur. Inquirit rerum omnium rationes, causas, effectus, proprietates, & de omnibus iudicat. Hæc omnia manifesta sunt argumenta, mentem humanam non esse corpori immerfam, sed substantiam spiritalem, à corpore separabilem. Nam omnes hi actus nullum habent ordinem ad corporis commoda, sed sunt ornamenta solius animi. Ipsa quoque obiecta non concipiuntur ut corpori amica aut sensui, gustandi vel tangendi gratia; sed secundum proprias rationes, ut vera & æternis rationibus conformia, quo modo ad solum animum, & nullo modo ad corpus pertinent.

Secun-

5
*Cognitio
hominis il-
limitata.*

Secunda RATIO.

- 6 **Q**UIA appetitio humana similiter est il-
limitata & infinita. Non enim solum
appetit ea quæ ad corpus pertinent, nempe
pastum & venerea, sicut bestia, sed exten-
dit se ad omne verum, appetendo omnis ve-
ri notitiam & contemplationem: nec solum
ad omne verum, sed etiam ad omne bonum,
ad quod appetitus & amor omnium & sin-
gularum rerum se profert. Singulae enim res
suo modo amant quod naturæ ipsarum est
consentaneum. Homo verò omnia illa suo
amore complectitur, cum non solum sibi
commoda appetat, sed etiam cuique rei ea
omnia, quæ ipsi sunt cōsentanea, exoptet, &
quantum in se est procuret. Itaque & sibi &
rebus omnibus appetit omnia congrua: sibi
in cognitione, seu ut Philosophi loquuntur,
in esse cognito: rebus singulis in esse reali.
Hinc patet quantopere vis appetendi in ho-
mine sit eleuata supra materiam, & corpo-
ream conditionem.

Tertia RATIO.

- 7 **I**DEM confirmatur ex eius delectationibus
& oblectamentis. Delectatur enim maxi-
mè contemplatione veritatis, & ipsa verita-
te: delectatur rerum omnium pulchritu-
dine

dine & specie , & mirando quod in singulis elucet artificio : delectatur proportionibus , & mathematicis disciplinis : delectatur operibus religionis , pietatis , iustitiæ , & aliarum virtutum officiis : delectatur fama , honore , laude , gloria , imperio . Hæc omnia sunt propria animi bona , eaque homo tanti facit , ut omnia quæ ad corporis commoda pertinent , contemnat , & nihili æstimet . Itaque cum mentis humanæ tanta sit capacitas , & tam latè patens sinus , ut omnia complectatur , & totam entis latitudinem , altitudinem , & profunditatem ambiat , & in se ipsa , ac intra se condât ; habeatque proprias notiones , appetitiones , amores , delectationes , & propria ornamenta , quæ nihil ad corporis commoda pertinent , idque circa obiecta spiritalia , vel ea quæ à corporis commodis sunt aliena , & hæc longè pluris æstimet quàm corporis bona : perspicuum est eam longè corpore esse superiorem , & diuinæ cuiusdam indolis , quæ à carnis commercio minimè pendeat .

Quarta RATIO.

ID E M probatur ex dominio animi supra corpus , & arbitrij libertate . Ita enim dominatur animus corpori & omnibus affectibus , ut nullis vel bonis oblatiis , vel tormentis

242 DE IMMORTALITATE ANIMORVM
non esset capax boni infiniti: imò nec desiderium suum ultra ea, quæ vitæ corporali sunt accommodata, proferre posset; vt in ceteris animantibus cernitur. Corpus enim & materia, formarum appetitum & capacitatem restringit.

- II Vnde quò forma est magis materialis, eò angustior & minùs capax: quò verò est eleuatioꝝ & spiritalior, eò amplior & capacioꝝ, & ad plura se extendit, vt se perficiat. quòd perspicuũ fiet, si quis formarum gradus consideret. Nam res inanimatæ, vt saxa & metalla, earumque formæ, quia maximè materiales, nihil extra se appetunt, nec aliquid ad suam perfectionem moluntur, sed in se quietæ & mortuæ manent. Plantæ verò, quia earum forma magis est eleuata, suo modo appetunt alimentum, illudque extrinsecus attrahunt, immutant, distribuunt per vniuersum corpus, & in se conuertunt; deinde flores, fructus, semina, & frutices emittunt; sicque assidue ad sui augmentum, conseruationem, perfectionem & propagationem operantur. Verum nullum habent alimenti sensum, nullam inde voluptatem, vel ex contrario dolorem percipiunt. Animalia, quòd forma eorum in altiori sit gradu, non solum faciunt omnia quæ plantæ, sed etiam habent notitiam & sen-

*Quinque
formatum
gradus.*

OI

*quod
est
sensu*

sen-

sensum sui alimenti, ad illud se mouent, illud inquirunt, ex eius usu voluptatem, ex inopia molestiam percipiunt. Verum tota eorum notitia & affectio inter angustos limites est restricta. solum enim ad corporis commoda & incommoda sese extendit, ita ut nihil aliud percipiant, nihil aliud appetant & fugiant, nulla alia re delectentur & doleant: manifestum id est indicium, animam eorum à corpore pendere. Ideò enim nihil percipit, nihil appetit, nisi ad corporis vel vitæ corporalis quietem & commodum pertinens, quia sine corpore esse non potest: & ita totum ipsius bonum à corporis bono dependet. Supra animalia cetera est homo, anima rationali seu mente præditus, cuius notitia & affectio non est limitata ad ea quæ corporali vitæ congruunt, sed omnino illimitata, extendens se ad omne verum, & omne bonum (ut supra ostensum est) quæ nullum ordinem ad corpus habent. Unde eius capacitas tum in cognoscendo, tum in appetendo, tum in delectatione percipienda est infinita, non secus ac capacitas spirituum separatorum, seu Intelligentiarum cælestium: quod est euident argumentum animum hominis non esse corpori astrictum.

Quod etiam inde confirmari potest. Idcirco enim substantiæ separatæ habent vim

12

Q. 2.

intel-

240 DE IMMORTALITATE ANIMORVM
 tis intentatis aut etiã irrogatis cogi possit, vt
 aliquid dicat aut faciat quod non vult, aut
 propositum mutet: vt infinitis constat ex-
 emplis. Idem ostendit Iosephus in opuscu-
 lo cui titulus, *Ὁτι ἀντοκράτωρ ἦν παθῶν ὁ
 λογισμός*, *Quod Ratio affectuum sit domina.*
 Huius rei non potest alia causa assignari, ni-
 si quia animus à corpore minimè pendet, sed
 sui iuris est, sui mancipij, sui arbitrij & con-
 silij. Vnde ea quæ corporis sunt, ita æstimat,
 ac si ad se minimè pertinerent, suis bonis ni-
 xus & contentus. Contrarium cernitur in
 bestiis. Earum enim anima cùm tota sit cor-
 pori mancipata, & secundùm suum esse à
 corpore pendeat, necessariò fertur ad ea quæ
 corpori sunt commoda, & fugit ea quæ cor-
 pori aduersa. Vnde nec affectus suos, nec ex-
 ternos motus habet in sua potestate.

Quinta RATIO.

9 **S**i animus omnino penderet à corpore,
 nec posset extincto corpore consistere,
 nihil adeò horreret ac mortem, nec quid-
 quam adeò illi esset charum, quod non li-
 benter ad mortem arcendam expenderet.
 Mors enim corporis animum omni bono
 spoliaret, essetque summum eius malum; &
 vita præsens summum bonum. Itaque nihil
 æquè ac ipsa mors, qua funditus interiret, ei
 esset

esset pertimescendum; & nihil perinde vt
vita præsens foret amandum, prosequen-
dum & tuendum. Atqui contrarium docet
experientia quotidiana. Plurimi enim vitam
istam parui æstimant, etsi omnibus bonis
fortunæ circumfluentem, eamque pro lau-
de, pro fama, pro libertate, pro vitando de-
decere, pro virtutis pulchritudine libenter
profundunt: nec desunt qui manu sua illam
abrumphant, vt dedecus aliquod vel mole-
stiam animi declinent, vel laudem conse-
quantur. tanti quæ ad animum pertinent
æstimantur præ illis quæ ad corpus.

Sexta RATIO.

TANTA est capacitas animi & amplitu-
do, vt nullæ opes, nullæ dignitates, nul-
la regna, nec totius quidem orbis imperium,
nullæ voluptates, nulla denique bona finita
ipsius desiderium explere possint, sed opus
ad hoc sit bono impenso & illimitato, in
quo totius boni plenitudo eminenter conti-
neatur. Insinuat hoc Propheta cum ait: *San-
tiabor cum apparuerit gloria tua.* quasi dicat:
Nulla res alia me satiare poterit, nisi mani-
festatio gloriæ tuæ, quæ bonum infinitum.
Et S. Augustinus: *Fecisti nos ad te; & inque-
tum est cor nostrum donec requiescat in te.* Si
ad corporis angustias animus esset restrictus,

Q

non

10

Psal. 16.

Lib. 1. con-
fess. cap. 1.

limitata, nempe ad ea quæ ad pastum & venerea pertinent, vel naturæ eorum sunt amica aut inimica: de his solis pro suo captu iudicant, idque confuso & bruto modo, sub imagine commodi vel incommodi, conuenientis vel aduersantis, ea concipiendo. Non alia ratione amant herum, nisi quia per phantasiam apprehendunt illū specie commodi, quodd pabulum illis suppeditet, vel corpus benè afficiat: nec alia ratione ouis fugit lupum, nisi quia naturæ instinctu concipit vt sibi aduersum: causas commodi & incommodi non cogitant.

*Brutorum
animantiū
animas esse
mortales.*

Itaque cūm bruta animantia habeant notitiam adedò rudem & restrictam, nec quidquam norint, nisi quod ad corporis & vitæ conseruationem pertinet, nec vlla re delectentur aut doleant, nisi quatenus ea res corpus benè aut malè afficit: manifestè colligimus, animam eorum simul cum corpore interire. Si enim anima cognoscendo & appetendo non potest se eleuare ad aliquid quod est supra corpus, & propriè ad naturam spiritalem pertinet; perspicuum est ipsam non esse spiritalem, nec supra corpus eleuatam, sed naturæ corporeæ penitus immersam. Substantia enim rei cognoscitur ex operatione: operatio verò ex obiecto circa quod versatur. Itaque cūm hoc obiectum eiusque ratio

ratio formalis (quæ est commodum vel incommodum corporis) corpus tantum respiciat; necesse est substantiam animæ corpori adstrictam esse.

At longè aliter se res habet in homine.

Prima RATIO.

QUIA cognitio eius est omnino illimitata. Concipit enim omnia rerum genera, omnes gradus naturarum; neque solum ea quæ sunt, sed etiam quæ non sunt. Fingit animo quidlibet, & novos in mente sua architectatur mundos: concipit rationes rerum vniuersales, à singularibus, à materia sensibili, à loco & tempore abstractas, easque per se contemplatur. Inquirit rerum omnium rationes, causas, effectus, proprietates, & de omnibus iudicat. Hæc omnia manifesta sunt argumenta, mentem humanam non esse corpori immersam, sed substantiam spiritalem, à corpore separabilem. Nam omnes hi actus nullum habent ordinem ad corporis commoda, sed sunt ornamenta solius animi. Ipsa quoque obiecta non concipiuntur ut corpori amica aut sensui, gustandi vel tangendi gratia; sed secundum proprias rationes, ut vera & æternis rationibus conformia, quo modo ad solum animum, & nullo modo ad corpus pertinent.

5
*Cognitio
hominis il-
limitata.*

Secun-

Secunda RATIO.

- 6 **Q**UIA appetitio humana similiter est il-
limitata & infinita. Non enim solum
appetit ea quæ ad corpus pertinent, nempe
pastum & venerea, sicut bestiarum, sed exten-
dit se ad omne verum, appetendo omnis ve-
ri notitiam & contemplationem: nec solum
ad omne verum, sed etiam ad omne bonum,
ad quod appetitus & amor omnium & sin-
gularum rerum se profert. Singulæ enim res
suo modo amant quod naturæ ipsarum est
consentaneum. Homo verò omnia illa suo
amore complectitur, cum non solum sibi
commoda appetat, sed etiam cuique rei ea
omnia, quæ ipsi sunt consentanea, exoptet, &
quantum in se est procuret. Itaque & sibi &
rebus omnibus appetit omnia congrua: sibi
in cognitione, seu ut Philosophi loquuntur,
in esse cognito: rebus singulis in esse reali.
Hinc patet quantopere vis appetendi in ho-
mine sit eleuata supra materiam, & corpo-
ream conditionem.

Tertia RATIO.

- 7 **I**DEM confirmatur ex eius delectationibus
& oblectamentis. Delectatur enim maxi-
mè contemplatione veritatis, & ipsa verita-
te: delectatur rerum omnium pulchritu-
dine

dine & specie , & mirando quod in singulis elucet artificio : delectatur proportionibus , & mathematicis disciplinis : delectatur operibus religionis , pietatis , iustitiæ , & aliarum virtutum officiis : delectatur fama , honore , laude , gloria , imperio. Hæc omnia sunt propria animi bona , eaque homo tanti facit , ut omnia quæ ad corporis comoda pertinent , contemnat , & nihili æstimet. Itaque cum mentis humanæ tanta sit capacitas , & tam latè patens sinus , ut omnia complectatur , & totam entis latitudinem , altitudinem , & profunditatem ambiat , & in se ipsa , ac intra se condat ; habeatque proprias notiones , appetitiones , amores , delectationes , & propria ornamenta , quæ nihil ad corporis comoda pertinent , idque circa obiecta spiritalia , vel ea quæ à corporis commodis sunt aliena , & hæc longè pluris æstimet quàm corporis bona : perspicuum est eam longè corpore esse superiorem , & diuinæ cuiusdam indolis , quæ à carnis commercio minimè pendeat.

Quarta RATIO.

IDEM probatur ex dominio animi supra corpus , & arbitrij libertate. Ita enim dominatur animus corpori & omnibus affectibus , ut nullis vel bonis oblatiis , vel tormen-
tis

240 DE IMMORTALITATE ANIMORVM
 tis intentatis aut etiã irrogatis cogi possit, vt
 aliquid dicat aut faciat quod non vult, aut
 propositum mutet: vt infinitis constat ex-
 emplis. Idem ostendit Iosephus in opuscu-
 lo cui titulus, Ὁ πῶς ἀντικράτῃς ἡ παθὼν ὁ
 λογισμός, *Quod Ratio affectuum sit domina.*
 Huius rei non potest alia causa assignari, ni-
 si quia animus à corpore minimè pendet, sed
 sui iuris est, sui mancipij, sui arbitrij & con-
 silij. Vnde ea quæ corporis sunt, ita æstimat,
 ac si ad se minimè pertinerent, suis bonis ni-
 xus & contentus. Contrarium cernitur in
 bestiis. Earum enim anima cùm tota sit cor-
 pori mancipata, & secundùm suum esse à
 corpore pendeat, necessariò fertur ad ea quæ
 corpori sunt commoda, & fugit ea quæ cor-
 pori aduersa. Vnde nec affectus suos, nec ex-
 ternos motus habet in sua potestate.

Quinta RATIO.

- 9 **S**i animus omnino penderet à corpore,
 nec posset extincto corpore consistere,
 nihil adedò horreret ac mortem, nec quid-
 quam adedò illi esset charum, quod non li-
 benter ad mortem arcendam expenderet.
 Mors enim corporis animum omni bono
 spoliaret, essetque summum eius malum; &
 vita præsens summum bonum. Itaque nihil
 æque ac ipsa mors, qua funditus interiret, ei
 esset

esset pertimescendum; & nihil perinde ut
vita præsens foret amandum, prosequen-
dum & tuendum. Atqui contrarium docet
experientia quotidiana. Plurimi enim vitam
istam parvi æstimant, etsi omnibus bonis
fortunæ circumfluentem, eamque pro lau-
de, pro fama, pro libertate, pro vitando de-
decere, pro virtutis pulchritudine libenter
profundunt: nec desunt qui manu sua illam
abrumperent, ut dedecus aliquod vel mole-
stiam animi declinent, vel laudem conse-
quantur. tanti quæ ad animum pertinent
æstimantur præ illis quæ ad corpus.

Sexta RATIO.

TANTA est capacitas animi & amplitu-
do, ut nullæ opes, nullæ dignitates, nul-
la regna, nec totius quidem orbis imperium,
nullæ voluptates, nulla denique bona finita
ipsius desiderium explere possint, sed opus
ad hoc sit bono immenso & illimitato, in
quo totius boni plenitudo eminenter conti-
neatur. Insinuat hoc Propheta cum ait: *Sa-*
tiabor cum apparuerit gloria tua. quasi dicat:
Nulla res alia me satiare poterit, nisi mani-
festatio gloriæ tuæ, quæ bonum infinitum.
Et S. Augustinus: *Fecisti nos ad te. & inque-*
tum est cor nostrum donec requiescat in te. Si
ad corporis angustias animus esset restrictus,

non

10

Psal. 16.

Lib. 1. con-
fess. cap. 1.

242 DE IMMORTALITATE ANIMORVM
non esset capax boni infiniti: imò nec desiderium suum ultra ea, quæ vitæ corporali sunt accommodata, proferre posset; vt in ceteris animantibus cernitur. Corpus enim & materia, formarum appetitum & capacitatem restringit.

- II Vnde quò forma est magis materialis, eò angustior & minùs capax: quò verò est eleuatiór & spiritalior, eò amplior & capaciór, & ad plura se extendit; vt se perficiat. quòd perspicuùm fiet, si quis formarum gradus consideret. Nam res inanimatæ, vt saxa & metalla, earumque formæ, quia maximè materiales, nihil extra se appetunt, nec aliquid ad suam perfectionem moliuntur, sed in se quietæ & mortuæ manent. Plantæ verò, quia earum forma magis est eleuata, suo modo appetunt alimentum, illudque extrinsecus attrahunt, immutant, distribuunt per vniuersum corpus, & in se conuertunt; deinde flores, fructus, semina, & frutices emittunt; sicque assidue ad sui augmentum, conseruationem, perfectionem & propagationem operantur. Verum nullum habent alimentum sensum, nullam inde voluptatem, vel ex contrario dolorem percipiunt. Animalia, quòd forma eorum in altiori sit gradu, non solum faciunt omnia quæ plantæ, sed etiam habent notitiam & sen-

*Quinque
formarum
gradus.*

OI

cap: 1. 42

cap: 1. 42

sensum sui alimenti, ad illud se mouent, illud inquirunt, ex eius usu voluptatem, ex inopia molestiam percipiunt. Verum tota eorum notitia & affectio inter angustos limites est restricta. solum enim ad corporis comoda & incommoda sese extendit, ita ut nihil aliud percipiant, nihil aliud appetant & fugiant, nulla alia re delectentur & doleant: manifestum id est indicium, animam eorum à corpore pendere. Ideò enim nihil percipit, nihil appetit, nisi ad corporis vel vitæ corporalis quietem & commodum pertinens, quia sine corpore esse non potest: & ita totum ipsius bonum à corporis bono dependet. Supra animalia cetera est homo, anima rationali seu mente præditus, cuius notitia & affectio non est limitata ad ea quæ corporali vitæ congruunt, sed omnino illimitata, extendens se ad omne verum, & omne bonum (ut supra ostensum est) quæ nullum ordinem ad corpus habent. Unde eius capacitas tum in cognoscendo, tum in appetendo, tum in delectatione percipienda est infinita, non secus ac capacitas spirituum separatorum, seu Intelligentiarum cælestium: quod est euidentis argumentum animum hominis non esse corpori astrictum.

Quod etiam inde confirmari potest. Idcirco enim substantiæ separatae habent vim

12

Q. 2.

intel-

Aristoteles
12. Meta-
phys. cap. 9.

intelligendi, & extendunt se ad totum ens, & ad omne verum ac bonum; quia sunt formæ simplices, eleuatæ supra materiam, ita ut ab ea non dependeant: ut passim tradunt philosophi. Vnde fieri non potest, ut sit aliqua substantia spiritalis, quin eo ipso sit intelligens. Itaque cum animum hominis videamus vi intelligendi præditum, & se ad totam entis latitudinem, & ad omne verum ac bonum expandere, non secus ac substantias separatas; dubitare non possumus, quin à materia non pendeat. Vbi enim inuenitur proprius & adæquatus effectus, ibi quoque necesse est reperiri propriam & adæquatam causam, unde effectus ille sequitur. Atqui in animo humano reperitur effectus, nempe vis intelligendi, & capacitas omnis veri & boni: ergo reperitur & causa, natura videlicet spiritalis à materia & corpore independens.

Septima RATIO.

- 13 **S**VNT in rerum natura aliquæ formæ viue, à materia secundum esse & modum essendi penitus separatæ: quas philosophi vocant Intelligentias, & substantias separatas; Christiani, spiritus & angelos. Sunt item aliquæ secundum esse & modum essendi materiæ penitus addictæ ac immersæ; quales sunt

sunt animæ brutorum animantium. Ergo oportet esse aliquas quæ medio modo se habeant, quæ secundum suum esse non pendeant à corpore, vt hac ex parte conueniant cum spiritibus separatis: secundum tamen modum essendi, nempe vt congruenti modo sint, corpus requirant: & ita conueniant cum animabus brutis. Tales sunt animi humani. Confirmatur, quia hic gradus rerum maximè videtur consentaneus, ne transeat ab extremo ad extremum sine medio, nimirum à natura penitus mortali, & corpori addicta, ad naturam penitus immortalē, & separatam à corpore. In medio enim erit natura partim mortalis, partim immortalis; mortalis secundum corpus, immortalis secundum animam: & ipsa anima secundum esse suum erit immortalis, spirituum suppar & socia; secundum modum existendi, & viuificationem corporis mortalis, vt ita dicam, est similis animabus brutorum. Perit enim vnio eius cum corpore, informatio, & viuificatio totius corporis, sicut in bestiis. Hinc fit vt homo contineat in se vires & facultates vtriusq; extremi, spirituum & brutorum; sitque corpore & sensibus similis brutis, mente spiritibus separatis. Vnde Platonici illum vocant horizontem Vniuersi. quia cum Vniuersum duabus partibus

Q 3

veluti

246 DE IMMORTALITATE ANIMORVM
 veluti hemisphæriis constet, natura spiritali
 & corporali, homo naturā spiritalem, quasi
 hemisphæriū superius connectit naturæ cor-
 porali, veluti hemisphærio inferiori, vtrius-
 que extremi particeps. Ob eandem causam
 vocatur *μικρόκοσμος*, mundus minor, quia
 omnes Vniuersi gradus in se complectitur;
 non secus ac mundus iste maior.

Οβταυα RATIO.

- 14 **A**CCEDIT quòd longè maior sit affinitas
 mentis humanæ cum spiritibus, quàm
 brutorum cum hominibus. Sicut enim spi-
 ritus habent notitiam & affectum nullo li-
 mite circumscriptū, & delectantur veritatis
 ac virtutis pulchritudine; ita etiam animus
 humanus: adeò vt hæc in re nulla sit inter
 animum & spiritus discrepantia, etsi sit ali-
 quod discrimen in actuum intellectus & vo-
 luntatis perfectione. Brutorum verò sensus
 omnis & affectus est ad pastum & venerem
 abiectus. Deinde mens humana societatem
 & amicitiam habet cum spiritibus, cum illis
 versatur, & sua negotia tractat, ab illis consi-
 lium & opem petit, de rebus illorum & statu
 cogitat, disquirat, disputat, iudicat, & simi-
 lem sibi statum exoptat. Nihil tale cernitur
 in brutis ad homines. Nihil enim de rebus
 hominum concipere possunt aut appetere,
 nul-

nullaque potest esse consiliorum communi-
catio. Itaque quod ad conditionem morta-
litis & immortalitatis attinet, mirandum
non est, si mens humana sequatur potius
conditionem spirituum, quibuscum tanta
ei cognatio, quam brutorum, à quibus im-
mense interuallo, atque adeò toto genere
distat.

Nona RATIO.

Si animus sine corpore esse non possit, 18
summum eius bonum consistet in vita
corporali, & voluptatibus corporis: & sum-
mum malum in corporis afflictione & mor-
te. Vnde Epicurei, & alij qui animum cum
corpore extingui voluerunt, summum bo-
num in corporis voluptate statuerunt. Idem
apertè ostendunt illi qui Sapientiae 2. con-
cludunt, in hac vita vacadum voluptatibus,
& hanc esse felicitatem hominis; eò quòd
post mortem nihil supersit. & qui Isaia 22.
dicunt: *Cemedamus & bibamus, cras enim
moriemur.*

Si ita est, laudabile erit vacare ventri &
abdomini, & studiosè sectari quidquid huc
pertinet, & ad hoc iuvat: quia laudabile est
sectari summum bonum, eoque omni tem-
pore frui. At contra videmus id probro dari,
& reprehendi tamquam fœdum, & homine

248 DE IMMORTALITATE ANIMORVM
indignum; & eos qui voluptatibus sunt de-
diti, in bestiarum censu locari. Nihil enim
adedò ad brutorum vilitatem hominem ab-
iicit, ac voluptas corporis, quæ gustu vel
tactu percipitur. Vnde meritò Architas Ta-
rentinus persuadere conabatur, *Nullam ca-
pitaliorem pestem quàm corporis voluptatem
à natura hominibus esse datam:* teste Cicero-
ne lib. De senectute.

16 Rursus, si summum hominis bonum ad
vitam corporalem pertinet, fas erit ad mor-
tem & tormenta vitanda cogentē tyranno
peierare, blasphemare, idola colere, omnem
pietatem, iustitiam, virtutem & veritatem
prodere ac pessumdare. Est enim naturæ lex
per se omnibus nota, nihil summo bono an-
teponendum; ipsum verò præferendum a-
liis omnibus: &, nihil summo malo magis
fugiendum. Vnde in omni euentu, in quo
necessè est vel summum bonum perdi, vel
aliud bonum quod non est summum; natu-
ra & ratio dicat quodlibet aliud bonum pro
summo bono retinendo profundendum, &
quoduis malum pro vitando summo malo
subeundum. At quid absurdius aut retrius
dici potest, quàm mortis vitandæ causa
quodlibet flagitium posse committi?

Decima RATIO.

NATURA intelligens est omnium quæ sunt in mundo præstantissima. cuius signum est, quòd omnium ceterarum sit capax. Omnes enim illas comprehendit, & in seipsa quodammodò format & exprimit, veluti omnium artifex: omnibus utitur, omnia in sua assumit comoda, non solum terrena, sed etiam cælestia; lucem, tenebras, diem, noctem, ventos, imbres, æstus, frigora, & ipsa mundi elementa. Itaque natura mente prædita est in hoc mundo, veluti in suo domicilio, omnis generis suppellectili, ad usum, commoditatem & oblectationem instructissimo. Absurdum ergo est illam penitus interire. sic enim id quod in mundo est præstantissimum, & solum dominatum obtinet, & cui cetera seruiunt, periret: quod prorsus à ratione est alienum. Si enim terra, mare, sidera, quæ propter naturam intelligentem facta sunt, ut ei seruiant, non perirent umquam, sed permanent æterna: qua ratione dici potest naturam intelligentem, quæ est illorum finis, scopus, domina, perire? Si mens adeò nobilis est, ut talia servitia ei fuerint comparanda, quæ numquam deficient, quomodo rationi consonum est, ut ipsa intercidat? Iniquum est eam natura-

Qs

ram,

250 DE IMMORTALITATE ANIMORVM
ram, cui immortalia seruiunt, mortalem
existimare.

Vndecima RATIO.

- 18 **N**ATVRA humana secundum mentem
est infinite præstantior omnibus ani-
mantibus; cum toto genere sit superior, &
ad infinita se extendat: vt ex supradictis est
manifestum. Ergo oportet vt summum eius
bonum sit infinite præstantius & subli-
mius, summo bono bestiarum: simili-
ter actio illa, qua summum bonum suum
percipit & sentit, & voluptas quam inde
percipit, actione & voluptate bestiarum. Ta-
lis enim est proportio inter obiecta, inter
operationes, & inter voluptates, qualis est
inter naturas, & inter facultates quibus ob-
iecta percipiuntur. At si mens vnà cum cor-
pore extinguitur, nihil natura humana ca-
lamitosius: nam omnes ferè bestiarum spe-
cies longè erunt feliciores. Subiicitur enim
ipsa in hac vita ærumnis innumeris, à qui-
bus bestiarum natura est immunis. Assidue
solicatur curis, exagitur timoribus, tabe-
scit inuidia, conficitur mœrore, cruciatur
desideriis, vritur aliena prosperitate, semper
anxia, semper querula, numquam sua sorte
contenta, numquam animo tranquilla. His
adde paupertatem, exilia, carceres, serui-
tutem,

tutem, orbitatem, infamiam, matrimonij iugum, liberorum educationem, fortunarum iacturam, præteritorum pœnitentiam, futurorum sollicitudinem; tot labores & sudores ut caro misera sustentetur, ut ab iniuriis aëris vindicetur, ut miseram vitam trahat: tot errores, tot suspiciones, tot fraudes, tot morbos, languores & dolores quibus nostra mortalitas est exposta: ut meritò dixerit quidam,

Οὐκ ἔστιν ἔδδεν δένδρι ἔδδ' συμφορὰ,

Ἡς ἐκ ἀνθρώπων ἀχθῶν ἀνθρώπων γένεσθαι.

Nihil adeò graue aut calamitosum,

Cuius pondus non ferat humanum genus.

At bestiarum genus ab omnibus huiusce malis ferè est liberum, & summa in tranquillitate ac libertate viuit. Nullis exagitur curis, nullis futuri mali timoribus, nullo ex aduersis casibus mœrore. Non est sollicitum de futuris, nec pœnitet præteritorum, nec impendunt mala pertimescit. Nulla ambitione, nulla inuidia tangitur, sua sorte contentum; omnia quæ ipsi necessaria & commoda, absque laboris molestia abundè suppeditante natura. Quòd si æuum consideres, multis id animantium est longius quàm homini: ut ceruis, elephantis, coruis. Si locum & regionem, quid optabilius quàm viuere in sublimi aëre procul à cœno & fœce

19

ter-

252 DE IMMORTALITATE ANIMORVM
terrena, & celerrimo volatu ingentes ætheris tractus breuissimo tempore transmittere? Si corporis habitum, longè commodius est pilis vel plumis vestiri, quæ corporis agilitatem non impediunt, quàm externarum vestitium pondere grauari. Si voluptates corporis, iis magis assiduè & sincerè fruuntur bestię, quæ totos dies pastui sunt deditæ, & venerem absque verecundiæ metu & crebriùs exercent.

Ex quibus perspicuum est, cetera animantia homine & mente humana longè esse feliciora, si mens post hanc vitam non maner superstes.

Duodecima RATIO.

20. **N**ON solùm cetera animantia homine erunt beatiora, sed inter homines illi erunt feliciores, qui fuerint sceleratiores, & carni magis mancipati; illi miseriores, qui contemptis carnis illecebris vacant sapientiæ, colunt pietatem & iustitiam: imò optimi & sanctissimi erunt infelicissimi & miserrimi; quia maximè à carnis voluptatibus alieni, cum eam variis modis affligant & macerent. Vnde Apostolus 1. ad Corinth. 15. *Si in hac vita tantum in Christo sperantes sumus*, id est, si nihil superest post hanc vitam, *miserabiliores sumus omnibus hominibus.* nimirum

mirum quia expertes bonis huius vitæ & futuræ ; insuper assiduos labores & acerbæ persecutiones sustinemus.

Decimatertia RATIO.

VIDEMVS res omnes perducì ad perfectionem cuius sunt capaces. Exemplo sunt plantæ & animantium species. Ita enim sensim crescunt , augentur , roborantur & secundum corpus, & secundum omnes animæ facultates , vt tandem perueniant ad culmen perfectionis , cuius quæque species est capax. Oportet ergo etiam hominem & animum humanum ad suæ perfectionis apicem perducì. Cùm enim inferiora ista & vilia naturæ suam assequantur perfectionem ; cur id quod omnium est pretiosissimum & summum , non etiam aliquando assequatur suam ? Atqui hoc omnino est impossibile, nisi animus post hanc vitam supersit. Perfectio enim animi consistit in sapientia & virtute , quibus supremæ facultates exornantur, & suos fines attingunt. At paucissimi in hac vita sapientiæ sunt dediti , ac proinde longè maximâ pars hominum nihil vel parum eius obtinent : & illi quoque qui assidue ad eam incumbunt, vix centesimam partem illius abundantiaæ assequuntur , cuius mens humana est capax. Etsi enim homo viueret
mille

21

254 DE IMMORTALITATE ANIMORVM
mille annos, & continenter operam sapientia daret, semper posset proficere, nec unquam pertingeret ad culmen. Necesse est ergo illum superesse post hanc vitam, & tunc suam perfectionem consequi. Frustrà alioquin esset tanta eius capacitas; frustrà tantum sciendi desiderium animo à natura insitum. Frustrà enim est capacitas & desiderium, quod impleri non potest. Et absurdum est naturam, quæ ne minimis quidem in rebus quidquam frustrà facit, in re maxima & nobilissima tantum frustrà & in vanum molitam.

Decimaquarta RATIO.

- 22 **A**NIMVS in hac vita non potest seipsum cognoscere, nisi admodum obscure & confuse; sicut is qui eminus aliquid per nebulam videt, malignè percipit, nec potest colores & lineamenta rei discernere. vnde nihil pænè de se nouit planè & perspicuè. Hinc tot philosophorum de animi substantia opiniones; aliis eum igneæ naturæ, aliis aëreæ, aliis ex æthere vel anima mundi delibatum asserentibus. Nescit ipse sese, quid sit aut qualis; spiritusne purus, an corpore tenuissimo constans: facultates habeat à se distinctas, sibi que insertas, an ipse per se omnia præstet: quæ singularum sit vis & natura:

tura: quomodo suas obeant functiones: quomodo obiecta se cum illis sociant, & concurrant: quomodo sensuum organa & spiritus animales. In his & aliis ferè omnibus ad se pertinentibus, etsi generalia sint, mirè cæcutit, & veluti per somnium diuinat. Itaque si vnà cum corpore perit, numquam se ipsum cognoscit; sed ignarus sui & nascitur, & viuit, & extinguitur. At maximè consentaneum erat vt seipsum aliquando contemplari posset, suamque speciem, naturam, & ornamenta videre. Sicut enim nihil adeò ad ipsum pertinet ac sua ipsius natura, & ea quæ ipsi intrinseca, ita nulla notitia ei magis congruit, quàm notitia sui, & rerum suarum: nihil ei propinquius, nihil charius, quàm ipse sibi. Necessariò itaque fatendum est ipsum non extingui, sed cum exutus corpore fuerit, & ab obiectis corporeis ad quæ per sensus externos erat effusus, receperit se ad suam simplicitatem, tunc se distinctè & clare visurum, & bona sua, quæ ipse hîc subinde contemnit, suis momentis æstimaturum. Alius enim intelligendi modus congruit ei dū corpori mortali est alligatus, alius quando à corporis vinculis erit liber, & nudus per se existet. In corpore nihil distinctè potest nosse nisi corporeum, & sub corporali specie: quò fit vt seipsum videre aut cognoscere nequeat.

256 DE IMMORTALITATE ANIMORVM
nequeat. Vbi verò corpore erit solutus, ac-
cipiet modum intelligendi spirituum, & ita
tunc cernet spiritalia, sicut modò per ocu-
los intuetur corporalia. Modus enim cog-
noscendi respondet modo existendi, & con-
gruit intelligentis statui. nam quælibet res
iuxta modum naturæ suæ operatur.

Decimaquinta RATIO.

- 23 **M**VNDVS iste corporeus, & ceteræ res
quæ eius complexu continentur, fa-
ctæ sunt propter hominem: vt supra osten-
sum est. Sic enim omnia disposita sunt, vt
commodis hominum seruiant; adeò vt ipse
mundus nihil videatur esse aliud quàm am-
plissimum domicilium, omnis generis supel-
lectili, & annona, & seruitiis instructum; cu-
ius incolæ, possessor & fructuarius sit homo.
Vnde sublato homine nullus amplius est
mundi vsus; sed perinde est ac domus de-
serta, nulli seruiens vsui nisi ad ferarum lu-
stra, & horridam spinarum ac fruticum sil-
uam. Itaque cum omnia ista instituta sint
propter hominem, necesse est hominem esse
rem dignissimam, & ad maiora destinari,
quàm sint ea quæ ipse percipit in hac vita.
Cui enim tanta deputata sunt obsequia, tan-
tæ opes ad hanc mortalem vitam transigen-
dam: quomodo credi par est, nihil boni cum
post

post hanc vitam manere, sed vnà cum corpore extingui? Indicio profectò sunt ista, illum ad ingens quoddam & admirabile bonum, & summum statum, hìc præparari.

Confirmatur, Quia si perit vnà cum corpore, ergo totus ille mundi apparatus idcirco solùm instructus erit à natura, vt homo ad breue tempus, ad momentum, inquam, viuat, comedat, bibat, dormiat, generet, & mox funditus pereat. Nimirum hoc totum erit bonum, hic finis & fructus tantæ molitionis. Idcirco assidua vertigine rotantur cæli, & cursum suum peragunt sol, luna, sidera; in hunc finem instituta alternatio dierum & noctium, vicissitudo temporum, & perpetuus veris, æstatis, autumnii ac hiemis circulus: idcirco spirant venti, coguntur nubes, effunduntur imbres: idcirco terra tot species florum & fructuum effundit, tantas opes sinu suo condit; mare tot piscium genera producit; aër tot volatilibus scatet, & omnis natura in hunc finem parit & laborat: nempe vt mortale animal homo in multis miseriis, in multa ignorantia & animi prauitate, ad modicum tempus viuat, mox in nihilum reuersurus. Si nullum aliud tantæ rei & operæ est pretium, nullus alius fructus: ergo frustra omnia illa instituta sunt, frustra in omnibus operatur natura,

R

fru-

frustrà constat totus hic mundus visibilis. Quid enim boni habet, tam breui tempore in tantis animi & corporis miseriis viuere? Non enim illud per se bonum est aut optabile, tum quia tantis permixtum malis; tum quia nullum bonum corporale per se expectandum. Nam sicut corpus est propter animum: ita bona corporalia referenda ad bonum animi. Neque etiam est optabile, propter aliud bonum, ad quod per hanc vitam transeat: quia supponitur nullum tale superesse. Intellexit hoc præclare Salomon, qui postquam omnes huius vitæ delicias abundè fuisset expertus, hanc protulit sententiam: *Vanitas vanitatum, dixit Ecclesiastes: vanitas vanitatum, & omnia vanitas.* Et infra: *Vidi cuncta quæ sunt sub sole, & ecce vniuersa vanitas & afflictio spiritus.* Et aliq̃ plurima toto illo libello prosequitur, quibus omnibus mortalibus velut è sublimi loco concionatur, omnia huius vitæ bona, omnes delicias, opes, honores, oblectationes, esse res vanas, nullius momenti, nullius fructus; nempe si in se spectentur, nec ad futuram vitam iuuent.

- 25 Addo, vitam istam corporalem non solum nihil habere boni quod sit alicuius momenti, sed etiam tantis implicari malis, vt longè melius sit & congruentius, hominem ipsum

ipsum numquam extitisse, quàm accepisse animum morti obnoxium. Nam præterquam quòd infinitis curis, ægritudinibus, & miseriis conficietur, parum vel nihil faciet boni; & plurimum faciet mali, in omni turpitudine & scelerum immanitate vitâ transigens. Conferantur mala cum bonis, peccata & scelera cum virtutum officiis; infinitis illa partibus excedent, non secus ac arena maris vnum pugillum. Atqui ea res quæ tanti mali est auctor, & tam exiguum vel nihil boni præstat, & de qua nihil vñquam boni fieri potest, quomodo bona aut utilis censerì potest huic Vniuerso? Imò cur non statim tamquam perniciosa debeat exterminari? Sicut in Regno vel Republica amplissima, si aliqua gens reperiatur, quæ cùm nihil ferè in publicum conferat commodi, assiduè tamen Leges ac Iura Reipubl. violat & pessumdat, statim è medio tollitur, quia perniciosa bono publico iudicatur: cur pari modo totum genus hominum, quod naturæ & Dei legem proculcat, ex hac totius Vniuersi amplissima Republica, tamquam iustitiæ & virtuti inimicum, non exterminetur?

Ex quibus consequens est, hominem & ipsum mundum non solùm frustra esse factum, vt ex quo tam parum existet boni, vt

fructus non constet operæ: sed malè à natura comparatum, quod genus humanum vniquam in lucem fuerit productum. Sicut enim qui gentem inutilem, & legum contemptricem inducit in regnum, malè de regno meretur: ita qui hominem in Orbem. Quæ omnia quàm sint à ratione aliena, nemo sanæ mentis non videt. Fatendum ergo, animum post hanc vitam non extinguere; & tunc maximorum bonorum fore compotem, si benè vixerit in corpore: vel maximorum malorum, si malè.

26 : Dices, Si hæc ratio esset firma, sequeretur etiam nunc omnes impios esse frustratos; imò debuissent non nasci: quia nihil vel parum faciunt boni in mundo, & insuper illum fœdant suis sceleribus, abutentes vniuersa natura & omnibus Dei donis ad omnem improbitatem.

*Virum im-
pij frustra
sint in
mundo.*

Respondeo, Fateor omnes impios qui non sunt conuertendi, & omnes qui diem extremum in improbitate sunt clausuri, quadam ex parte posse dici frustratos; quia à principali fine, ad quem primario conditi sunt, excidunt, & melius illis fuisset nunquam nasci, quàm ita viuere & mori. Hinc tamen nõ sequitur, ipsum genus humanum, & hoc eius domicilium, nempe mundum, esse frustratè institutum. Primò, Quia plu-
rimi

rimi hîc iustè viuunt, & postea summi boni erunt participes; qui planè digni sunt, quibus in hac vita mûdus iste seruiat, & ad tam sublime bonum adminiculetur. *Omnia enim, propter electos, ut ipsi salutem consequantur.* 1. ad Cor. 3.
2. ad Timoth. 2.

Et quamuis numerus reproborum sit incomparabiliter maior quàm electorum; tamen hic non est tam exiguus, aut parui momenti, ut Deum pœnitere debeat vel mûdi conditi, vel generis humani. Sicut qui colit hortum, & plurimas in eo peregrini generis ferit arbores, quarum plerisq; emortuis, quæ supersunt eximios proferunt fructus, qui abundè sufficiant alendæ familiæ, non frustra laborem impendit, sed sibi gratulatur tam nobilem prouentum, etsi in minore numero; quia præstantia fructuum paucitatem compensat, præsertim cum ea copia sit familiæ sufficiens: simile quid & analogum de mundi & hominum opifice ac satore Deo cogitandum.

Secundò, Quia iniqui non sunt omnino frustra in hoc mundo. Seruiunt enim ad ac- 27
cuendam virtutem iustorum. Dum enim iustos variis modis affligunt, vberem patientiæ & humilitatis materiam, & multiplicis colendæ virtutis occasionem eis præbent. Sic enim iusti terrena discunt contemnere, cælestia sectari, ad Deum confugere, in ipso

spes suas collocare, eleemosynas largiri, & genus omne bonorum operum exequi. quotidianis exemplis id est manifestum. Rectè S. Augustinus in Psal. 54. *Ne putetis, gratis malos esse in hoc mundo, & nihil boni de illis agere Deum. Omnis malus aut ideò uiuit ut corrigatur, aut ideò uiuit, ut per eum bonus exerceatur.* Hac ratione dicitur Deus uti malis ad profectū & salutem bonorum. Deinde relucet circa illos in hac vita magnitudo diuinæ bonitatis & misericordiæ; quæ homines sceleratos tantis beneficiis prosequitur, tantis bonis cumulat, tam benignè inuitat & expectat ad pœnitentiā, ut cœlestium bonorum fiant participes. Deniq; post hanc vitam resplendet in illis seueritas diuinæ iustitiæ, peccata illorum iustissimè vindicantis: & simul conspicitur, quanta peccati sit malignitas, quæ tantam meretur castigationem: daturque occasio electis perpetuæ gratiarum actionis, quòd tantis malis sint erepti.

Itaque etsi homines impij non pertingant ad finem primarium, & hac ratione quodammodò frustrà sint nati; tamen absolute non sunt frustrà: quia pertingunt ad finem succidaneum, ad quem secūdo loco, & ueluti sub conditione, si à primo exciderent, eoque se redderent indignos, sunt destinati. Quòd si animus simul cum corpore perirer, nihil

nihil istorum bonorū haberet locum : vnde planè frustra & ipse, & mundus propter ipsum conditus videretur ; vt ostensum est.

Decimasexta RATIO.

PULCHRITUDO mundi, & rerum omnium 28
quæ mundi cōplexu continentur, comparata est ab Auctore mūdi, vt videatur, cognoscatur, æstimetur ; nimirum vt videntes speciem tam eximiam operis, admiremur, laudemus, & amemus artificem. Sic pulchritudo basilicarum, palatiorum, picturarum, & omnium operum humanorum, concinnata est vt videatur & æstimetur. Si à nemine cognoscitur, planè censetur inutilis. Ad quid enim seruit species & decor vultus delitescens in tenebris? Sicut inutiles sunt odores, si nullus est odoratus ; & sapores, si nullus est gustatus ; & symphonix, si nullus auditus : ita omnis pulchritudo rerum, omnis artificij subtilitas, omne ingenium artis superuacaneum est, si nullus est oculus vel corporis vel mentis, qui ista videat & norit æstimare. Atqui si animus extinguatur vnà cum corpore, pulchritudo mundi & rerum omnium manet incognita, & veluti æternis tenebris circumfusa : quia in hac vita vix millesimam partem assequimur, idq; valdè confuse & distortè, sicut cū cæcutiens e minus cernit picturas. Toti hæremus in ex-

terna superficie , nusquam penetramus ad
 penitiora essentię, vbi tamen omnis pulchri-
 tudo rerum & veritas recondita. ibi genuina
 rei species & forma, ibi omne artificium &
 ingenium magnę illius mentis, quę sua sa-
 pientia omnia excogitauit & formauit; ibi
 omnium quę rei conueniunt, rationes la-
 tent. Denique tanta est in essentiis rerum
 pulchritudo, tanta artis diuinę excellentia,
 vt ausim dicere, optabilius esse cernere clarę
 (sicut Angeli cernūt) naturam vnus muscę
 vel culicis, quàm obtinere imperium totius
 Orbis. Plus enim voluptatis ex hac luce &
 contemplatione menti obtingeret, quàm ex
 omnibus delitiis corporis & honoribus. Fa-
 cile mihi fidem habebunt, qui capiunt quod
 dico, & dulcedinem veritatis, quę etiam in
 rebus istis infimis recondita, aliquando sunt
 experti. Adstipulantur quoque antiqui Phi-
 losophi, qui pulchritudine veritatis & sapien-
 tię capti, opes & voluptates corporis asper-
 nati sunt, vt ad eam sectandam essent expe-
 ditiores. Cùm ergo à ratione alienum sit,
 mundi rerumq. omnium pulchritudinem,
 artemq. interiorem frustra constitutam,
 aut semper in tenebris remansuram : dubi-
 tandum non est, animum funeri esse super-
 stitem, & tunc perfectam omnium adeptu-
 rum cognitionem. Tunc omnes abditę ve-
 rita-

ritates, & totius naturæ vultus, qui nunc absconditus, proferetur in lucem: tunc mirabitur & laudabit artificem, qui singulis suam speciem impressit, & infinita sapientia formauit.

Dicet aliquis, Substantiæ spirituales, quas 29
Angelos vocamus, perfectè cognoscunt totius mundi & rerum omnium structuram: *Obiectio.*
ergo etiam si ea numquam ab homine cognoscatur, non idèd erit frustrà.

Respondeo, negando consequent. Ab illo enim structura mundi debet cognosci, cuius causa factus est, ut hic gratias agat conditori. atqui factus est hominis causa, non Angelorum, qui mundo corporeo non egebant. Itaque ab homine cognosci debet. homini enim seruit; idque duplici ratione: suis commodis & fructibus ad vitam corporalem; & sua specie ac pulchritudine ad sapientiam & contemplationem: ut ex opere discat opificem, eiusque potentiam, sapientiam & bonitatem admiretur, laudet, veneretur, & illius legibus obtemperet.

Decima septima RATIO.

ILLUD dogma, quod è vita humana tollit 30
omnem probitatem, & inducit omnem impuritatem, ac vitiorum colluviem, non potest censerì sanum, aut veritati cõsonum.

R 5

Veri-

Veritas enim & sapientia auertunt homines à turpitudine, & accendunt in eorum animis amorem honesti & virtutis. Nam virtus intellectus, est causa virtutis omnis quæ in affectu, & hæc ab illa nascitur; sicut pulchritudo quæ est in opere, nascitur ab arte quæ est in mente. Lumen non potest esse causa tenebrarum. Veritas est lumen, & norma recti; vitium tenebræ, mendacium, & aberratio à regula veritatis. Atqui dogma, quo anima statuitur mortalis, subuertit fundamentum omnis probitatis, & tribuit licentiam omnium vitiorum & scelerum. Quis enim durum virtutis iter capeſſat, cupiditates frangat, libidinem domet, ab alieno abstineat, numen colat, si nihil inde sperat commodi, nec ullus huius laboris est fructus? Vnde experienciâ constat, eos, qui hac persuasionem sunt imbuti, esse vitæ profligatissimæ. Sicut enim in Republ. fieri non potest, ut constet iustitia externa, & honestas politica, ut arceatur vis ac iniuria, nisi legum decreto proposita sint præmia & supplicia: ita in genere humano non potest retineri probitas, & improbitas caueri, nisi diuino decreto constituta sint præmia & supplicia. Quæ cum in hac vita non rependantur, consequens est reseruari in futurum. Alioquin (quod dictu nefas est) sapientius & melius instituta esset

esset Respublica per homines, quàm genus humanum à Deo.

Improbitalatem eiusmodi hominum optimè describit Sapiens cap. 2. *Exiguum, & cum tadio est tempus vita nostra, & non est refrigerium in fine hominis, & non est qui agnitus sit reuersus ab inferis. quia ex nihilo (ἀπὸ τοῦ οὐδενός casu) nati sumus, & post hoc erimus tamquam non fuerimus, &c. Venite ergo & fruamur bonis quæ sunt, & utamur creatura tamquam in iuuentute celeriter. Nullum pratum sit quod non pertranscat luxuria nostra. Vbiq; relinquamus signa letitiæ: quoniam hæc est pars nostra, & hæc est sors. Itaq; constituunt summum bonum in voluptatibus corporis. Deinde ostendit quomodo se gerant erga iustos, eosq; spolient, affligant, occidant, & suam potentiam faciant iustitiæ legem, ut omne quod volunt & possunt exequi, iustum habeatur: quo nihil potest esse iniquius. Sit, inquiunt, fortitudo nostra lex iustitiæ, quod enim infirmum est, inutile inuenitur, &c. Denique post multa concludit Sapiens: *Hæc cogitauerunt & errauerunt. excacauit enim illos malitia eorum, & nescierunt sacramenta Dei (arcana eius consilia) neque mercedem sperauerunt iustitiæ, nec iudicauerunt honorem animarum sanctarum: quoniam Deus creauit hominem inextermabilem, &*
ad*

ad imaginem similitudinis suae fecit illum. Vbi reddit rationem, cur homo secundum animum sit inexterminabilis; nimirum, quia similis est Deo, utpote eius imago: mente enim capax diuinitatis, & omnis veri ac boni. Itaque cum hæc de animi natura persuasio adeò sit pestilens moribus, & inimica omnis virtutis; consequens est eam à veritate esse alienissimam.

- 32 Rursus, illud dogma quod est fons & fundamentum omnis iustitiæ, pietatis, & virtutis, non potest esse inane & falsum. Sicut enim lux non potest nasci ex tenebris, aut illis inniti: ita splendor virtutis non potest nasci ex errorum caligine. Et sanè per se absurdum est, omnis iustitiæ & probitatis fontem esse errorem iudicij, & falsam animi persuasionem. Atqui dogma quo statuitur anima immortalis, & post hanc vitam capessere præmia vel supplicia, est fons & fundamentum omnis iustitiæ & probitatis. Hac enim vnica ratione impellitur homo ut vitiorum lenocinia deuictet, & virtutis trami-tem sectetur. Vnde quicumque aliqua virtutis laude vmquam floruerunt, hac persuasionem ad illius studium incitati fuere. Oportet ergo hoc dogma veritati esse consentaneum. Incredibile enim est animi naturam ita esse institutam, ut vera sui notitia sit ipsi causa

causa omnis improbitatis; & falsa persuasio, causa omnis virtutis. Sic enim nihil ei esset salutaris, quàm se ignorare; nihil nocētius, quàm se nosse; quod omnino est paradoxon & absurdum. Nam omnes sapientes instar oraculi hoc monitum, Γινώθι σεαυτόν, *Nosce teipsum*, habuerunt. adeò ut vestibulo templi Apollinis Delphici inscribi voluerint, ut testatur Plato: nimirum ut omnibus esset conspicuum, hanc vnicam esse ad felicitatem viam, à numine patefactam hominibus. Vnde quidam:

In Char-
mide.

— *E calo descendit*, Γινώθι σεαυτόν.

Iuuenalis.

Dices, Ipsa virtus est sui præmium, & vitium sui supplicium: ergo etiamsi animus sit mortalis, nec aliud ei vel expectandum sit præmium, vel metuendum supplicium; habebit tamen ad virtutem sectandam, & vitium fugiendum, satis magnum calcar & incitamentum.

33

An virtus
sit sui præ-
mium.

Respondeo, Stoicam istam imaginationem esse imbecillam, & parui momenti ad affectus hominum regendos, quantumvis aliquid masculi in fronte præferre videatur. Primò, quia valdè abdita res est illa virtutis pulchritudo, & vitiorum deformitas; & à paucis apprehenditur: quo fit ut animos hominum commouere nequeat. Nihil enim incognitum mouet affectum.

Dein-

Deinde, quia etiam in animis eorum quibus hæc res utcumque nota est, parum virium habet. Quotus enim quisque est qui voluptates eo dūtaxat nomine fugiat, quod turpes sint; seu legi rationis aduersæ; & arduum virtutis iter amplectatur, quia pulchrum & rationi consonum, nullo alio commodo vel incommodo sibi proposito? Nam & ipsi Stoici, qui hanc doctrinam venditabant, non solo virtutis & vitij vultu ducti fuere; sed potissimum laude, & probro: sicut & alij qui apud Romanos, vel Græcos clari extitere. Omnes enim ardebant gloriæ cupiditate. Testatur hoc multis locis Cice-

Pro Archia
Poëta.

ro: *Trahimur, inquit, omnes laudis studio, & optimus quisque maximè gloriâ ducitur. Ipsi illi Philosophi, etiam in illis libellis, quos de contemnenda gloria scribunt, nomen suum inscribunt. in quo predicationem & nobilitatem despiciunt, predicari se ac nominari volunt.* Longè enim plus virium habent blanditiæ & lenocinia voluptatum, quæ sensibus sunt obuia, ad affectum alliciendum, quàm turpitudine earum (quæ valde subtilis est, & vix mente concipitur) ad repellendum. Sensibus accommodata vehementius mouent. Pari modo asperitas virtutis carni & innatæ cupiditati repugnans, maiore vim habet ad animam carni amicam absterrendam, quàm decor

decor eius ad conciliandum amorem. Opus est ergo aliis adminiculis & incentiuis, quibus animus ad virtutis studium, & vitiorum fugam impellatur.

Tertiò, quia Stoicorum illud placitum, 34
Virtutem sibi iustum esse premium, à veritate alienum est. Nulla enim res agit solùm ut agat, & in pulchritudine ac præstantia suæ actionis quiescat; sed ulterius aliquid intendit, quod per suam actionem consequatur: ut perspicuum est tam in iis quæ naturâ, quàm quæ arte operantur. Non enim cæli mouentur propter pulchritudinē illius motus, sed propter bonum mundi inferioris, & commodum hominum. Neque vis quæ inest seminibus, plantis, animalibus, operatur solùm ut extet bonum illius operationis, sed ut res formentur, nascantur, alantur, crescant, perficiantur, fructus proferant. Neque animantia se mouent & operantur propter ipsum motum, sed ut ea quæ commoda, conquirant; quæ incommoda, fugiant. Pari modo omnes artifices aliquid ultra suæ artis functionem spectant, cuius causa illam suscipiunt. Idem ergo dicendum erit de functionibus virtutum, eas non suscipi ob solum bonum & pulchrum, quod in ipsis cernitur; sed ad aliquid aliud, quod sit optimum, & animo maximè expetendum, referri.

Et si

Etſi enim ſingulæ virtutes non ſe profe-
rant ultra propriam honeſti, quod cuique
propoſitum eſt, rationem; tamen animus,
qui illas poſſidet, & tamquam instrumentis
vitur, eo bono non eſt contentus, ſed ulte-
rius aliquid ſpectat, ſiue honor iſtud ſit vel
gloria, ſiue futuræ felicitatis gaudium à Deo
poſt hanc vitam retribuendum. Hinc fit vt
qui hanc futuræ vitæ mercedem vel igno-
rant, vel non cogitant, penè in omnibus præ-
claris facinoribus gloriæ cupiditate ducan-
tur. *Ex omnibus præmiis virtutis*, inquit Ci-
cero, *ampliſſimum eſt præmium, gloria: qua*
vita brevitatem poſteritatis memoria conſo-
latur. Et alibi: *Nullam virtus aliam merce-*
dem laborum periculorumq; deſiderat, præter
hanc laudis & gloriæ; qua detracta, quid eſt
quod in hoc tam exiguo vitæ curriculo, & tam
breui, tantis nos in laboribus exerceamus? Hæc
ille, quia maiora præmia ignorabat. Sic Ro-
mani veteres, qui inſignem iuſtitie & mo-
derationis ſpeciem in ſuis factis præ ſe tuler-
unt, gloriæ ſtudio plerumque ducti fuere;
vt S. Auguſtinus luculentè oſtendit. Ita pla-
nè eſt humanum ingenium, & ſic naturâ
comparatum, vt in virtutum officiis obeun-
dis aliquid amplius deſideret & ſpectet,
quàm pulchrum & bonum ipſarum fun-
ctionum; quod ipſum tale ſit vt affectum
poten-

Pro Milo-
ne.

Pro Ar-
chia.

Lib. 5. De
ciuit. Dei,
cap. 12.

potentiùs ad se pertrahat, & in virtutum functiones impellat, quàm ipsa virtutis pulchritudo. quod etiam hac consideratione magis fiet perspicuum.

Deus auctor naturæ iis functionibus quæ 35
ad vitam tuendam, vel ad speciem propagandam pertinent (nimirum sumptioni alimenti & procreationi liberorum) magnas admiscuit voluptates, ne fortè animalia pertractata laboris & molestiæ quæ subinde coniuncta, eas functiones negligerent, vel minus studiosè sectarentur, quàm conseruationi sui, & speciei propagationi coueniat. At virtutis functionibus plerisque nulla ferè, vel exigua voluptas coniuncta, sed ingentes sæpè labores, curæ, molestiæ. Arduum est virtutis iter, nec sine sudore conscenditur. Difficile mortalibus frænare cupiditates, frangere impetus animorum, desideria moderari, inuidiam extinguere, affectus omnes intra rationis gyrum coërcere. Triste & molestum iniurias perferre, odium & iram continere, sua in egenos & miseros effundere, nomina debitorum dissoluere. Itaque cum in ipsa virtutis functione, nulla vel exigua sit illecebra quæ animos alliciat, sed contra multæ asperitates quæ auertant: opus fuit, extra illam causas aliquas constitui, quæ potenter & ad virtutem impellant, & à vitiis
S detēr-

deterreant, nempe præmia & supplicia, sine quibus arduum virtutis tramitem nemo vel ingredi, vel ingressum tenere, & vitiorum lenocinia contemnere vellet. Si enim functionibus istis infimis, quibus vita corporalis conseruatur & propagatur, tantas prouidentia admiscuit illecebras, ne omitterentur: quis credat illam neglexisse summas & nobilissimas, quibus Deo similes efficimur; nec vllos stimulos, quibus ad eas excitaremur, apposuisse? Præpostera planè fuisset illa prouidentiae cura. Etsi itaque virtus carni sit aspera, & vitia blanda: tamen consideratio præmij quod virtuti propositum (in quo summa & æterna voluptas) temperat molestiam, & facit illam suauem ac expetendam; & consideratio supplicij in quod vitia præcipitant, voluptatem illorum reddit amaram & detestabilem.

- 36 Accedit, quòd is qui alteri seruit, & in gratiam eius operatur, mercedem ab opere suo distinctam mereatur. Non enim bonum operis sui seruat sibi, vt ipse eo fruatur, sed impendit alterius honori vel commodis: ac proinde iustam ab eo expectat mercedem. Atqui homo qui ex virtute vitam instituit, ea in re alteri quodammodò seruit, nimirum Deo, omnis iustitiae & rectitudinis præceptor ac præsidi. Facit enim illud vt legem diui-

diuinam custodiat, Deo placeat, Dei voluntati se accommodet, Deo honorem habeat. Ergo debetur ei merces extra suum obsequium. Confirmatur, Quia si virtus esset sibi merces sufficiens, nemo vltiorem expectare deberet. Hoc ipso enim quo ex virtute esset præstitum opus, iustam mercedem sui laboris accepisset, sicque esset illi satisfactum. Itaque nec militi, qui strenuè pugnasset pro Republica; nec famulo, qui fideliter domino inseruisset, nec vlli alteri, qui opus iuxta virtutis regulam confecisset, vlla alia merces esset persoluenda. Iniquum enim est vltra iustam mercedem alia stipendia exigere. Ex quibus patet hanc doctrinam ipso communi sensu generis humani damnari. Est quidem in virtutis functione bonum aliquod, quod etiam propter se, & absque præmio, dignum sit expeti, sed illud minimè est sufficiens ad animos hominum permouendos. Vnde si nulla alia esset eius vtilitas, nemo virtutis iter capefferet.

Hæc tamen omnia intelligi velim de functionibus, quas virtus in hac vita præstare potest. Non enim negandum, quin post hanc vitam sit aliqua functio, quæ & sui & ceterarum quæ antecesserunt, sit præmium. Talis est Visio clara Dei, & amor, ac gaudium inde exorians. Hæ enim functiones maxime

276 DE IMMORTALITATE ANIMORVM
 sunt propter se expetendæ, eo modo vt nul-
 lum vltèrius inde cōmodum expectes, cum
 in his nostra suprema felicitas, seu beatitu-
 do formalis (vt scholæ loquuntur) sit con-
 stituta. Verùm quòd hæ functiones nos
 beatos efficiant, non habent ex eo quòd sint
 functiones virtutum, sed quòd coniungant
 animum cum Deo, qui est *summum verum,*
summum pulchrum, & summum bonum. Vn-
 de non ita in illis constituimus nostram bea-
 titatem, sicut Stoici in virtute. Hi enim sum-
 mum bonum statuebant potissimum in ipsa
 virtute, & proposito animi rationi consen-
 taneo, non in obiecto, cui virtus mentem
 copulat: virtutem ipsam facientes beatitu-
 dinem, & formalem, & obiectiuam. Nos ve-
 rò summum bonum non locamus præcipuè
 in illis functionibus, sed in obiecto cui men-
 tem coniungunt: ita vt illæ functiones non
 dicantur summum bonum, nisi quatenus
 sunt vnio quædam perfecta cum summo
 bono, & vitalis coniunctio. Deinde illi fun-
 ctionem eam virtutis volebant esse in nostra
 potestate, ac omnino liberam: at nos fun-
 ctionem beatam statuimus non esse in no-
 stra potestate, sed esse donum cæleste diui-
 nitus infusum, constans, immutabile, sem-
 piternum.

37. Dices, Gloriam & laudem sufficere ani-
 mis

mis hominum ad virtutis studium excitandis, ac proinde non opus esse aliis post hanc vitam vel præmiis, vel pœnis. Ita enim videtur sensisse Cicero, qui passim hoc præmium mirificè extollit, affirmans nullam mercedem à virtute excellenti præter hanc laudis & gloriæ desiderari. Ex omnibus enim præmiis virtutis, amplissimum esse præmium gloriæ: quæ, inquit, vitæ brevitatem posteritatis memoriâ consolatur: quæ efficit ut absentes adsumus, ut mortui viuamus, cuius gradibus etiam homines in celum videntur ascendere. Et alibi: Non vita hæc dicenda est, quæ corpore & spiritu continetur: illa, inquam, illa vita est, quæ viget memoriâ seculorum omnium, quam posteritas alit, quam ipsa æternitas semper intuetur.

Respondeo, Perspicuum esse, gloriæ & laudem humanam minimè sufficere, id quæ ob multas causas. Primò, Quia gloriæ appetitio bonum virtutis corrumpit, solam externam speciem & veluti virtutis larvam relinquens. Virtus est amor honesti quæ honestum, ut rectè Aristoteles, & tota philosophorum schola. Si ergo opus honestum i-

Lib. 2. Eth.
cap. 4.

278 DE IMMORTALITATE ANIMORVM
animal constat anima & corpore : ita opus
virtutis affectu interno honesti, & opere ex-
terno. Vnde sicut extincta vel recedente
anima, solum relinquitur cadauer : ita ex-
tincto affectu honesti, nihil superest nisi va-
cua virtutis imago. Tantum ergo abest vt
gloria, laus, fama, sufficiant ad virtutem
excitandam, vt eius bonum perdant & cor-
rumpant : sicut venena quædam feruida, quæ
spiritus sopitos animantis ita excitant, vt il-
los penitus dissoluant & dissipent.

Secundò, Quia isti fines non habent lo-
cum nisi in paucis actionibus externis, quæ
publicè geruntur. Non enim ad internum
virtutis affectum & genuinum amorem im-
pellunt, vt ostensum est ; sed ad actionem
externam, non quamlibet, sed eam dum-
taxat quæ est conspicua, & oculis hominum
patet. Laudis enim & gloriæ satis est, si ex-
teriùs in oculis hominum appareas probus
& strenuus, etiamsi in recessu animi & pri-
uatim sis improbus & ignauus. Itaque ap-
petitio laudis potiùs hypocritas facit quàm
virtutis cultores.

Tertiò, Quia virtutis præmium debet
esse solidum quoddam bonum & intrinse-
cum, quod animum ipsum afficiat & perfi-
ciat, sitque virtute præstantius. Finis enim
debet esse præstantior mediis. Atqui gloria
huma-

humana est res extrinseca in hominum persuasione & iudicio sita, nihil animo confrens perfectionis. Quid enim miserorum mortalium opinio mihi prodesse potest? quid sermones & rumusculi?

Dices, Vnde ergo fit, vt omnes pænè mortales laudis & glorię cupiditate incitentur? *Nulla enim, vt quidam ait, est tanta humilitas, qua dulcedine gloria non tangatur.* 38
Cur homines adeò sint laudis appetentes. Val. Max. lib. 8. quo fit vt etiam viris sanctis hæc affectio cenodoxię & philotimię interdum subrepat.

Respondeo, huius rei tres esse causas. Primò, Quia omnibus innatus est appetitus excellentię, qui maximè in animo dominatur. Nihil enim in omni bono, siue sit sapientia, siue virtus, siue potentia, siue nobilitas, magis expetendum, quàm in eo excellere. Honor autem est excellentię testimonium; gloria, eiusdem excellentię notitia & opinio; laus, prædicatio. Vnde dum hæc exhibentur, nascitur in homine apprehensio & cogitatio suę excellentię, qua mirificè delectatur. Sicut è contrario per conuitium concitatur apprehensio vilitatis, quæ illi est exosa, & moerorem adfert. Itaq. omnes amant laudem & gloriam, quia hæc sunt signa excellentię: oderunt conuitium & contumeliam, quia sunt signa vilitatis & abiectiois.

2. *Causa.* - Secundò, Quia sicut animus maximè desiderat eminere & excellens esse : ita quoque desiderat videri, & talis haberi in mentibus hominum. Hoc enim censet ad se pertinere, tamquam nouum quoddam esse, & nouam vitam intelligibilem, qua cognitum sub illustri specie & forma videtur viuere in mente cognoscentis. Intelligere enim est quoddam rei intelligibilis esse, vt philosophi docent. Hoc ipsum apertè indicat Cicero verbis suprà recitatis, cum ait : *eam esse vitam quæ viget memoriâ seculorum omnium, quam posteritas alit, qua absentes adsumus, & mortui viuimus.* Hæc itaque memoria, hæc æstimatio & prædicatio, est vita quædam animi & ornamentorum ipsius, quæ non oculis videtur, sed mente sentitur; non naturâ constat, sed animorum iudicio & æstimatione; non intrinsecus inhaeret, sed extrinsecus possidetur : qua sibi videtur in mentibus hominum viuere, & tot habere vitas, quot sunt homines, in quorum cordibus magni penditur. Hanc tanti plerumque facit, vt vitam corporalem præ illa aspernetur, & malit corpus exponere certissimæ mortis, quàm vel tantillum gloriæ & nominis sui detrimentum sustinere : plurius æstimans viuere in aliorum mente per memoriam, quàm in proprio corpore per naturam. Quod sanè indicio

cio est, gloriam & diuitiis & voluptatibus præstare, etsi alioqui resieiuna, vacua & imaginaria videatur; nimirum ea est animi excellentia, ut minima bona quæ ad ipsam pertinere censentur, maximis bonis corporis longè sint præferenda.

Tertiò, Quia gloria & fama ad multa utilis. retinet enim hominem in officio, coercens à turpitudine, ignauia, improbitate, nimirum ne bonum nomen amittat. Pessima res est depuduisse, pudoremque exuisse contempto proborum hominum iudicio. Deinde efficit ut cum dignitate & voluptate possimus versari in publico, & hominum proborum conuentibus, ubi viles & degeneres non audent comparere. Item ut proueamur ad magistratus, honores, & munia publica; cum infamibus portæ dignitatum non pateant. Denique ut cum fructu versemur inter homines. Siue enim de doctrina agatur & monitis, siue de officij administratione, neutrum fructuosè præstari potest sine bono nomine; ut merito dixerit Sapiens: *Melius est nomen bonum, quàm diuitia multe.* Prou. 22. Et alibi: *Curam habe de bono nomine; hoc enim magis permanebit tibi quàm mille thesauri pretiosi & magni.* Eccli. 41.

Decima-octaua RATIO.

39
*Quod iniu-
 ria maneat
 inulta, &
 virtus sine
 premio.*

RVRVS si animus vnà cum corpore ex-
 ringuitur, præter alia incommoda quæ
 supra adduximus, etià hæc duo consequun-
 tur. Primò, quòd iniuriæ maneant inultæ, &
 scelera sine vindicta, omniaque in genere
 humano impunè gerantur. Secundò, quòd
 pietati & iustitiæ nullum sit præmium, nul-
 lus fructus. Quòd enim in hac vita plerum-
 que nulla fiat vindicta aut compensatio, ma-
 nifestum est. Videmus enim in hoc sæculo
 homines impios, consceleratos, & innocen-
 tum oppressores, maximè florere, & omni
 temporalium bonorum genere, opibus in-
 quam, honoribus, delitiis circumfluere: ius-
 tos verò & pios variis calamitatibus inuol-
 ui, & vitam in afflictione transigere: quasi
 impietatis merces sit prosperitas, iustitiæ ve-
 rò calamitas. Itaque si nec etiam post hanc
 vitam est retributio, perspicuum est manere
 istam ἀταξίαν, & ordinis perturbationem:
 nimirum vt scelera sint impunita, & virtus
 irremunerata; iustitia proculcata, & iniqui-
 tas erecta. Iniuriæ enim & crimina censetur
 manere, & hanc Vniuersi Rempub. fun-
 nestare, donec vindicentur & per suppli-
 cium expientur: vt ex communi hominum
 iudicio constat.

Hinc

Hinc vlteriùs sequitur, nullum esse numen, nullam prouidentiam, cui res humanæ sint cordi, sed omnia temerè geri, & cuique suam libidinem & potentiam legem esse. Nihil enim est quod magis sit aduersum prouidentia, quàm huiusmodi licentia & impunitas. Sicut enim, si aliquod sit regnum in quo nulla iniuriarum & scelerum publicè sit constituta vindicta, sed omnibus omnia impunè liceant, rectè dicimus illud regnum vel carere rectore, vel rectorem esse iniustum, & sceleratorum fautorem: ita si in hoc totius humani generis veluti regno omnia impunè aguntur, rectè collegerimus nullam esse prouidentiam, nullum supremum moderatorem, quo res humanæ regantur; vel si sit aliquis, illum iniustum esse. Confirmatur, Quia primarium rectoris officium est curare leges seruari, propositis præmiis & suppliciis: deinde eos qui seruatint remunerare; qui violarint, punire. Sic enim omnia rediguntur ad ordinem iustitiæ, quo nihil pulchrius in mundo. Vbi ergo hæc desiderantur, perspicuum est, desiderari rectorem & prouidentiam. Idem confirmatur ex eo quod ad prouidentiam maximè pertineat, cuique, quod suum est, tribuere. Hæc enim est lex iustitiæ, quæ maximè in gubernatione seruanda. Vnde diuina prouidentia in
omni-

omnibus rebus creatis, prout quæque capax est, id seruat, singulis id tribuens, quod cuique secundum suam naturam & conditionem congruit. Quod si in rebus infimis id seruatur, multò magis par est seruari in re totius mundi præstantissima, nempe in animo humano, qui solus iustitiæ & iniuriæ, iuris & debiti est capax. Absurdum profectò est, muscis, culicibus, & vermiculis, ad quos nulla est iustitiæ vel iniuriæ ratio, per diuinam prouidentiam exactè omnia, quæ naturæ illorum sunt congruentia, tribui, animo humano quæ ipsi congruunt & debita sunt, quæ ipse suis actionibus bonis vel malis promeretur, non rependi. Præpostera esset illa prouidentiae cura circa minima, si in maximis esset otiosa. Id enim perinde esset ac si Rex quispiam summa cura prouideret, ut equis, mulis, canibus omnia suppeterent, quæ illorum congruunt conditioni, familiam verò suam negligeret, nulla compensatione proposita fidis obsequiis, nulla vindicta sceleribus. Quo quid potest esse magis præposterum, aut a recta ratione alienum? Quò enim quæque res dignior est & Deo similior, eò maiorem prouidentiae curam postulat, ut finem suum consequatur. Familia Dei est sola natura rationalis. Hæc enim sola Deum cognoscit, illique obsequium & hono-

honorem voluntariè defert. Hæc sola illum contemnit & offendit ; ac proinde sola præmiũ vel supplicium meretur.

Ex his itaque manifestè conuincitur, nul-
lum esse numen , nullam prouidentiam , si
animus cum corpore extinguitur. Si enim
extinguitur, nulla est retributio, nulla iusti-
tia : manent iniuriæ inultæ , & virtus inho-
norata : manet summa ordinis perturbatio
in præstantissima mundi parte. Quæ omnia
apertè conuincunt, mundum rectore desti-
tutum. Vnde hæc potissimùm consideratio
omnibus sæculis mentes hominum pertur-
bavit, & ad negandam prouidentiam, suas-
que cupiditates sectandas, impulit: neq; alia
suppetiit vmquam ratio effugij , quàm no-
uissima, quæ post mortē singulis obueniunt,
considerando ; sicut pulcherrimè Propheta
Psalmo 72. explicuit. Horum sola conside-
ratio mentem pacatam reddit , & virtutis
tramitem in rebus aduersis constanter tene-
re facit.

Dicer aliquis, satis esse supplicij animo
pro omnibus iniuriis & sceleribus hîc pa-
tratis, quòd in morte funditus pereat. Ve-
rùm id non rectè dicitur : quia interitus ille
statuitur non pœna, sed naturæ conditio,
quam non minùs pietatis & iustitiæ cultores
necessariò sustinere debeant, quàm impij &
scele-

286 DE IMMORTALITATE ANIMORVM
 sceleratissimi. Sicut in Republica si nulla esset constituta poena præter mortem corporis, quæ secundum naturæ cursum cuilibet est obuentura: nulla absolutè poena censeretur ibi sceleribus statuta, sed summa impunitas & licentia. Poena debet infligi propter culpam, tamquam iusta illius compensatio & merces; aded ut si culpa non sit, malum poenæ locum non habeat: iste autem interitus non infligitur ob culpam; nec minùs obuenit probis quàm improbis.

Decimanona RATIO.

- 43 **I**DEO conditus est hic mundus à Deo, ut in eo, tamquam in opere pulcherrimo, diuinitatis perfectiones resplendeant & manifestentur. Hæc enim manifestatio est ultimus finis Dei, seu primi agentis in mundi molitione. Cùm enim nihil sit præstantius Deo, cuius causa ipse operetur, & cuius bonum ultimò intendat, necessariò operatur & intendit bonum proprium: non intrinsecum (quod necessariò semper adest, nec augeri vel minui potest) sed extrinsecum: quod nihil est aliud quàm suæ perfectionis in creaturis & per creaturas manifestatio: in qua ipsius gloria extrinseca consistit. Hoc sensu philosophi dicunt, *Idem esse primum agens & ultimum finem.* quia primum agens necessaria-

cessariò intendit vltimo loco bonum suum. Quod etiam indicat Scriptura Prouerb. 16. *Omnia propter semetipsum operatus est Dominus, impium quoque ad diem malum. Omnia operatus*, non solùm positiua actione, faciundo; sed etiam negatiua, sinendo & permittendo. *Operari* enim latissimè hîc imitur. *propter semetipsum*, id est propter suam gloriam; nempe vt ipsius excellentissimæ perfectiones manifestentur & cognoscâtur. *Impium quoque*, &c. quia quoddam hominem sinat fieri impium, & iam impium factum destinet ad diem damnationis, & pœnam æternam; id totum facit gloriæ suæ intuitu. Atqui si animus est mortalis, tantum abest vt diuinæ perfectiones in mundi fabrica & dispositione resplendeant, vt potius videantur obscurari. Non enim est indicium potentiae conditoris, sed potius imbecillitatis, quoddam animum rerum dominatorem nõ potuerit facere immortalem, cum maxime tamen id ei videatur debitum. Non est sapientiae, seruitia, mancipia, & domicilium efficere æterna: ipsum verò dominum, cuius obsequiis cetera instituta, tam breui & miserabili æuo concludere; & eo exacto, sinere funditus interire. Non est bonitatis, cetera omnia ad perfectionem cuique congruentem perducere, animum verò ita negligere,

vt

ut numquam vel centesimam partem eius boni, cuius est capax, consequi possit. Non est providentiæ, relinquere animum suæ libidini, nullis præmiis quibus alliciatur ad virtutem, nullis suppliciis quibus à flagitiis deterreatur, illi propositis; relinquere scelera multa, & iustitiâ pessumdatam: denique tantam in mundo permittere ataxiam, tam fœdam & horribilem confusionem, iniquis dominantibus, & iustis oppressis; nulla data spe recti ordinis aliquando instaurandi.

44

De misericordia & iustitia quid dicam? Cuius enim misericordiæ est, hominem tam brevi tempore, & in tantis miseriis vitam istam corporalem & animalem trahere, absque spe vllius boni in posterum obtinendi? Si quid enim ista vita habet dulcedinis, tantum absynthij admixtum est, ut prudētī tota amara videatur, nisi expectationis futurorum dulcedo illam temperet. Cuius æquitatis & iustitiæ, optimum quemque à sceleratis permittere opprimi, affligi, occidi, nulla vindicta, qua tantæ iniuriæ sarciantur, reposita? nullum pietati, iustitiæ, virtuti constituere præmium; nullum impietati, iniuriæ, & sceleri supplicium? impios omnibus huius vitæ bonis, opibus, honoribus, voluptatibus, imperio cumulare, pios omnibus calamitatibus inuoluere? Quis ista conside-
rans

rans non existimet ea potius esse signa crudelitatis & iniuriæ, quàm misericordiæ & iustitiæ? & ipsum Numen, si quod sit, fauere impiis & iniquis, odisse pietatis & iustitiæ cultores, nisi post hanc vitam vtrisque iusta fiat compensatio? Hinc Ethnici, qui de futura retributione parum nouerāt, sæpe deos suos crudelitatis & iniustitiæ accusabant, quod iustos affligi, impios dominari permetterent. Exempla multa extant apud Homerum, Euripidem, Athenæum, & alios. Quin & Christianis nō rarò talis cogitatio & commotio animi subrepat, dum futura non considerant. Et sanè, si post hanc vitam nihil superesset, non facile esset Numen à crudelitatis & iniustitiæ nota vindicare: vt suprà lib. I. demonstr. 13. etiam ex Chrysostomo ostensum est. Quis enim Regem illum benignum & iustum censeat, qui tantam in regno suo permetteret confusionem, nullo præmio virtuti, nullo supplicio sceleri constituto; summa impunitate sceleratis omnibus concessa?

45

At verò, posita animi immortalitate, omnia cessant incommoda, omnes aduersus Deum querimonix & murmurationes silēt. Hæc enim rerum confusio non durat nisi ad modicum tempus; quo transacto, æterno ordine emendabitur. Singulis enim statim
T post

post hanc vitam suus assignatur locus, & status, & gradus, & iusta actorum ac perpefforum cuique fit retributio. Nullum malum remanet inultum, nullum bonum irremuneratum. Sicut peritus pictor nouit quo loco ponat colorem atrum, quo candidum, vel aureum: ita Deus nouit quo loco in hoc Vniuerso quemque collocet, probum, improbum; pium, impium. Et sicut ex illa colorum apta distributione confurgit pulchritudo picturæ, ita ex hac animorum, pulchritudo Vniuersi, quod est veluti pictura quædam diuinitatis, eius potentiam, sapientiam, bonitatem, prouidentiam, misericordiam & iustitiam mirificè nobis spectandâ exhibens.

- 46 Non ergo est quòd iusti murmurent & querantur de diuina prouidentia, cùm in hac vita rebus aduersis conflictantur: quia huius vitæ calamitates breues sunt, & animo generoso exiguæ: fructus verò earum maximus & æternus. Vt enim inquit ille, quo fortasse nemo mortalium plura & grauiora pertulit, *Momentaneum & leue tribulationis huius, supra modum in sublimitate (in cælo) æternum gloria pondus operatur in nobis.* Non debet graue videri, quod tanta mercede compensatur. Valent quoque ad animorum rubiginem, & quotidianas maculas abstergendas. Nemo enim hic est adeò purus, quin

2. Cor. 4.

quín subinde labes aliquas animo contrahat, quæ huiusmodi remedio tamquam acrisapone sunt eluendæ.

Pari modo non est cur indignantur prosperitate impiorum: hæc enim & brevis est, & multo felle permixta, eamque æternus luctus excipiet. Nemo latroni, qui breui in rotam agendus, inuidet haustum vini, aut quòd paucis horis aliquid ei permittatur solatij. *Noli*, inquit Propheta, *amulari in malignantibus, neque zelaueris facientes iniquitatem: quoniam tamquam fenum velociter arescent.* Et Sapiens: *Stupa collecta synagoga peccantium, & consummatio eorum flamma ignis.* Veniet messis, cum omnes peccatores tamquam noxiæ herbæ & zizania in fasciculos colligentur, & igni tradentur, sicut Dominus admiranda illa parabola Matthæi 13. docuit.

Psal. 36.

Eccli. 22.

Vigesima RATIO.

ITA naturâ comparatum est, vt qui grauia 47
crimina commisere, patiantur occultum conscientix flagellum: quo interdum ita exagitantur, vt sibi ipsi vitam abrumpant. Illa enim assidue eos accusat & condemnat, & dignos supplicio pronuntiat, & tamquam ingens malum impendat, dira apprehendere & timere facit. Hinc fit vt omni indu-

stria conentur mentem auertere, & has cogitationes discutere, vt ista molestia careant. Dedunt se lusibus & conuiuuiis, symposiis & confabulationibus, & ad omnia externa se effundunt, vt internum illum accusatorem & tortorem fugiant: nihil illis grauius quàm esse eum, & cum animo suo colloqui. Hæc omnia sunt præfagia futuri iudicij, & vindictæ, quæ post hanc vitam sceleratos animos manet. Ipsa crimina sunt veluti semina impendentiũ suppliciorum; & ideò naturæ quodam instinctu præcipitur & sentitur illa molestia ex criminũ recordatione. Non est existimandũ, naturæ præfagia esse vana, aut instinctus frustraneos. Si nihil post hanc vitam esset metuendum, nec mali quidquam immineret, frustra datus esset animis ille stimulus, frustra mala cõscientia seua præsumeret.

Pari modo conscientia rectè factorum magnum adfert solatium: *Magna est, ait quidam, vis conscientia in vtramque partem, vt neque timeant, qui nihil commiserint; & pœnam semper ante oculos versari putent, qui peccauerint.* Et alibi: *Si optimorum consiliorum atque factorum testis in omni vita nobis conscientia fuerit, sine vlllo metu summa cum honestate viuemus.* Nimirũ præfagit animus bona, quæ virtutis cultoribus post hanc vitamrependentur.

Vige-

Vigesima prima RATIO.

48

DENIQUE immortalitas animi manifestè conuincitur ex reditu animarum post hanc vitam. Constat enim infinitis exemplis, mortuos excitatos, & animas defunctorum reduces à suis locis, viuis atque rui-
se. Anima Samuelis apparuit Pythoniſſæ & Saùli, eiq; interitum suū prædixit, 1. Reg. 28. & Ecclesiastici 49. Anima Moysis siue in corpore proprio, illi ad tempus diuina virtute restituto, siue in assumpto, vnà cum Elia obtulit se Christo in monte Thabor, & tribus primariis Apostolis, Petro, Iacobo, & Ioanni; vt refertur Matthæi 17. & Lucæ 9. Anima Oniæ & Ieremiæ Prophetæ per visum se exhibuere Iudæ Machabæo, eiq; ad hostes patriæ debellandos animum addidere, 1. Machab. 15. Apostoli Petrus & Paulus in somnis apparuere Constantino Imperatori, eiq; remedium lepræ ostendē-
re: vt refertur in septima Synodo Act. 2. & testantur Historici complures.

Ioannes Euangelista & Philippus Aposto-
lus apparuerunt Theodosio, eiq; victoriam
aduersus Eugenium promissere, quæ statim
non sine ingenti miraculo secuta est. Idem
visum cuidam militi eodem tempore obla-
tum est, ne ab Imperatore confictum puta-

T 3

retur.

retur. refert Theodoretus lib. 5. hift. c. 24. Idem Euangelifta cum B. Virgine auguftiffima fpecie fe exhibuit Gregorio Thaumaturgo vigilanti, eumque myfterium Trinitatis edocuit. Rem totam & ipfam doctrinæ formulam refert Gregorius Nyffenus in vita Thaumaturgi.

B. Virgo cum infigni beatarum virginum choro apparuit cuidam puellæ, cui nomen Mufæ, eamque ad fanctiorem vitam traduxit, & breui cum illis virginibus futuram promifit. Eadem vifio eidem puellæ rurfum poft triginta dies, cum mors instaret, fe obtulit: refert S. Gregorius lib. 4. dial. cap. 17. Eadem B. Virgo apparuit Ioanni Patritio, & oftendit qua ratione opes fuas optimè collocaret, quod ipfe noffe iam diu defiderabat: atque vt fides certior huic vifioni conftaret, eadem nocte apparuit Liberio Summo Pontifici, & fimilia monita dedit. Veritatem huius vifionis declarauit nix locum Ecclefiæ in monte Esquilino fignans, & magnifica basilica ibidem opibus Ioannis excitata. Refertur in precibus Canonicis, & in monumentis Basilicæ S. Mariæ maioris. Apparuit Ioanni Damafceno, eiusque manum, fraude & calumnia per Leonem Ifaurum fracta, abfciffam reftituit: vt testatur Ioannes Patriarcha Ierofolymitanus in eius vita. In
cuius

cuius rei fidem relicta in brachio ad locum incisionis rubra linea.

Refert Gregorius Turonensis, lib. De gloria Martyrum cap. 8. puerum quemdam filium vitriarij Iudæi à parente in ardentem fornacem coniectū, eò quòd vnà cum Christianis in æde B. Virginis Eucharistiam sumpsisset: verum illæsum conseruatum; & iam egressum retulisse, se contra vim ignis protectum ab illa, cuius imaginem in templo viderat.

Omitto innumeras eiusdem beatissimæ Virginis apparitiones. Extant & aliorū Sanctorum plurimæ. Sancta Agnes post mortem choro beatarum virginum stipata, parentibus ad ipsius monumētum pernoctantibus apparuit, eosque consolata est. Eadem se per visum exhibuit Constantiæ Constantini filiæ, eiusque vlcus insanabile curauit. refert S. Ambrosius serm. 90.

S. Potamiena tertio à suo martyrio die astitit Basilidi suo carnifici per noctem, & capiti eius coronam imposuit, dicens, se illi gratiam à Domino impetrasse propter humanitatem, qua erga illam vlus fuerat: quam ob causam & ipse Christianus factus est, & pro fidei confessione mortem subiit. narrat Eusebius lib. 6. historiæ cap. 5.

S. Antonius vidit animam S. Pauli inter

Angelorum chorus, inter Prophetarum & Apostolorum cœtus in cœlum ascendere, teste Hieronymo in vita Pauli. Abbatis Spei anima ab omnibus fratribus qui aderant, specie columbæ visa est ex ore eius egredi, & aperto oratorij tecto cælū penetrare: Gregori lib. 4. dial. cap. 10. Probo Reatinæ urbis Episcopo, & eius ministro, visibili specie se ostenderunt S. Iuuenalis & S. Eleutherius: vt refert idem Greg. cap. 12.

Iustiniano Imperatori desperatè laboranti apparuerunt sancti Cosmas & Damianus, eique sanitatem attulerunt: testis Procopius de ædificiis Iustiniani.

S. Benedictus animam Scholasticæ sororis suæ egressam è corpore vidit in specie columbæ secreta cæli penetrantem. & Germani Capuani Episcopi animam vidit in sphaera ignea ab Angelis in cælum ferri, teste S. Gregor. lib. 2. dialog. cap. 34. & 35.

Quidam Eremita magnæ sanctitatis in insula Lipara, ea hora qua Theodoricus rex Arrianus defunctus est, vidit ipsum discinctum & discalceatum vincis manibus inter Iannem Papam & Symmachum Patritium (illum carcere, hunc ferro iniquè necauerat) deduci, & in vicinam Vulcani ollam, id est Ætnam, iactari. Visioni fidem fecit, quod eadem hora obiisse deprehensum

fit, Gregorius libro 4. dialogorum cap. 30.

Tiburtius quidam impuræ vitæ presbyter, visus est ad loca pœnarum deduci, rogo imponi & exuri: cui visioni fides habita, quia facta inquisitione, cognitum fuit Tiburtium eadem hora expirasse, & vitam eius tale supplicium mereri; Greg. lib. 4. dial. c. 31.

Paschasius Diaconus diu post mortem visibili specie exhibuit se S. Germano Episcopo Capuano in Thermis Angulanis, ubi exiabatur, teste eodem Greg. l. 4. c. 40.

Infinitum esset recensere omnia quæ de apparitionibus animarum, vel sanctarum vel improbarum, reperiuntur apud Scriptores. Nimis impudentiæ est, dicere illa omnia esse conficta. Hoc enim est tollere fidem omnium historiarum, & plurimis viris sanctitate & eruditione clarissimis, auctoritate grauissimis crimen imponere falsi, idque absque vlla probabili ratione. Nullus est sanctorum Patrum, nullus Historicorum, præsertim Christianorum, qui harum mentionem non faciat. Apud Ethnicos etiam olim ea res passim fuit celebrata, ut ex Homero, Virgilio, & aliis notum est.

Itaque cum tot exemplis, quæ nullo colore negari possunt, cõstet animas post hanc vitam subinde viuentibus se exhibuisse: perspicue concludimus, eas cum corpore non

T 5

extin-

Homerus
l. 11. odyss.
& alibi
passim.
Virg. lib. 8.
Aeneid.
Ouid. l. 4.
Metamor.
Silius Ita-
licus l. 3

298 DE IMMORTALITATE ANIMORVM
extingui, sed immortales persistere; & tunc
eorum quæ in vita gesserunt præmia, vel
pœnas referre.

49
*Ex mor-
tuum re-
surrectio-
ne.*

Idem confirmatur ex mortuorum resur-
rectione. Plurimis enim exemplis constat
mortui ad vitam reuocatos. Elias enim
Propheta excitauit filium viduæ Sareptanæ
defunctum, 3. Regum 17.

Eliseus filium Sunamitidis, 4. Reg. c. 4.
Idem iam mortuus alium defunctum exci-
tauit solo ossium contactu: vt habemus ca-
pite 13. eiusdem libri.

Christus Dominus præter alios excitauit
Lazarum quatruidò iam mortuum, tota ci-
uitate Ierosolymorum conscia: vt refert san-
ctus Ioannes cap. 11.

Denique ne longior sim, excitati ad vitam
plurimi, tum ab Apostolis, tum ab aliis san-
ctitate illustribus viris: vt ex historia Eccle-
siastica, & Sanctorum vitis constat.

Resurrectio mortuorum manifestum est
signum animas non interire, sed permanere
separatas, donec rursus corpore conuenien-
ter disposito reuocentur, & ei vniantur. Si-
mul atque enim completa fuerit tota corpo-
ris dispositio quæ ad vnionem est necessaria,
& anima se illi intimè præsentem exhibue-
rit; sponte, & naturali quodam consequio
resultat vnio: sicut ignis fomitem tangens
natu-

naturaliter illi adhærescit, mutuo quodam raptu & attractu. Corpus enim aptatum, naturali quodam pondere appetit vnionem animæ, & anima vnionem corporis: quod pondus exit in actum, quando posita vltima dispositione sunt sibi mutuò intimè præsentia.

Vigesima secunda RATIO.

DENIQUE vt multa alia minuta omit-
tam: Immortalitas animæ est funda-
mentum omnis religionis, omnis iustitiæ,
omnis probitatis, innocentia, sanctitatis. Si
hoc fundamentum est falsum, falsa est &
conficta fabula vniuersa sacra Scriptura: falsa
Prophetarum oracula: falsa Christi doctrina
& prædicatio: falsa eius miracula: falsa
quæ de eius resurrectione, de quadraginta
dierum cum Apostolis post resurrectionem
tractatione, de ascensione, de Spiritu sancto
in Apostolos & alios fideles effuso, ab Evan-
gelistis sunt prodita. Decepti sunt omnes qui
Christi religionem susceperunt, frustra tot my-
riades Sanctorum carnem domuere; pieta-
tem, iustitiam, innocentiam, temperantiam,
& virtutum genus omne tanto studio tan-
toque labore coluere. Frustrà omnia Ecce-
lesiæ sacramenta, omnia sacrificia, omnia in-
stituta, omnes diuinæ laudes, omnis eccle-
siasti-

siafticus ordo, omnes facri conuentus, omnes Prælatorum & Paftorum labores, omnis Patrum doctrina, omnis Chriftianorum vita: hæc omnia, fi anima cum corpore extinguitur, fruſtrâ ſunt, inania, nullius frugis, falſo & commentitio ſubnixa fundamento: & omn' qui ſanctitate vitæ, prophetiæ dono, miraculorum gloria, cæleſti ſapientia, omnibus ſæculis celeberrimi extitere, decepti ſunt, & à vero aberrarunt; ſoliſq; impuris, improbis, Epicureis veritas patefacta. Quæ omnia ab omni luce rationis ſunt alieniſſima.

- 51 Haftenus adduximus rationes quibus animæ immortalitas ſtabiliatur. quæ ſi ritè perpendantur, animum ita conuincunt, vt nulla prorfus relinquatur ambiguitas. His adiiciamus vnum vel alterum Ethnicorum teſtimonium. Seneca epiftola 102. *Magna & generoſa res eſt humanus animus: nullos ſibi poni niſi communes & cum Deo terminos patitur.* nimirum quia ad omnem locum, & ad omne tempus ſe extendit. Pergit hoc explicare. *Primum humilem non accipit patriam, Ephesum aut Alexandriam, aut ſi quod eſt etiamnum frequentius incolis, latius tectis ſolum. Illi patria eſt, quodcumque ſuprema & vniuerſa circuitu ſuo cingit: hoc omne conuexum, intra quod iacent maria cum terris, intra quod aër humanis diuina ſecernens etiam coniungit,*

*iungit, intra quod disposita tot numina in
 actus suos excubant. Per numina stellas intel-
 ligit, & fortè etiam genios. Hæc de loco seu
 patria. Addit de ætate seu tempore. Deinde
 arctam ætatem sibi dari non sinit. Omnes, in-
 quit, anni mei sunt: nullum sæculum magnis
 ingenijs clusum est: nullum non cogitationi
 peruium tempus. Cùm venerit dies ille qui
 mixtum hoc diuini humaniq; secernat, corpus
 hoc, ubi inueni, relinquam: ipse me dijs red-
 dam. Nec nunc sine illis sum, sed graui terre-
 noq; detineor. Per has mortalis aui moras, illi
 meliori vitæ longioriꝫ proluditur. Quemad-
 modum nouem mensibus nos tenet maternus
 vterus, & preparat nõ sibi, sed illi loco in quem
 videmur emitti, iam idonei spiritum trahere,
 & in aperto durare: sic per hoc spatium, quod
 ab infantia patet in senectutem, in alium ma-
 turescimus partum. Alia origo nos expectat:
 alius rerum status. nondum celum nisi ex in-
 ternallo pati possumus. proinde intrepidus ho-
 ram illam decretoriam prospice: non est animo
 suprema, sed corpori. Quidquid circa te iacet
 rerum, tamquam hospitalis loci sarcinas spe-
 cta: transeundum est. Excutit redeuntem na-
 tura, sicut intransientem. Non licet plus efferre
 quàm intuleris: imò etiam ex eo quod in vitam
 attulisti, magna pars ponenda est. Detrahetur
 tibi hac circumiecta, nouissimum velamentum
 tui,*

*Vita mor-
 talis est pra-
 paratio ad
 immorta-
 lem.*

*Omnia ex-
 terna velu-
 ti hospita-
 lis loci sar-
 cina spe-
 ctanda.*

*Dies mor-
tis est na-
talis aterni-
tatis.*

*Bona vita
fuerit.*

*Deos nos ap-
probare &
parare iu-
bemur.
Æternitas
proponen-
da.*

tui, cutis: detrahetur caro & suffusus sanguis: detrahentur ossa, neruiq; firmamenta fluidorum ac labentium. Dies iste quem tamquam extremum reformidas, aterni natalis est: Depone onus. quid cunctaris, tamquam non prius quoque relicto in quo latebas corpore exieris? Hæc & reluctaris: tum quoque magno nisu matris expulsus es. Gemis, ploras: & hoc ipsum flere nascentis est. Et infra. Quid ista sic diligis quasi tua? istis opertus es. Veniet qui te reuelet dies, & ex contubernio fadi atque olidi ventris educat. Aliquando natura arcana tibi re-
tegentur, discutietur ista caligo, & lux undique clara percutiet. Imaginare tecum quantus ille sit fulgor, tot sideribus lumen inter se miscentibus. Nulla serenum umbra turbabit: equaliter splendet omne cali latus: dies & nox æris infimi vices sunt. Tunc in tenebris vixisse dices, cum totam lucem totus adspexeris: quam nunc per angustissimas oculorum vias obscure intueris, & tamen admiraris tam procul. Quid tibi videbitur diuina lux, cum illam suo loco videris? Hac cogitatio nihil sordidum animo subsidere sinit, nihil humile, nihil crudele. Deos omnium rerum esse testes ait: illis nos approbari, illis in futurum parari iubet, & aternitatem proponere. Hæc ille.

Multa hinc præclara tradit Seneca de animo humano. 1. Esse similem Deo, cum per omnem

omnem locum & æternitatem se extendat.
2. Cùm exceſſerit è corpore, diuis & genijs,
ſeu ſpiritibus ſociari. 3. Nos hîc verſari
tamquam in via: patriam noſtram eſſe cælum.
Omnia quæ in hoc mundo extra animum
ſunt poſita, eo loco habenda quo ſarcinæ,
& varia ſupellex hoſpitij, per quod
iter agentes tranſimus. 4. Sicut infans no-
uem menſibus præparatur ad vitam degen-
dam in hoc mundo: ita in hoc mundo toto
tempore quo viuimus, nos aptari ad vitam
immortalem ſæculi futuri. 5. Supremum
diem vitæ mortalis, initialem eſſe æternita-
tis. 6. Animum à corpore digreſſum, arca-
na naturæ, & lucem diuinam clarè viſurum.
7. Æternitatem ob oculos habendam, vt
illi nos aptemus, & Deo omnium rerum in-
ſpectori vitam noſtram approbemus.

Similia reperire eſt apud Platonem, Plo-
tinum, Ciceronem, Epictetum, Arianum, &
alios Ethnicos ſcriptores. Sequitur nunc, vt
argumenta, quibus hæc veritas oppugnari
queat, proferamus in medium, eaque diſ-
ſoluamus.

Argu-

Argumenta contra immortalitatem animorum, & eorum solutio.

52
1. Argu-
mentum.

PRIMVM sit: Ea anima, cuius omnis operatio & functio dependens est ab organo corporeo, non potest consistere separatim. Qui anima rationalis est talis: Ergo non potest separata subsistere. Maior est Aristotelis lib. 1. de Anima cap. 1. text. 13. & communiter recepta est à philosophis. Ratione etiam manifesta probari potest. Cum enim *esse* sit propter operationem, in eo statu in quo anima non potest habere operationem, non potest etiam habere *esse*. Illud enim *esse* frustraneum esset, cum suo destitueretur fine. Deus autem & natura nihil faciunt frustra. Confirmatur, Quia illa anima, etsi nobilissima, esset instar mortui, & rei inanimæ, sine notitia, sine affectu, sine gaudio, sine dolore, sine sensu, sine motu: ac proinde frustra haberet *esse* animæ, *esse* viuum & vitale.

Minor verò, nempe *Quòd omnis functio anima rationalis pendeat à corpore*, probatur duobus indiciis. Primò, Quia constat functiones sensuum externorum, & facultatis imaginatricis, à corporeo instrumento pendere. Itaque relinquitur sola intellectus operatio, de qua possit esse dubitatio: sed neque

que hæc absque corporis ope perfici potest. quia, ut Aristoteles inquit lib. 3. de Anima; cap. 8. tex. 39. *Cùm mens contemplatur, necesse est simul phantasma aliquod contemplari.* Experienciâ enim constat, nō posse nos quidquam intelligere, aut aliqua de re intellectu iudicare; nisi simul eius quoddam *Simulachrum* corporeum animo fingamus & imaginemur: adeò; ut neque spiritalia & diuina aliter concipere possimus. Atqui hoc simulachrum formatur per phantasiam; quæ à corporeo instrumento pendet. Itaque cùm intellectus non possit intelligere sine ope phantasie, & phantasia non possit operari sine spiritibus, & apta cerebri dispositione; perspicuum videtur, functionem intellectus à corpore pendere. Secundò; Quia experienciâ constat interceptis spirituum animalium meatibus (ut in syncope & apoplexia) repentè hominem omni rationis usu destitui: quod signum est rationis usum à spiritibus & cerebri affectu pendere.

Respondeo, distinguendo maiorem. Dupli- 53
citer enim potest animæ operatio pende- *Responsio*
re ab organo corporeo. Primò, per se, & immediate. Secundò, per accidens, & mediatè.

Si primo modo dependeat; manifestum est, talem operationem sine corporis adminiculo præstari non posse: ac proinde eam ani-

V

mam,

306 DE IMMORTALITATE ANIMORVM
mam, cuius omnis operatio hoc modo à corpore dependet, non posse separatam existere: tales sunt animæ brutorum animantium. Et hoc sensu vera est maior.

Si verò solùm secundo modo dependeat, maior est falsa: quia quod per accidens & solùm per aliud competit, potest tolli. Itaque cum functio intellectus non per se & immediatè à corpore pendeat, sed solùm per accidens & mediatè, nihil obstat quin extra corpus obiri queat. Quòd autem per se non dependeat à corpore, multis indiciis manifestèprehenditur. Primò, Functio intellectus potissimùm consistit in iudicando. atqui ad iudicandum phantasia & simulachrum illud corporale nullo modo iuvat, sed potius impedit, & errandi occasionem præbet: vnde intellectus phantasie conceptionem non debet sequi, neque secundùm illius modum & speciem iudicare; sed luce sua illam corrigere, vt ipsam veritatem possit attingere. Quòd si tanta est vis intellectus vt phantasie ruditatem & errata corrigat, & liquidam veritatem longè supra phantasie captum positam assequatur; perspicuum est eam per se & secundùm suam substantiam à phantasia non pendere. Secundò, Quia maximè desideramus intelligere spiritalia, quæ sub phantasiam non cadunt. Tertiò,

tiò, Quia veritatis cognitio non est vlllo modo bonũ corporis, sed animi tantũ, & propter solius animi perfectionem expetenda. Quartò, Quia viri sancti interdum in ecstasi ad spiritalem contemplationem nullis verbis explicabilem, ac proinde nullis phantasmatibus imaginabile aut repræsentabilem, euehuntur: vt ex Apostolo 2. ad Corinth. 12. colligitur. Omitto alia quæ suprà de vi intelligendi & appetendi deducta sunt.

Dicet aliquis, Quĩ fit ergo, vt non possimus quidquam intelligere, nisi per phantasmam corporale quoddam simulachrum rei fingamus? vnde huius rei oritur nobis necessitas? Respondeo, id prouenire ex præsentĩ animæ statu; nimirum, quia est forma corporis illud actu informans & viuificans. Sicut enim cũ ipsa habet statum in corpore, quodammodò corporatur, & veluti crassescit, vt se naturæ corporali accommodet: ita omnia quæ concipit, sub corporali quadam specie concipit. Modus enim operandi sequitur modum existendi. Cũ verò fuerit à corpore separata, & in se ipsam, seu in apicem sui collecta, & per se substiterit, alium modum intelligendi consequetur, nec opus erit illi tale idolum formare, sicut nec Intelligentiis, quas Angelos vocamus. Denique cũ est in corpore, non potest intel-

306 DE IMMORTALITATE ANIMORVM
mam, cuius omnis operatio hoc modo à corpore dependet, non posse separatam existere: tales sunt animæ brutorum animantium. Et hoc sensu vera est maior.

Si verò solum secundo modo dependeat, maior est falsa: quia quod per accidens & solùm per aliud competit, potest tolli. Itaque cum functio intellectus non per se & immediatè à corpore pendeat, sed solum per accidens & mediatè, nihil obstat quin extra corpus obiri queat. Quòd autem per se non dependeat à corpore, multis indiciis manifestè apprehenditur. Primò, Functio intellectus potissimùm consistit in iudicando. atqui ad iudicandum phantasia & simulachrum illud corporale nullo modo iuvat, sed potius impedit, & errandi occasionem præbet: vnde intellectus phantasiæ conceptionem non debet sequi, neque secundùm illius modum & speciem iudicare; sed luce sua illam corrigere, vt ipsam veritatem possit attingere. Quòd si tanta est vis intellectus vt phantasiæ ruditatem & errata corrigat, & liquidam veritatem longè supra phantasiæ captum positam assequatur; perspicuum est eam per se & secundùm suam substantiam à phantasia non pendere. Secundò, Quia maximè desideramus intelligere spiritalia, quæ sub phantasiam non cadunt. Tertiò,

tiò, Quia veritatis cognitio non est vlllo modo bonũ corporis, sed animi tantũ, & propter solius animi perfectionem expetenda. Quartò, Quia viri sancti interdum in ecstasi ad spiritalem contemplationem nullis verbis explicabilem, ac proinde nullis phantasmatibus imaginabile aut repræsentabilem, euehuntur: vt ex Apostolo 2. ad Corinth. 12. colligitur. Omitto alia quæ suprà de vi intelligendi & appetendi deducta sunt.

Dicet aliquis, Quĩ fit ergo, vt non possimus quidquam intelligere, nisi per phantasiã corporale quoddam simulachrum rei fingamus? vnde huius rei oritur nobis necessitas? Respondeo, id prouenire ex præsentĩ animæ statu; nimirum, quia est forma corporis illud actu informans & viuificans. Sicut enim cùm ipsa habet statum in corpore, quodammodo corporatur, & veluti crafcescit, vt se naturæ corporali accommodet: ita omnia quæ concipit, sub corporali quadam specie concipit. Modus enim operandi sequitur modum existendi. Cùm verò fuerit à corpore separata, & in se ipsam, seu in apicem sui collecta, & per se substiterit, alium modum intelligendi consequetur, nec opus erit illi tale idolum formare, sicut nec Intelligentiis, quas Angelos vocamus. Denique cùm est in corpore, non potest intel-

306 DE IMMORTALITATE ANIMORVM
mam, cuius omnis operatio hoc modo à corpore dependet, non posse separatam existere: tales sunt animæ brutorum animantium. Et hoc sensu vera est maior.

Si verò solum secundo modo dependeat, maior est falsa: quia quod per accidens & solum per aliud competit, potest tolli. Itaque cum functio intellectus non per se & immediatè à corpore pendeat, sed solum per accidens & mediatè, nihil obstat quin extra corpus obiri queat. Quòd autem per se non dependeat à corpore, multis indiciis manifestè deprehenditur. Primò, Functio intellectus potissimum consistit in iudicando. atqui ad iudicandum phantasia & simulachrum illud corporale nullo modo iuvat, sed potius impedit, & errandi occasionem præbet: vnde intellectus phantasie conceptionem non debet sequi, neque secundum illius modum & speciem iudicare; sed luce sua illam corrigere, vt ipsam veritatem possit attingere. Quòd si tanta est vis intellectus vt phantasie ruditatem & errata corrigat, & liquidam veritatem longè supra phantasie captum positam assequatur; perspicuum est eam per se & secundum suam substantiam à phantasia non pendere. Secundò, Quia maximè desideramus intelligere spiritalia, quæ sub phantasiam non cadunt. Tertiò,

tiò, Quia veritatis cognitio non est vllò modo bonũ corporis, sed animi tantũ, & propter solius animi perfectionem expetenda. Quartò, Quia viri sancti interdum in ecstasi ad spiritalem contemplationem nullis verbis explicabilem, ac proinde nullis phantasmatibus imaginabile aut repræsentabilem, euehuntur: vt ex Apostolo 2. ad Corinth. 12. colligitur. Omitto alia quæ suprà de vi intelligendi & appetendi deducta sunt.

Dicet aliquis, Quĩ fit ergo, vt non possimus quidquam intelligere, nisi per phantasiam corporale quoddam simulachrum rei fingamus? vnde huius rei oritur nobis necessitas? Respondeo, id prouenire ex præfenti animæ statu; nimirum, quia est forma corporis illud actu informans & viuificans. Sicut enim cum ipsa habet statum in corpore, quodammodo corporatur, & veluti crafcescit, vt se naturæ corporali accommodet: ita omnia quæ concipit, sub corporali quadam specie concipit. Modus enim operandi sequitur modum existendi. Cum verò fuerit à corpore separata, & in se ipsam, seu in apicem sui collecta, & per se substiterit, alium modum intelligendi consequetur, nec opus erit illi tale idolum formare, sicut nec Intelligentiis, quas Angelos vocamus. Denique cum est in corpore, non potest intel-

54

306 DE IMMORTALITATE ANIMORVM
mam, cuius omnis operatio hoc modo à corpore dependet, non posse separatam existere: tales sunt animæ brutorum animantium. Et hoc sensu vera est maior.

Si verò solùm secundo modo dependeat, maior est falsa: quia quod per accidens & solùm per aliud competit, potest tolli. Itaque cum functio intellectus non per se & immediatè à corpore pendeat, sed solùm per accidens & mediatè, nihil obstat quin extra corpus obiri queat. Quòd autem per se non dependeat à corpore, multis indiciis manifestè deprehenditur. Primò, Functio intellectus potissimùm consistit in iudicando. atqui ad iudicandum phantasia & simulachrum illud corporale nullo modo iuvat, sed potius impedit, & errandi occasionem præbet: vnde intellectus phantasie conceptionem non debet sequi, neque secundùm illius modum & speciem iudicare; sed luce sua illam corrigere, vt ipsam veritatem possit attingere. Quòd si tanta est vis intellectus vt phantasie ruditatem & errata corrigat, & liquidam veritatem longè supra phantasie captum positam assequatur; perspicuum est eam per se & secundùm suam substantiam à phantasia non pendere. Secundò, Quia maximè desideramus intelligere spiritalia, quæ sub phantasiam non cadunt. Tertiò,

tiò, Quia veritatis cognitio non est vlllo modo bonũ corporis, sed animi tantũ, & propter solius animi perfectionem expetenda. Quartò, Quia viri sancti interdum in ecstasi ad spiritalem contemplationem nullis verbis explicabilem, ac proinde nullis phantasmatibus imaginabile aut repræsentabilem, euehuntur: vt ex Apostolo 2. ad Corinth. 12. colligitur. Omitto alia quæ suprà de vi intelligendi & appetendi deducta sunt.

Dicet aliquis, Quĩ fit ergo, vt non possimus quidquam intelligere, nisi per phantasiã corporale quoddam simulachrum rei fingamus? vnde huius rei oritur nobis necessitas? Respondeo, id prouenire ex præfenti animæ statu; nimirum, quia est forma corporis illud actu informans & viuificans. Sicut enim cùm ipsa habet statum in corpore, quodammodò corporatur, & veluti crafcescit, vt se naturæ corporali accommodet: ita omnia quæ concipit, sub corporali quadam specie concipit. Modus enim operandi sequitur modum existendi. Cùm verò fuerit à corpore separata, & in se ipsam, seu in apicem sui collecta, & per se substiterit, alium modum intelligendi consequetur, nec opus erit illi tale idolum formare, sicut nec Intelligentiis, quas Angelos vocamus. Denique cùm est in corpore, non potest intel-

306 DE IMMORTALITATE ANIMORVM
mam, cuius omnis operatio hoc modo à corpore dependet, non posse separatam existere: tales sunt animæ brutorum animantium. Et hoc sensu vera est maior.

Si verò solum secundo modo dependeat, maior est falsa: quia quod per accidens & solè per aliud competit, potest tolli. Itaque cum functio intellectus non per se & immediatè à corpore pendeat, sed solum per accidens & mediatè, nihil obstat quin extra corpus obiri queat. Quòd autem per se non dependeat à corpore, multis indiciis manifestè deprehenditur. Primò, Functio intellectus potissimùm consistit in iudicando. atqui ad iudicandum phantasia & simulachrum illud corporale nullo modo iuvat, sed potius impedit, & errandi occasionem præbet: vnde intellectus phantasiæ conceptionem non debet sequi, neque secundùm illius modum & speciem iudicare; sed luce sua illam corrigere, vt ipsam veritatem possit attingere. Quòd si tanta est vis intellectus vt phantasiæ ruditatem & errata corrigat, & liquidam veritatem longè supra phantasiæ captum positam assequatur; perspicuum est eam per se & secundùm suam substantiam à phantasia non pendere. Secundò, Quia maximè desideramus intelligere spiritalia, quæ sub phantasiam non cadunt. Ter-
tiò,

tiò, Quia veritatis cognitio non est vlllo modo bonũ corporis, sed animi tantũ, & propter solius animi perfectionem expetenda. Quartò, Quia viri sancti interdum in ecstasi ad spiritalem contemplationem nullis verbis explicabilem, ac proinde nullis phantasmatibus imaginabile aut repræsentabilem, euehuntur: vt ex Apostolo 2. ad Corinth. 12. colligitur. Omitto alia quæ suprà de vi intelligendi & appetendi deducta sunt.

Dicet aliquis, Quĩ fit ergo, vt non possimus quidquam intelligere, nisi per phantasmam corporale quoddam simulachrum rei fingamus? vnde huius rei oritur nobis necessitas? Respondeo, id prouenire ex præfenti animæ statu; nimirum, quia est forma corporis illud actu informans & viuificans. Sicut enim cum ipsa habet statum in corpore, quodammodo corporatur, & veluti crafcescit, vt se naturæ corporali accommodet: ita omnia quæ concipit, sub corporali quadam specie concipit. Modus enim operandi sequitur modum existendi. Cum verò fuerit à corpore separata, & in se ipsam, seu in apicem sui collecta, & per se substiterit, alium modum intelligendi consequetur, nec opus erit illi tale idolum formare, sicut nec Intelligentiis, quas Angelos vocamus. Denique cum est in corpore, non potest intel-

lectu & ratione probè uti, nisi etiam sensus externos solutos & liberos habuerit; ut ex iis quæ in somnis experimur, est manifestum. Cuius rei causa est, non quòd sensuum functio iuuet functionem intellectus, aut hæc per se ab illa pendeat: sed quia functio intellectus est suprema ac præstantissima. Vnde ad eam obeûdam oportet animam prorsus esse liberam & sui compotem, ut vniuersam vim essentia suæ in illam cõferre queat. Cuius signum est, quòd cum mentem ad aliquid intelligendum vehementer applicamus, vix aduertamus ea quæ interim in sensum incurrunt, vi animæ se in supremam functionem expendente. Accedit quòd ea sit potentiarum animæ in corpore connexio & sympathia, ut anima non possit uti suprema, nisi etiam sit expedita ad infimas. Loquor de iis quæ ad cognitionem pertinent.

55
1. *Argum.* Secundum argumentum: Si anima corpore exuta manet immortalis, vel perpetuò manebit separata, vel aliquando restituetur corpori. Neutrum videtur iusta ratione dici posse. Non prius: quia sic perpetuò maneret in statu violento & naturæ aduerso. Cum enim sit infima substantiarum spiritualium, postulat esse in corpore tamquam corporis forma; ac proinde habet naturale pondus ad vnionem corporis: ergo separari à corpore,

pore, & separatim existere, est naturali ipsius inclinationi contrarium; & ipsi quodammodò violentum. Atqui nihil violentum est perpetuum. Non posterius: quia inde sequeretur resurrectionem esse naturalem, & ordini rerum naturali debitam. quòd non videtur concedendum: tum quia est fidei mysterium: tum quia omnes philosophi illam ignorarunt.

Respondeo: Origenes & Platonici negarunt animam rationalem esse corporis formam; eamque statuerunt in corpore non tamquam formam in nativo subiecto, ad eius commodum & perfectionem, sed tamquam reum in carcere ad vindictam antè commissorum. Vnde etiam volebant, ex anima & corpore non componi propriè vnā substantiam, nempe hominem; sed solam animam esse hominem, corpus autem esse veluti carcerem, ac proinde omne corpus fugiendum. Verùm hæc sententia manifeste rationi repugnat. Si enim anima in corpore tamquam in carcere, vel loco alieno detinetur: cur adeò horret & refugit mortem? cur adeò molestum est ei à commercio corporis diuelli? Cur nõ est ei graue in corpore sordibus oppleto morari? sicut viro nobili purissimis assueto, graue foret in loco impuro & foetido detineri. Cur corporis

*Animam
esse corporis
formam.*

commoda & voluptates amat, iisque tantopere delectatur? Cur læsione & incommodis corporis tantopere offenditur, & dolet, cum potius deberet illis gaudere, sicut gaudent vincti, dum vincula rumpi, & carcerem collabi vident? Itaque cum anima rationalis minus corporis commoda & incommoda sentiat, iisque afficiatur, quàm anima brutorum; perspicuum est eam similiter naturalem corporis esse formam, & naturæ quodam desiderio corporis unionem affectare. Quia tamen non ita immersa est corpori, ut vnà cum illo extingui debeat; sed beneficio suæ subtilitatis & substantiæ spiritalis per se subsistere potest: hinc fit ut corporis affectibus sit superior, & possit eos contemnere, ita ut nec voluptati, nec dolori, neque etiam morti cedat: quod in brutis animantibus locum non habet.

- 56 Hac igitur sententia reiecta, dicendum est animam non perpetuò mansuram separatam, sed aliquando corpori restituendam. Quia non sic instituta est ut sit integra & completa substantia, sicut angelus; sed ut sit pars substantiæ, nempe forma, ac proinde incompleta. Vnde necesse est ponere corporum resurrectionem. Hanc tamen non dicimus esse naturalem: quia etsi terminus eius, nimirum corporis formatio, & vnio animæ
cum

cum corpore, sit res naturalis, & debita naturali animæ statui & perfectioni: tamen per causas naturales fieri non potest, sed virtute diuina: vnde dicenda supernaturalis. Sicut illuminatio cæci, restitutio membrorum, curatio morborum incurabilium.

Neque mirum videri debet, animam humanam non posse absque diuina virtute & extraordinaria ope suam perfectionem naturalem in æternum obtinere: quia duplicis, & quodammodò contrariæ naturæ est particeps; spiritalis & corporalis, mortalis & immortalis. Itaq; postulat sibi corpus amissum restitui, sed ita firmiter restitui, vt nunquam amplius amittat: alioquin infinites deberet fieri resurrectio.

Philosophi resurrectionem ignorarunt, vel quòd putarent animam non esse naturalem corporis formam, sed substantiam completam: vel quòd dubitarent de eius immortalitate: vel quia minus incommodi censebant, statuere animam perpetuò separatam, quàm introducere corporum resurrectionem. Et si enim naturale sit animæ, esse in corpore; tamen ex statu separationis nihil sentit molestiæ vel incommodi: quin imò liberatur omnibus huius vitæ incommodis, & assequitur gradum quemdam altiore, & rebus diuinis propinquiorem.

Vnde consistendo intra limites naturæ, non existimo animam appetitu illicito seu rationali desiderare corporis vnionem; quamuis naturæ quodam pondere ad illam propendeat, quia bona illa quæ in statu separationis possidet, longè pluris sunt æstimanda quàm ea obinet in corpore.

Neque verum est illum statum esse illi violentum: quia etsi carentia vnionis quodammodò violenta ei sit, nempe negatiuè, quatenus est priuatio eius ad quod ipsa essentia animæ effectiue propendet: tamen libertas illa qua tunc fruitur, & vigor mentis, & modus intelligendi non est vllò modo illi violentus, sed consentaneus illius naturæ in statu separationis.

57 *Argum.* Tertium argumentum: Ipsa corporis structura mortalitatem animi videtur arguere, quia tota ferè ad vsus temporales huius vitæ mortalis comparata est, nimirum vt corpus sustentetur, & natura propagetur. Sic dentes & stomachus ad cibum conterendum & coquendum; intestina ad superflua amandanda; hepar ad conficiendum sanguinem; folliculus fellis ad excipiendas actiores alimentari partes; lien ad crassiorem sanguinem; renes ad secernendas à sanguine serosam alimentorum materiam; vesica ad illam excipiendam, & emittendam; sexus ad procreationem,

tionem. Atqui post hanc vitam non erit amplius usus ciborum, aut procreatio. Ergo nec debent esse ista membra, quæ ad eum finem instituta: ac proinde neque anima quæ talia membra & corpus ita constructum postulat. Frustrà enim essent illa membra, quorum in æternum nullus sit usus.

Respondeo: Hoc argumentum directè oppugnat resurrectionem, & solum ex consequenti animorum immortalitatem. Corporis humani compositio & conformatio manifestè convincit ipsum secundum se esse mortale ac solubile, non autem ipsam animam. Verùm etsi corpus dissoluatur, facile est Deo tempore cõstituto illud rursus compingere, eique suam animam inserere: & simul efficere ne amplius dissolui possit. Ut enim Plato in Timæo docet, *Quod natura sua solubile est, & morti obnoxium, imperio diuino potest fieri immortale, ita ut nunquam mortis subeat necessitatem.* Cessabunt quidem tunc illæ membrorum functiones, quæ ad alendum corpus & generandum pertinent: non tamen idcirco membra illa erunt frustra: quia seruient constitutioni naturali corporis, tamquam necessaria ad eius integritatem & pulchritudinem. Hic enim est præcipuus illorum finis, constituere corpus perfectum, animæ conditioni & statui accommodatum.

314 DE IMMORTALITATE ANIMORVM
 modatum. Functiones autem illæ solùm
 sunt finis secundarius; quia solùm ad tempus
 institutæ, ad faciendas corporis mortalis
 ruinas, calore naturali carnis substantiam
 depascente. Vnde sicut cessat accretio, quan-
 do corpus iustam staturam nactum fuerit;
 ita cessat nutritio, & functiones ei seruien-
 tes, quando corpus diuino munere immor-
 tale redditum fuerit. Cùm enim istæ fun-
 ctiones sint infimæ, vt quæ conueniant ani-
 mæ secundùm infimam ipsius partem & fa-
 cultatem, qua communicat cum plantis, &
 multas habeant coniunctas sordes & putre-
 dines; non conueniebat vt essent perpetuæ,
 sed vt suo tempore tollerentur, Deo meliori
 modo corpori succurrente. Sensuum tamen
 functiones, quia modo spiritali absque cor-
 ruptione fiunt, perpetuæ erunt, similiter &
 vocis ac locutionis, quibus illa membra
 propinquius vel remotius suo modo deser-
 uient; ac proinde etiam hac ratione frustra
 non erunt.

59
*Argumen-
 ta Plinij.*

Quartò, adduci possunt ea quæ Plinius
 lib. 7. cap. 55. historię naturalis adfert, etsi
 nihil virium habeant. Primo dicit: *Omnes
 à suprema die eadem qua ante primum: nec
 magis à morte sensus ullus aut corpori, aut
 animæ, quàm ante natalem.*

Respondeo, hîc assumi id quod erat in
 primis

primis probandum. Vnde eadem facilitate negatur, quæ assertitur. Et sanè illud falsum esse, docet tota Platoniorum & Pythagoriorum schola. Nulla enim est necessitas, ut id quod cœpit esse, aliquando esse desinat, præsertim si illud sit simplex substantia, sicut est anima, & quævis natura spiritalis. Secus est de rebus corporeis, quæ ex elementis constant; in quibus solis illud pronuntiatur, *Omne genitum potest corrumpi*, locum habet. Certum enim est materiam primam, quia simplex est, etiam si inciperet, non posse corrumpi. Idem de cælestibus corporibus, etiam iuxta Platoniorum doctrinam, dicendum. Itaque etsi ante natalem nullus animæ fuerit sensus, non tamen idcirco post mortem nullus ei sensus erit. Ratio est, quia etsi natalis animæ coniunctus fuit cum natali corporis, ac proinde anima ante natalem corporis non extiterit: non tamen interitus animæ comitatur interitum corporis. Mors enim non est interitus utriusque, sed solius corporis ex animæ separatione.

Deinde quærit Plinius: *Quod corpus anima persequitur materiam?* Respondeo, Animam hinc abeuntem nullum sequitur corpus: quia absque omni corpore, nuda (utpote substantia spiritalis) potest consistere. *Vbi cogitatio illi?* Non opus est illi cerebro aut corpore ut cogi-

cogitet; sicut nec Deo; nec aliis substantiis spiritualibus: quia vis intelligendi, quò à corpore remotior, eò præstantior. *Quomodo visus, auditus?* Non opus habet sensuum externorum obsequio, cum omnia tunc mente percipiat. Mens enim non solum seruit ad gustandum & abstractum cognoscendum, sed etiam ad intuendum & percipienda omnia quæ nos hic sensibus externis percipimus. Sicut enim tu ipse de Deo ais:

Lib. 1. c. 7. *Quisquis est Deus, totus est sensus, totus visus, totus auditus, totus anima, totus animus, totus sui: ita anima separata tota est sensus, tota visus, tota auditus, tota mens, tota vigor & vita. Quid agit? qui usus eius? Quid agunt alij spiritus? Quasi Deum contemplari, amare, laudare, cælestium spirituum contubernio frui nihil sit agere, aut id quod his vacat, nulli vsui seruiat? Mira istius hominis cæcitas, qui nullum videtur agnouisse spiritum. Quanto sapientius Platonici & Peripatetici, qui etiam summum bonum in contemplatione primi principij statuerunt?*

61 Pergit Plinius: *Aut quod sine his bonum?* Extra sensus nullum bonum animæ agnoscere porcorum est, non philosophorum. *Quæ deinde sedes?* Facilis responsio. Piarum apud superos, impiarum apud inferos. Hic sensus totius antiquitatis. *Quanta multitudo*

tot

tot seculis animarum velut umbrarum? Tanta multitudo animarum, quot ab initio mundi in hunc diem vixerunt homines. Cum enim mundus ceperit exordium, non est infinita earum multitudo, sed certo numero, eoque non adeò magno comprehensa. Facile enim esset ostendere hunc numerum duas tres myriades millionum non excedere. Perperam vocantur *umbra*; cum ipsæ sint instar lucis: corpus potius umbræ est simile, ut rectè Platonici. *Qua (malum) ista dementia est iterari vitam morte?* Non iteratur vita animæ post mortem corporis, sed corpore moriente continuatur & perseverat. *Qua genitis quies umquam, si in sublimi sensus anima manet?* Non modò quies illis & vacatio ab huius vitæ turbis & incommodis, sed etiam summa voluptas, summum gaudium si piè vixerint: si impiè, summa miseria. Hoc etiam Platonici agnoscunt. *Perdit profectò ista dulcedo, credulitasq; præcipuum natura bonum mortem, ac duplicat obituri dolorem, etiam post futuri aestimatione.* Nimirum hæc est præcipua ratio, cur scelerati homines refugiant credere animæ immortalitatem; quia hæc credulitas corrumpit omnes eorum voluptates, & animos assidua lancinat formidine futurorum. Conscij enim sibi sunt suorum scelerum, & quid eis iustè debeat. Optant itaque

itaque animam vnà cum corpore extingui, cum maius bonum expectare non possint. Sic enim immunes forent à miseria, quæ illis propter sua flagitia impendet. Et quia id vehementer optant, facile in animum inducunt credere ita futurum. Non est interitus animæ præcipuum naturæ bonum, sed præcipuum naturæ malum. Hinc quælibet res maximè refugit sui interitum; vt quo totum naturæ bonum perdatur. Deinde quomodo dici potest præcipuum naturæ bonum, quo euertitur omnis iustitia? quo subtrahitur præmium virtuti, & castigatio debita flagitio? Etsi enim impiis omnibus bonum foret animam extingui: piis tamen & pariter bono publico Vniuersi foret malum & iniurium: non secùs ac Reipub. malum foret, si nulla virtuti essent præmia; nulla sceleri vindicta. Impiis quidem duplicat ea cogitatio dolorem: dum non solum ob mortem corporis quæ huius vitæ dulcia præscindit, dolore afficiuntur, sed etiam (& longè acrius) ob supplicia quæ post mortem corporis occulto naturæ sensu iudicant impendere animæ. hoc est quod ait Plinius, *post-futuri estimatione*. At contrà piis ea credulitas gaudium conduplicat, cum non solum gaudent morte corporis, quæ omnibus huius vitæ miseriis eos eximit, sed etiam (& longè vehementius)

tiùs) certa expectatione maximorum bonorum, quæ post mortem laboribus eorum refundentur.

Ex his perspicuum est, friuolas esse Plinianas obiectiones, magisque ex affectu & odio aduersæ sententiæ, quàm ex ratione profectas.

Dicet aliquis: Esto sanè, sit animâ immortalis; at nihil post hanc vitam mali patietur, sed fruetur magna libertate, & vacabit rerum contemplationi: vel si aliquid patiatur, id non erit perpetuum, sed longius vel breuius pro ratione labium quas hîc contraxit: maiores labe magisque inolitæ diuturniore supplicio, vel certè grauiore, erunt expiandæ; minores leuiore, vel minùs diuturno.

Fateor Stoicorum fuisse sententiam, animam post hanc vitam nihil mali passuram, <sup>Stoicorum
imagina-
tio.</sup> sed ad cognatam sibi stellam reuersuram, ibique perseueraturam, si quidem sapiens & proba fuit, usque ad mundi generalem exustionem; si improba vel fatua, ad breuius tempus: quo transacto, in elementum, vnde sumpta est, conuersum iri. Verùm friuola sunt ista, & prorsus à ratione aliena. Si enim animæ supersunt post hanc vitam, quid procluius creditu, quàm eas tunc pro meritis accipere? Alioquin vbi prouidentia numinis?

320 DE IMMORTALITATE ANIMORVM
minis? ubi iustitia? Verùm satis multa ea de
re suprà dicta sunt. Deinde si absque cor-
pore ad tempus possunt subsistere, cur non
semper? Cùm enim sint simplices substan-
tiæ, non possunt temporis progressu vetera-
scere. aut vigorem amittere, sicut corpora
ex elementis composita: sed si vel ad mo-
mentum extra corpus subsistere possunt, æ-
terno tempore possunt, & omnis interitus
sunt expertes: vt tota Peripateticorum scho-
la cum Aristotele fateatur. Nihil enim est
quod substantiam simplicem per se subsi-
stentem possit perimere. Vnde & ipsa mate-
ria prima, quia res simplex est per se subsi-
stens, nullique alteri veluti subiecto innixa,
incompactibilis & inexterminabilis est.

Quod autem de conflagratione anima-
rum dicitur, quasi per ignem possint dissol-
ui, liquefcere, & evanescere in auras sicut
corpora, non minùs absurdum est. Non enim
anima est corpus aut oleosa substantia quæ
inflammari & igne dissolui possit, sed spiri-
tus omni aura & igne subtilior & leuior.
quod autem igne dissoluitur, corporeum es-
se debet, ipso igne & iis rebus in quas dissol-
uitur, crassius & corpulentius.

- 63 Adde, fundamentum Stoicorum, quo nixi
existimarunt animas post hanc vitam nihil
mali passuras, etsi hîc pessimè vixissent, fuisse
hanc

hanc persuasionem, qua credebant, animas nostras esse particulas quasdam, & *ὑποστάσεις* diuinitatis^a. Diuinitatem enim statuebant animam mundi^b: ab anima mundi tamquam omnium communi & vniuersali, decerpi animas particulares animantium, & in primis humanas. Itaque vinculis porreis solutas, redire ad suum principium unde desumptæ, nempe ad animam mundi, eique rursus coalescere. Quæ omnia ita absurda sunt, vt vix egeant refutatione. Si enim particulæ Dei, quomodo possunt igne dissolui? quomodo tot mutationibus, miseriis, doloribus & timoribus esse obnoxia? quomodo tot flagitiis inquinari? Itaque & ipsa diuinitas ex partibus concreta instar rei corporeæ, & omnibus malis erit obnoxia. Facessat rude commentum, quod etiam Cicero benè confutauit.

Origenes fatebatur quidem animas esse immortales, easq; numquam suam speciem ac naturam propriam amissuras; volebat tamen pœnas earum non esse sempiternas, sed post aliquot sæcula finiendas. Idem statuebat de pœna dæmonum. Verùm & huic Origenis dogmati (quod ipse à Platonicis hauferat) multi errores innexi vel connexi sunt.

1. Omnes animas, dæmones, & Angelos

X

los

^a Epictetus
differt. 1.

^b cap. 14.

Cic. Tusc.

5. & lib. 1.

De diuina-

tionem.

epist. 92.

b Seneca

epist. 94.

& 97.

Manlius

li. 1. Astro.

nom.

64

Origenis
error.

322 DE IMMORTALITATE ANIMORVM
los esse eiusdem naturæ: ac proinde non mi-
nùs animas quàm Angelos ab omni corpo-
rum commercio segregatas.

2. Animas antequam corpori iungeren-
tur, in cælestibus peccasse, & propter pec-
catum corporibus tamquam carceribus il-
ligatæ.

3. eas ordine quodam in corpora demit-
ti; primùm in subtiliora: deinde, si peccare
pergant, in crassiora: ultimò in terrena. Hos
gradus descensus animarum in corpora de-
signatos per scalam, quæ in somnis ostensa
Iacob, Genesis 28.

4. Omnes animas, & etiam dæmones
post aliqua sæcula liberandos, & angelicæ
luci restituendos; nimirum cùm suas culpas
pœnis exhauserint, & suppliciorum perpes-
sione omnino fuerint expiati.

5. Hanc vicissitudinem felicitatis & mi-
seriæ in creatura rationali fore sempiternam;
ita ut infinites eadem animæ nunc sint bea-
tæ, nunc miseræ. Postquam enim multis sæ-
culis in cælo fuerint beatæ, rursus tædio
rerum diuinarum affectas, peccato se con-
taminaturas; ob quæ rursus detrudantur in
corpora: in quibus si iniquè vixerint, de-
mergentur in pœnas tartari: quibus expia-
tæ, rursus cælo restituentur. Hanc conditio-
nem & sortem statuit omni creaturæ ratio-
nali,

nali, quocumque nomine vocentur, siue Angeli, siue principatus, siue potestates, siue dominationes, siue dæmones, siue animæ. Vide Hieronymum epist. ad Pammachium contra errores Ioannis Ierosolymitani, & Augustinum de hæresibus, cap. 43.

Sed multa in his delirat Origenes.

65

1. Quòd omnes spiritales substantias faciat eiùdem naturæ & conditionis.

2. Quòd animas nolit esse formas corporum, sed substantias separatas, quæ corporibus tamquam carceribus illigentur.

3. Quòd omnes animas ponat ab initio mundi simul conditas.

4. Quòd spiritus beatos putet affici interdum tædio diuinæ contemplationis, & peccare.

5. Quòd propter huiusmodi peccata velit eos mitti in corpora veluti in carcerem.

6. Quòd supplicia dæmonum & animarum putet aliquando terminanda.

7. Quòd omnes damnatos velit aliquando saluandos.

8. Quòd hunc circulum, quo ex salute itur in peccatum, ex peccato in corpus, ex corpore in damnationem, ex damnatione in salutem, statuatur esse perpetuum.

Possent hæc omnia pluribus rationibus refutari, sed id non est huius loci, & nimis

324 DE IMMORTALITATE ANIMORVM
abiret in longum. Solùm hoc loco ex diu-
inis oraculis nobis demonstrandum est, pœ-
nas iniquorũ post hanc vitam fore acerbis-
simas, & nullo vinqvam tempore finiendas.

*De pœnis vitæ futuræ, ex diuinis
oraculis.*

60 **E**T SI rationi naturali sit valdè consenta-
neum, vt post hanc vitam diuina proui-
dentia cuique congruam mercedem retri-
buat, omniaq; ad iustum reuocet ordinem;
qualis tamen ea merces sit futura, siue in bo-
num siue in malum, & quàm diuturna, nul-
la ratio humana, nulla Philosophorum in-
dustria certò & indubitanter deprehendere
potest. Causa est, partim quòd ea res pen-
deat à libero Dei decreto; partim quòd me-
ritum peccati non sit iudicio naturali satis
exploratum. Itaque vt aliquid quod omni-
no certum sit habeamus, recurrendum ad
oracula diuina; & videndum quid spiritus
diuinus per Prophetas & viros sanctos hac
de re, & præsertim de pœnis iniquorum, de
quibus modò agimus, pronuntiarit.

67 Primum testimonium sit Deuter. 32. in
canto illo admirabili & prophetico Moy-
sis: *Ignis succensus est in furore meo, & arde-
bit vsque ad inferni nouissima: deuorabitq;
terram*

terram cum germine suo, & montium fundamenta comburet.

Quinque hinc expendenda. Primò, Ignem, quo peccatores punientur, iam succensum: tum quia ignis inferni ab initio præparatus est; vt insinuat Dominus Matth. 25. & Isaias Propheta cap. 30. tum quia ille, quo mundus exuretur & peccatores inuoluentur, etsi nondum reipsa succensus sit, tamen in certissima Dei præscientia & prædestinatione iam extat. Mòre enim prophético, quod certissimè futurum est ex vi diuini decreti, iam esse, existere, & factum esse dicitur. De hoc igne propheta Dauid Psalmo 49. *Ignis in conspectu eius exardescet, & in circuitu eius tempestas valida.* & Psal. 96. *Ignis ante ipsum præcedet, & inflammabit in circuitu inimicos eius.* Sermo est utrobique de igne extremi iudicij.

Secundò, Ignem illum succensum esse in *furore Domini*. Vbi designatur causa efficiens & auctor illius ignis. Auctor enim illius est *furor Domini*, id est, voluntas & firmum propositum puniendi impios; puniendi, inquam, non vulgari modo, sed prorsus horribili & inaudito, qualem furor suggerere solet. *Ira & furor* in Deo non sunt passionēs, quales in nobis, sed voluntas tranquilla & rationabilis, acerrima tamen & efficacissima, & om-

nipotens infligendi pœnas æternas. Itaque cum eius effectus omnem furorem æquet, & etiam superet, meritò furor dicitur.

Tertiò, Ignem illum *arsurum usque ad inferni nouissima*, vel vt habent Hebræa *תחתית האש* had-scheol tachtith; *usque ad inferiorem*, quibus verbis significatur, quòd ille ignis non solum hîc in terra corripiet & inuoluet impios (cùm Dominus iudicabit orbem) sed etiam in inferno, & in ima terræ voragine in omnem æternitatem ardebit; quia supplicium ignis continuabitur.

Quartò, Ignem hunc *deuoraturum terram* (id est vniuersum terrę solum & superficiem) & quidquid ex terra oritur, nimirum omnes arbores, siluas, segetes, herbas: & omnes substructiones, & opera humana, quę tunc extabunt, vt sunt domus, ciuitates, superba Regum & Principum palatia, arces, munitiones, turres, propugnacula, & omnis pretiosa supellex, omnesque opes quę his continentur. Hęc omnia igne illo absumuntur, & in fauillam ac cinerem rediguntur: vt etiam apertè testatur B. Petrus, cuius testimonium infra adducemus.

Epist. 2.
cap. vlt.

Quintò, Illum ignem, diuinę vindictę ministrum, exustum non solum terrę superiora, & ea quę ibi reperiet, sed etiam in
terræ

terræ viscera penetraturum; vt etiam ipso-
rum montium fundamenta altissimè de-
mersa comburat & in cinerem redigat. Vn-
de liquet eodem igne omnia metalla, om-
nes lapides pretiosos, omnes terræ opes qui-
bus superbit mundus, absumptum iri. Hæc
enim ferè montium intîmis, terræque visce-
ribus abdita continentur. Nihil adeo
dum reperietur, quod huic igni valeat resi-
stere: sed omnia corpora ex elementis con-
creta, quæ generali nomine Mixta vocantur,
breui tempore sua vi dissoluet, & in sua pri-
mordia, ac simplicia principia rediget. Idem
insinuatur Psal. 96. qui totus est de futuro
iudicio; etsi more prophetico quasi de rebus
transactis loquatur: *Montes sicut cera fluxe-
runt à facie Domini, à facie Domini omnis
terra. Et Iudith 16. Montes à fundamentis
moueuntur cum terra: petra sicut cera lique-
scent ante faciem tuam.* Scimus ingenti ar-
dore saxa dissolui, & instar torrentis ignei è
montibus per plana decurrere. Quæcumque
ignis iste circa res alias operabitur, ea omnia
sunt indicia, & veluti præambula horrendæ
& interminabilis impiorū vindictæ.

Secundum testimonium, Iudith 16. *Da-
bit ignem & vermes in carnes eorum, vt uran-
tur & sentiant usque in sempiternum.* Hic
expresse impiorū supplicia statuuntur sem-

piterna. Similis locus est Ecclesiastici 7. *Memento ira, quoniam non tardabit. humilia valde spiritum tuum, quia vindicta carnis impij ignis & vermis.*

Dabit ignem in carnes eorum: quia ipsa corpora damnatorum statim post resurrectionem igne corripientur, & instar lignorum ardebunt, ut opus non sit externa materia quæ illis applicetur; quamvis nec ista deerit. Vtrumque infra ex aliis Scripturæ locis declarabitur. *Et vermes.* Non existimo istos vermes fore corporales, ut dentibus carnes impiorum lacerent: non desunt tamen boni auctores qui ita sentiant. Verum quid opus est nouo miraculo vilissimas bestias in acerrimo igne facere immortales, ut homines crucient, cum morsus bestiarum ad ignis dolores videatur ludus, vel parui momenti? Omitto quod damnati præ furore & impatientia fatis tum in se ipsos, tum in socios dentibus sæuiunt. Itaque nomine *vermium* possunt hic intelligi flammulae tenues, quæ mille locis è carne impiorum instar vermiculorum erumpent: vel vermis conscientie, cuius acerbissimus morsus etiam corpus assequi fligit. Quod ut intelligatur, sciendum est, duas cogitationes assidue menti eorum obuersaturas: nimirum, quod propter peccata sua privati sunt æterna gloria, quam facili

nego-

Vermis impiorum.

negotio poterant consequi; & additi æternis suppliciis, quæ facile poterant euadere. Hinc geminus nascetur dolor, qui immensa quadam acerbitate cor eorum instar vermis corrodet: nempe quòd inæstimabilem illam gloriam, quæ illis erat quasi in manibus, sua stultitia amiserint; & in æterna tormentata se præcipitarint. Hæ cogitationes, & hi dolores sunt vermes acerbissimi, quorum morsus præcipuum est damnatorum tormentum. Plus enim illos affligit apprehensio æternitatis tanti boni amissi, & tantæ poenæ contractæ, quàm solitarius ignis. Confirmari id potest ex eo, quòd Dominus in Euangelio, Marci 9.
& Isaias Propheta tormenta impiorum ex- Isaiæ 66.
plicent per *ignem & vermem*, ut infra ostendemus. Vnde nisi per *vermem* intelligatur illa cogitatio gemina, & geminus ille dolor ex ea nascens, præcipua poena videretur ab illis præterita.

Tertium, Iob 21. *Interrogate quemlibet de viatoribus; & hæc eadem illum intelligere cognoscetis, quia in diem perditionis servatur malus, & ad diem furoris adducetur.* Vbi sanctus Iob insinuat, doctrinam de punitione improborum post hanc vitam fuisse suo tempore, hoc est diu ante Moysen (nam Iob putatur Moysæ antiquior) passim notam & vulgarem, etiam extra nationem Iudaicam.

Idem cap. 20. v. 18. *Luet qua fecit omnia, nec tamen consumetur: secundum multitudinem adinventionum suarum sic & sustinebit.* Quibus verbis significatur poenae aeternitas. ita enim luet vt numquam consumatur; sed semper maneat integer ad sustinenda tormenta. Idem v. 26. *Omnes tenebra absconditae sunt in occultis eius; deuorabit eum ignis qui non succenditur* (ope humana) *affligetur relictus in tabernaculo suo.*

70

Quartum, Psal. 10. *Dominus interrogat* (id est, examinat, & vt Iudex cognoscit) *iustum & impium: qui autem diligit iniquitatem, odit animam suam. Pluet super peccatores laqueos: ignis & sulphur & spiritus procellarum pars calicis eorum.* Merito peccator dum amat peccatum dicitur *odisse* animam suam; quia aeternum illi malum accersit. Quod odium potest esse maius eo odio quod tantum malum conciliat osori? Itaque omnis peccator dum se videtur maximè amare (omnia enim facit vt suae libidini & ambitioni seruiat) maximè se ipse odit, summum malum inordinato amore in caput suum accersens.

Pluet, inquit, super peccatores laqueos. Laquei sunt inextricabiles malorum nexus. Omnia futura supplicia erunt laquei, quia ita firmiter impiis adhærescēt, vt nulla vi, nulla arte

arte valeant illa à se excutere, aut seipfos vel ad breuiffimum tempus euoluere. Verbo *pluet* duo infinuantur. 1. Hæc mala ventura ex alto, nimirum ex decreto & fententia cæleftis Iudicis; ficut pluuia ruit è cælo. 2. Ea inftar nimbi magno impetu & copia innumerabili in eos præcipitatura. *nis & sulphur*, &c. portio eorum hereditaria, qua in æternū fruuntur, erit ignis, quo ipforum corpora ardebunt; & *sulphur* ardens, in quo ipfi verfabuntur; & *ſpiritus procellarum*, quo ignis inferni & *sulphur* exardescet. Græcè est *πνεῦμα καταιγίδος* ☉, ſpiritus turbinis. Viderur hoc verbo infinuari ventus procelloſus diuina virtute excitatus, quo ignis ille & ſtagna ſulphurea horrendo cum fremitu perpetuò exæſtuabunt. Talis interdum auditur per multos dies in montibus igniuomis, quando ſuos ignes & flagrantem materiam ſunt effuſuri. Quidam intelligunt virtutem diuinam, qua ignis ille accendetur & continuabitur.

Quintum, Pſal. 20. *Pones eos vt clibanum ignis in tempore vultus tui: Dominus in ira ſua conturbabit eos, & deuorabit eos ignis.* 71
Sensus eſt: Eo tempore quo Dominus iram ſuam declarabit, hoc eſt, cum iudicabit orbem, omnes inimicos ſuos igne ingenti inuoluet, ita vt ipſi ardeant inſtar clibani. Deinde

332 DE IMMORTALITATE ANIMORVM
 inde in ira sua deturbabit illos ad inferos,
 vbi aeterno igne cruciabuntur. *Conturbabit
 eos*, Hieronymus vertit, *precipitabit eos*: quia
 cum ignis eos inuoluerit, terra dehiscente
 præcipitabuntur in voraginem inferorum,
 Hebraicè יבאלהם ieballehem, quod significat,
deruet eos: nimirum quia terra eos deglu-
 tiat. *Deuorabit eos ignis*, non quidem sic vt
 pereant, sed vt ignis vndique eos inuoluat &
 concludat, vt absorpti ab igne videantur.

- 72 Sextum, Psal. 139. *Cadent super eos car-
 bones, in ignem deiicies eos, in miseriis non
 subsistent*. Quibus verbis significatur, ex al-
 to, nempe imperio supremi iudicis, non mo-
 mentaneam aliquam flammam, sed ignem
 solidum & permanentem, qualis est pruna-
 rum, seu carbonum ardentium, peccatori-
 bus incubiturum. Fiet hoc communiter
 omnibus in extremo iudicio, quando iussu
 diuino ignis, quo mundus ardebit, peccato-
 res corripiet. *In ignem deiicies eos*. Primum
 igne hinc corripientur; & mox in alium
 ignem, nempe inferum, deiicientur. Illud *in
 miseriis non subsistent*, Hebraicè est במחמרות
 בל יקמו bemahamorothe bal iacumu: hoc
 est, *in foueas profundas ne resurgant*: & ita
 quoque vertit Hieronymus. Iuxta Hebrai-
 cam lectionem significatur eos hinc in igne
 correptos in terris, deiiciendos in ignem
 qui

qui est in profundis foueis, nempe in voragine infernali, ita ut numquam possint emergere.

Septimum, Psal. 48. *Laborabit in æternum, & uiuet adhuc in finem.* id est, in æternum affligetur, torquebitur peccator, & numquam extinguetur. Ibidem, *Sicut oues in inferno positi sunt, mors depascet eos.* Gregatim peccatores intra specum infernalem tamquam oues imbelles, quæ sibi non possunt auxiliari, concludentur: & mors eorum pastor erit, qui omni amaritudine eos pascat. Ita enim illud *depascet* accipiendum esse, ex Hebræo & Græco textu colligitur. Græcè enim est *θάνατος ποιμανεὶ αὐτὰς*: *mors reget eos tamquam pastor.* Idem planè significant Hebræa *מָוֶת מְרִימָה* maueth irhem: *mors pascet eos.* En teterrimum pastorem & principem qui reget damnatos. Nomine *mortis* vel significatur diabolus mortis auctor: vel est prosopopœia. Meritò ibi mortem pastorem habebunt, qui hîc vitâ pastorem, nempe Christum, sequi recusarunt.

Eodem Psalmo, *Introibit usque in progenies patrum suorum, & in æternum non videbit lumen.* Psal. 91. *Quàm magnificata sunt opera tua Domine: nimis profunda factæ sunt cogitationes tue. Vir insipiens non cognosces, & stultus non intelliget hac: cùm exorti fuerint*

334 DE IMMORTALITATE ANIMORVM
rint peccatores sicut fanum, & apparuerint omnes qui operantur iniquitatem, ut intereant in seculum seculi: tu autem altissimus in aeternum Domine. Quoniam ecce inimici tui Domine, quoniam ecce inimici tui peribunt, & dispergentur omnes qui operantur iniquitatem &c. Pleni sunt Psalmorum libri condemnationibus pœnarum futuræ vitæ, & sententiis grauissimis de futura cuique pro meritis retributione.

75 Octauum, Ecclesiastici 21. *Stupa collecta synagoga peccantium, & consummatio illorum flamma ignis. Via peccantium complanata lapidibus, & in fine illorum inferi, & tenebræ, & pœnæ.* Sensus prioris versiculi est: Tota iniquorum multitudo in vnum fascem colligetur, eritque instar stupæ compactæ: quo factò, igne corripietur, & sine fine ardebit. Sicut stupa facillimè flammam concipit: ita tota peccatorum multitudo in vnum collecta facili negotio inflammabitur. Fiet hoc in magno illo generalis Iudicij die, quo omnis zizania colligetur in fasciculos ad comburendum, & triticum congregabitur in horreum Domini, sicut ipse Dominus explicuit. *Consummatio*, Græcè *σωτέλεια*, id est, vltimum complementum, & extremus finis illis congruus, post quem nihil vltius expectandum, quia sine fine durabit.

Insi-

Matth. 13.

Insinuatur hoc verbo, totam multitudinem impiorum ad nihil esse idoneam, nisi ut in æternum ardeat.

Alter versiculus significat viam seu rationem viuendi iniquorum videri facilem, commodam, suauem, inoffensam instar viæ planissimæ lapidibus strata; sed eam terminari & desinere in præcipitium immane, unde quis ex improviso ruit ad inferos, vbi tenebræ & pœnæ æternæ.

Nonum, Sapientiæ 5. Describitur turbatio & lamentatio, qua vsuri sunt iniqui apud inferos quando videbunt iustos translatos in gloriam, & se præcipitados in tantas misérias. *Nos insensati vitam illorum aestimabamus insaniam, & finem illorum sine honore. Ecce quomodo computati sunt inter filios Dei, & inter sanctos sors illorum. Ergo errauimus à via veritatis, & iustitia lumen non luxit nobis, & sol intelligentiæ non est ortus nobis, &c.* 76

Décimum, Isaïæ 30. *Præparata est ab heri Topheth, à Rege præparata, profunda, & dilatata. Nutrimèta eius ignis & ligna multa: flatus Domini sicut torrens sulphuris succendens eam.* Hæc sententia à S. Hieronymo & aliis veteribus intelligitur de loco inferorū, qui à Deo summo Rege & Iudice iam olim præparatus est diabolo, & omnibus ei adhærentibus. 77

336 DE IMMORTALITATE ANIMORVM
 tibus. Hic locus & *profundus* est, utpote in
 iniis terræ visceribus; & *dilatatus*, ut sit ca-
 pax tot corporum: *nutrimenta eius ignis sul-*
phureus; & *ligna multa*, hoc est, damnato-
 rum corpora, quæ instar lignorum aridorum
 ardebunt. Peccatores enim in Scriptura vo-
 cantur *ligna arida*; iusti *ligna viridia*. Lu-
 cæ, 2. *Si in viridi ligno hac faciunt, in arido*
quid fiet? Ecclesiastæ 11. *Si ceciderit lignum*
ad Austrum, aut ad Aquilonem, in quocumque
loco ceciderit, ibi erit, &c. Si quæras, qua vi
 ignis ibi accendetur; respondet Propheta:
Flatus Domini tamquam torrens sulphuris
succendens eam, nempe Tophieth, seu gehennam.
Flatus Domini vel est spiritus procel-
 losus, diuinitus ibi excitatus; vel vis diuina,
 qua ignis ille perpetuò absque consumptio-
 ne ardebit. Hic flatus perinde gehennam
 succendet, ac si torrens sulphuris ardentis in
 eam infunderetur. Quid magis horrendum
 animo concipi queat?

78 Undecimum, Isaïæ 33. *Conterriti sunt in*
Sion peccatores; possidebit tremor hypocritas.
Quis poterit habitare de vobis cum igne deuorante?
Quis habitabit ex vobis cum ardoribus sempiternis? Hic locus à multis exponitur
 de pœnis inferorum.

79 Duodecimum, Isaïæ 50. *Ecce vos omnes*
accendentes ignem, accincti flammis: ambu-
late

late in lumine ignis vestri, & in flammis quas succendistis. De manu mea factum est hoc vobis: in doloribus dormietis. Hic locus intelligitur non solum de igne quo vastati sunt Iudæi à Romanis, quem suis peccatis accenderunt; sed etiam de igne æterno, quem omnes peccatores sibi accendunt: vt Hieronymus & alij Patres explicant. Ipsa peccata sunt veluti semina ignifera occultam flammam in se continentia, quæ suo tempore erumpet in apertum ignem. Quot ergo quisque habet peccata, tot habet in se ignis fomenta, tot flammarum semina, tot flammis inuisibiliter est succinctus. Rursus peccata in Scripturis comparantur materiæ facilè inflammabili, nimirum ligno arido, fœno, stipulæ, zizaniis, spinis. Itaque qui peccata accumulunt, pyram sibi construunt, qua in æternum concrementur. *Ambulate in lumine ignis vestri.* pergite in peccatis vestris, & augete flammæ, quas accendere cœpistis. *De manu mea factum est hoc vobis.* Verba sunt Christi, cuius iudicio ac sententia & Iudæi igne vastati sunt, & omnes peccatores igne vastabuntur.

ignis sensu-
na.

Isaia 30.
& 66.
Malach. 4.
Matth. 25.
&c.

80

Decimum tertium, *Isaia 66. Egre-
dientur, & videbunt cadauera virorum, qui pra-
uaricati sunt in me: vermis eorum non morietur,
& ignis eorum non extinguetur: & erunt*
X vsque

vsque ad satietatem visionis omni carni. Cadauera vocat corpora reproborum: tum quia instar cadauerum erunt fœda & horrida; tum quia prostrata & affixa terræ; tum quia instar cadauerum in Inferno in cumulum proiecta. Itaque sensus est: Sicut habitatores *Ierusalem* pace fruuntur, & se videntur omnibus bonis circūfluentes: ita consideratione egredientur foras, & videbunt peccatores in corpore & anima diris cruciatibus subiectos. *Vernis eorum non morietur:* quia interiùs in anima perpetuò affligentur dolore tanti boni amissi, & tanti mali suis peccatis contracti. *Et ignis eorum non extinguetur:* quia æternum ardebunt; & hæc patientur in conspectu omnium electorum.

- 81 - Decimumquartum, Danielis 12. *Multi de his qui dormiunt in terra puluere, euigilabunt: alij in vitam æternā, alij in opprobrium, ut videant semper.* Id est, iusti resurgent ut æterna vita fruantur: peccatores, ut æternum opprobrium sentiant & sustineant. *Vt videant,* id est, ut sentiant, experiantur, sustineant opprobrium & tormentum æternum.

Decimumquintum, Malachiz 4. *Ecce dies venit succensa quasi caminus; & erunt omnes superbi, & omnes facientes impietatem stipula, & inflammabit eos dies veniens dicit Dominus exercituum, qua non relinquet eis radi-*

radicem & germen. quia funditus peccatores succidentur è terra, ita vt nullũ ampliũ eorũ supersit vestigiũ. Loquitur de die Iudicij.

Decimum sextum. Veniamus nunc ad loca noui Testamenti. Sanctus Ioannes Baptista Matthæi 3. in breui monitione ter punitionem futuram insinuat. Primò, cùm Phariseos ait : *Genimina viperarum, quis uos monstrabit fugere à ventura ira?* id est, ab æterna ultione quæ peccatoribus impendet. Secundò, cùm ait : *Omnis ergo arbor, quæ non facit fructum bonũ, excidetur, & in ignem mittetur.* Tertiò his verbis : *Cuius ventilabrum in manu sua, & permundabit areã suam, & congregabit triticum suum in horreum, paleas autem comburet igni inextinguibili.* Sicut agricola vanno agitando separat paleam à tritico; ita Christus potestate iudiciaria separabit bonos à malis, & vtrisque congruentem locum & sortem assignabit.

Decimum septimum, Marci 9. *Si scandalizauerit te manus tua, abscinde eam : bonum est tibi debilem introire in vitam, quàm duas manus habentem ire in gehennam, in ignem inextinguibilem : ubi vermis eorum non moritur, & ignis non extinguitur.* Idem dicit de pede & oculo. Quibus verbis significat, omnia esse deferenda quæ nobis præbent occasionem peccandi, etiamsi instar manus,

—X 2

pedis

pedis vel oculi nobis essent commoda & utilia: quia longè satius est carere commodis & solatiis temporalibus, quàm conici in ignem æternum, &c. Vbi aduertendum, hanc sententiam ter iisdem verbis à Domino repetitum vt insinuet eam esse longè certissimam, tum eam mentibus mortalium altissimè coniungat. Non satis ei erat dicere: *mitti in gehennam*, in ignem illum *inextinguibilem*, Græcè εἰς τὸ πῦρ τὸ ἀσβεστόν: sed idem ingeminans addit, *ubi vermis eorum non moritur, & ignis non extinguitur*: bis in eadem sententia nobis ingerens huius ignis æternitatem. Addit in fine: *Omnis enim igne salebitur, & omnis victima sale salietur*. Vbi insinuat rationem cur peccatores igne cremandi sint. Sicut enim omnis victima quæ Domino secundum legis præscriptum offerebatur, sale aspergenda erat, & salienda, iuxta illud Leuit. 2. v. 13. *Quidquid obtuleris sacrificij, sale condies*: ita omnes peccatores cum sint futuri instar victimæ, quæ iustitiæ diuinæ sacrificabitur, igne veluti sale condiendi, & saliendi erunt. Comparat peccatores victimæ, & ignem sali. Multis enim locis S. Scriptura punitionem impiorum vocat *victimam* & *sacrificium*. Isaïæ 34. *Victimam Domini in Bosra, & interfectio magna in terra Edom*. Ierem. 45. *Victimam enim Domini exercituum*

*cituum in terra Aquilonis iuxta fluuium Euphratem. Ezech. 39. Conuenite, properate, concurrite undique ad victimam meam, quam ego immolo vobis, victimam grandem super montes Israël. Sicut enim victimæ occiduntur in honorem Dei ad peccata expianda, & iram diuinam placandam: ita tota iniquorum multitudo æterna nocte mactabitur. Deo quodammodò sacrificabitur, vt eorum peccata suppliciis, quantum fas est, expientur, & ira diuina conquiescat, hac veluti satisfactione placata. Rectè etiam ignis comparatur *sal*. Sicut enim *sal* vrit & conseruat corpora quibus inspersus fuerit: ita ignis vrit corpora damnatorum, sic tamen vt numquam ea consumat, sed semper integra seruet ad pœnas.*

Decimum octauum, Matth. 10. *Nolite timere eos, qui occidunt corpus: sed potius timete eum qui potest & animam & corpus perdere in gehennam. Lucæ 12. Dico autem vobis amicis meis, ne terreamini ab his qui occidunt corpus, & post hæc non habent amplius quid faciant: ostendam autem vobis quem timeatis. Timete eum, qui postquam occiderit, habet potestatem mittere in gehennam: ita dico vobis, hunc timete. Hic ostendit solum Deum timendum, & omnia huius vitæ mala nullius esse momenti, si conferantur cum malis*

84

Y 3

vitæ

vita futuræ, quæ Deus irrogare potest.

- 85 Decimumnonum, Matthæi 13. duabus parabolis futuras pœnas explicat. Primò, parabola zizaniorum. *Sicut, inquit, colliguntur zizania, & igne comburuntur: sic erit in consummatione seculi. Mittet Filius hominis Angelos, & colligent de regno eius omnia, & scanda, & eos qui faciunt iniquitatem, & mittent eos in caminum ignis: ibi erit fletus & stridor dentium. Tunc insti fulgebunt sicut sol in regno Patris eorum.* Per scandala intelligit omnes eos, qui vel imperio, vel doctrina, vel consilio, vel exemplo alios ad peccandum pertrahunt: vt sunt Tyranni, hæretici, mali consiliarij; publici peccatores. Per eos qui operantur iniquitatem intelliguntur ceteri peccatores, qui non aliis, sed sibi tantum causa peccati fuere. Hi omnes veluti noxiæ herbæ in fasciculos collecti in ignem æternum mittentur.

Secundò, parabola sagenæ. *Sic erit, inquit, in consummatione seculi. Exibunt Angeli & separabunt malos de medio iustorum, & mittent eos in caminum ignis: ibi erit fletus & stridor dentium.*

- 86 Vigefimum. Dominus toto cap. 25. Matthæi hoc vnum agit variis parabolis propositis, vt animis nostris hanc doctrinam de futuris præmiis & suppliciis altissimè infigat.

Primò,

Primò, parabola decem virginum. Secundo, parabola domini peregrè proficiscentis, & seruis suis talenta ad negotiationem dispartientis. Tertiò, similitudine pastoris separantis oues ab hædis. *Cum venerit*, inquit, *Filius hominis in maiestate sua, & omnes Angeli eius cum eo, tunc sedebit super sedem maiestatis sue: & congregabuntur ad eum gentes: & separabit eos: ab inuicem sicut segregat pastor oues: & statuet oues quidem à dextris suis, hædos autem à sinistris. Tunc dicet Rex his qui à dextris eius erunt: Venite benedicti Patris mei, possidete paratum vobis regnũ à constitutione mudi. Esuriui enim, &c. Tunc dicet & his qui à sinistris erunt: Discedite à me maledicti in ignem æternum, qui paratus est diabolo, & angelis eius, &c. Et ibunt hi in supplicium æternum: iusti autem in vitam æternam.* Hic clarissimè ab ipso Iudice & forma istius iudicij; & sententia Iudicis, & æternitas supplicij ac præmij describitur. Denique nihil est quod adeò frequenter & parabolis, & grauissimis sententiis à Domino nobis proponatur & inculcetur, ac futura supplicia, & præmia.

Vigesimumprimum. Apostolus ad Romanos 2. *Secundum duritiam tuam & impnitens cor, thesaurizas tibi iram in die ira & reuelationis iusti iudicij Dei, qui reddet uni-*

cuique iuxta opera eius, &c. Multitudo peccatorum thesaurus est pœnarum, & singula peccata sunt semina suppliciorum & ignis æterni, quæ nisi in hac vita pœnitentiæ lacrymis extinguantur, inextinguibilem certissime ignem ex se parient.

Vigesimalium secundum, 2. ad Corinth. 5. *omnes nos manifestari oportet ante tribunal Christi, ut referat unusquisque propria corporis prout gessit, siue bonum, siue malum.* Idem multis aliis locis repetit.

Vigesimalium tertium, 2. ad Thessalonic. 1. *Qui pœnas dabunt in interitu æternas à facie Domini, & à gloria virtutis eius, cum venerit glorificari in sanctis suis, & admirabilis fieri in omnibus qui crediderunt.* Loquitur de omnibus peccatoribus qui Euangelio non obediunt. Hi funditus euerfi bonis omnibus, quibus hinc fruebantur, dabunt pœnas æternas à facie Domini; quia Domini iudicio, sententia, & potestate illis hæc pœna infligetur, & in conspectu eius, & omnium Sanctorum eam sustinebunt. Porro hoc fiet communiter omnibus, cum Dominus venerit, ut Sanctos suos æterna gloria remuneret, & in regnum suum transferat.

87 Vigesimalium quartum, 2. Petri 3. *Celi qui nunc sunt, & terra eodem verbo repositi sunt, igni reservati in diem Iudicii & perditionis impio-*

impiorum hominum. Et infra: Adueniet autem dies Domini ut fur: in quo cali magno impetu transient; elementa verò calore soluentur, terra autem & qua in ipsa sunt opera exurentur. Addit B. Petrus: Cum igitur hæc omnia dissoluenda sint, quales oportet vos esse in sanctis conuersationibus & pietatibus expectantes, & properantes in aduentum Domini, per quem cali ardentes soluentur, & elementa ignis ardore tabescent?

Vigelimus quintum, Apocalyp. 14. Si quis adorauerit bestiam, &c. si quis Antichristo consenserit, hic bibet de vino ira Dei, quod mixtum est mero in calice ira ipsius, & cruciabitur igne & sulphure in conspectu Angelorum sanctorum, & ante conspectum Agni: & fumus tormentorum eorum ascendet in secula seculorum: & requiem non habebunt die ac nocte. Et cap. 20. Qui non est inuentus in libro vite scriptus, missus est in stagnum ignis. Et cap. 21. Timidis autem & incredulis, & execratis, & homicidis, & fornicatoribus, & veneficis, & idololatriis, & omnibus mendacibus, pars illorum erit in stagno ardenti igne & sulphure, quod est mors secunda. Timidos vocat, qui timore mortis vel amissionis bonorum recedunt à recta fide. Execratos, qui more idololatrarum viuunt. Mendaces, qui perniciosè mentiuntur: ut

sunt omnes hæretici, periuri, calumniatores.

Omitto alia plurima sacræ Scripturæ testimonia, quibus & Iudicium extremum, & futura remuneratio luculentè astruitur. Nullum dogma in tota Scriptura frequentius: quia illud omnis virtutis & iustitiæ est fundamentum. Nihil æquè vel ad virtutem impellit, vel à flagitiis deterret, atque hæc cogitatio. Vnde Sapiens Ecclesiastici 7. *In omnibus operibus tuis memorare novissima tua, & in aeternum non peccabis.*

- 89 Neque est quodd quis suspicetur hanc doctrinam politiæ causa excogitatam, ad populum faciliùs in obsequio & legum obedientia continendum. Res enim falsa & conficta tantas vires ad probitatem, innocentiam & iustitiam habere non potest: ut suprà ostensum est. Deinde qui hanc doctrinam maximè tradiderunt; nihil minùs quàm externam politiam, & dominatum temporalem spectauere: cum rerum temporalium fuerint contemptores, & omnes honores, dignitates, & principatus huius vitæ contemnere docuerint. Adulatorum est, & eorum qui Principum gratiam captant, fingere ea quæ politiæ seruiant, & dominationem eorum illustriorem ac firmiorem efficiant. Tales hoc æuo sunt permulti. Accedit quodd omnes illi & sanctitate admirabili, & sa-

& sapientia diuinitus infusa, & miraculorum gloria, & prophetiæ spiritu toti mundo fuerint admirabiles, vt nullus sit locus de veritate doctrinæ illorum ambigendi.

RECOLLECTIO.

Quò ibo à spiritu tuo, & quò à facie tua fugiam? Si ascendero in calum, tu illic es; si descendero in infernum, ades. Si sumpsero pennas meas diluculo, & habitauero in extremis maris: etenim illuc manus tua deducet me, & tenebit me dextera tua. Væ mortalium mentibus sua malitia occæcatis! Væ cordibus insipientium, tenebris peccatorum oblitis! Cælum & terram imples, & tamen à plurimis non agnosceris: omnibus intimè præsens ades, & ignoraris. Omnia creas, formas, nutris, perficis, sustentas, gubernas; & te horum omnium fontem & auctorem negant. Omnibus das esse, & te esse non credunt. Infinitis modis tuam potentiam, sapientiam, bonitatem, misericordiam & iustitiam prodis, omniumque oculis ingeris; & tamquam cæci non percipiunt. Omnis te natura rerum prædicat, & ad prædicationem tam illustrem obsurdescunt. *Cæli enarrant gloriam Dei, & opera manuum eius annuntiat firmamentum* Psal. 18. Omnia clamant,

438 DE IMMORTALITATE ANIMORVM
mant; *Ipse fecit nos, & non ipsi nos*: nec fortuitus atomorum concursus. Ipse sua potentia nos è nihilo in hanc lucem eduxit: ipse sua sapientia formauit, & hanc speciem & pulchritudinem impressit: ipse sua bonitate conseruat, sua prouidentia gubernat, & in suum finem dirigit singula. Clamor iste cunctis creaturæ toto orbe personat, vt neminem latere queat, nisi qui dæmonio surdo obsessus tenetur.

Vnde enim nisi ab omnipotentia & sapientia tua rapidissimæ cælorum vertigines? Vnde ratissima illa motuum harmonia, numquam intercisa, numquam vacillans, eodem semper tenore indeclinabiliter perseverans? Vnde animantium structuræ, & multiplices ac mirabiles formæ? Vnde innumerabiles illæ & aptissimæ partium tum inter se, tum ad totius corporis speciem, proportionales & symmetriæ? Vnde singularum partium infinitè multiplex interna temperies, & externa conformatio ad proprias cuique functiones congruentissima? Vnde seminum stupenda vis, qua omnium corpora, & corporum particulæ summa arte disponuntur, formantur, & suos in fines aptantur? Nihil horum à se esse potest, quia nec propter se: nihil sibi esse finis, vnde nec principium. Sed neque à fortuna vel casu,

in quibus nihil ratum & firmum, nihil ordinatum, & suis constans mensuris: sed omnia confusa, incerta, ἀταξίας plena.

Neceſſe eſt ergo hæc omnia ab aliqua mente procedere, quæ & ſapientia ſua tam mira & infinita potuit excogitare, & potentia exequi, & providentia gubernare. Hæc mentem te eſſe dicimus Deum ac Dominum noſtrum. Tu ergo omnium origo, omnium cauſa effectrix, omnium forma, omnium finis, omnium ſuſtentaculum, firmamentum, conſervatio. In te ab æterno præexiſtunt omnia non confuſè, ſed ordinatiſſimè, modo tamen ſimpliciſſimo, & in eſſe quodam puriſſimo: ſicut opus artificis priuſquam fiat exteriùs, latet interiùs per artem in mente architecti, illique ſoli eſt conſpicuum. In te, & ex te, & per te, & ad te ſunt omnia, & tu ſupra omnia. Omni enim magnitudine tu diffuſior; omni æternitate antiquior; omni potentia fortior; omni luce clarior; omni pulchritudine gratioſior; omni voluptate dulcior; omni honore ſublimior; omni ſecreto interior; omni altitudine cellior; omni profundo inferior. Tu ſummus ſimul & optimus, potentiſſimus & benigniſſimus, miſericordiſſimus & iuſtiſſimus, ſecretiſſimus & præſentiſſimus, pulcherrimus & fortiſſimus, ſtabilis & incom-

comprehensibilis; immutabilis, & omnia mutans: numquam nouus, numquam vetus, innouans omnia, & in vetustatem deducens superbos, & nesciunt. Semper agens, & semper quietus; omnia creans, nutriendus & perficiens: omnia portans, implens & protegens: omnibus superior & inferior, interior & exterior. Superior per gubernationem, inferior per sustentationem; interior per penetrationem, exterior per circumdationem. Quàm mirè & benignè nobiscum agis, ô infinita maiestas! Tu *solem tuum oriri facis super bonos & malos, & pluis super iustos & iniustos*. Tu in perduelles, qui leges tuas proculcant, nomen tuum blasphemant, prouidentiam pernegant, Ecclesiam oppugnant, copiosè thesauros tuæ bonitatis effundis, omnibus huius vitæ copiis eos locupletans, & ad pœnitentiam, vt etiam æternorum participes fiant, inuitans. Quæris nos cùm nihil desit tibi. Amas, nec æstuas; zelas, & securus es; irasceris, & tranquillus es; pœnitet te, non doles; opera mutas, & non mutas consilium. Numquam inops, & gaudes lucris; numquam avarus, & vîsuras exigis. Reddis debita, nihil debens, donas debita, nihil perdens. Et quid dicimus Deus meus, vita mea, lumen & dulcedo cordis mei? quid dicimus, cùm de te lo-

qui-

Matth. 5.

quimur, qui supra omne eloquium ineffabilis, supra omnem mentem incomprehensibilis? Sed hoc ipsum de te dicendum & cognoscendum erat, te omni eloquio & cogitatione esse præstantiorem. Væ omnibus qui ignorant te. Væ væ omnibus, qui cum norint te, non seruiunt tibi, non seruant sanctissimas leges tuas. Væ væ væ omnibus qui oppugnant, vel contemnunt (vt faciunt hæretici & atheistæ) salutarem doctrinam, quam per Filium reuelasti, & per sponsam eius Ecclesiam Catholicam nobis proposuisti. Tu qui fons es omnis boni, lucem miserationum tuarum super miseras istorum omnium mentes effunde, vt aduertant cæcitatem & errores suos, vt videant æternæ salutis discrimen quod certissimè illis impendet: vt amplectantur lucem doctrinæ tuæ, quam per Ecclesiam omnibus proponis, & sic illuminati tuam maiestatem ac providentiam agnoscant, timeant, ament, laudent, venerentur, & hîc pro tempore huius vitæ, & postea in omnem æternitatem. AMEN.

INDEX

INDEX RERVM

MAGIS MEMORABILIVM.

A.

ÆGYPTVS Nilo exundante fecundatur. Pa-
gina 62

Ægypti multiplices plage, diuinæ ultionis ar-
gumenta. 184. & seqq.

Animarum inuisibilis pulchritudo. 39. & seqq.

Anima vegetantis, sentientis & rationalis discrimen.

40. 41. 242

Anima ad corpus proportio. 90

de Anima quid Stoici senserint. 233

Animas brutorum inter & hominum qua distinctio.

235

Anima brutorum mortales. 236

Anima propria est corporis forma. 309

Anima ut à corpore in functionibus suis dependeat.

306

Animarum à corpore in corpus transmigrationem
falsò statuit Origenes. 321

Animus hominis quanta capacitatis. 238. 241

Seipsum in hac vita non cognoscit. 254

Animi oblectationes. 238. 247

Animorum patria celum est. 301

Anni tempestates. 48

Anni tempestatum utilitas, temperies & commodi-
tas. ibid.

Apum respublica & industria admirabilis. 95

Aranei artificium admirandum. 94

Arbor quedam insula Canarica aqua dulci destituta
humorem dulcem suppeditat. 62

Apo-

<i>Apostolos mundum conuertisse ingens miraculum.</i>	<u>114</u>
<i>Aristoteles de providentia dubius.</i>	<u>3</u>
<i>item de animarum immortalitate.</i>	<u>233</u>
<i>Athei qui fuerint.</i>	<u>2</u>
<i>alij omne numen negarunt, alij providentiam.</i>	<u>2. 3</u>
<i>Atomorum concursu mundum esse factum reiicitur.</i>	<u>21. 174</u>
<i>Animum varietas & membrorum apta compositi.</i>	
<i>Animum artificium in nidis componendis.</i>	<u>99</u>
<i>Sobolis cura & educatio.</i>	<u>ibid.</u>

B.

<i>Balena non sine duce natat.</i>	<u>98</u>
<i>Bion Borysthenes Deum esse negat.</i>	<u>1</u>
<i>Blasphemia sepe subitâ vindictâ punita.</i>	<u>207</u>
<i>Bombycum natura & palingenesia.</i>	<u>96</u>
<i>Brutorum pro diversa natura diversa membrorum compositio.</i>	<u>78</u>
<i>Bruta arma secum & vestes ab ortu gerunt.</i>	<u>81</u>
<i>Brutorum corpora ad instar hominum efformata.</i>	<u>76.</u>
<u>234</u>	
<i>Bruta ob finem operantur.</i>	<u>93</u>
<i>Brutorum mira sagacitas.</i>	<u>ibid. & seqq.</u>
<i>Bruta ut se & sobolem in periculis tueantur.</i>	<u>100</u>
<i>Bruta noxia evitant & vulnera curant.</i>	<u>101</u>
<i>Bruta non sunt ratione pradita.</i>	<u>102</u>
<i>Bruta à divina providentia diriguntur.</i>	<u>103</u>
<i>Brutorum instinctus quo reguntur quid sit.</i>	<u>106</u>
<i>Bruta hominum industria edocentur.</i>	<u>104</u>
<i>Bruta quantum ab homine cognitione & appetitione distent.</i>	<u>235</u>

C.

<i>Cali pulchritudo.</i>	<u>31. 32</u>
<i>Calorum motus non ex natura.</i>	<u>15</u>
<u>Z</u>	<u>Calo-</u>

INDEX.

<i>Calorum motus diversi.</i>	17. 19
<i>eorum celeritas.</i>	28
<i>Calorum motus mundo inferiori subseruit.</i>	47. 48
<i>Cerebrum sensationis origo.</i>	73
<i>Cerebri per spinam dorsi diffusio.</i>	73
<i>Cerebrum nervorum origo.</i>	ibid. 74
<i>Cerebrum duplici membrana involuitur, & cur.</i>	73
<i>ro Deum agnoscit, praescientiam negat.</i>	4
<i>Cognitio perfecta vel unius musca, omnibus regnis praestat.</i>	41. 264
<i>Cognitio hominis illimitata.</i>	237
<i>Concharum admiranda varietas & pulchritudo.</i>	80
<i>Conscientia improbis flagellum, iustis solatium.</i>	191
<i>Conscientia impiorum vermis.</i>	328
<i>Cor spirituum officina.</i>	72
<i>Cor cur semper sese agitet.</i>	72
<i>Corporis humani structura & partes.</i>	65
<i>Corpora unde in frigidis locis robustiora.</i>	63

D.

<i>Democritus Dei providentiam negavit.</i>	3
<i>Deum aliquem omnes gentes semper agnoverunt.</i>	10.
<i>Deum in periculis naturali instinctu omnes invocant.</i>	14
<i>Deorum apud Ethnicos multitudo unde ortum habeat.</i>	12
<i>Deus etiam minimarum rerum providentiam habet.</i>	168
<i>85. 106. 228.</i>	
<i>Deus ab opere suo numquam recedit.</i>	107
<i>alioquin in nihilum recideret.</i>	108. 173
<i>Deo proprium futura praescire.</i>	138
<i>Dei intelligendi vis infinita.</i>	218
<i>Deo</i>	

- Deo nihil ex creaturis commodi accedit. 219
 Dei reuerentia & suppliciorum metus homines con-
 tinet à sceleribus. 170. 266
 ad omnem virtutem excitat. 171. 268
 etiam Ethnicos qui plures deos colebant. 176
 Deus merita & demerita post hanc vitam compen-
 sat. 177
 subinde etiam in hac vita. 177
 Dei severitas, sed & benignitas in Sodomorum ex-
 cisione elucet. 182. 183
 Dei erga Israëlitas in deserto mira providentia. 187
 item severitas. 189
 Deus finit res ferri suis motibus. 219
 nonnumquam tamen suam potentiam interponit. 223
 Deus aliquorum improbitate ad aliorum exercita-
 tionem utitur. 220. 261
 Deum quinquam negarint esse. 2
 Diagoras Milesius Deum negavit. ibid.
 Diluvium generale magnum miraculum. 117
 Divina ultionis clarissima argumenta. 180. & seqq.
 Dioptrici tubi recens inuenta mirabilis usus. 18

E.

- Elementa non à se sunt. 24
 Elementorum mira dispositio. 33. 54
 Elephanti mirò Deus prospexit. 78
 Epicurus Dei providentiam negat. 5
 Erinacei industria in pomis legendis. 97

F.

- Felicitas impiorum brevis. 291
 Finis alicuius gratia sunt omnia corpora tum supe-
 riora tum inferiora. 45. & seqq.

INDEX.

<i>Quid sui gratia esse dicatur.</i>	46
<i>Fines & scopi ob quos ossa & musculi in homine collocata, sunt innumeri.</i>	67
<i>Finis gratiæ operantur omnia. etiam animantes.</i>	87
<i>Finem ob quem operantur animantes non agnoscunt. ibid. & 101</i>	23. & seqq.
<i>miranda varia varietas & compositio.</i>	37
<i>fontium & fluminum origo.</i>	30
<i>Formicarum providentia & labores.</i>	26
<i>Felicitas improborum præcipuum pro atheismo argumentum.</i>	5. 217
<i>Fortuitum atomorum concursus mirus rerum omnium ordo & dispositio negat.</i>	

G.

<i>Gesu quæ adferat utilitates.</i>	53
<i>Gloria omnes ducuntur, & quare.</i>	272. 279
<i>Gloria insufficiens virtuti premium.</i>	277
<i>S. Gregorij Thaumaturgi miracula.</i>	126

H.

<i>Heraclitus providentiam negat.</i>	3
<i>Hæbdomada 70. Danielis brevisiter exposita.</i>	154
<i>Hæretici ferè iam politisunt.</i>	4
<i>Homo inter animalia nudus & inermis nascitur.</i>	81
<i>Hominem & brutum inter, quoddam discrimen.</i>	235
<i>Homo intelligentiis quàm brutis propior.</i>	246
<i>Hominum cognitio & appetitio illimitata.</i>	237.
<i>& seqq.</i>	
<i>Homo horizon & mixtorum quos dilatus.</i>	245. 246
<i>Homo mundi dominus.</i>	256
<i>Humana vita miseria.</i>	250

Ichneu-

I.

Ichneumonis cum aspidē bellum. 100
idem crocodilum interimit. 101

Idololatria feneriffimè in Iſraëlitis à Deo punita.

194

Improbos dominari cur Deus permittat. 212

Quid inde commoditatis ipſe percipiat. 220. 261

Inferni ignis animas non diſſolvet. 210

horribilis eſt atque aternus. 324. C

*Inſecta etiam ſua membra principalia, ſpirituumque
 deductiones habent.* 76

*Inſecti unius perfectā notitiā omnibus regnis præſe-
 renda.* 41. & ſeqq.

*Jonis ſidus 4. ſtellæ circa ſe habere nunc ipſum ſe-
 quentes, nunc præcedentes, tubus dioptricus nuper
 detexit.* 18

Quid de his ſtellis dicendum. ibid.

*Juſtitia Dei improborum punitionem in futura vita
 exigit.* 177. 282

Juſtitia Dei vindicata. 288

L.

Lepus ut canes inſectantes eludat. 100

Lucianus Athenis à canibus diſcerptus. 2

Lucretius providentiam negat. 3

M.

*Macula in ſole per tubum dioptricum nuper dete-
 cta.* 18

Machianellus Politicorum princeps. 5

Magi damones evocantes, ſpiritus eſſe notum faciunt.

162

*Mare varias variis locis vires & temperamenta ha-
 bet.* 58

Z 3

Maris

INDEX.

<i>Maris salsedo unde proveniat.</i>	59
<i>Materia prima à se esse nequit.</i>	25
<i>necessariò est à causa incorporea.</i>	26
<i>Membra tria in homine principalia & eorum per totum corpus diffusio.</i>	68. & seqq. 75
<i>Miracula varia in veteri Testamento acciderunt.</i>	116. & seqq.
<i>Miracula novi Testamenti.</i>	123
<i> . racula S. S. Gregorij Thaumaturgi, Benedicti, Bernardi.</i>	126. 127
<i>Miracula nostro auro non desunt.</i>	128
<i>Miraculorum veritas adstruitur.</i>	129. & seqq.
<i>Miracula cur Deus patret.</i>	134
<i>Miraculosa Sanctorum apparitiones.</i>	293. & seqq.
<i>Montium utilitas.</i>	55
<i>Montes non ex terra moti, nec attollente se spiritu orti.</i>	59
<i>Mors aeterna vita natalis.</i>	302
<i>Mortui excitati qui fuerint.</i>	298
<i>Motum negavit Zeno.</i>	13
<i>Motus naturalis quis, & quare.</i>	15. 16
<i>Motuum calorum <u>varietas.</u></i>	17
<i> velocitas & periodus.</i>	28. 29
<i>Mundus non est ex atomorum concursu.</i>	21. 174
<i>Mundus non est à se.</i>	22
<i>Mundi creatio ingens miraculum.</i>	116
<i>Mundus sine Numine constare nequit.</i>	173
<i>Mundus propter hominem factus.</i>	253
<i>Musculorum in homine <u>varietas & usus.</u></i>	67

N.

<i>Nervi originem habent ex cerebro & medulla spinali.</i>	73
--	----

Ner-

<i>Nernorum sex paria è cerebro.</i>	<i>ibid.</i>
<i>Nernorum mirabilis compositio, & usus varius.</i>	<i>74</i>
<i>Nernorum 36. paria in spina dorsi.</i>	<i>ibid.</i>
<i>Nervi in tendinem abeunt.</i>	<i>ibid.</i>
<i>Nines terris utiles.</i>	<i>52</i>
<i>Nivium candor unde proveniat.</i>	<i>53</i>
<i>Nix in monte Esquilino locum ostendit basilica Diæ Virginis exstruenda.</i>	<i>124</i>

O.

<i>Oracula & responsa idolorum, spiritus esse adstruunt.</i>	
<i>161</i>	
<i>Ossium in humano corpore mira varietas.</i>	<i>66</i>
<i>Ossium numerus in singulis membris & toto corpore.</i>	
<i>66.67</i>	
<i>Ossium vitiorum omnium seminarium.</i>	<i>114</i>

P.

<i>Paupertas quàm humano generi necessaria.</i>	<i>112.</i>
<i>& seqq.</i>	
<i>Philosophorum & Sapientum sectæ omnes Deum as- serunt.</i>	<i>14</i>
<i>Philosophi quanti sapientiam fecerint.</i>	<i>41.264</i>
<i>Piscium varietas & diuersa conditio, eorum multiplex industria.</i>	<i>98</i>
<i>Plantarum varietas & usus.</i>	<i>36.37</i>
<i>Plantarum admiranda structura.</i>	<i>82.83</i>
<i>Plantarum semen quàm diuersa operetur.</i>	<i>23</i>
<i>Plinius, an sit Deus, dubitat.</i>	<i>2</i>
<i>Pluvia varia mundo adferri commoda, maxime sæ- cunditatem, & quare.</i>	<i>51. 52</i>
<i>Pœnas damnatorum non fore aternas, falsò putauit Origenes.</i>	<i>321</i>
<i>Politici ferè sunt moderni hæretici.</i>	<i>4</i>

- Polypus conchis insidiatur.* 98
Prophetia & praescientia futurorum Deo propria. 138
Prophetia aliquot de Christo examinantur. 140.
 & seqq.
Proportiones varia humani corporis ad singula membra. 35
Providentia. Vide Deus.
ad Providentiam spectat non statim punire nocentes.
item sinere 22 ferri suis motibus. 222
Pulchritudo singularum mundi partium. 31. & seqq.
varij eius gradus. 42
Punitio cur saepe sera sit. 216
Puniti etiam falsorum Deorum cultores, & quare.
 214. 215

R.

- Regum & regnorum prosperitas à cultu Dei pendet.*
 199. & seqq. 212
Regum institutioni sacra Scriptura quàm idonea.
 206
Resurrectio mortuorum Philosophis ignota fuit, item
an naturalis. 311
qui à mortuis Resurrexerint. 298

S.

- Sacrilegij subita ferè & varia punitio.* 211. 212
Puniti etiam qui idolorum fana spoliabant, & cur.
 213. 215
Sanguinis officina hepar. 70
Sanguinis per humanum corpus dispensatio. 71
Sacra Scriptura auctoritas rationibus adstruitur. 118
Sacra & prophana historia discrimen. 205
Seminalis vis quàm varia ob finem operetur. 87
 Septi-

Septimo die post conceptum totius corporis forma apparet. 88

Semen ex impressione artis divina operatur. 92

Sol non est causa pulchritudinis rerum omnium. 33

Solis macula nuper detecta quid sint. 18

Sol in universo ut cor in animante non est propter se.

45

Species rerum nec extra individua, nec à se sunt. 2

Spirituales substantias esse *Oracula* gentium, & Energumeni ostendunt. 161. & seqq.

Suum cuique spiritum vel genium veteres assignarunt. 164

Spirituum ordo & subordinatio esse debet. ibid.

Spiritus non sunt à se, sed ab uno summo producti. 166

Spirituum naturalis, animalis & vitalis, ortus, dispensatio, officina, vehiculum. 69

T.

Terra mira conformatio. 54

Terra sub aquis latere deberet. ibid.

Terra cur à mari versus mediterranea sensim se attollat. 55

Terrarum varia conditiones & natura. 57

V.

Venarum in homine structura, vis, & multitudo. 71

Venus planeta crescit & decrescit ut Luna. 18

Ventorum commoda. 49

sine illis pluvia cessarent. ibid.

item navigatio. 51

Vis seminalis. 87

Virtus sine premio languescit. 261

Z 1

Virtus

INDEX.

<i>Virtus an sibi sufficiens primum.</i>	271
<i>Virtus in arduo.</i>	273
<i>Vocum in hominibus diuersitas quanta.</i>	112
<i>quàm ea utilis.</i>	<i>ibid.</i>
<i>Voluptas hominis spiritalis.</i>	238. 247. 264
<i>brutorum carnalis.</i>	236
<i>Vultum in hominibus quanta diuersitas.</i>	110
<i>que commoda afferat.</i>	<i>ibid.</i>

Z.

<i>Zeno motum negauit.</i>	13
----------------------------	----

ERRATA.

Pag. 7. lin. 12. querendam leg. querendum. p. 17. lin. 24. in occidentem leg. in orientem. *ibid* lin. 25. in orientem lege in occidentem. p. 11. lin. 6. ex casu fortuito leg. ex concursu fortuito. pag. 3. lin. 6. tempore leg. temperie pag. 47. linea 13. compatus leg. comparatus pag. 66. lin. 6. duobus leg. quatuor. pag. 67. in marg. 224. leg. 280. pag. 71. lin. 4 terminatur leg. terminantur. *ibid.* lin. 22. inflammationibus leg. inflammationibus. pag. 87. lin. 6. quorum leg. quarum. pag. 95. lin. 22. eos leg. eas. pag. 124. lin. 12. quingentorum annorum leg. vix quadringentorum. pag. 211. lin. 22. sacra leg. vasa sacra. pag. 214. lin. 6. Politiorum leg. Potitiorum. pag. 241. lin. 16. nulla leg. nulla. pa. 288. lin. 7. multa leg. multa. pag. 293. lin. 18. 1. Machab. leg. 2. Machab. pag. 312. li. 2. illicito leg. elicito. *ibid.* lin. 27. secernendas leg. secernendam. pag. 315. lin. 12. inciperet leg. inceperit.



IN LIBRVM
R.P. LEONARDI LESSII
DE NUMINE.

MAGNVS est numerus, fuitq; eritq;
Oris omnibus, angulisq; mundi,
Qui mundo negat imperare Numen.
Sed minor numerus, minor, minorque
Fiet LESSII ob aureum libellum
Quem de Numine condidit recenter.
Cuius qui modò, trésvé, quatuórvé
Pagellas leget, immò pauciores;
Negabit priùs esse in orbe Solem
Quàm verum neget esse in orbe Numen.

H. Hugo S. I.

APPROBATIO R. P. PROVINCIALIS.

EGO GVILIELMVS VERANNEMAN
Prouincialis Societatis IESV in Belgio,
potestate ad hoc mihi facta à R^{do} admo-
dum Patre nostro Claudio Aquaiua Ge-
nerali Præposito, facultatem concedo, vt
opus tus de Prouidentia Numinis & Ani-
mæ immortalitate, à P. Leonardo Lessio,
Societatis nostræ Theologo compositus, ac
grauium Theologorum eiusdem Societa-
tis iudicio examinatus & approbatus, typis
euulgetur. In cuius rei fidem has litteras
manu nostra subscriptas, & sigillo nostro
munitas dedimus. Louanij, anno Domi-
ni M. DC. XII. XX. Nouembris.

Guilielmus Veranneman.

APPROBATIO CENSORIS.

Hi libri vt varia sunt eruditione referti,
ita & prælo dignissimi.

*Guilielmus Fabricius Nouiomagus,
Apostolicus & Archiducalis li-
brorum Censor.*

SVMMA PRIVILEGII.

ALBERTI & ISABELLÆ CLARÆ
 EVGENIÆ, Archiducum Austriæ,
 Ducum Burgundiæ, Brabantia, &c. Serenissimorum Belgicæ Principum, Privilegium
 cautum est; nequis, *De Providentia Numi-
 nis & animi immortalitate libros duos aduer-
 sus atheos & politicos, Auctore LEONARDO
 LESSIO Societatis IESV S. Theologiæ Pro-
 fessore*, præter Martinæ Plantinæ viduæ &
 Balthazaris & Ioannis filiorum Ioannis Mo-
 reti p. m. voluntatem, intra decennium
 imprimat, aut alibi terrarum impressos, in
 has Inferioris Germaniæ ditiones importet,
 venalesve habeat. Qui fecùs faxit, confi-
 scatione librorum & aliâ graui poenâ mul-
 ctabitur, vti latius patet in litteris datis
 Bruxellæ, xviii. Decembr. M. DC. xii.

Signat.

De Berti.

Et in Concilio Brabantia

Buschere.

ANTVERPIÆ,
EX OFFICINA PLANTINIANA,
APVD VIDVAM ET FILIOS

IOANNIS MORETI.

M. DC. XIII.



LABORATORIO RESTAURO
A. Lombardi
Via Valsugana n. 125-127
Tel. 899908

